



Handwritten text in Arabic script, possibly a title or a short passage, located in the upper right quadrant of the page. The text is faint and partially obscured by ink smudges and paper texture.

Don B. 1





E P I T O M E
D O C T R I N Æ
M O R A L I S & C A N O N I C Æ

Ex

Constitutionibus ac Operibus
B E N E D I C T I X I V . P O N : M A X :

Per

*Illustriſſimum & Reverendiſſimum Dominum
Manſum Archi-Ep: Lucenſem*

C O L L E C T U M,

Perilluſtri & Reverendiſſimo

D E C A N A T U I
C A L I S S I E N S I .

P. P. Eremiti. Carmeli. Inſula Wigrenſis.
una cum

T H E S I B U S T H E O L O G I C I S
Publicæ Diſputationi Expoſitis

Per

*Rndum Caſmirum B O J A N S K I Theologum
Conſummantem*

D I C A T U M .

&



RECUSUM CALISSII

Typis S. R. M. & Reipubl. 1774.

Bien. B. IV. 4)

Ejusdem Decanatus
VIRI LECTISSIMI

D E C A N U S

Perillustris & Admodum Reverendus Dominus
Dominus THEOPHILUS GRADECKI
P. Rossoszyensis.

Perillustris ac Reverendissimus Dominus Do-
minus DAMIANUS SADOWSKI Abbas Orłowi-
ensis Canonicus Natus Califfiensis Præpositus
Kościelneńsis.

Perillustres, Illustres & Admodum Rndi Dni
STANISLAUS RADONSKI Canonicus Califfi-
ensis P. Gostyczy: & Povidzenfis.

ADALBERTUS JRZYCKI Canonicus Natus
Califfiensis Præpositus Canonicorum Regularium
Lateranensium Califf:

Vice-Decanus

JOANNES WRONSKI P. Gizycensis & Kra-
szewicenis.

Assessores Decan:

STANISLAUS PODBOWICZ Canonicus Califf:
Præpositus Szkalmierzycensis Publ: S. Autho: Apo-
stolica Notarius.

CASIMIRUS KEDZIERSKI P. Szczureńsis Se-
nior Decanatus.

SAMUEL GADZIOROWSKI P. Soboteńsis
& Stupentis.

Notarius Decan:

MATHÆUS CZEPINSKI P. Biskupicenis.

Instigator Decan:

ADALBERTUS KLONICKI P. Ociążensis &
Kwiatkowieńsis.

STA-

STANISLAUS BIATKOWSKI Vice-Præpositus Califfensis.

FRANCISCUS MIDALSKI P. in Utraque Dobrzec.

JOSEPHUS SOSINSKI P. Lewkowienfis.

ALEXANDER OYRZANOWSKI P. Droszwienfis.

JOSEPHUS KARCZEWSKI P. Kucharenfis.

JACOBUS KEMPSKI Canonicus Reg: Lateran: P. Kucharcentis

BENEDICTUS KAWICKI P. Skrzebowienfis.

Insignis Collegiatae Califfensis Vicarii Eiusque Parochiæ Curati ac P. Tłokinenses.

MATHIAS ZIELENKIEWICZ.

JOANNES GORCZYNSKI.

LAURENTIUS PRZEBOŁOWSKI

Ven: Confistor: Califf: Infigator.

THOMAS LUBERT.

ANTONIUS KANIA.

Commendarii Perpetui.


ANTONIUS LIPSKI Com: Gostyczynenfis.

MATHÆUS DZIWINSKI Com: Krafzewicenfis.

MAURITIUS BOCHENSKI Comm: Ołobocenfis Eccle: S. Joań: Conv: Moni: S. Ordinis Cister: Concionator.

JOSEPHUS LESINSKI Vicarius Sobotcentis.

SIMON SZCZYGIELSKI Mantionarius Szkalmierzycentis.



M Æ C E N A T E S
AMPLISSIMI.

Ulramini fortasse, ac insolita quadam ex-
pectatione tenemini, quid sit! quod
Vobis ut pote tot tantisque Viris con-
gruum, vestra tam præclara tamque excellenti
Corona dignum, in hac publica Vestris sub
Auspiciis suscepta Consummata Theologica Di-



sputatione consecratu judicaverim. Verum Vos metipfos respicite Mæcenates Dignissimi, ac ubi illud, quod vos præ alio Scientiarum genere magis magisq; delectat, consideraveritis: meum pusillum licet hac in re judicium respuendum haud putabitis. Vidimus enim penitusque perspeximus, in hoc Vestro Excellentissimorum virorum delectu, jam Theologiam Speculativo Dogmaticam, jam Moralem, jam Juris Canonici præstantissima scientiarum genera fixisse sedem: jure igitur ac merito una cum Thesibus Speculativo Dogmaticis Moralis nec non Canonice Doctrinæ Compendium Vos Patrones ac Auspices quærere, pro benevolentia vestra statumus.

Et sanè, si prioris generis Theologiam Dogmaticam scilicet spectem? Si Vestram in ea olim addiscenda consuetudinem memorem? fateri cogor, hanc tantâ à Vobis adornatam fuisse frequentia, tantâ per assiduas Vestras Exercitationes curâ cæteris omnibus esse commendatam: ut nos etiam longa licet serie distantes Posteris non lateat: quânto studio, quam diligenti opera, quam denique creberrimis jam Scholastico, jam Domestico Academicis Disputationibus, Divinam hanc scientiam comparare ac in eam incumbere conati fueritis. O! si possibile



bile foret vestros hos, vestroq; conatu claros re-
dixit annos! non dubito, quin cum majori ac
vehementiore animorum nostrorum gaudio ta-
lia intueri, quàm nunc recensere, ac vestigia
solum palpare, quemque delectaret. Verùm non
hic sistit Vestrum Viri Dignissimi in istud Theo-
logicæ facultatis genus Studium, haud satis es-
se judicatis, cœlestem hanc sapientiam usu ac
exercitatione tractare, ejusdemq; utilitatem non
tam verbis quàm conatibus persuadere: dum
Manibus etiam liberalissimis eandem in publicæ
Disputationis solenne Theatrum levare, autho-
ritate protegere, tueri majestate, ac universæ
Theologicæ Patronos ac Mæcenates gerere di-
gnati estis. Non ne igitur primum hoc supre-
mæ istius Scientiæ genus in Lectissima Vestrum
corona sedem posuisse asseram? imo verò non
sine gravi fundamento asseram.

Quid autem dicam de altera, quæ Mo-
ralis est, nondisparis a priore dignitatis ac præ-
rogativæ doctrina? Hanc tantoperè in Vobis
Viri Eruditissimi elucere perspectum explora-
tumq; est, ut sive hæc Moralis ab eo, quoddam
regulas morum traderet, sive quod easdem tra-
dere doceret, nominetur: semper eam Vobis
singulari ac excellenti quadam ratione insitam
esse, procul dubio est. Mirantur quippe no-

stris



Aris alijsq: Regni hujus partibus degentes Incolæ, ac necum etiam auscultantibus aliis ultro fatentur, in hac quam incolitis Provincia, Ecclesiasticos quosque Viros Vitæ sanctitate, moribus integritate in exterioribus etiam omni laude majori temperantia Antiquiorum Apostolicorum Virorum veram præferre speciem. Vestra est in hoc laus Mæcenates Amplissimi, vestrae totius Coronæ tanta prærogativa; ut quo magis eam se prodere luculento constet, eò clarius Moralem Theologiam non animis solum verum etiam moribus Vestris (quod caput est) defixam esse manifestum sit. Magna sunt hæc, at sequuntur majora. Quid enim est tam amplum? quàm Viros hos in præfata morum Scientia eruditos cognita ac exhausta opere implere? implent, hac ratione Ecclesie Membra sibi commissa ædificare? ædificant, denique perfectiori quodam studio prius in se expressa populo Dei tradere? tradunt. Equidem his perspectis, nihil majus, nihil vestris tam præclaris facinoribus dignius, nihil laudum vestrarum panegyri congruentius dici, sed nequidem cogitari potest: quam quod ipsa Aeterna Veritas in laudem tantorum Virorum proferendum duxerit, inquit: Qui fecerit & docuerit hic magnus vocabitur, in regno Cælorum. Deum si ztū quoque Generis Doctrinam, Ca-



nonicam videlicet, Liber hic Vestris Viri Cla-
rissimi clarus nominibus continet; gestire quo-
dammodo ac gloriari hisce insignitus videtur:
propterea quod Eos se invenisse Patronos no-
verit, quos ne hanc etiamnum Scientiam latere
compertum sit. Fatendum equidem in istis Re-
gni Nostri Provinciis Sacrae hujus Juris Pru-
dentiae paucos fuisse Magistros: at illud etiam,
quod scilicet Vester hic praestantissimus Cætus,
in imis olim Universitatibus degentes alios,
alios ex Classicis Scientiae hujus Authoribus
perfectos numeret, negare non possumus. Re-
stat itaque ut jam admittatis Nominibus Ve-
stris dicatum ac consecratum munus istud Mæ-
cenates Dignissimi, resuant ad suos quasi fon-
tes Vobis faventibus triplicis doctrinae rivuli.
Redeat speculativus ad Viros hosce tanta insi-
gnitos praestantia, ut ex iis Publicae etiam
Scholastico Theologicae Cathedrae nancisci pos-
sint Magistros, redeat Moralis ad Viros aded
in hac Morum scientia eruditos, ut eorundem re-
gulas in publicis etiam ac praestantiori homi-
num delectu instructis locis ac Ecclesiis erudire
ac praedicare queant; redeat denique Canonici
ut pote ad Eos, è quorum Gravissimo De-
lectu Viris ejusdem doctrina perquam optime
imbutis prima Judicium sabellia occupari va-
leant. Accipiat velim id, quod ecce jure Ve-



*stro ut Vestrum vindicatis, ac desertum tot
annis Universæ Theologiæ suscipiatis præsidium.
Et hanc Vestram in tuendo Majestatem, in
protegerendo Benevolentiam, in sublevando Li-
beralitatem eadem ipsa Theologia Univerſa in
his, Et cæteris quibusvis Alumnis ac Posteris
pollicetur prædicandam.*

Præcipuè verò

Devinctissimus Servus

C: Boiánſki.

THE-

T H E S E S

Ex

U N I V E R S A
T H E O L O G I A
S E L E C T Æ.

EXTRACTATU
DE DEO.

I.

DEUS essentialiter est Unus & in omni genere Perfectissimus.

II.

DEUS, ut in se est neque unquam visus est, neque videri potest oculis corporeis.

III.

Visio DEI intuitiva non differtur Justis ad resurrectionem corporum, adeoque animæ illorum plenè purgatæ fruuntur visione DEI.

IV.

Inest DEO rerum omnium scientia eaque perfectissima.

V.

V.

DEUS ab æterno habet voluntatem sinceram salvandi omnes homines.

VI.

Efficax & absoluta prædestinatio justorum ad gloriam, est, post prævisam absolutè futura.

VII.

DEUS in hac providentia nullum hominem positivè reprobat ante prævisam absolutè in peccato actuali vel originali, vel utroque simul perseverantiam finalem.

VIII.

Tres sunt Personæ in DEO realiter inter se distinctæ & unica illarum natura.

IX.

Spiritus Sanctus a Patre Filioque procedit.

EXTRACTATU

DE FIDE.

X.

Evidens est Fidem Christianam five Religionem Catholicam esse à DEO revelatam, cujus summa est symbolum Apostolicum ab ipsis Apostolis Ecclesiæ traditum.

XI.

Præter Scripturam admittendæ sunt traditiones Divinæ & Apostolicæ.

XII.

Ecclēsia Christi est una, non constat ex ipsis prædestinatis, neque ex ipsis justis & perfectis fidelibus.

XIII.

HÆc cum sensus genuini Scripturæ, tum aliarum quæstionum Fidei est Judex infallibilis.

XIV.

Petrus à Christo institutus est supremus Ecclesiæ Pastor, & Caput Ejus visibile, dataquè est Illi potestas Ecclesiam gubernandi.

XV.

ROmani Pontifices sunt Petri successores in regimine totius Ecclesiæ.

EXTRACTATU

DE INCARNATIONE.

XVI.

Messias prædictus in Scripturis jam a multis sæculis venit.

XVII.

Jlle est JESUS Christus Filius MARIÆ verus DEUS, & verus Homo.

XVIII.

Verbum Divinum ex MARIA operâ Spiritus S. carnem assumpsit illibata Ejus semper Virginitate permanente.

XIX.

Unica est in Christo hypostasis seu Persona Divina.

XX.

Virgo MARIA vere est DEI-Para.

XXI.

Imagines, & Reliquiæ Sanctorum dignæ sunt cultu relativo; & quidem eo quò adorentur eorum prototypa.

EXTRACTATU

DE GRATIA.

XXI.

S. Augustinus & Alii Catholici nunquam contentabant cum Pelagianis de Gratia DEI necessitante admittenda.

XXII.

Status Naturæ puræ est possibilis.

XXIII.

Homo sine gratia interna præveniente nihil quidem quam potest velle, agere, perficere, aut etiam inchoare, quod conducat ad salutem æternam.

XXIV.

Gratia Divina efficax nullam voluntati necessitatem simpliciter talem imponit.

EXTRACTATU

DE SACRAMENTO POENITENTIÆ.

XXV.

Estat in Ecclesia Sacramentum Pœnitentiæ propriè dictum.

XXVI.

Estque à Sacramento Baptismi ejusquæ memoria omnino distinctum.

XXVII.

In re vel in voto necessarium est omnibus iis, qui post Baptismum mortaliter peccaverunt.

XXVIII.

XXVIII.

TAm forma consistens in Absolutione, quam materia consistens in contritione, sunt de essentia Sacramenti pœnitentiæ.

XXIX.

Satisfactio verò in re, est solum de integritate.

XXX.

Fides ad justificationem necessaria non est illa fides specialis & fiducialis sed dogmatica.

XXXI.

Nec sola fides sed & altarum virtutum actus requiruntur ad justificationem.

E X T R A C T A T U

D E J U S T I T I A & J U R E .

XXXII.

Licta est justa & conveniens rerum, & dominiorum divisio, atque adeo licitum est dominium proprium & peculiare omnibus Christianis etiam Ecclesiasticis.

XXXIII.

Clerici beneficiati strictiori jure tenentur erogare superflua pauperibus, aut in usus pios, ita ut mortaliter peccent, si in profanos usus impendant.

XXXIV.

Post erecta beneficia probabilius verè sunt Domini omnium suorum proventuum.

XXXV.

Religiosi solenniter professi in particulari sunt incapaces Domini, possunt tamen habere dominium in communi.

XXXVI.

XXXVI.

IN vitam hominis solus DEUS habet dominium.

XXXVII.

Licitum tamen est occidere malefactores bono communi noxios, non quidem privata sed publica autoritate.

XXXVIII.

Nulli unquam est licitum directè ex intentione occidere innocentem, neque seipsum.

XXXIX.

Homo per se loquendo est Dominus suæ famæ & honoris.

E X T R A C T A T U
DE BEATITUDINE & ACTIBUS HUMANNIS

XL.

SOLUS DEUS est illud summum bonum, quod perfectè animam rationalem beatam efficit.

XLI.

Beatitudo hæc formalis consistit tam in visione DEL intuitiva, quam in amore fruitivo.

XLII.

Datur post hanc vitam locus purgatorii, in quo quorundam Fidelium animæ propter peccata in vita comissa, nec plenè expiata, post mortem pœnis quibusdam detinentur, priusquam ad Beatorum societatem transferint.

XLIII.

ATque hæc possunt juvari virorum suffragiis.

XLIV.

Corpora mortuorum eadem & integra aliquando resurgent.

EX

EXTRACTATU
DE SACRAMENTIS.

XLV.

Sacramenta novæ Legis sunt septem nec plura
nec pauciora.

XLVI.

Omniaq; rebus tanquam materia & verbis tan-
quam forma perficiuntur.

XLVII.

Differunt a Sacramentis Veteris Legis, quod hæc
non autem illa causent gratiam ex opere opera-
to, moraliter tamen non phyfice.

XLVIII.

Ad valorem porro eorundem requiritur intentio fal-
tim generalis id quod facit Ecclesia Christi.


XLIX.


Non tamen omnino requiritur probitas aut fides
Ministri.

L.

Ritus, qui adhiberi solent in administratione Sa-
cramentorum, pie & laudabiliter ab Ecclesia
instituti sunt.







EPITOME

DOCTRINÆ MORALIS

ET

CANONICÆ

EX OPERIBUS

BENEDICTI XIV.

ABBATES.

ABBATES Regulares, nullam animarum Curam gerentes, ad Synodum Diœcesanam accedere nequaquam tenentur. ut ex Decretis Sacræ Congregationis. *De Synodo Diœcesana* l. 3. c. 2. §. 3. iterumque l. 7. c. 65. §. 2. l. 12. c. 1. §. 2. nov. Edit.

ACTUS FIDEI.

Actus Fidei non debet comprehendere tantum in genere quidquid Fides dicat, sed debent etiam credi explicite ea Myſteria, quæ ſciri debent. *Inſtit. Eccleſ.* 72.

A

AD-

A D V O C A T U S.

Rescripta, & Brevia pro exercendo Advocati munere Monachis, etiam Canonicis Regularibus, nunquam conceduntur, quod conforme est Canonis: *Ex parte tua. De postulando. De Synodo Diœces: l. 13. c. 10. §. 12. nov: edit.*

Sæcularibus vero Clericis, etiam Beneficiatis, tum & sacris Ordinibus initiatis conceduntur, ut Advocaturam exercent in Tribunalibus Ecclesiasticis, in laicalibus, & coram Judice sæculari cum agitur causa propria ipsorum, vel Ecclesiæ suæ, vel miserabilium personarum. Quamquam in Brevibus habere conceditur Sacerdoti sæculari pauperi, ut libere causas civiles, & criminales agat, dummodo in criminalibus tantummodo reis patrocinetur; quin & tandem munus illud exercere permittitur donec certos Ecclesiasticos redditus ad congruam sustentationem sufficientes, vel Beneficium residentiale obtineat. *De Synod: Diœces: l. 13. c. 10. §. 12. nov: edit.*

A L I E N A T I O.

Alienationes rerum immobilium, & mobilium pretiosarum, vetitæ sunt quoque Regularibus, etiam speciali commemoratione dignis, *Ex Decr: Urb: VIII. sub die 7. Sept: 1624.* Hæc tamen intelligenda sunt de bonis Ecclesiæ incorporatis. Quæ vero non sunt incorporata & debent alienari, ut sunt res relictae PP. Reformati S. Francisci, non possunt eorum Sindici procedere ad earum venditionem, nisi præfixo edicto, ut magis offerenti vendantur. *Ita ex Decr: Sac: Cong: Con: instit: Eccles: 69. §. 8.*

Alienationes etiam rerum inferioris valoris, quæ comprehenduntur in Cap: *Terrulas*, debent etiam a Regularibus fieri de licentia Episcopi. *Instit: Eccles: 69. §. 9.*

Alienantes, & recipientes bona alienata contra Extravag: *Ambitiose*, incurrunt excommunicationem

Ex Operibus Benedicti XIV.

3

Pontifici reservatam. *Ibid.*: §. 10. Regulares vere ultra hanc incurrunnt ipso facto pœnam privationis Officiorum *ex Decreto Urbani VIII. Ibid.*

Quamquam ex Can: *Bonæ* 12. *Quæst.*: 2. jus sit Episcopo molienti novum Monasterium in sua Ecclesia, donandi illi quinquagesimam partem reddituum Ecclesiæ suæ; cum tamen Episcopi in sua consecratione jurent se non alienaturos possessiones ad Mensam suam pertinentes; hinc optime intulit S. Congregatio interdictam esse Episcopo hanc, & aliam quamcumque alienationem. *De Synod. Diac.*: l. 7. c. 72. part. 12.

A L T A R E.

Sacerdotibus Latini ritus in Russia Polonica degentibus, tui præsentibus, quam futuris conceditur, ut deficientibus tabulis lapideis consecratis, missam celebrent super Antimensis Ruthenorum unitorum. Ritu tamen latino sacrum agere illis injunctum est. Sunt Antimensia lintei quia Episcopali benedictione consecrati, in quorum angulis Sanctorum Reliquiæ reconditæ sunt. *Const. Imposito. nobis. Bull. Tom III. Const.*: XLVI.

ALTARE PRIVILEGIATUM.

In Brevibus pro Altari privilegiato solet definiiri numerus Missarum, quotidie in Ecclesia celebrandarum; si forte accidat, ut aliquibus diebus numerus iste Missarum desit, dummodo sæpius in hebdomada tot Missæ celebrentur, quod privilegium illud exigit, id non sufficere, declaravit Sacra Congregatio die 11. Septembris 1694. Decretumque illud approbavit Innocentius XII. ex quo resultat necessarium esse singulis diebus numerum Missarum definitum. *Institut. Eccle.*: 56. §. 16.

Indulgentiæ Altaris cum definito numero Missarum, si forte contingat tempore Adventus, & Quadragesimæ, ut in Ecclesiis Regularium impleri non possit

4. *Epitome Doctrinae Moral: & Canon:*
possit numerus, remanent suspensæ. Reliquis Annis
diebus, si forte id raro contingat, non remanent
suspensæ, sicut nec remanent, si ob infirmitatem
Sacerdotum tam Sæcularium, quam Regularium, ra-
ro tamen si id contingat: Ita Sacrosancta Congrega-
tio die 30. Julii. 1706. *Ibid: §. 17.*

APPELLATIO.

Appellationes omnes, & Inhibitiones per quas
retardetur executio, aut impediatur processus ad ul-
teriora in iis, quorum executio a Tridentino, vel
Constitutionibus Apostolicis commissa est Locis
Ordinariis, addita clausula: *appellatione, vel inhibiti-
one quacunque postposita*, ne a Tribunalibus recipian-
tur, statuit Pontifex in Bulla Ad Militantis Bull: to:
x. n. 48 Quæ si appellationes, inhibitionesque conce-
dantur, præterquam hoc ejus statutum violatur, nul-
læ sunt. *Ibid: §. 38.*

Excipiuntur tamen casus, qui forte occurrerint
singulares ab hac regula eximendi: tunc vero ne
dentur Monitoria, Citationesque vetat, nisi prius in
supplici libello ad hoc porrigendo facti circumstan-
tia peculiaris clare exponatur cum aliquo documen-
to semiplene saltem eandem circumstantiam verifican-
te. *Ibidem: §. 39.*

ASPERSORIUM.

Episcopo ingredienti aliquam Ecclesiam Colle-
giatam porrigi debet aspersorium non ab Archidiacono,
seu aliis de Capitulo, sed a digniori illius Ec-
clesiæ. Si vero cum suo Capitulo Cathedralis capi-
tulariter eum indumentis Canonicalibus ad aliquam
Ecclesiam suæ Diocesis procedat, porrigi illi debet
a digniori de Capitulo Cathedralis. *Instit: Eccl: §. 105.
§. 128. Ex Decretis Sac: Congr: Rit.*

BAPTISMUS.

Natis infantibus Baptismus conferri quam primum debet, peccantque graviter qui diu illum differunt; tempus autem indefinitum est, latoque edito mandatum fuit Romæ anno 1723. ut intra tri-duum infans lavetur *Institut. Eccles. 98. §. 3.*

Non licet absque necessitate Baptismum conferre in privatis domibus. *Institut. Eccles. 98. §. 9.*

Nihil offit validitati Baptismi error privatus baptizantis, dummodo in materia, & forma nihil innovetur. *De Synod. Diœces. Lib. 7. cap. 6. §. 9. nov.*

Infans, cujus corpusculum nondum e matris utero prodivit, sed materno utero jam referato mox proditurus est; & moriturus timetur, debet inducâ aqua instrumento aliquo baptizari, sed sub conditione baptizandus est. *Synod. Diœces. lib. 7. cap. 5. §. 6.*

Si vero infans aliqua sui corporis parte, non vero capite prodierit, baptizandus est sub conditione in ea parte, quæcunque illa fuerit, quemadmodum Rituale Romanum præscribit, (quidquid in contrarium Theologorum plures sentiant quando pars illa est ex principalioribus, ut pectus, scapulæ, brachia &c.) iterumque sub conditione in capite baptizandus est, si totus exierit. Si vero caput unice detectum fuerit, baptismate absolute tingendum est. *Ibid. §. 7.*

Baptismus cum conditione adjecta non conferatur absque lethalis culpæ crimine, nisi prudens dubitandi ratio suppetat, an antea validus Baptismus collatus sit: *Ibid. Cap. 6. §. 3.*

Si de administrato Baptismate unns tantummodo testis affirmet, ut Obstetrix, cum illâ tunc testificetur de factò proprio, ex hoc tantummodo non est hoc Sacramentum reiterandum; siquidem illa in-
terro-

6 *Epitome Doctrinæ Moral: & Canon:*

interrogata, materiam, & formam hujus Sacramenti probe scire demonstrat. Idemque præstandum est in locis, ubi Obstetrices antequam ad munus istud admittantur de ratione administrandi rite Baptismum edoceri solent. *Ibid: §. 4.*

Testis unicus, etiamsi mulier sit, sufficit ad probandum Baptismum. *Can: Parvulos, & Can: Cum itaque de Consecr: Distinct: 4. Institut: Eccles: 98. §. 13.*

At si testimonium sit ab homine incerto, in re adeo gravi ignoto testimonio deferre non possumus, quare tunc rebaptizandus est infans sub conditione, etiamsi schedulam de suscepto Baptismate e colloca-
spensam ferat, uti pro expositis in Hospitali de S. Spiritu in Saxia de Urbe, respondit Sacra Congregatio Concilii die 5. Januarii. 1724. *De Synod: Dioces: lib: 7. Cap: 6. §. 5.*

Si vero agatur de Baptizatis ab Hæreticis, qui ad Fidem Romanam venire petunt, tunc oportet investigare, num in Secta illa Hæreticorum innovatum sit aliquid circa Materiam, & Formam Baptismi? Quod & si ex ista investigatione nihil certi resultat, tunc ac in dubio Baptismate agendum est. Hoc dubium rationabile censendum est in Baptismate hæreticorum Hollandiæ apud quos mos invaluerat, ut alter aquam funderet, alter formam pronuntiaret. Quare & nunc pariter, ut in re dubia cum illis agendum est, uti & cum Hæreticis Angliæ, quemadmodum ex Silvio, aliisque statuitur. *Ibid: §. 8.*

Irregularitas ex iteratione Baptismi contrahitur etiamsi Baptismus absque prudenti dubio sub conditione innovetur, ut ex Catechismo Romano multo probabilius deducitur. *Institut: Eccles: 84. §. 18.* Hanc vero poenam etiam baptizantem afficere, non baptizatum tantummodo, ferme inter omnes convenit. Sicut & ea affecti non tantum ad altiores Ordines ascen-

scendere vetantur, sed & ab exercitio jam susceptorum Ordinum absterrentur, quæ tanquam magis cohærens auctoritati Cathæchismi Romani opinio præferatur alteri neganti. *Ibid: §. 18.*

Admitendum esse ad Baptismum infantulum Hebræum, postulante Avia paterna Christiana, licet reclamet mater Hebræa defuncto marito, & Tutores testamentarii, censet Pontifex in Epistola ad R. P. Hieronymum Guglielmi Congregationis S. Officii Assessorem, ex eo quod Avia comprehendere possit sub appellatione Parentum, & favore Religionis facile prævalet Matri, & cæteris Tutoribus testamentariis; sicut Mater Christiana postulans Baptismum pro filio prævalet Patri infideli reclamanti; & si quid dubii superesse possit, in dubio favendum est Religioni. Hanc Epistolam habes in Bullatio Benedicti XIV. Tom. III. num: 54.

Baptizari infideles invititis parentibus vel tutoribus licite non possunt, nisi infantes fuerint in mortis extremo, vel expositi tanquam a parentibus derelicti. Si vero expositum quis baptizandum assumpsit, potest illi lavacrum salutare impertiri etiam Synagoga, vel parentibus reclamantibus. Si vero Pater infidelis offerat infantem suum, dein facti sui pæniteat, & nolit baptizari, tunc puer ante usum rationis est baptizandus; qui vero sui compotes sunt, in domo cathæchumenorum explorandi sunt, si velint.

Tandem si qui pueri baptizati sunt etiam parentibus invititis, tunc ille qui baptizavit peccavit graviter, sed baptizatus restitui parentibus non debet, at penes Christianos educari. Porro in eo casu Baptismus vel unico teste idoneo probatur, etiam si semina sit, vel etiam si sit ille, qui Baptismum contulit, in quo casu puer nec sub conditione rebaptizandus est.

Hæc

8 *Epitome Doctrinae Moral: & Canon:*

Hæc de pueris ante usum rationis; qui vero rationis capaces sunt, uti sunt communiter post septimum ætatis annum, si sese sponte obtulerint Baptismo, possunt baptizari, quod verum est etiam si non certo constet, sed dubitetur de capacitate rationis post septennium. Si vero hoc dubium præcedat septennium, tunc debet puer retineri apud Christianos, suspenso interim Baptismo, quoad usque certus usus rationis superveniat.

Si adulti illi careant intentione recipiendi Baptismi, adeo ut illam nec ipso actu, nec antea habuerint, tunc baptismus est invalidus. Validus est, si antea fuerit habita, & nunquam interim retractata. Quod si neutra fuerit voluntas in suscipiente, tunc in eam sententiam inclinandum est, quæ invalide baptizatum pronuntiat.

Si post Baptismum affirmet neophytus se caruisse intentione sufficienti, nec afferat dicti sui idoneas probationes, retinendus est, & denuo tingendus sub conditione. Vicissim si illas afferat, neque iterum baptizari velle, remittendus est. Hæc omnia late disputat Pontifex in Epistola ad Vicegerentem Postremo mense. *Bull: tom: 2. num: 28.*

Si mulier gravida decedat, potest Episcopus injungere, ut per sectionem cæsaream extrahatur ex utero infans, qui forte vivus reputatur, ad hoc, ut sacrum Baptisma conferatur. Non enim id est impossibile, ut extrahatur vivus. *De Synod: Dioc: f: Lib: II. Cap: 7. §. 13. nov: edit.*

Baptismum ministrare tempore pestis eo morbo obstrictis per se non tenetur Episcopus, cum ille sit tanquam causa universalis, quæ non per se, sed per particulares, id est per parochos operatur; si tamen alius, adfit qui præstare id possit. *De Synod: Dioc: ces: Lib: 13. cap: 19. §. 6. nov: edit.*

Ex Operibus Benedicti XIV.

BARBITONSORES.

In Diœcesi, ubi adest consuetudo exercendi artem barbitonsoriam, etiam die festo, permitti potest; sed tantummodo definitis diebus, non vero omnibus. *Institut: Eccles: 43. per totum.* Opus est tamen servile, nec nisi ex consuetudine tolerandum. *Ibid: §. 2.*

BENEDICTIO.

Benedictio sacrarum Vestium utrum ab Episcopo simplici sacerdoti committi possit quæstio est anceps inter Scriptores. Insignes tamen Episcopi, facultatem hanc plerumque a S. Congregatione petunt. *Institut: Eccles: 21. §. 9. et 10.*

Utrum benedicendum sit Cingulum, Pluviale, & sacra Pixis quæstio est inter Doctores. Probabilior tamen censetur opinio quæ benedictionem exigit, cum pro Pixide sit peculiaris benedictio in Rituali. *Ibid: §. 12.*

Si ex veteri sacro vestimento novum aliud diversæ formæ conficiatur, ut si ex stola manipulus &c. benedictio iteranda est. *Ibid:*

Episcopi titulares jus nullum habent consecrandi sacro Chrismate vasa sacra, quia cum in his adhibendus sit usus Pontificalium, non datur illis huiusmodi in aliena Diœcesi. *Ibid: §. 15.*

Abbatibus Regulares benedicere campanas, & Calices pro usu alienarum ecclesiarum (possunt enim pro suis) negavit Alexander VII. in suo *Decreto diei 27. Septembris 1659.* Consulta S. Congregationum potuerint indumenta sacra benedicere pro alienis Ecclesiis, eo quia obtinuerint Indultum Apostolicum; responsum fuit; exhiberi illud Indultum authenticum ex Archivo Apostolico desumptum, ac interim abstinere. *Ibid: §. 19.*

Benedictiones, & unctiones Campanarum cum Capitularibus Caroli Magni indicentur, antiquissimæ sunt.

sunt. *Institut: Eccles: 47. §. 30.* eisque nomen alicujus Sancti imponi consuevisse ex Alcuino discimus. *Institut: Eccles: 47. §. 26.*

Benedictiones campanarum ad nimbos depellendos approbantur, neque id tribui posse impressioni aeris a campana impulsæ afferitur. *Ibid: §. 27.*

Solus Episcopus jus habet campanas benedicendi, cum sacra unctio adhibenda sit, nec potest facultatem alteri subdelegare. *Ibid: §. 38.*

Ex præcepto Pontificis Romani campanæ Ecclesiarum benedici debent. *Ibid:*

Potest Episcopus suspendere sonum campanarum quæ ab Episcopo benedictæ non fuerint, ut ex Decretis Sacræ Congregationis. *Ibid:*

Benedictionum equorum, & aliorum animalium die festa S. Antonii Abbatis formula habetur: *Institut: Eccles: 47. §. 12.*

Benedictiones in vermes, & insecta habentur. *Ibid: §. 20.*

Benedictiones cum Reliquiis, non esse improbandas, quidquid dicant nonnulli, ex praxi etiam Romæ recepta probatur. *Ibid: §. 26.*

In benedictione Pontificia super populum, quæ a quibusdam Regularibus aliquoties in anno ex privilegio datur, unicum tantum Crucis signum formandum est more sacerdotali, non tria more Episcopali. *Encyclic: Exemplis Bullar: tom: II. num. 43.*

Facultatem benedicendi morituros cum plenaria Indulgentia, quam Antistes Ecclesiarum cum Epistolis in forma brevis ad triennium obtinuerunt, ad totum illud tempus, quo in ea diœcesi perseverabunt, prorogat Benedictus XIV. in *Encyclic: ad omnes Antistes PIA MATER &c. Bullar: Tom: II. num. 34.* ac imposterum ita esse expediendas facultates illas denuntiat, easque panter communes esse

se vult Prælati inferioribus territorium separatum habentibus cum qualitate nullius, & activa in populum, & Clerum jurisdictione. His omnibus dat facultatem subdelegandi, ut ipsis quomocumque impeditis, etiam diurno tempore possint hanc benedictionem per delegatos elargiri. Hanc delegationem fieri maxime vult per Diæcesim, ut omnibus præsto esse possint, quæ delegatio morte delegantis non expiret, sed perseveret usque ad superventum novi Præsulis, cujus in arbitrio est eos confirmare, vel removere. Quare novus quidem Præsul postulare debet a Pontifice eandem facultatem, non vero delegati illi, quia perseverat in illis prioris Episcopi delegatio; ita Pontifex. *Ibid.*

Si tamen Præsul ex una Ecclesia transferatur in aliam, nova indiget facultate, quia prior illi data fuit præcedentis Diæcesis intuitu.

Ritus hujus benedictionis impertiendæ habetur descriptus in eadem Encyclica.

Tres Benedictiones impertiunt Abbates Regulares ex decretis Alexandri VII. in Missis, Vesperis, & Matutinis solemnibus. In Missis privatis nihil supra reliquos Sacerdotes illis concessum est. Ex iisdem Decretis. *Institut. Eccles.* 34. §. 19.

B E N E F I C I U M.

Beneficium si quis fundaverit de suis bonis cum pacto, ut ipse tamquam beneficiatus illis fruatur, tunc post obitum suum jus patronatus transeat ad hæredes, quanquam simoniacum id audiat apud multos; attamen ab ea labe immune cenferi potest; neque enim satis esse discriminis apparet, inter eum qui fundat beneficium cum pacto, ut conferatur filio suo &c. & illum qui vult sibi conferri; utrinque enim pactum adest, ita ex Pitonio. *Institut. Eccles.* 95. §. 7.

Si quis vero offerat bona in augmentum Beneficii jam erecti, nec tamen Patronatus eius acquirat tunc pacifici non potest, ut sibi Beneficium illud conferatur, ut ex Cap: *Tua nos da Simonia. Ibidem §. 12.*

Patronus non potest se præsentare ad Beneficium, ut ex Cap: *Per vestras de jure Patronatus*, sed potest rogare Episcopum ut si inveniatur dignus sibi illud conferat: siue debet jus Patronatus suum alteri donare donatione sincera, ex qua ipse perpetuo expolietur jure Patroni, quando donationem approbaverit Episcopus, vel saltem Episcopus con- rat eiden absque prævia præsentatione Beneficium, & beneficiatus illud acceptet, tum post collationem ipse præstet consensum suum. *Institut: Eccles: 95. §. 5.*

Beneficia resignantes sub pensione, si clam pactum iniverint cum resignatario de cedenda illi pensione, seu commodo exigendi fructus ejusdem pensionis, soluta anticipata pecunia, pactum istud irritum, & inane declaratur. Item resignatarii decidunt ab omni jure Beneficii ipso facto absque ulla Judicis declaratione, & pecunia soluta restitui debet sub peccato gravi, quæ ab Ordinario applicanda est locis piis. Eisdem pænis subjacent hæc eadem pacta inita intra sex menses a die receptæ per resignatarium Beneficii possessionis. *Bull: Tom: I. Bulla in Sublimi.*

Vetitum est etiam Beneficiariis sub pæna excommunicationis ipso facto incurrendæ & nullitatis actus vendere, ac distrahere redditus suorum Beneficiorum ad vitam, vel in longum tempus, recepta ab emptore per unam vel per plures solutiones pecuniarum quantitate, quam ipsi Beneficiati per spatium ejusdem temporis, vel totius vitæ probabiliter con-
sequi

sequi potuissent. Bulla Universalis Ecclesie Bullar:
Tom: I. num: 29.

Titulos Beneficiorum cum occulta inhabilitate, vel alio occulto vitio, vel etiam in Concursu male obtentorum convalidare fas est majori Pœnitentiaro. Bulla Pastor Bonus Bullar: Tom: I. num: 93. §. 20. sed in convalidatione titulorum, & condonatione fructuum abstinendum est illi, cum Episcopis, qui de Ecclesiis Cathedralibus provisi, munus consecrationis infra præfinitum tempus non susceperint. Ibid: §. 21.

Neque etiam condonet fructus Beneficialium, & Episcopialium Ecclesiarum quovis modo male perceptos in casibus non occultis. In occultis vero cum Italis, Hispanis, Lusitanis, & Insulis adjacentibus compositionem facere potest; cum aliis reliquis non potest. Hæc tamen omnia debent esse sine præjudicio illorum, quibus distributiones accrescere debent. Ibid: §. 24.

• Si quis jam obtineat beneficium, & injuste vexetur ab alio, potest pecunia injustam vexationem redimere, ut ex Canonistis omnibus firmatur. Institut: Eccles: 93. §. 4.

Si vero quis habeat jus ad Beneficium, & ab alio illi lis moveatur, non potest dare litiganti pecuniam, ut acquiescat, neque etiam titulo solvendi expensas in lite hucusque factas, nam tunc pararet sibi viam ad Beneficium per pecuniam. Ibid: §. 7.

Beneficium obtinens jure certo, & manifesto, ut nullus sit quæstioni locus permittitur redimere injustam vexationem, ut ex Cap: Dilectus 27. de Simonia; idque fieri potest nulla interposita Episcopi auctoritate; fas est tamen Episcopo præcipere in Synodo, ne id fiat absque suo assensu ob periculum Sime-

Simonæ. De Synod: Diœces. Lib: 7. Cap: 69. §. 8. l. 12. c. 6. §. 9. nov: Edit.

Si Patronorum Beneficium scissa suffragia fuerint in partes, ille est præficiendus, qui a pluribus eligitur, uti definitum est in Cap: *Quoniam de jure Patronatus.* Si tamen ille, quem præsentat pars major, non reperitur idoneus, poterit alter præsentari a paucioribus, ut ex Lambertino traditur. *De Synod. Diœces: Lib: 7. Cap: 70. §. 6.* Valere tamen iudicata est constitutio Synodalis Episcopi Pampilonensis, quæ vetuit admitti præsentatum a minori parte, ob rationes in *Tractatu de Synod: Diœces: Lib: 7. Cap: 70. §. 6.* ponderatas. *l. 12. c. 7. §. 6. nov: Edit.*

Beneficium simplex si quis obtineat, nec sufficiat ad honestam sui sustentationem, potest ab Episcopo habilitari ad suscipiendum aliud. Si vero nec istud secundum sufficiat, ut tertium obtineat debet a Sede Apostolica dispensationem obtinere, sive hoc tertium sit liberæ collationis, sive de jure Patronatus etiam laici; nam Concilium Tridentinum permittit, ut habens *beneficium insufficientis* possit unum aliud simplex obtinere, & nihil dicit de tertio. Atque ita in praxi tenere Sacram Congregationem constat. *Institut: Eccles: 91. §. 7.*

Hæc tamen non valent in Capellanis de jure Patronatus Laicorum, neque in Legatis piis, ut ex alio Decreto Sacræ Congregationis. *Ibid. §. 8.*

Ex alio Decreto Sacræ Congregationis, de quo *ibidem*, eruitur, non esse inquietandos illos, qui bona fide tria, vel quatuor beneficia insufficientia ex Episcopi auctoritate obtinuissent. *Ibid:*

Cum beneficium resignatum fuerit in manu Episcopi, vel Collatoris, non possunt isti providere de eisdem beneficiis consanguineos, affines, vel familiares suos, ut ex Bulla 68. S. Pii V. *Ibid: §. 9.*

Quin neque affines, consanguinei, & familiares resignantis admitti debent, etiam cum beneficium conferendum est in Concurſu; primo quia Bulla S. Pii, quæ legit *admittentium consanguineis* mendose excusa est, cum legendum fuerit *dimittentium consanguineis*, ut monet Fagnanus in Cap. *Non sine. De Arbitris*. Secundo quia Sacra Congregatio disposuit ut in eo casu neque familiares Episcopi, neque consanguinei resignantis admitterentur. *Ibid: §. II. & de Synod: Diæces: lib: 13. cap: 24. §. 2. nov: Edit.*

Bene tamen omnes isti admitti ad beneficium possunt quando illud recidit in manus Episcopi per obitum prioris beneficiati; neque enim malè timeri potest, cum beneficium conferendum est ex obitu beneficiati, quantum subesse potest cum dandum est ex resignatione prioris beneficiati. Ita de *Synod: Diæces: Ibid: §. 6. ex Decr: S. Cong:*

Consuetudines Ecclesiarum reservandi hæredibus beneficiati jam defuncti fructus primi anni obtentæ beneficii valet; nihil enim derogat juri illius qui in beneficium recens investus est, cum & ipse post mortem Jure isto potiatur. Quare in favorem hujus consuetudinis sæpius a Sacra Congregatione decisum est. *De Synod: Diæces: Lib: 7, Cap: 70. §. 3. l. 12. c. 7. §. 3. nov: Edit:*

Beneficiorum Parochialium, & Vicariarum tam Sæcularium, quam Regularium capaces esse Canonicos Regulares Præmonstratenses, etiam non intercedente Apostolica dispensatione, definit Pontifex in Bulla *Oneroso &c. Bull: Tom: III. Num: XXXIII.*

De filiis illegitimis Clericorum circa beneficia Parentum in eadem Ecclesia qui possint, & non possint &c. Vide *Irregularitas*

Filius legitimus consequi prohibetur beneficium a Patre præhabitu, esset enim species hæreditariæ

sue.

inaccessionis. Nihil tamen vetat quominus Pater possit obtinere beneficium a filio præhabitu. Quod verum est etiam de Patre respectu beneficii a filio illegitimo obtenti, ut ex responsione S. Congregationis. *De Synod: Diæces: Lib: 13. cap: 24. §. 15. nov. Edit:*

Illegitimi autem filii quoad hoc illi etiam censentur, qui postmodum legitimi sunt, non vero illi, qui post subsequens matrimonium legitimi habentur, ut partim ex Decretis S. Congregationis, partim ex Fagnano. *Ibid: §. 16.*

Num vero filio obtinere beneficium fas est, quod Pater quidem habuit, sed ab eo transiit in tertium, & ab isto in eundem filium; respondetur, filio legitimo id quidem non prohiberi, ex Cap: *ad doctrinandas de fil: Presb: illegitimis* vero non licet, ut ex Bulla Clementis VII. & responsis S. Congr: *Ibid: §. 18.*

Nepos vero legitimus ex Patre illegitimo natus obtinere avi beneficium non vetatur, ipso licet avo vivente, ut ex responsis S. Congregationis, & Rotali decisione *Ibid: §. 19.*

Si patronus beneficii rectorem interficiat, ipse, & omnes ad patronatus jus illud amittunt, ex Cap: *In quibusdam de pænis Ibid §. 21.*

Beneficii permutatio, quæ sit coram Ordinariis, interdum potest esse prohibita a Constitutione S. Pii V. incipiente *Officium*, in qua admittuntur quidem permutationes istæ, sed quæ sint canonicis functionibus consonæ; ex quo fit, ut cum vetitæ sint provisiones beneficii resignati factæ in favorem affinium, & familiarium Episcopi, sicut etiam resignans, ita etiam censentur vetitæ permutationes beneficiorum cum aliquis permutet beneficium suum pingue, & est jam efflata ætatis cum altero, quod est tenue,

me, & obtinetur, five a suis, five ab Episcopi con-
sanguineis, vix enim credi potest ab ista permutatio-
ne fraudem abesse, adeoque non est juxta canoni-
cas sanctiones. *De Synod: Dioces: Lib: XIII. c. 24.*
§. 10. nov. Edit.

BULLA CRUCIATÆ.

Facultas concessa in Bulla Cruciatæ de abso-
lutione a censuris obtinenda, valet tantummodo pro
foro interno, ut ex constitutione Urbani VIII. erui-
tur; quare constitutiones Hispanicæ aliter statuen-
tes rejiciendæ sunt. *De Synod: Dioces: Lib: VII.*
Cap: 65. §. 7. l. 12. c. 1. §. 7. nov. Edit.

CADAVERA.

In sectione cadaverum anatomie addiscendæ
causa, si quis adhibeat cadavera non condemnatorum,
nulla obtenta ab Episcopo facultate, peccat quidem
graviter, sed non incurrit excommunicationem Boni-
facii VIII. de qua in Cap: I. de Sepulchris, cum
illa feratur tantum in eos, qui exhumantes cada-
vera, ea lacerant, & alio sepelienda transferunt. Ita
ex sensu DD. *Institut: Eccles: 64. §. 10.*

Si instituta Processione, & præcedente Cruce
affociandum sit cadaver ad sepulturam, & transitus
fiat per agrum, vel possessionem privatam, non ideo
via illa publica efficitur; leges enim civiles, ex
quibus id posset convinci, nihil aliud volunt, nisi
quod monumentum positum in loco privato efficiat
locum illum sacrum; quin & leges illæ a jure Ca-
nonico abolitæ sunt, ut ex DD. demonstratur. *In-*
stitut: Eccles: 89. §. 9.

Si Cadaver tumultandum sit in Ecclesia Regu-
larium, non potest Parochus exigere, ut apportetur
prius ad parochialem, & ibi exponatur, dein in se-
pulturam in Ecclesia Regularium inferatur, ut ex

Lu-

Lucana funerum censuit S. Congregatio Concilii.
Institut: Eccles: 105. §. 25.

Ex Decretis Sacrae Congregationis Concilii firmatum est non esse levandum Cadaver e domo absque praesentia, ac facultate Parochi loci, ubi domus sita est. *Ibid:*

Cum distinguitur Ecclesia tumultans a Parochiali, processio funebris debet incedere sub Cruce Ecclesiae tumultantis, nec potest praecisa consuetudine Parochus propriam crucem levare nisi in casu, quo interveniat Capitulum Cathedralis, tunc Cathedralis crux sola praecedit. Ita ex Decretis Sacrae Congregationis. *Ibid: §. 26.*

Societates funus comitantes si procedant cum sacco tenent locum ante feretrum, & ante Clerum tam Saecularem, quam Regularem: si sine sacco, eant post feretrum, uti ex statutis Cleri Romani. *Ibidem: §. 30. 31.*

Laici Regulares non debent comparere cum Cappellanis conductis in processione funebri, ut multis firmatur. *Ibid: §. 32.* At si invitatus sit Conventus Regularis, qui certe constat ex laicis conversis, & Sacerdotibus, excludendi non sunt. *Ibid:*

Regulares cogi non possunt, ut affociant pompam funebrem, cum cadaver in eorum Ecclesia sepeliendum est, sed possunt ad januas Ecclesiae suae expectare. Ita ex Decis: Sacrae Congregationis. *Ibidem: §. 38.*

Si quis habitator Urbis deceat ruri non electa sepultura, Cadaver ejus sepulturae mandandum est non in Ecclesia rurali, sed in sua Parocia, vel in Ecclesia, ubi sita est sepultura majorum ipsius, ut decisum Cap: *Is qui de Sepulturis in 6.;* dummodo id possit fieri sine gravi incommodo. Grave autem incommodum declarat Pontifex intercedere, si obitus

Ex operibus Benedicti XIV.

19

tus accidat in loco ultra tria milliaria distante a Paræcia. Id vero ex paritate rationis statuendum est de illo, qui ruri habitans in Civitatem decedat. *Ibidem:*

Cum e rure transferendum est cadaver in Civitatem, deferendum est in Catalecto præcedente cruce a Clero delata, & affociantibus geminis Sacerdotibus, altero Ecclesiæ tumultantis, altero se tenente ex parte Parochi illius loci, ubi mors accidit: *Ibid:* §. 46.

In extractione, vel intratione cadaveris in Portas Urbis gabella minime solvenda est, ut ex DD. *Ibid:* §. 46.

Pro transitu processionis funebris ex una Paræcia in aliam, nulla petenda est licentia a Parocho illius loci, per quem transitus fieri debet, ut ex Bulla Leonis X. 22. & Decretis S. Congregationis firmatur. *Ibid:* §. 49.

Pro sepultura, & exequiis cadaveris exigere nihil potest, ut ex sacris Canonibus firmum est. *Institut:* *Eccles:* 105. §. 58. Verum si consuetudo obtinuit, ut aliquid detur, quamquam circa hoc nulla sit actio judicialia, attamen recurri potest ad officium Ordinarii, ut est in textu Cap: *Ad audientiam 24. de Simonia.* *Ibid:* §. 58.

C Æ C U S.

Cæcus non obtinet dispensationem neque ad primam Tonsuram, ad effectum obtinendi beneficium, Ecclesiasticum, ut ex Decreto S. Congregationis in una Pampilonensi die 20. Martii 1733. *Institut:* *Eccles:* 84. §. 5.

Si tamen ordinato jam Sacerdoti accidat, ut oculorum lumen amittat, non tamen ita, ut nihil videat, datur illi a Sacra Congregatione facultas celebrandi diebus quidem festis & duplicibus Missam B. Virginis Votivam, serialibus, Defunctorum, dum-

modo non omnia memoriter recitet; mandando infu-
per Episcopis, ut celebrationem omnino vetent statim
ac Cæcum penitus evasisse compererint. *Ibid*,

C A M B I U M.

Cambium locale, & per literas, quando revera
literæ mittuntur, vel transmittitur in alio loco pe-
cunia eo modo, quo apud Theologos describitur,
admittitur a Pontifice in Tractatu. *De Synod: Dioces:*
Lib: 7. Cap: 48. §. 7. l. 10. c. 5. §. 7. nov: Edit.

Cambium vero obliquum, quo mutuarius se
obligat ad negociandum in cambiis tantundem pec-
uniæ, quantum mutuo accepit a Cambista in favorem
ipsius Cambistæ, vel eidem Cambistæ dat facultatem,
ut nomine suo accipiat sive a seipso, sive ab alio
tantundem pecuniæ quantum sibi mutuo data est; ac-
cipiat, inquam, eam per cambii contractum; atque
interim mutuarius se obligat ad solvendum quan-
tum necesse pro ratione huius secundi cambii; hoc
inquam cambium quamvis non reprobatur, a nonnul-
lis, & revera fortasse in foro fori sustineri posset, ad-
huc tamen in conscientia reprobandum est. *Ibid: §.*
9. 10. Interdum vero mutuarius in se suscipit o-
mnis negociandi per cambium tantundem pecuniæ
quantum a Cambista mutui nomine recepit; tunc ve-
ro quidquid lucratur, vel lucrari potest in isto cam-
bio nomine mutuantis facto, totum illi solvit; quæ
solutio etiam faciendâ est, etsi istud negotium cam-
bii revera factum non sit, quia Cambistæ intererat,
ut fieret. Id etiam perinde ac prius a Pontifice re-
probatur. *Ibid:*

Hæc omnia cambia, quamvis per se saltem quod-
ad nonnulla licita laicis, interdicta esse Clericis can-
ones magno consensu demonstrant, & evincunt. *I-*
bidem Cap: 49. §. 11. l. 10. c. 6. §. 1. nov: Edit:

CANONICI REGULARES.

Canonici Regulares, quanquam sunt capaces Beneficii Curati ex textu Cap: *Quod Dei timorem, de statu Monachorum*, non sunt tamen beneficii simplicis, ut ex pluribus Decretis Sacræ Congregationis Concilii approbatis a Gregorio XIII. firmatur. *Instit: Eccles: 98. §. 2.* Sicut nec beneficiorum residentialium non Parochialium, ut sensu multorum Canonistarum. *Ibid: §. 3.*

Nec possunt Parochias laicas recipere cum sola licentia Abbatis Generalis, sed requiritur facultas summi Pontificis. *Ibid: §. 5.*

C A N O N I C I

Canonici Cathedralis non emittentes professionem Fidei ex præscripto Sacri Concilii Tridentini non faciunt fructus suos, fructus tamen Præbendæ, non vero Distributionum, uti sæpe respondit S. Congregatio. *Instit: Eccles: 60. §. II.* Nec ad eam pœnam incurendam requiritur sententia declaratoria, ut ex Synodo Farsensi firmatur. *Instit: Eccles: 57. §. 15.*

Professio Fidei a Canonicis, emittenda ex Constitutione Pii IV. non obligat Canonicos aliarum Collegiatarum, sed Cathedralium tantummodo. *Instit: Eccles: 60. §. 1.* ex pluribus decretis Sacræ Congregationis.

Hæc Fidei Professio personaliter præstanda est, non vero per procuratorem, ut ex Decreto S. Congregationis. *Ibid: §. 3.* quod adeo verum est, ut si quis Romæ existens obtinuerit facultatem, professionem hanc emittendi coram Cardinali Vicario, teneatur illam repetere coram Ordinario simul ac in locum residentialis pervenerit, ut in eadem facultate exprimi solet. *Ibid: §. 3.*

Canonici, & Beneficiati tenentur ex jure Ecclesiastico recitare officium divinum cum eo discrimine, ut beneficiati ubique locorum possint huic muneri satisficere, Canonici vero Cathedralium, vel Collegiatarum præstare id in Choro tenentur. *Institut: Eccles: 107. §. 7.*

Canonici tenentur recitare divinam psalmodiam in Choro, adjungentes se se eidem Choro, nec sufficit si tantum adsistant, alioquin non faciunt fructus suos, nisi tamen adfuerit privilegium Apostolicum non præsumptum, nec abrogatum. ita in Encyclica ad Episcopos Italiæ. *Cum semper: Bull: Tom: 1. n. 103.*

Nec solum tenentur adsistere, sed etiam alta voce recitare, & associare cantum Horarum Canonicarum nulla in contrarium obstante consuetudine ex dispositione S. Concilii Tridentini. *Sess: 24. Cap: 12. de Reform: evincitur. Institut: Eccles: 107. n. 16.* Idcirco tenentur Canonici, & alii addicti Choro Cantum Gregorianum addiscere, ut in folio exhibito S. Congregationi in causa Murana Mansionariæ die 13. Novembris 1735. a Secretario ejusdem Congregationis demonstratur. *Institut: Eccles: 107. §. 16.*

In Tridentino quidem injunctum est, ut omnes *Divinâ per se, & non per substitutos compellantur obire officia, sed ut censuit.* S. Congregatio non est sublata Capitularibus facultas sese invicem substituendi, dummodo substituens & substitutus eidem servitio adscripti non sint. Cavendum est tamen, ne nimis frequentes sint istæ substitutiones. Non possunt uti hac facultate illi Canonici qui extra Civitatem, vel suburbia consistunt. Nec ea uti potest, nisi Canonicus vel Mansionarius, non vero coadjutores eorum, ut ex pluribus Decretis S. Congreg: *Ibid: §. 17. 18.*

Si Chorus Ecclesiæ efficiatur incommodus, puta hyemali tempore, potest adaptari eidem munerè præstando aliqua Capella ejusdem Ecclesiæ, ut ex Decreto S. Congregat. *Ibid: §. 19.*

In ordine ad recitationem Horarum præfertur illa sententia, quæ docet, eos, qui horis admiscunt jocos, risus, & cachinnos, & cætera, & confabulationes in Choro, reos esse peccati gravis, & ad restitutionem teneri. *Ibid: §. 25.*

In Decretali *Volentes* de Celebrat. Miss: pæna in eos, qui hæc familia agunt suspensio indicitur, hæc tamen suspensio est ferendæ non latæ sententiæ, ut explicavit Honorius III. in *Cap: 3. de Vita, & Honestate Clericorum*, inserto in quinta compilatione Decretalium edita a Cironio. *Ibid: §. 29.*

Mos non mulctandi Canonicos, nisi cum super-
venerint in Choro post absolutum primum Nocturnum cum Lectionibus, vel post sex priores Psalmos in Matutinis de Feria, etiamsi consuetudo ad sit, reprobatur a S. Congregatione Concilii in Interamnenfi visitationis die 24. Maji 1674. *Ibid: §. 23.*

Quamquam in Choro teneantur recitare semel in hebdomada Officium Defunctorum, extra Chorum tamen non tenentur, quo, etiam de Officio B. V. M. Psalmis Pænitentialibus, & Gradualibus definit S. Pius V. in sua Constit: *LXIV. Institut: Eccles: 107. §. 9.*

Missæ conventualis, quamquam non veniat nomine Horarum Canoniarum, venit tamen nomine divini Officii, quare si Cathedralis, & Collegiatarum Canonici tenentur ad quotidianum Officium divinum, tenentur etiam ad quotidianam celebrationem ejusdem Missæ. *Ibid: §. 11.*

Immemorialis consuetudo non excusat Canonicos Cathedralium, & Collegiatarum insignium a resident-

fidencia; bene tamen in Collegiatis non insignibus, & ruralibus, in quibus adeo tenues sunt redditus, ut Canonici a se ideo non habentes unde vivant, non habeant. *Institut: Eccles: 107. §. 2. Ex Decret. S. Congregat.*

Absentia in Choro per tres Menses non intelligitur permiffa a Tridentino, si Ecclesie Constitutiones servitium totius anni absque ulla intermissione requirant, ut explicatum est in Decreto S. Congregationis. *Institut: Eccles: 107. §. 31.* Qua in re nulla contraria consuetudo etiam immemorabilis admittitur, ut censuit S. Congregatio in suo Decreto. *Ibid:*

Ad vacationem trium mensium concessam a Tridentino non requiritur licentia Episcopi, si tamen intra Diocesim consistant; requiritur autem, viciffim, si se ab illa absentent; petita tamen non debet ab Episcopo negari; ita ex Decretis S. Congregationis. *Ibid: §. 36.*

Canonici vigore trimestris a Concilio Tridentino sibi concessi non possunt simul abesse a Choro ultra tertiam partem uno, & eodem tempore, nec vacationem hanc obtinere possunt tempore Quadragesimæ, & adventus, & in Festis solemnioribus. Ita ex Decreto S. Congregationis. *Ibidem: §. 34.*

Pro absentibus habentur, qui absunt ab Ecclesie servitio tot vicibus, ut præscripta quantitas trium mensium annuo spatio superetur. Ita ex Decreto S. Congregationis. *Ibid: §. 32.* Hinc S. Congregatio in aliis Decretis, *Ibid: §. 33.* Relatis decidit plusquam trimestre valere, ut censeantur absentes. Nec approbavit eadem S. Congregatio illos, qui calculum conficiebant ab hora in horam, & non a die in diem. *Ibid:*

Absentes a servitio tempore vacationis non lu-
erantur Distributiones quotidianas, nisi concessæ sint
illis a Constitutionibus confirmatis a SS. Pontifici-
bus ante Concilium Tridentium. Ita ex Decreto
S. Congregationis. *Ibid.*

Canonici qui abfuerint ultra trimestre non sunt
citandi, ut veniant ad servitium Ecclesiæ, qua in-
re differunt a Curatis non residentibus, qui ex Con-
cilio præscripto citandi vel admonendi sunt, ut con-
tra illos procedatur. Vocandi sunt igitur Canoni-
ci, ut deducant causam cur non debeant privati
medietate, sive omnibus fructibus juxta præscriptum
S. Concilii. Ita ex Decreto S. Congregationis.
Ibid. §. 37.

Porro ut tunc procedatur ad privationem Ca-
nonicatus, præcedere debet trium annorum absen-
tia, tum expediendæ sunt tres citationes contra ab-
sentem, qui dein expectandus est per sex menses,
si que elapsis, si non compareat, ad sententiam pri-
vationis procedatur. Ita ex Decretis S. Congrega-
tionis. *Ibid.*

Attamen intra hoc triennium expectationis pro-
cedi potest ad suspensionem delinquentis juxta di-
spositionem. Cap: *Ex tua de Cleric: non resid:* Quod
etiam fieri potest inchoata jam via procedendi a
Concilio præscripta; attamen tunc pergendum non
est ad sententiam privationis. Ita ex Decr: S. Con-
gregat: *Ibid.* §. 38.

Quoad Distributiones Concilium Tridentinum
Sess: 3^a. Cap: 3. *de Reform:* mandat, ut separetur
e Massa Capitulari tertia pars fructuum, quæ dividat-
ur inter præsentem divinis Officiis adfistentes. Ad-
dit vero idem Concilium, quod si dignitates, & Collegia-
tarum personatus Ecclesiarum Parochialium, & Collegia-
tarum munexibus suis defuerint, amittant distribu-
tio-

tionem, quæ applicentur Fabricæ Ecclesiæ, vel alteri pio loco, arbitrio Ordinarii. Quod postremum intelligitur de dignitatibus redditus suos habentibus a Mensa Capitulari discretis; nam illæ, quæ participant ex eadem mensa, distributiones amittunt, sed quæ accrescunt præsentibus. *Institut: Ecclesj: 107. §. 41.*

Vetat insuper sacrum Concilium *Seff: 24. Cap: XII. de Reform:* ne Chorales secum invicem paci-scantur, ne mulctentur absentes. Vetat etiam ne gratis condonentur distributiones iis, qui non interfuerint, cui Decreto insistens S. Congregatio Concilii semper negavit valere istas condonationes. *Ibid: §. 42.*

Hoc tamen non obstante fas est Episcopo transgressores istos ulterius punire, ut sæpius respondit S. Congregatio. *Ibid: §. 44.*

Cæterum cum sacrum Concilium exceptos iudicet ab ea distributionum amissione illos, quos infirmitas, seu iusta, & rationalis corporalis necessitas, aut evidens Ecclesiæ utilitas excusat; hinc Sacra Congregatio censuit in eo rerum eventu absentes non tantum suas distributiones non amittere, sed lucrari augmentum, quod fit ex distributionibus absentium sine causa. Quin & si quis discedens a Civitate sanus proponens reditum ad civitatem post legitimam vacationem, si interim ægritudine afficiatur, nec redire possit, adhuc distributiones lucratur, ac si præsens esset in Civitate, ut ex Decreto S. Congregationis. *Ibid: §. 46.*

Verum non omnis ægritudo excusat, nec omnes semper, nam si quis cum sanitate valebat, interesse negligebat, tunc et si ægritudine gravetur, distributiones non obtinet, ut censuit S. Congregatio. *Ibid: §. 47.*

Accidere tamen possit, ut quis non vetaretur quidem exire domo, sed ægritudine, qua afficitur, adesse Choro non permetteretur. Hinc cæcus distributionibus potitur, etiamsi eam Officii partem, quam memoria tenet, in Choro non recitet, ut censuit S. Congregatio. *Ibid: §. 48.*

Deberi cæco distributiones ex ea die, qua lumine captus est, & non solum ex ea, qua se admitti ut præsentem postulavit, censuit S. Congregatio. *Ibid:*

Quin nec teneri illum substituere alium proponere Missarum in Collegiata eadem S. Congregatione alio Decreto censet. *Ibid:*

Quando pestis grassatur (quod iudicium Episcopo remittitur) Canonici qui se absentant ab Urbe, vel Oppido distributiones lucrantur, ut ex Decreto S. Congregationis. *Ibid: §. 50.*

Nec privantur etiam, qui assueti alias interesse Choro, vexationibus injustis coacti se e loco secludunt, ut ex Decreto S. Congregationis. *Ibid: §. 51.*

Cujusmodi sunt etiam detenti injuste in carceribus, quæ injustitia tunc judicanda est ex sententia in ejus favorem lata, quæ in iudicatum transierit; nam si interposita sit appellatio, exitus ejus appellationis expectandus est, quæ omnia ex Decretis S. Congregationis. *Ibid: §. 52.*

Sententia in favorem rei illa dicitur hic, qua reus ut innocens absolvitur per sententiam definitivam; sicut etiam qua ex hæcenus deductis declaratur innocens; ac tandem ea, qua absolvitur cum clausula non molestetur. Non vero ea qua absolvitur cum ex quo satis. Hæc omnia ex Decretis Sacre Congregationis. *Ibid: §. 53.*

Ex evidenti Ecclesiae utilitate absentem ad Distributiones admittit Bonif. cius VIII. in Cap: *Unic: De Cleric: non resid: in Sexto*. Quare absens a Choro causa negotiorum Ecclesiae suae, vel Capituli, distributiones percipit, ut. saepe censuit S. Congregatio. *Ibid: §. 8.*

Itaque Canonicus Theologus qua die legit, potest non amissis distributionibus a Choro abesse, et si vacare illi possit, ut censuit Sacra Congregatio. *Ibid: §. 55.*

Hinc etiam Canonicus Pœnitentiarius, vel alius Canonicus ab Episcopo deputatus in eum locum, dum actu audit Confessiones tuto abest a Choro, & distributiones obtinet, ut pluries censuit S. Congregatio. *Ibid: §. 55.* Si vero absit dum actu non audit confessiones, distributiones minime percipit, ut ex aliis Decretis S. Congregationis. *Ibid:*

Lucretur etiam fructus Præbendæ, non-vero distributionum, etiam absens ille, qui habet Canonicatu suo adnexam, sed extra Civitatem, Curam Animarum; tenetur enim in Parœcia residere pro eo tempore, quo in Parochiali Ecclesia residet, & Sacramenta administrat. Ita ex Concilio Tridentino *Sess: 22. Cap: 3. de Reform: addita Bulla 65. Sancti Pii V.*

Qui vero habet Curam Animarum in ea Ecclesia, in qua est Canonicus, si toto eo tempore occupatur actu in exercitio eorum, quæ spectant ad Curam animarum, distributiones quotidianas obtinet. *Ibid: §. 56.*

Fas est Episcopis servitiis suis adjungere saltem geminos Canonicos Cathedralis, seu etiam Collegiatarum; attamen non potest seligere Canonicum, seu dignitatem, neque etiam Coadjutorem. Hos vero lucrari fructus præbendæ, non vero distributio-

nes constat. Ita ex pluribus Decretis S. Congregat: *Ibid*: §. 57. 58.

Canonici, quos Episcopus mittit Romam invifuros sacra limina suo nomine, vel illum ea occasione comitantes, distributiones quotidianas non amittunt, ut pluries censuit S. Congregatio. *Ibid*: §. 59.

At si illum comitentur in vifitatione Diæceſis, ſi omnes fructus ſui beneficii in diſtributionibus quotidianis conſiſtant, tunc lucrantur duas tertias partes earum, tertia amiſſa, quæ inſervientibus accreſcit. Ita ex Decr: S. Congr: *Ibid*: §. 59.

Ex lege Concilii Tridentini, *Seſſ*: 24. *Cap*: 12. poſſunt cogi Canonici Epifcopo celebranti, vel alia Pontificalia exercenti aſſiſtere, & inſervire. Porro ex Decretis S. Congregationis diſcimus Epifcopo in Cathedrali celebranti in Pontificalibus inſervire teneri omnes, his exceptis, qui legitimis vacationibus abſunt. Tenentur vero etiam præſtare illi munus Subdiaconi; quod verum eſt etiam ſi Epifcopus celebret, ſeu Ordines miniſtrèt extra Cathedralē, intra Diæceſim, & ſuburbia; tenentur enim etiam tunc præſtare munus Diaconi, Subdiaconi, Præſbyteri aſſiſtentis, & duorum illorum Canonicorum, qui Epifcopo Ordines miniſtranti cum Archidiacono adſunt. Ita ex pluribus Decretis S. Cong: *Ibid*: §. 60.

Porro hæc aſſiſtentia locum habet etiam cum Epifcopus in ſua Cathedrali præſens eſt Miſſæ, & divinis Officiis diebus Dominicis, & Feſtis etiam non ſolemnibus, & in diebus ſerialibus Quadrageſimæ. Quod verum eſt etiam, quando Epifcopus in aliis Eccleſiis Civitatis pontificaliter celebrat, vel paratus aſſiſtit cum Pluviali, & mitra, aut cum cappa divinis Officiis, & Miſſæ ſolemni, alia Pontificalia exercet, ſi tamen numerus ſufficiens Canonic-

nicorum, & ministrorum in Ecclesia Cathedrali remaneat. Ita ex Decreto S. Cong: *Ibid:*

Valent etiam hæc, dum Episcopus in Ecclesia Cathedrali adest Concioni diebus quadragesimæ, & aliis intra annum. Non vero si cum cappa assistit Concioni, quæ habetur in aliis Ecclesiis Civitatis, etiam exemptis. *Ibid: §. 60.*

In his omnibus rerum circumstantiis Canonici, qui Episcopo inserviunt, si actu debeant Choro interesse, non semper tamen obtinent distributiones. Illas enim non lucrantur, nisi cum assistunt pontificaliter celebranti, non vero Episcopo Diæcesim visitanti, vel Missam privatam celebranti. *Ibid: §. 61.*

Animadvertendum est Canonicos non præsentibus, de quibus supra diximus non privari distributionibus, non tamen participare de emolumentis Anniversariorum, quæ ex voluntate Fundatorum distribui consueverunt solum inter præsentibus, ut ex Decreto S. Congr: *Ibid:*

Demum distributiones quotidianas obtinent Canonici, & Beneficiati, qui interdum intra annum intra domum Religiosam clausi exercitia spiritualia præstant cum licentia Episcopi, non tamen si in Adventu, Quadragesima, & Festis solemnibus id agunt; & ita agunt, ut servitio Chori nullum detrimentum inferatur. Ita ex Encyclic. Clementis XI. *Ibid: §. 63.*

Distributionibus etiam quotidianis non privantur Canonici, & Mansionarii emeriti, si Coadjutorem habeant. *Ibid:* Debent tamen indultum hoc obtinuisse a S. Congre: vi cujus nec loci residentia adstringuntur. Quanquam possunt ab Episcopo compelli ad assistendum Choro, si cultus divinus detrimentum patiat. Ita ex Decretis S. Congregatio: *Ibid: §. 64.*

Porro si Coadjutor sive intra Civitatem ægro-
ret, sive extra, non tenetur Coadjutus assistere Cho-
ro, & nihilo fecius lucratur distributiones, quæ
ipsi omnino debentur, etiam cum iis emolumentis,
quæ præsentibus accrescunt. *Ibid:* §. 65.

Distributionibus privatatur Vicarius Generalis E-
piscopi, Canonicus Examinator quique in Tribunali
S. Officii munus suum præbet, Ministri Camerales,
scilicet Subcollectores Spoliorum, & Decimarum,
denique peregrinationes etiam sacras obeuntes, nisi
illas egerint intra trimestre a Tridentino concessum.
Denique nec Magistri Juris Canonici, & Sacræ
Theologiæ in publicis Universitatibus docentes; qui
tamen si ræcurrerint ad S. Congregationem, obtinent
fructus Præbendæ, & si illi sint tenues, duas tertias
partes distributionum, quod etiam postremum con-
ceditur iis, qui causa studiorum in publicis Uni-
versitatibus absunt. *Ibidem:* §. 72.

Absentes vero causa studii ex Decreto Inno-
centi, XII. si indultum sibi concessum non exhibue-
rint Ordinario loci, & in Actis Cancellariæ non re-
gistretur intra tempus in indulto præfixum, perin-
de est ac si non adfuissent. *Ibid:*

Coadjutoribus non conceditur indultum absen-
tandi sese causa studii. *Ibid:*

Studium vero præstari debet in publica Univer-
sitate, ac prodest pro eo pariter tempore, quo Le-
ctor privatam lectionem habet, & non in Aula pub-
licæ Universitatis, ut ex Decreto S. Congregationis
Ibidem.

Si eo tempore, quo Officia persolvuntur in Cho-
ro, Capitulum congregandum sit, nisiürgens causa
fuerit, Canonici non possunt absentare sese absque
subtractione distributionum pro eo tempore, quo
absunt, ut ex Decretis S. Congr. *Ibid:* §. 73.

Nec

Nec etiam deferere possunt Chorum, ut Missas celebrent, vel confessiones audiant, nisi Superior id iusserit; monetur tamen Superior ut ab his iussionibus abstineat, in Decreto S. Congreg: Anni 1573. *Ibid: §. 74.*

Dignitatem novam in Cathedrali Ecclesia erigere nemo potest, nisi unus tantummodo Summus Pontifex, ut pluries decisum in Saera Congregatione Concilii notatur. *Tract: de Synod: Dioces: Lib. 7. c. 75. §. 8. l. 12. c. 1. §. 8. nov: Edit.*

Pro Canonico Theologico concursus indicendus est, ex Bulla Benedicti XIII. *Pastoralis Officij*, ejus tamen collatio pertinet ad Pontificem ex Can: *Ad regimen de Præbend: Concurfus iste indicendus est ab Episcopo, a quo Examinatores destinandi sunt quatuor in Theologia Licentiati, sive Sæculares, sive Regulares, nec requiruntur Synodales. Concurrentes debent esse Doctores in Sacra Theologia, vel saltem intra annum tenentur Doctoralem Lauream in aliqua universitate approbata studii generalis assequi. Quæ omnia ex eadem Bulla resultant.*

Acta vero concursus transmittenda sunt ad Romanum Pontificem, a quo dignior eligitur, ut in eadem Bulla, & *Institut: Eccles: 57. §. 4.*

Nec sufficit Laurea Canonica ex responso Congreg. *Institut: Eccles: 57. §. 4.*

Nec sufficit etiam si hæc Laurea recepta ab aliquo privilegium obtinente, sed omnino requiritur obtinuisse in Universitate approbata, quod commune est omnibus beneficiis Lauream Doctoralem exigentibus, ut ex Bulla 70. S. Pii V. *Ibid: §. 5.*

Theologus Canonicus satisfacit suo muneri, si ve legat Sacram Scripturam, sive Theologiam Scholasticam, ut sæpius resolvit Sacra Congregatio. *Ibid: §. 6.* Non tamen si legat Theologiam moralem, ut *Ibidem §. 7.*

Ex Præbenda Theologica segreganda est tertia pars, ex cujus redditibus data proportione solvenda est sua portio Sacrificiæ Metropolitanæ, respondens diebus, quibus Canonicus deesset suo muneri. *Ibidem.*

C A P I T U L U M.

Capitulum Ecclesiæ Cathedralis præcedere debet Capitulo Collegiæ, adeo ut nec sustineantur Constitutiones privatarum Ecclesiarum aliter decernentes, ut definit Rota Decis: IX. post Murgam ad Constit: Apostol: *De Synod: Diæces: Lib: VII. Cap: 65. §. 21. 12. c. 1. §. 2. nov: Edit.*

Capitulum Cathedralis Ecclesiæ ad Synodum ab Episcopo indictam, invitandum est; teneturque Episcopus de Constitutionibus in eadem Synodo condendis, ejusdem Capituli consilium exquirere, non tamen sequi illud adstringitur. Si id negligat, & Constitutiones suas in consulto Capitulo promulgaverit, illæ profecto, quod ad normam juris non sint, exactæ, firmitate carent. *De Synod: Diæces: l. 12. c. 1. per tot: & §. 15. & 16. nov: Edit.*

Capitulum Cathedralis quamvis exemptionem obtineat, adhuc tamen subditur Legibus Synodalibus in iis, quæ versantur circa morum, & disciplinæ reformationem, ita declarante S. Congregatione. *De Synod: Diæces: l. 13. c. 4. §. 8. nov: Edit.*

Exemptio Capituli Cathedralis in eo præcipue fita est, ut Episcopus extra visitationem procedere nequeat contra aliquem Canonicum sine duobus de Capitulo, adjunctis ad normam Tridentini *Sess: 25. Cap: 6. de Reform:* Quamvis Episcopus sine adjunctis de Capitulo potest illud visitare ex *Trid: Sess: 6. Cap: 4. de Syn: Reform: De Diæces: Lib: 8. Cap: 4. §. 8. & Lib: 13. Cap: 9. nov: Edit.*

Capitulum fede vacante non potest in usus proprios convertere multas pecuniarias, & compositiones delinquentium, ut sæpius a S. Congregatione decisum est. *De Synod. Diæces. Lib: 10. §. 4. nov: Edit.*

C A P U C C I N I.

Capuccinis vetitum erat ex Constitutione quadam sui Capituli Generalis, ne peccata sua exponerent alteri, quam sui Ordinis Confessario, etiamsi longe abessent a Monasteriis sui Ordinis; verum Benedictus XIV. die 30. Martii 1742. facultatem fecit singulis eorum Sacerdotibus, & Laicis longe a suis Monasteriis versantibus, ut possent cuicumque Sacerdoti Sæculari a suo Ordinario approbato, vel Regulari a suo pariter Superiore approbato peccata sua in confessione aperire, & ab eo absolutionem obtinere; etiam a casibus, & censuris in suo Ordine reservatis, addita tamen obligatione, ut ubi primum potuerint coram Superiore se fiant, & novam ab illis casibus, & censuris absolutionem obtineant. Ita ex Constitutione Benedicti XIV. diei 30. Mart: 1742.

C A S U S R E S E R V A T I.

Societates quædam ex vi suorum Privilegiorum non possunt ullo modo in quibusdam anni solemnitatibus eligere sibi Confessarium, a quo a casibus Episcopo reservatis, sine Episcopi licentia, absolvantur, ut præter Decisiones Sacræ Congregationis ferunt litteræ Benedicti XIV. incipientes *Pias Christi fidelium* relatæ, *De Synod. Diæces. Lib: 5. §. 9. nov: Edit.*

Denique accedentes in fraudem ad aliam Diæcesim, ut absolvantur a reservatis suæ Diæcesis absolvi non possunt ex Bulla Clementis X. *Superna magni. Ibid.*

Canonicus Pœnitentiarius vi sui muneris nullam habet facultatem absolvendi peccata Episcopo reservata, ut a Sacra Congregatione Concilii decisum refertur. *Ibid: §. 8.*

CAUSARUM COGNITIO.

Causæ omnes tam civiles, quam criminales exemptarum personarum in prima instantia coram Ordinariis locorum duntaxat cognoscendæ sunt, causis privilegiatis exceptis; neque committi possint etiam Auditori Cameræ Apostolicæ nisi per viam legitimæ appellationis. Si autem pendentes causis in prima instantia impetrentur citationes in Signatura iustitiæ, hæc quidem valent ad comparendum, vel adeundam Signaturam, non vero ad retardandam executionem processuum ad ulteriora. *Bullar: Tom: I. Constit: 48. Ad Militantis §. 42. & seq:*

Causæ beneficiales habent appellationem suspensivam ab eo interpositam, qui in prima instantia succubuit; nec nisi post sententiam definitivam apud Sedem Apostolicam sive in Petitorio, sive in Possessorio est locus sequestrationi fructuum *Clement: Unic: de Sequestr: Possess: & fruct: neque aliter statutum potest in Synodis particularium Ecclesiarum. Ita in Tract: de Synod Dioces: Lib: 12. Cap: 11. §. 3. nov: Edit:*

Causæ omnes etiam civiles, & de re etiam profana, in quibus Ecclesiastici tanquam rei conveniuntur, semper cognoscendæ sunt in Foro Ecclesiastico, & in prima instantia in foro proprii Episcopi, nec etiam de Episcopi consensu transferri possent in prima instantia ad Curiam Romanam, nisi ita conventum sit inter partes, ut decisum refertur a S. Congregatione Concilii in *Institut: Ecclesi: 40. §. 3.*

Si vero Clericus laicum convenerit pro repetendis rebus Ecclesiae suae, quamvis de rigore iuris cognitio hujus causae pertineat ad Judicem saecularem, tamen si consuetudo contraria invaluerit pertinere potest ad Forum Ecclesiasticum. Utrum privative vero, adeo ut conventio ista fieri non possit ad Tribunal Laicum, vel cumulative, ut possit ad utrumque, ex consuetudine decidendum erit. Quanquam in casu etiam, in quo valet privativa de licentia Episcopi potest causa ista agitari coram Juce Laico. *Ibid: §. V. ut ex Decretis Sacrae Congregationis Episcoporum Regularium confirmatis brevi Pauli V. die 9. Martii 1617. Ibid: §. V.*

C E N S U R A.

Censurae majores, ut excommunicatio, suspensio, & interdictum, cum sint pnae graves, ferri non possunt, nisi ex gravius culpa, adeo ut suspensio a divinis ad longum tempus sicut & interdictum etiam personale, nisi sit parziale, ne valide quidem in levem culpam possit inferri ex sensu plurimum DD. *De Synod: Dioces: Lib: 7. Cap: 44. §. 3. Quod valet etiam de censuris quoque comminatoriis, & ferendae sententiae. Ibid: §. 5. l. 10. c. 1. §. 2. & seq: nov: Edit.*

Parcissimi esse debent Episcopi in censuris latae sententiae ferendis; cum enim extrema ea sit pna, pro extremo remedio gravibus criminibus puniendis coercendisque reservanda est, ex constanti Sacrae Congregationis sensu. *Ibid: Cap: 45. per tot: l. 10. c. 2 per tot: nov. Edit.*

Verumtamen prudenter ab Episcopis interdum sub pna excommunicationis latae sententiae vetantur quaedam ex natura sua leviora, sed ob grave scandalum, quod inde consequeretur, si res vetita fu-

fuiſſet neglecta, res ipſa poſtulat, ut ita provideatur: Ita Pontifex defendit Conſtitutionem ſuam, qua vetuit, ne diſpenſati in Quadrageſima a comeſſione carniſum, piſces deguſtent. *De Synod: Diœceſ: Lib: 7. toto Cap: 46. Ibid: c. 3. per tot:*

Cenſuræ ab homine latae a nemine abſolvi poſſunt niſi ab eo, a quo latae ſunt, vel ab ejus Superiore, ſi agnoſcantur injuſtæ. *Inſtitut: Eccleſ: 55. §. II.* Adeo ut neque ſummus Pœnitentiarius Romæ cenſuras illas in aliquem nominatim latas tollere conſueverit, ne Jurifdictio Ordinariorum turbetur.

C E N S U S.

Cenſus realis licitus eſt, & immunis ab uſura, nam venditur, & emitur jus percipiendi partem fructuum ex alieno fundo, quæ fructuum portio eſt penſio ſingulis annis ſolvenda. *De Synod: Diœceſ: Lib: 7. c. 48. §. 54. l. 10. c. 5. §. 4. nov: Edit.*

Cenſus vero perſonalis dubium eſt num de ſua natura ſit uſurarius nec ne. Conſtat tamen vetitum eſſe ex Conſtitutione S. Pii V. in qua conſtituuntur cenſus conditiones. *Ibid: §. 4. Vide ibid: n. 68. Ibid. nov. Edit.*

Num conditiones illæ, quoad ea, quæ non ſunt de jure naturali, ac divino, ex contraria conſuetudine legitime præſcripta ceſſarint obligare apud quaſdam Nationes, dubium eſt. Ac pro Hiſpania idem Pius V. conceſſit non obligare, ut ex Gutierrez. *Ibid §. 5.* Et revera accidere poſſe, ut ea contraria conſuetudo alicubj invaluerit ſcribitur. *Ibid:* Monet tamen Pontifex etiam in iis Diœceſibus, in quibus Piana Conſtitutio non viget, ut a cenſibus perſonalibus, præſertim utrinque redimibilibus abſtineatur. *Ibid: §. 6. Ibid: §. 5. nov: Edit:*

C H O R E Æ.

Choreæ quamvis ex sui natura sunt licitæ, vix tamen in actu, quomodo nunc fiunt, permitti possunt, cum plerumque sint peccandi occasio. *Instit: Eccles: 76. §. V.*

Choreas vero a Clericis non sine peccato gravi agi posse Theologi plerique asserunt, ut firmatus. *Institut: Eccles: 76. §. VII.* Quin & prohiberi possunt, ab Episcopis Clerici omnes, ne Choreas ducant, ne in illis ludant instrumentis, quin nec permittant eas fieri in suis ædibus Ecclesiasticis, Canonicalibus, Parochialibus, seu etiam Beneficialibus deputatis pro domicilio Beneficiati, etiam si illæ fierent nomine consanguineorum ibidem cohabitantium, quæ verba sunt Decreti S. Congregationis relati. *Institut: Eccles: 76. §. 8.*

C H R I S M A.

Ex can: *si quis de alio de Consecr: dist: 4.* colligitur vetitum esse Parochis aliud Chrisma quam ab Episcopo suo consecratum adhibere. *Institut: Eccles: 81. §. 2.* Omni quacunque exemptione exclusa, ut ex Passerino. *Ibid:*

Cum novum benedicatur, vetus comburendum est, nec licet absque necessitate veteri Chrismate uti ad extremam unctionem, cum novum haberi potest, ut ex can: 122. *distinct: 4. de Consecratione* colligunt Doctores. *Ibid: §. 4.*

Licitum est oleo consecrato admiscere aliquid olei non consecrati, quod attamen sit minori quantitate quam consecratum; sed nec fas, nec ratio permittit, ut vetus oleum, cum potest novum haberi, ea admixtione perpetuetur. *Ibid: §. 4.*

Cum Fontes die Sabbati sancti a Parochis benedicuntur, præstaret novo Chrismate ab Episcopo die V. in Cæna Domini ejus anni benedictio ritum peragere. *Ibid: §. 5.*

Ex

Ex jure communi Casi: *Omni tempore* Distinct:
4. de Consecr: non licet deferre sacra olea nisi Sub-
diaconis, vel Diaconis, vel Sacerdotibus. *Ibid.* §. 6.

C L A U S U R A.

Clausura virorum quoad eorum Mōnasteria asse-
ritur in Bulla REGULARIS DISCIPLINÆ. *Bull.* Tom:
I. num. 39. ex qua eruuntur sequentia.

Tanquam abusus declaratur ingressus promiscue
virorum cum fœminis intra septa, vel claustra Mo-
nasterii sub prætextu comitandi solemnes supplica-
tiones, quæ fiunt intra eadem septa cum SS. Eucha-
ristiæ Sacramento sive cum Sanctorum Reliquiis &c.

Confirmantur Constitutiones, & Sanctiones om-
nes Romanorum Pontificum super Claustra Monaste-
riorum. Denique revocantur quæcunque facultates
dispensandi quoad eandem Clausuram a quocunque,
& quibuscunque concessæ.

Suum tamen jus asseritur iis concessionibus,
quæ ad favorem sunt quarumcunque nobilium fœmi-
narum, eo quod eorum majores Fundatores, seu insi-
gnes Benefactores, ejusdem Monasterii extiterint, &
de hac concessione confirmationem ab Apostolica Se-
de obtinuerunt. Sicut etiam asseritur iis fœminis,
quæ sunt consanguineæ, & affines eorum, qui do-
minium obtinent in temporalibus loci, ubi situm est
Monasterium, dummodo tamen Apostolica Concessio
expedita sit in forma Brevis, vel sub plumbo, de
qua re authentica documenta exhibita sint loci il-
lius Ordinariis; dummodo tamen iis facultatibus u-
tantur non ad evagandum per Monasteria, sed sola
pietatis gratia, ac de eorum adventu, & ingressu
certiores antea fiant Superiores &c.

Quoad Monialium clausuram provisum est in
Bulla Salutare in Catholica Bullar. Tom: I. num. 40.
qua in Constitutione hæc continentur.

40 *Epitome Doctrinae Canon: & Moral:*

Confirmantur Constitutiones omnes antecedentium Pontificam sub pœnis in illis contentis.

Revocantur facultates omnes dispensandi quoad hunc ingressam, cuicumque & pro quocumque concessæ, & Transgressores subjiuntur iisdem pœnis, quibus subjacent violatores clausuræ Monialium.

Suum tamen jus conceditur quoad dispensationes Ordinariis locorum, & aliis respective Superioribus, qui jus obtinent dispensandi in casibus necessariis, & servatis de jure servandis.

Moniales post Professionem neque etiam ad breve tempus exire possunt e Monasterio, nisi ex aliqua legitima causa ab Episcopo approbanda. Cause autem sunt ex Extrav: Pii V. incip: *Decori &c.* incendium, lepra, & epidemia. *Instit: Eccles: 85. §. XIV.*

In Consecratione tamen ex præscripto Pontificalis Romani exire debent e Clausura, & ingredi in Ecclesiam senioribus Matronis eas comitantibus, & statim ad clausuram redire. *Ibid: §. 30.*

Denique occasione consecrationis earundem Monialium non licet Episcopo ingredi in clausuram, nec multo magis licet id agere Magistro caeremoniarum, & consanguineis consecrandarum Virginum. Ita ex eodem Decreto: *Ibid: §. 21.*

Violantes clausuram Monialium ad malum finem, non tamen prætextu facultatum obtentaram, non evitant excommunicationem reservatam Pontifici, quam etiam incurrunt admittentes hujusmodi violatores, neque excusantur ex contraria consuetudine etiam post Concilium introducta. Ita ex alio Decreto Sacri Congr. *Ibid: §. XXI.*

C L E R I C I.

Clericis omnibus vetari ab Episcopo potest gestatio ficti capillitii; beneficiatis vero etiam in sacris non constitutis, sicut etiam ceteris sacris initiatis, fas est Episcopo id prohibere etiam sub excommunicatione, uti ex pluribus Decretis Sacr. Congreg: *De Synod: Dioces: Lib: 7. Cap: 60. §. V. l. II. c. 9. §. 4. nov: Edit: Et Institut: Eccles: 96. §. V.*

Sacerdotibus vero sacrum operantibus nunquam uti licet eo capillitio, nisi de licentia Sacræ Congregationis, nec enim sufficit Episcopalis permissio, uti ex literis Innocentii XII. ad Nuntios Apostolicos & Episcopos datis. *Ibid: §. 5. nov: Edit:*

Sententia asserens omnem quaecumque venationem a sacris Canonibus interdictam esse Clericis magis juri conformis est. *De Synod: Dioces: Lib: 7. Cap: 61. 88. l. II, c. 10. §. nov: Edit: Quare nimii rigoris damnandæ non sunt Constitutiones illæ Synodales Episcoporum, quæ indicta pœna clericos ab omni venatione removent. Ibid: §. 8.*

Sententia quorundam asserens non fore reos lethalis criminis clericos comœdiis quantumvis turpibus assistentes, si hoc fiat citra scandalam, & probabile periculum lapsus erronea, & scandalosa est. *De Synod: Dioces: Lib: 7. Cap: 61. §. 12. l. II. c. 10. §. 12. nov: Edit:*

Cleri non conjugati, beneficiati sine tonsura & clericali veste incedentes non quidem gaudent beneficio fori & canonis, ut ex Tridentino. *Seff: 25. Cap: 6. de Reform: sed longe probabilius gaudent aliis privilegiis clericalibus, puta exemptione realit ab oneribus laicalibus, de quibus Cap: Odoardus desolut. cum Tridentinum non adimat illis nisi tantum privilegium fori & canonis. De Synod: Dioces: l.*

7. cap. 66. §. 2. l. 12. c. 2. §. 1. nov. Edit. Quin etiam per legem Tridentini non privatur Episcopus jurisdictione puniendi illos tanquam sibi subditos; neque enim Lex Tridentina aliud operatur, nisi ut Clericus delinquens forum sæculare declinare nequeat. Ita decisum refertur a S. Congregatione apud Sperellum. Dec. 17. n. 33. 34. Ibid: §. 4. Insuper ex alio Decreto dato Archi-Episcopo Neopolitano, jus est Episcopo eosdem clericos delinquentes, quando neque a jure neque ab homine per declarationem non sunt denudati privilegiis clericalibus e manibus judicis laici repetere. Ibid: Est autem hoc decisum quoad clericos conjugatos a S. Congregatione. Immunitatis in causa Alatrina Jurisdictionis die 27. Martii 1683. Ibid: §. 5.

Clericos post dimissionem clericalis vestis committentes delictum, iterumque illam resumentes, si absque dolo, ac fraude id egerint gaudere privilegio certum est. Vicissim constat illis non suffragari, si egerint cum fraude. Cognoscere tamen de fraude non est judicis sæcularis, sed Ecclesiastici. Utrum vero de fraude ista prius constare debeat ad hoc, ut Judex Laicus possit procedere realiter contra bona clerici, quæstio est inter Doctores, in qua affirmativa sententia facilius admittitur. Porro in fraudem resumere habitum censeretur ille, qui post relictam vestem crimenque commissum, actus in carcerem a judice sæculari, fuga se vel aliqua ratione subtraxit, tuncque clericalem vestem resumpsit. De Synod. Diæces: Lib: 7. Cap: 67. §. 1. 2. l. 12. c. 3. §. 1. & 2. nov. Edit.

Non potest Episcopus generali constitutione cavere, ne clerici tonsurati post vestis dimissionem iterum illam resumant sine licentia Episcopi, ut decisum a S. Congregatione refertur. §. 3.

Ad hoc autem, ut evitentur ea in re diffensiones inter utramque potestatem Ecclesiasticam & Laicam suadendum, ut Episcopus per edictum generale mandet clericis, ut incedant in habitu, & tonsura, ac deserviant alicui Ecclesie per certum tempus; quo elapso transgressores admoneat tribus distinctis vicibus, ut parcant. Contra venientes dein per sententiam declaret eos propria culpa exeidisse a juribus clericalibus, neque deinceps ad ea restituendos fore. Hujus sententiae vi transgressores illi neque resumpta veste privilegio fori gaudent.

Ibid. §. 4.

Ecclesia, cui inserviendum a clerico est, ut fori privilegio fruatur designanda est ab Episcopo; si tamen alteri a designata inserviat, adhuc gaudeat, ut a S. Congreg: decusum refertur. *Ibid.* Cap: 69. n. 3. l. 12. c. 6. §. nov: Edit.

Non incedentes in habitu, & tonsura, praecedente admonitione, etiam per edictum suspenduntur ab ordinibus, Officio, & fructibus beneficii ex Trid: Sess: 14. Cap: 6. de Reform: Quin & ex Bulla *cum sacrosanctam* Sixti V. privantur ipso facto omnibus dignitatibus, canonicatibus, & beneficiis simplicibus, ac pensionibus. Ab his vero paenis excipiunt in aliis Bulla habentes pensionem non excedentem summam ducatorum sexaginta de Camera. Quae tamen postrema dispositio cum agat de pensionibus, non revocat dispositionem prioris Bullae, quae ligat etiam beneficia minoris valoris, ut ex Sacra Congregatione firmatur. *Institut: Eccles: 71. n. 12.*

Clerici ab exercitio sui Ordinis suspensi, si ab eo se abstinuerint, esto absque praevia absolutione ad aliozem ordinem transferint, quamquam id agant sacrilege, irregularitatem non incurrunt, quae est magis communis sententia. *De Synod: Disces: Lib: 12. Cap: 3. n. 6. nov: Edit,*

Cle.

Clericis ne ad sacros, & ultteriores Ordines ascendant, prohibere potest Episcopus de occulto eorum crimine ex informata tantum conscientia conscius, sicut eo modo suspendere clericos a divinis ut S. Congregatione decisum traditur. *De Synod: Dioces: Lib: 7. Cap: 71. §. 3. l. 12. c. 8. §. 3. nov: Edit:* Quod adeo verum est, ut nullo jure obstringi possit ad causam ejus suspensionis manifestandam. Fas est tamen reo querelas tantummodo suas, non appellationem Sedi Apostolicæ exponere, ut ex responso S. Congregationis traditur. *Ibid: §. 4.* Ex quo fit, ut, etsi reus appellationem interposuerit, si interim ordinem suum solemniter exerceat, continuo irregularitatem incurrat. *Ibid: §. 5.*

Clerici antequam ordinentur in sacris studium saltem Theologiæ, Moralis præmittere tenentur, ita enim intelligenda est sanctio Tridentini in *sess: 23. Cap: 14.* injungens ut ordinandi *ad populum docendum ea, quæ scire omnibus necessarium est ad salutem, ac administranda sacramenta idonei comprobentur;* atque hoc injunctum esse a Benedicto XIII. confirmando Bullam *Apostolici ministerii* &c. datam pro reformatione Clero Hispaniæ, & tanquam normam præ aliis Episcopatibus. *Institut: Eccles: 2. §. 4. & 5.*

Clerici ordinandi in sacris cogendi sunt ad præmittenda exercitia spiritualia decem dierum, ut olim Episcopis Italiæ, & insularum adjacentium mandavit in encyclica Innocentius XI. & innovavit alia encyclica Clemens XI. *Institut: Eccles: 104. §. 5.*

Non debet Episcopus præcipere, ut clerici minoribus ordinibus initiati, vel etiam majoribus Subdiaconatus &c. ad sacros ordines ascendant, etiamsi id facile constituat ad evitanda scandala minorum clericorum, qui otio, & vitis se dedunt; id enim

Ec
L
est
eum
non
fac
bey
Ex
just
tem
non

tas

Cle
a S.
in

V.
liis
tibu
ex
para
Atta
men
bus
vora
vale
quen
filii
21.
C

Trid
IV.

Ecclesiasticæ disciplinæ repugnat: *De Synod: Dioces:*
Lib: XII. cap: 4. §. 2. nov: Edit: Id tamen verum
 est, siquidem clerici nullum beneficium Ecclesiasti-
 cum obtineant, vel obtineant quidem beneficium, sed
 non ex illis, quibus adnexum est onus suscipiendi
 sacros Ordines *Ibid: §. 3.* Qui enim obligationem
 beneficio suo adnexam neglexerint beneficio privantur.
Ex Trid: Cap: 12. Sess: 24. de Reform: nisi tamen
 justo impedimento excusari possint: *Ibid: §. 6.* sal-
 tem dummodo hoc impedimentum ab illis prævisum
 non fuerit, antequam beneficium acceperint.

Exipiuntur tamen nisi aliter exposcat necessi-
 tas Ecclesiæ. *Ibid: §. 7.*

Sacerdotum penuria non satis est causæ, ut
 Clerici illiterati ad sacros Ordines promoveantur, ut
 a S. Congregatione Concilii decisum refert Fagnanus
 in *Cap: Quæris n. 18. De Etat: & Qualit: præficiend:*

Clericis interdictum est ex Constitutione S. Pii
 V. *Quæ Ordini* ne quid in testamento relinquat fi-
 liis suis illegitimis, eorumque filiis, ac descenden-
 tibus, consanguineis, & affinibus, sive ex redditibus
 ex bonis Ecclesiasticis sive ex patrimonialibus com-
 paratis, etiamsi filii illi ante testatorem obierint.
 Attamen Sanctio ista non excludit quominus ali-
 menta filiis illegitimis debeantur etiam ex redditibus
 Ecclesiasticis. Cum vero vetatur legatum in fa-
 vorem consanguineorum ejusdem filii, hoc tantum
 valet in casu, quo relicta ejus consanguineis per
 quemdam circuitum cedant in commodum ejusdem
 filii illegitimi. *De Synod: Dioces: Lib, 13. Cap: 24. §.*
21. nov: Edit:

CONCILIUM - TRIDENTINUM.

Consuetudo contraria Decretis Sacri Concilii
 Tridentini non est attendenda, quia in Bulla Pii
 IV. quæ legitur in fine ejusdem Concilii, legitur
 De-

Decretum irritans ea omnia, quæ obstant eidem Sacro Concilio, ex quo fit ut irritatio ista cadat supra omnia obstantia singulis Capitulis ejusdem: *Institut. Eccles: 60. §. 7.*

Cum in Sanctionibus Concilii additur: *Salva semper auctoritate Sedis Apostolicæ*, quæ semper addita voluit idem Concilium *Seff: 25. Cap: Final* cum de reformatione morum, & Ecclesiastica disciplina agitur, tunc in dispensationibus a Romano Pontifice concessis semper intelligitur derogatum Sanctioni ejus Concilii, etiam si hæc derogatio non exprimitur juxta ac definitivit S. Pius V. in suo *motu proprio* apud *Garciam de Benef: Part: 4. Cap: 5. n. 32. & 33.* & censuit Sacra Congregatio Concilii, *De Synod: Dioces: Cap: 24. §. 23. nov: Edit:*

C O N C I O.

Parochi singuli tenentur Conciones habere in suis Ecclesiis, nec excusantur ex consuetudine etiam immemorabili, sive quod in aliis Ecclesiis conciones habeantur, sive ex infrequenti auditorum numero. Ita Innocentius XIII. in sua Constitutione pro reformanda disciplina Regum Hispaniæ, quam Benedictus XIII. Confirmavit ut esset norma cæteris Ordinariis. *Institut: Eccles: 10. §. 3.* Sufficit tamen pro concione allocutio pia, singulis festis, ut respondit S. Congregatio die 8. Augusti 1732.

Concionatores Regulares tenentur petere ab Episcopo benedictionem, et si velint in Ecclesia sui Ordinis conciones habere, ex Bulla Clementis X. *suprema, Institut: Eccles: 27. §. 8.* In alienis vero Ecclesiis licentia, & benedictio Episcopi etiam Regularibus requiritur ex Tridentino *Seff: 5. Cap: 2. ibidem,*

Interdici potest Regularibus prædicatio etiam in suis Ecclesiis facta eo tempore, quo Episcopus per se-

seipsum concionem habet etiam in alia Ecclesia.
De Synod. Dioces: Lib: 7. Cap: 43. §. 7. l. 9. c. 17.
§. 7. non: Edit.

Si vero Episcopus coram se prædicare faciat, seu prædicationes etiam in sua Ecclesia audiat pro consueto more Adventus, & Quadragesimæ, prohibere non potest Regulares ne eodem tempore in suis Ecclesiis prædicent. Nequeunt vero prohibente Episcopo prædicare eo tempore, quo Episcopus ex publica causa convocatis Clero, Magistratu, & populo coram se prædicare facit; quod ex Clementina, *Dudum de sepulturis* eruitur. *De Synod: Dioces: Lib: 7. Cap: 43. §. 7. Ibid: nov: Edit:*

Concionem proprii Parochi, quam in Parochiali Ecclesia diebus festis habet, auscultare parochiani non tenentur, præcipiente licet Tridentino, cujus functionem contraria modò consuetudo abrogavit. *De Synod: Dioces: Lib: 7. Cap: 64. §. 13. l. II. c. 14.*
§. 13. nov: Edit:

Concionatores si per scurrilitatem *Verbum DEI*, veluti in scenam adducunt, non levem culpam admittunt, sed grande piaculum, ita ex verbis encyclicæ S. Congregationis Concilii sub Innoc. XI. datæ 6. Julii 1680. *Institut: Eccles. 27. §. 15.*

C O N C U R S U S.

In Concorso ad Parochialem, si collatio pertinet ad Episcopum, iudicium de digniori ex approbatis ab Examinatoribus pertinet ad illum; si vero beneficium sit Patronatus Ecclesiastici, tunc prælatio ad Patronum spectat. Si patronatus sit laicus, ab Examinatoribus deputatis approbandum, sed sine concursu, Patronus debet eligere. Si tamen in Patronatu laicali plures sint Patroni, & a singulis suus præsentetur, ita ut singuli non habeant jus præ alio, tunc concursus instituendus est, & ad Episcopum per-

pertinet præelectio inter approbatos, ut ex Decreto S. Congregationis apud Barbosam. *De Synod: Diacefs: Lib: 4. Cap: 8. §. 8. & 9. Ibid: & in nov: Edit:*

Sede vacante in concursibus electio est Vicarii Capitularis, nam ad illum tota jurisdictio Capituli devolvitur. §. 10.

In concursu examinatores tenentur iudices esse non tantum doctrinae, sed & cæterarum dotum, quæ necessariae sunt ad Parochiale Officium. Ita Pontifex in Bulla CUM ILLUD Bull: Tom: 1. num: 68. In concursu habendo hæc servanda. *Ibid:*

Habita notitia vacationis Ecclesiae, Episcopus Vicarium deputet cum emolumento ejus arbitrio assignando.

Episcopus Publicet edictum concursus, præfinito tempore ejus habendi, intra quod tempus concurrentes deferant personæ ab Episcopo deputandæ suarum qualitatum, meritum, & mungum documenta sincera, sive judicialia; quæ eo tempore clauso nequaquam recipiantur.

Die ad concursum indicta, summa eorum documentorum a Cancellario Episcopali confecta tradatur illi, qui concursui præest, & singillatim omnibus Examinatoribus. Tum habeatur concursus assignatis singulis concurrentibus iisdem quæstionibus, eodemque Evangelii textu, super quo sermone aliquid concurrentes præscribant. Hæc omnia dictentur omnibus eodem pariter tempore, & in eodem conclavi clausis; assigneturque omnibus congruum tempus ad respondendum. Responsa sua quisque manu scribat sermone latino, suaque itidem manu subscribat. Sermo ad populum habendus vernacula lingua scribatur. Responsa demum ipsa subscribat tum Cancellarius concursus, tum Superior, qui præest, ac demum Examinatores singuli.

Tenantur etiam ab Examinatoribus concurrentes qua peritia polleant in lingua Latina, tradendo illis explicandum aliquid sive de sanctis Patribus, sive de Concilio Tridentino, aut Catechismo Romano, quod ore tenus fieri potest.

Responsa ita subscripta etiam ab Examinatoribus, qui pauciores tribus esse non possunt, una cum notula compendiarie requisitorum tradantur Cancellario custodienda, penes acta secreto nemini ostendenda.

Si quis appellandum duxerit a mala relatione Examinatorum, vel irrationabili iudicio Episcopi, coram Iudice appellationis acta integra concursus introducantur, qui illis non visis, nec aliter quam ex illis sententiam suam ferat, tam respectu doctrinae, quam morum.

Si in casu dictae appellationis Episcopus censet significandum Iudici appellationis secretam causam, ob quam motus fuerit ad alium eligendum, poterit sub secreti lege illam Iudici etiam per litteras significare.

Quod si Episcopo suspecta sit fides Iudicis de secreto illo prodendo, literis suis eadem deferat Sacrae Congregationis Concilii Praefecto.

Iudex appellationis, quando appellatio fit a malo iudicio Episcopi, seu mala relatione Examinatorum, cognoscere debet non solum de doctrina, sed etiam de caeteris dotibus electi ab Episcopo,

Si Iudicis appellationis sententia conformis sit electioni Episcopali, tunc ab appellatione ulterius cessandum est. Secus vero si acciderit, liceat praelecto Episcopali secundo, & tertio appellare. Demum cui duae conformes adsunt sententiae, ille victor habeatur.

Si vero beneficium curatum, dignitas, & canonicatus a Sede Apostolica conferendum sit, tunc

concurfus non expectata ulla Pontificis venia, ab Epifcopo indicatur. At fi beneficium curatum fit, & refervatum fit tantummodo ratione menfium, Epifcopus eligat magis idoneum, & illum Datariaè fignificet, cui acta concursus, nifi requirantur, non tenentur transferre. Viciffim transferat illa, & fufpendat a ferendo iudicio, fi refervatio ex alio quovis capite fit. Licebit tamen Epifcopo denuntiare illum, quem credit magis idoneum fore beneficio, ficut & fi alicui occulta aliqua caufa obfit, ne beneficium obtineat: *Ibid:*

CONFESSARIUS.

Confessarit temere interrogantes pœnitentes fuos de focio criminis, alioquin denegantes abfolutionem, fufpentionis ab Officio cenfuram fententiæ ferendæ incurrunt, peccant graviter, & fup denuntiandi, fi agnofci poffit hanc fibi præxim tanquam licitam ftatuiffe. Sicut etiam denuntiandi funt, qui id licere docent. Ita Benedictus XIV. in Confitut. *Ad eradicandum &c.* Ibi etiam additur pœnitentes illos, quos ad prodendum nomina complicum Confessarius adegerit, non teneri ad denuntiandum eisdem Confessarios, id agentes ex quadam imprudentia, ac fimplicitate, quique eidem praxi addicti ex circumftantiis agnofci non poffint.

Confessarii pœnitentes fuos ad turpia follicitantes denuntiandi funt ab eodem pœnitente, quæ denuntiatio fieri debet, etiamfi Confessarius fit fimplex Sacerdos, & Iurifdictione careat.

Etiamfi pariter follicitationi ipfe pœnitens confenferit.

Etiamfi post ipsam follicitationem tempus longum jam effluxerit.

Etiamfi follicitatio fiat a Confessario non pro fe, fed pro alio. Con-

Confessarii caveant, ne pœnitentes, quos no-
verint ab alio sollicitatos absolvant, nisi prius, si-
ve denuntiationem fecerint, vel saltem promiserint
se denuntiaturus quamprimum poterint. Ita in Bul-
la SACRAMENTUM POENITENTIÆ Bull. Tom I.
n. 20.

Confessarius caret omni auctoritate. & jurisdic-
tione absolvendi socium criminis in ordine ad illud
crimen cum illo commissum; etsi nihilominus ausus
fuerit absolutionem hanc impertiri, ipso facto in-
currit excommunicationem Summo Pontifici refer-
vatam; quæ absolutio socii criminis neve in ipso
Jubilæo, vel privilegio Bullæ Cruciatæ impendi va-
let. *Ibid:*

In mortis vero articulo si adfit quicumque alius
Sacerdos, qui præsentî necessitati provideat, & Con-
fessarius socius criminis nihilominus pœnitenti alias
disposito impenderit absolutionem, absolutio quidem
ipsa valet, ac Confessarius lethaliter peccat, & ex-
communicationem reservatam incurrit. Quare non
potest id agere Confessarius, nisi cum necessitas
urget mortis, nec adfit alius Sacerdos saltem
simplex, qui impertiri eandem absolutionem possit;
vel saltem nisi ipse non posset ab hoc munere
vacare sine gravi infamia, vel scandalo. Tene-
tur proinde omnia media adhibere citra scanda-
lum, vel infamiam suam ad hoc, ut ipse se
subtrahat, & alium si fieri possit substituât. Ita
Pontifex in declaratione prioris Bullæ *Sacramentum*
Pœnitentiæ nova sua Bulla *Apostolici muneris*. Bull.
Tom. I. num. 120.

Injungitur Ordinariis, ut in approbatione Con-
fessariorum constitutionem Gregorii XV. & præ-
sentem Benedicti XIV. ab omnibus Sacerdotibus
approbandis attente legi, & observari curent. Ita

In 52 Epitome Doctrinae Moral: & Canon:
In Bulla Sacramentum Pœnitentiæ. Bulla Tom. I.
nu. m. 20-

Confessarii absolutio data ignorantibus necessaria necessitate mediæ est invalida, Encyclica: *Esth minime*. Bull: Tom: I. n. 42.

Si vero ignoret pœnitens necessaria necessitate præcepti, & rite doleat de hac ignorantia, ac emendationem promittat, posse absolvi iudicat. *Ibid:* §. 12.

Confessarius si audierit pœnitentem, & non absolverit, requiraturque de attestatione confessionis in scriptis, debet illam Concedere, non tamen unquam affirmare debet se illum absolvisse, nec tunc pariter cum illum absolverit; nam alias si de aliquo hoc attestatus fuisset, & de aliquo non, revelationis Confessionis periculum subiret. *Institut: Eccles: 45. §. 10.*

C O N F E S S I O.

Nemo unquam quodecunque privilegium obtinens audire potest Confessiones sæcularium absque approbatione Ordinarii, idque valet etiam pro Confessionibus venialium, & mortalium, quæ alias clavibus subiecta sunt. Id etiam comprehendit eos, qui privilegium Bullæ Cruciatæ obtinuerunt, ut ex Bulla Benedicti XIII. *Institut: Eccles: 86. §. 8.*

Per Confessionem factam cuilibet Sacerdoti sæculari, vel Regulari ab Episcopo approbato satisfieri canonis *Omnia utriusque sexus* ex Constitutionibus Clementis VIII. Ann. 1592. & Innocentii X. Ann. 1645. incipiente. *Exponi nobis* constat. *De Synod: Diœces: Lib: 7. Cap: 44. §. 4. l. II. c. 14. §. 4, & 5. nov: Edit:*

Etiam non commissa gravi culpa præceptum annuæ Confessionis obligat, ut quis se peccatorem saltem semel quotannis recognoscat, ut ex S. Thoma in 4. *Sent: dist: 17. Q. 3. A. C. Quæstium: 3. Institut: Eccles: 18. §. 4.*

Parochus quamvis plerumque credere debeat Parochiano suo afferenti Confessionem peregrisse, si tamen prudenter credere non possit afferenti, abstinere debet ab administranda eidem communione etiam Paschali, ut ex Roncaglia. *Institut: Eccles: 45. §. 15.*

Si pœnitens tempore Paschæ absolutionem obtinuit, sed ex Consilio Confessarii admonetur, ut aliquo tempore abstinere a communione, potest parere absque peccato. Non tamen potest Confessarius ad arbitrium prorogare eam communionem, ut ex cap: *Omnis utriusque sexus de Pœnit: & Remiss: Ibid: §. 16.*

Possunt Episcopi limitatam facultatem audiendi Confessiones dare Regularibus, etiamsi post examen idoneos illos repererint: *Instit: Eccles: 86. §. 9.*

Quoad Confessionem factam laico in necessitate dum non adest copia Sacerdotis, de qua sermo fuit olim apud veteres Theologos, & etiam apud S. Thomam recte docet Pontifex, neminem ex veteribus illis agnovisse laicum esse verum Ministrum hujus Sacramenti; sed eam Confessionem testimonium esse animi demissi, & humilitatis, ex quo magis flebitur DEUS ad elargiendam uberiores gratiam, qua quis ad contritionem & justificativam excitetur. Nihilo tamen fecius hanc nunquam fieri præstat, cum multis incommodis sit obnoxia. *De Synod: Dioces: l. 7. c. 16. §. 1. & seq. nov. Edit: Ubi recte ex Decreto Clementis VIII. illicita esse, & invalida Confessio facta Sacerdoti absenti per internum notatur.*

In locis ubi rarissimi sunt Sacerdotes, qui audiunt Confessiones, sufficit ad eos approbandos scientia minus quam medioeris, ut ex Cardinali de Lugo. *Instit. Eccles: 86. §. 12.*

C O N F I R M A T I O.

Confirmationem Sacramentum esse novæ legis constat tum ex definitione Tridentini Sess: 7. Can: 1. cum ex Actuum 8. illis verbis. *Imponebant manus super illos & accipiebant Spiritum sanctum. Instituit: Eccles: 6. §. 3.*

Sacramentum hoc conficitur impositione manuum Episcopi, & prece. Quandoque illud instituerit Christus, qui unicus est auctor Sacramentorum, incertum, num tunc cum imposuit manus capiti puerorum. *Matth: 19.* Num instituerit tantum, non ministraverit; num in ultima cæna cum dixit Apostolis: *Accipite Spiritum sanctum;* num tandem ipsa Pentecostes die; ignoratur. *Ibid: §. 5.*

Quamquam gratia prodigiorum, quam olim infundebat, modo cessavit, id non amplius exigente Ecclesia, gratiæ tamen sanctificantis donum modo pariter datur. S. Augustino teste, *de Baptismo: Lib: 3. Cap: 16.* Quæ tamen gratia Sacramentum recipientibus amoto peccati obice confertur, ut sit potius gratiæ præcedentis augmentum. Producit etiam robur & firmitatem quandam spiritualium virium, quibus diabolo resistamus. *Ibid: §. 7.*

Tandem characterem imprimi indelebilem, quo datur potestas quædam spiritualis in ordine ad aliqua gerenda, quæ a perfectionibus agenda sunt. Ex quo fit, ut reiterari non possit. *Ibid: §. 7.*

Necessitatem quam vocant absolutam hujus Sacramenti recipiendi nemo utique esse affirmaverit; sed vel in re, vel in voto plane necessarium est necessitate præcepti, & quidem divini tempore persecutionis, Neque Parochi, neque Parentes, nec qui sunt loco parentum, sunt eximendi a lethali culpa si non insistent, ut subjecti sibi Parochiani, & quos habent subjectos Confirmationem ab Episcopo parato recipiant. *Ibid: §. 9. & 10.*

Quoad ætatem Chrismandorum, ex Regula ordinaria conferendum est hoc Sacramentum puenis post septennium; sed in aliquo extraordinario casu iusta urgente causa non vetatur, quin possit etiam ante eam ætatem ministrari. Justam causam adesse constat, si facilis ad pueros illos in posterum non sit futurus Episcopi accessus, &c. Ita in Bulla pro Coptis Anno vertente. & de Synod: Diæces: Lib: 7. Cap: 10. & nov: Edit.

Confirmationis Minister ordinarius est Episcopus; extraordinarius vero de Pontificis mandato Sacerdos quilibet esse potest, quod hodie certum est, licet olim Doctores quidam dubitaverint. De Synod: Diæces: Lib: 7. Cap: 7. per totum. Utitur tamen simplex Sacerdos Chrismate ab Episcopo benedicto, quanquam probabilis est eorum opinio, qui tenent Chrisma illud ex commissione Summi Pontificis benedicti a simplici Presbytero posse, nec desunt, rara quidem, exempla. Ibid: Cap: 8. per tot: Cæterum tenendum est irritam fore Confirmationem a simplici Presbytero latino ex sola Episcopi delegatione collatam; nam Romanus Pontifex ex consuetudine in tota Ecclesia latina jamdiu recepta tacite sibi hanc facultatem servasse censendus est. Hæc etiam reservatio, utpote jurisdictionem restringens valet utique ad hoc, ut Episcopus jurisdictione ad delegandum careat. Ibid: §. 7. per tot: l. 7. c. 8. §. 7. nov: Edit:

Confirmationis Sacramentum cum oleo, & Chrismate etiam veteri, si novum haberi non possit, sed tamen a Catholico Antistite benedictus conferri a P. Guardiano S. Sepulchri Ordinis Minorum de Observantia, si defuerit Episcopus latini ritus, in sua Diæcesi residens, conceditur a Pontifice suo Brevi incipiente Cum ad infra scriptum. Id tamen personale esse

esse privilegium datum Gaudiano petenti constat. Extat Bulla in Bull: Tom: I. n. 10.

Idem etiam concessum est a S. Congregatione, & consumatum a Benedicto XIV. in sua Constitutione Anno vertente Bull: Tom: III. num: 30. Praefecto Missionum Ægypti, donec aliquis Catholicus Episcopus in Ægypto habeatur.

Confirmatio a Græcis Sacerdotibus collata in locis Græcorum, in quibus mos iste non est expresse improbatus a Sede Apostolica valere censenda est ex consensu tacito Romani Pontificis. *De Syrodi Diocesi: Lib: 7. Cap: 9. & nov: Edit: & Constit: pro Coptis Catholicis, Bull: Tom: III. num: 30.* quæ constitutio incipit Anno vertente. In qua tamen, monetur Chrisma illud benedicendum esse ab Episcopo.

Animi dispositiones ad digne recipiendum hoc Sacramentum sunt status gratiæ, quæ in adultis lethali crimine infectis comparatur plerumque per Sacramentum Pænitentia. *Institut: Eccles: 6. n. 11.*

Corporis dispositiones, non tamen necessario præmittendæ, sunt plerumque confirmandi, & confirmantis jejunium, quod consulit Pontificale Romanum. *Ibid: §. 12.*

Patrinus unicus assistere debet confirmando, mas maribus, femina feminis, qui etiam Patrinæ debent esse confirmati. *Ibid: §. 13.*

Mates seorsum a feminis accedere par esset, ut honestius res peragatur, ut ex Concilio Mediolanensi. *Ibid: §. 13.* Porro Patrinus manum suam, dexteram dextero humero Chrismandi imponat: *Ibid: §. 16.*

Tempore pestis, eo morbo affectis non tenetur Episcopus hoc Sacramentum ministrare, cum Sacramen-

mentum hoc non sit absolutæ necessitatis. *De Synod. Diœces: Lib: 13. Cap: 19. §. 6. nov. Edit.*

In Confirmatione tempore pestis non potest fieri inunctio frontis mediante penicillo, nec sane valeret sic collata, cum ex consensu fere omnium Theologorum ad valorem requiratur aliqua manus impositio, quæ certe fieret cum alio medio, quam pollice, vel manu, confirmandi frons oleo liniretur. *De Synod. Diœces: Lib: 13. Cap 19. §. 77. nov. Edit.*

CONFRATERNITATES LAICORUM.

Dux Confraternitates ejusdem instituti in uno, eodemque loco esse non possunt ex Bulla 105. Clementis VIII. Cum tamen amplior est civitas, vel populus frequens, binæ tolerantur. *Institu: Eccles: 105. §. 86.*

Si Confraternitas sit erecta in Ecclesiis Regularium exemptorum, subest tamen jurisdictioni, & visitationi Episcopi, cui jus est etiam visitare eorum capellas ibidem positas, in iis tamen, quæ Confraternitatum gubernationem respiciunt. Et si Confratribus incumbit onus manutenendi Altare, & illius cultum, sicut & ornamenta Altaris, onera Missarum, & divinatorum Officiorum ibidem celebrationem &c. Ita ex resolutione Sacræ Congregationis. *Ibid: §. 88.*

Confraternitates Laicorum nequeunt aggregationem petere ab Archi-Confraternitatibus Romanis, nisi prævia approbatione ordinarii loci, seu Episcopi cum interventu duorum de Capitulo. Ita ex Constit. 115. Clem: VIII. additis Decretis S. Congregationis. *Ibid: §. 89.* Aggregatarum vero administratores rationem Episcopo reddere tenentur, ut ex eodem S. Congregationis Concilii Decreto. *Ibid:*

Hæc omnia valent etiam pro Confraternitatibus aggregatis Capitulo S. Joannis Lateranensis, sicut

etiam pro illis quæ fundatæ jam sese eidem Basili-
cæ annui tributî solutione submittunt, ut sæpe de-
cisum est. *Ibid* §. 90.

In solo vero Lateranenfi fundatæ Ecclesiæ, vel
Oratoria ex Bulla XIX. Sixti V. non subsunt juris-
dictioni ordinariæ Episcopi; sed ut firmat Rota,
utitur Jure delegato concessio illi a Tridentino *Seff.*
6. Cap. 4. & *Seff.* 24. Cap. 3. de *Reform.* vi cujus
potest per se, & per alium eas visitare, ut etiam
probat Decretum Sacræ Congregationis. *Ibid*: §. 90.

Confraternitates Laicorum in Ecclesiis Parochia-
libus erectæ dependent a Parocho in functionibus
Ecclesiasticis non Parochialibus, ut ex Decreto S.
Congregationis Rituum die 12. Januarii 1704. *Ibid.*
§. 93. Quare eadem Confraternitates erectæ in
Capellis, vel Oratoriis adnexis Parochialibus Ec-
clesiis, & ab eis dependentibus eandem a Parocho
dependentiam habent, ex eodem Decreto. *Ibid*:

Erectæ tamen in Ecclesiis publicis, seu priva-
tis, ab Ecclesiis Parochialibus sejunctis, ab ea de-
pendentia eximuntur, ut ex eodem Decreto. *Ibid.*

Quare Benedictiones, & distributiones candela-
rum, cum non sint de juribus mere Parochialibus,
sicut etiam benedictiones mulierum post partum,
Fontis Baptismalis (quæ tamen ambo fieri debent a
Parocho) ignis, feminis, ovorum, & similibus, fun-
ctiones omnes hebdomadæ sanctæ, celebratio Mis-
sæ solemnis in feria V. in Cena Domini, (quæ
tamen spectat ad Parochos) pulsatio campanarum in
Sabbato sancto, (quæ tamen spectat ad Ecclesiam
signiorém) celebratio Missæ solemnis in Festivi-
tatisbus solemnioribus ejusdem Ecclesiæ, vel Ora-
torii, expositio quadraginta horarum, & benedictio,
quæ fit super populo, expositio sacrarum Reliquia-
rum, vel imaginum, fieri possunt in Oratorii
Con-

Confraternitatum, etiam Parocho respective contradicente, ut in eodem Decreto. *Ibid.*

Insuper in iisdem privatis Confraternitatum Oratoriis cantari possunt absque licentia Parochi horæ Canonicae ex eodem. *Ibid.*

In oratoriis eorum privatis licita est celebratio Missæ privatæ assentiente Ordinario tantum.

Earum Capellani non possunt Populo denuntiare festivitates, & vigiliis, contradicente Parocho, ex eodem. *Ibid.*

Nequeunt Parochi invitis Confratribus in eorum Oratoriis a Parochiali separatis docere doctrinam Christianam, ex eodem. *Ibid.*

In eorum Ecclesiis publicis haberi possunt etiam negante Parocho conciones per totam Quadragesimam, & Adventum publicè, ex eodem. *Ibid.*

Vicissim non potest in dictis Ecclesiis, nisi aliter disponente Episcopo, celebrari, seu cantari Missa ante Parochialem, ex eodem. *Ibid.*

Ad Parochum tamen spectat Officium funebre facere super cadaveribus sepeliendis in supradictis Ecclesiis, quando tamen defunctus tumulandus est subjectus Parocho, intra cujus fines est Ecclesia illa.

In Processionibus Confraternitatum extra ambitum suæ Ecclesiæ (quæ tamèn fieri non possunt absque licentia seu Episcopi, seu Parochorum illorum, per quorum territorium transeundum est) Capellani illarum extra Ecclesiam propriam stolam de terre non possunt, ex eodem. *Ibid.*

Accedenti Episcopo ad Ecclesias earum publicas, quæ non sunt Regularium, neque proprium Rectorem beneficiatum habent, aspersorium a Parocho exhibendum non est. Ex eodem. *Ibid.*

Ex solo jure Parochiali cessante aliquo titulo
non

non potest Parochus Capellanos illarum cogere ad assistendum functionibus Ecclesiae Parochialis. Ex eodem. *Ibid.*

Abſque Indulto Apoſtolicò non licet in dictis Eccleſiis, quæ non ſint Parochiales, neque Regu- larium, retineri SS. Eucharistiæ Sacramentum, ne- que ſi ea facultas adſit, abſque Ordinarii licentiã potest ibidem dictum Sacramentum publice exponi. Ex eodem. *Ibid.*

Parochus nequit ſe ingerere in adminiſtratione oblationum, vel Eleemoſynarum in dictis Eccleſiis collectarum, neque retinere clavem capſule pro illis recipiendis expoſitæ. Ex eodem. *Ibid.*

Dummodo non impediãt functiones, & divina Officia, poſſunt Confraternitates etiam erectæ in Ec- cleſia Parochiali pro libito ſe congregare abſque li- centia, & præſentia Parochi ſicut & poſſunt pro- pria bona adminiſtrare, & de illis diſponere inde- penderit ab illo. Ex eodem. *Ibid.*

Non potest Parochus tanquam delegatus Ord- inarii, aſſiſtens earum Congregationibus ſuffragium deciſivum ferre. Ex eodem. *Ibid.*

Plura tamen ex his, quæ exigere a Confratri- bus Parochus nequit, poſſunt tamen fieri de man- dato Epifcopi, ut in peculiaribus rerum eventibus sæpe deciſum eſt a S. Congregatione. *Ibid.* §. 98.

Confratres non poſſunt quaſtuare etiam per pro- priam Eccleſiam, niſi de licentiã Ordinarii, ut ex Decreto S. Congregationis. Miſſas vero ex qua- ſtuis illis collectas, celebrandas eſſe in eadem Ec- cleſia, non vero in Parochiali cenſuit S. Congrega- tio Concilii. *Ibid.* §. 132.

Inter Confraternitates Laicorum illa præcedit, quæ eſt in poſſeſſione præcedendi: & cum nihil ea- dem re conſtet, præcedere illa debet, quæ prius ſaq-
cis

is induta est, ut ex Constit. 84. Gregorii XIII. constat. *Institut. Eccles.* 105. §. 84.

Sed in Processionibus, in quibus defertur SS. Eucharistia, Confraternitas SS. Sacramenti, si sacco induatur, præcedit cæteras, ut decisam in Rota Romana, *Ibid.* §. 45.

CONSECRATIO.

Si parietes Ecclesiæ sint destructæ, & a fundamentis iterum reædificentur, Ecclesia jam consecrata iterum consecranda est, ut ex Titulo: *de Consec. Eccles. vel Alt.* firmant Canonistæ. *Institut. Eccles.* 67. §. 2. Officium vero recitari debet de priori consecratione, non de secunda. *Ibid.* §. 6.

Altaris consecratio plane distincta est a consecratione Ecclesiæ, ut ex Pontificali Romano adnotatur. *Ibid.* §. 8.

CONSUETUDO.

Consuetudo rationabilis & legitime præscribit abrogat omnem legem humanam etiam canonicam ex textu in *Cap. final. de Consuet.* nefas est tamen Episcopo juxta consuetudinem Diæcesis suæ contra Canones Legem concedere; quod enim valeat consuetudo, est ex quadam tolerantia Superioris Legislatoris. Nimis autem esset arrogantia, si Episcopus legem conderet contra legem Superioris. *De Synod. Diæces.* Lib. 7. Cap. 71. §. 7. l. 12. c. 8. §. 2. nov. Edit.

CONTRACTUS.

Contractus trium contractuum, qui a multis defenditur, ab aliis improbat, a Pontifice præcisè non improbat, sed facultatem permittit Episcopis, ut in suis Synodis dehortentur subditos suos ab eo exercendo. *De Synod. Diæces.* Lib. 7. toto capite 50. l. 10. c. 7. per tot. nov. Edit.

Contractus *collatici* is est, quo bos terram arans traditur bubulco, qui solvit domino bovis certam portionem frumenti lege hac adjecta, ut si bos naturaliter moriatur damnum sit domino, & bubulco commune. Si vero pereat culpa bubulci, is totum damnum subeat. Hic contractus approbatus est a Theologis, nonnullis adjectis conditionibus, quæ probatæ fuerunt a S. Congregatione Concilii die 6. Decembris 1730. *De Synod. Dioces. Lib. 7. Cap. 51. §. 2. l. 10. c. 8. §. 2. nov. Edit.*

Contractus venditionis cum pacto francandi est, cum Titius vendit Sempronio prædium suum cum pacto redimendi rem venditam, prædium tamen retinet tanquam conductor, & pro conductione mercedem solvit, donec idem Titius sibi illud prædium redimat. In hoc contractu pœnitens emptor a Confessario interrogandus est, num reipsæ animi sincerum habuerit emendi; similiter, & venditor interrogandus est num ab emente pecuniam nauquam petierit, eumque reuuentem induxerit ad usuram obtegendam pallio pacti francandi. In utroque enim illo casu subintelligitur usura, adeoque illicitum iudicandum est; secus vero non. *De Synod. Dioces. Cap. 51. Lib. 7. §. 5. Ibid. §. 3. nov. Edit.*

C R U X.

Crux eminens inter candelabra statuenda est in Altari, ubi Missa celebratur, nec sufficit crux nuda, sed requiritur cum Crucifixi figura. Nec deest, ut parva crux apponatur, ut non ita facile occurrat oculis celebrantis, quare in *ENCYCLICA* sua ad Ordinarios ditionis Ecclesiasticæ mandat Pontifex, ut amoveantur cruces istæ parvulæ. Vide *Bull. Tom. I. num. 17. ACCEPIMUS RRÆSTANTIUM.*

Num vero apponenda sit crux de more etiam cum exposita est adorationi Sacra Eucharistia, Congregatio sacrorum Rituum consulta semel mandavit apponi: iterum vero causa repropofita die 2. Septembris Anno 1721. decrevit, ut quælibet Ecclesia consuetudinem suam retineret. *Ibid.*

• Num etiam necessaria sit crux si in tabula Altaris primam imaginem exhibet Crucifixus, Sacra Congregatio censuit hanc sufficere. *Ibid.*

Denique num committat peccatum grave celebrans in Altari, in quo crux abest, communis sententia tenet: id quidem non nisi venialem culpam inducere. *De Sacrif. Miss. Lib. 3. Cap. 13. §. I.*

D I S P E N S A T I O.

Dispensationes sacræ Pœnitentiariæ cum diriguntur ad Confessarium ex approbatis ab Ordinario, executioni mandari debent a Confessario approbato ab Ordinario illius loci, in quo dispensatio illa præstari debet; nec valet si actu Confessarius non sit, sicut nec si approbatus fuerit tantum pro maribus, & dispensatio petatur a scæmina. *Institut. Eccles. 87. §. 31.*

Cum dirigitur Confessario Magistro in Theologia, vel Decretorum Doctore, requiritur laurea Theologiæ, vel juris Canonici in publica Universitate; nec aperiri literæ illæ possunt a simplici Regulari Confessario, nisi tamen Religio illa privilegium aliquod ea de re obtinuerit. *Ibid. §. II.*

Si semel apertum fuerit breve Pœnitentiarum ab eo qui non habet titulum requisitum, non ideo tamen vitatur rescriptum, sed sufficit si alteri habenti requisita consignetur. *Ibid. §. 33.*

Si semel electus fuerit executor potest nihilominus ex probabili sententia variari, quanquam non desint Doctores, qui oppositum opinentur. *Ibidem.*

Exc-

Executor certiozem se reddere debet de veritate causarum, ex quibus obtenta dispensatio est; non tamen requisitis aliunde testimoniis, sed ipsum dispensandum interrogans, nisi aliquando ipse eandem veritatem rescisset; nec tenetur illum sub juramento interrogare, ut est communis Doctorum sententia. *Ibid: §. 34.*

Si tamen falsa narrare dispensandum sciverit, non potest ad dispensandum procedere, nisi id sciret ex præcedentibus dispensandi confessionibus, ut ex Sanchez. *Ibid:*

In ejusmodi dispensationis literis, mandatur executori, ut dispense audita prius Sacramentali confessione, & in ipsa confessione; nec liberum est illi extra confessionem rem exequi, ut omnes docent. *Ibid: §. 35.*

Cum pœnitentia in literis definitur, ea injungenda est; si vero committatur arbitrio Confessoris, non est illi liberum & ad arbitrium injungere; sed ad prudentiæ leges dirigenda est, neque nimis rigida, neque lenior quam par sit. *Ibid. §. 37. 38.*

Quoad clausulam *dummodo sit occultum*, censetur occultum si tantum septem, vel octo in civitate id resciant; in oppidis vero si quinque, vel sex, quam sententiam Scriptores, qui mentem sacrae Pœnitentiariæ prope norunt, tuentur. *Ibid. §. 45.*

Si vero occultum impedimentum fuerit in loco ubi executioni mandanda dispensatio est; publicum vero in alio, ubi commissum est delictum, tutius tunc est executionem suspendere, & de hac novitate sacram Pœnitentiariam certiozem facere. *Ibidem. §. 46.*

Delictum olim publicum, nunc occultum si a die commissi criminis decennium elapsum sit, ad hunc effectum ceteri occultum judicant periti earum Theologi. *Ibid: §. 48.*

Si quis rem vestitam præstiterit, sed publice creditur obtinuisse ad id facultatem, hujus peccatum ad hunc effectum creditur occultum. Si vero commisisse delictum resciatur, sed ignoretur inde confurgere impedimentum, profecto occultum quoad hunc effectum non censetur. *Ibid.* §. 48.

• Clausula *dummodo occultum sit* exigit, ut nullo modo probari possit. *Ibid.* §. 44.

Si delictum deductum sit ad Forum contentiosum a S. Pœnitentiaria censetur publicum. Si tamen data in eo fuerit sententia absolutoria criminis, per quam reus repertus sit innocens, & non culpabilis, vel ex hactenus deductis non repertus culpabilis, etiamsi id obtentum sit mediis illicitis, falsis testibus &c. adhuc censetur impedimentum occultum ad hunc effectum. *Ibid.* §. 49.

DOCTRINA CHRISTIANA.

In Ecclesiis ruralibus longe distitis a Paroehiali decernant Episcopi, ut Sacerdotes ibi sacris operantes populum doctrinam Christianam doceant. Encyclica *Et si minime* Bull. Tom. I. num. 42. Caveat tamen Parochus ne nimium tribuat alienæ operæ, sed cum pueri ad Sacramentum Eucharistiæ, & Confirmationis admittendi sunt, cum sponsi conjugio jungendi; per se illos tentet quid didicerint. *Ibid.* §. 14.

Non est tolerandus mos in nonnullis Dicecesibus obtinens, ut pueri unius Paroeciæ in alia Paroeciâ doceantur Doctrinam Christianam; quemadmodum rescripsit S. Congregatio Consilii ad Cardinalem Lambertinum die 9. Augusti 1732. *Institut. Eccles.* 9. §. 10. sed singuli Parochi erudire suos debent, vel saltem curare; ut in Paroeciâ erudiantur. Non tamen reprehendendi sunt illi, qui in Eccle-

his suis, licet non sint Parochis subjectæ, fideles eo confluentes docent, dummodo exhibeant Parochis nomina eorum, qui eo frequentant. *Ibidem.*
 §. 13.

Ludi Magistri, tam conducti a Communitate, quam non conducti, tam Clerici, quam Laici Fortandi sunt prius, ut doceant suos Christianam Doctrinam, tum etiam cogendi, ex Decret. Congr. Concil. ad Archi-Episc. Spalatrenf. die 17. Julii 1668. *Ibidem* §. 14.

Doctrinam Christianam non omnes scire æqualiter necesse est: plura enim scitu sunt necessaria Ecclesiasticis quam Laicis, plura adultis, quam pueris, & puellis; plura valentibus ingenio quam hebetibus. *Institut. Eccles. 72. §. 19.*

Si quis non credat explicite ea, quæ scitu necessaria sunt necessitate medii, multo probabilius est, illum nec valide absolutionem potum fuisse. Illicita est quidem certe in eo casu absolutio, nec potest Confessarius tuto uti opposita huic sententia, & absolutionem illis, qui hæc explicite ignoraverint, impertiri, ut ex propositione damnata ab Innocentio XI, constat. *Ibid. §. 10.*

Si quis vero ignoret ea, quæ necessaria sunt necessitate præcepti, dummodo nunc doleat, & proponat emendationem, absolvi utique potest, ut ex Theologis. *Ibidem.*

Cum puellis, quæ virgines non sunt, petuntque subsidia dotalia relicta virginibus, dispensat in occultis, & in foro conscientia tantum major Pœnitentiarius, tam pro obtentis, quam pro obtinendis quatenus tantum illæ in posterum honeste vivant. *Bulla Pastor bonus &c. Bull. Tom. I. n. 95. §. 27.*

D U E L L U M.

Benedictus XIV. Anno 1752. die IV. Idus Novembris
has propositiones ad duellum attinentes damnavit.

I. Vir militaris, qui nisi offerat, vel acceptet
duellum, tanquam formidolosus, timidus, abjectus,
& ad Officia militaria ineptus haberetur, indeque
Officio, quo se, suosque sustentat privaretur, vel
promotionis alias sibi debitæ, ac promeritæ spe
perpetuo carere deberet; culpa, & pœna vacaret,
sive offerat, sive acceptet duellum.

II. Excusari possunt etiam honoris tuendi, vel
humanæ vilipensionis vitandæ gratia duellum ac-
ceptantes, vel ad illud provocantes, quando certo
sciunt pugnam non esse secuturam, utpote ab aliis
impediendam.

III. Non incurrit Ecclesiasticas pœnas contra
duellantes latus Dux, vel Officialis militiæ ac-
ceptans duellum ex gravi metu amissionis sanæ, &
Officii.

IV. Licitum est in statu hominis naturalis ac-
ceptare, & offerre duellum ad servandas cum hono-
re fortunas, quando alio remedio earum jactura pro-
pulsari nequit.

V. Asserta licentia pro statu naturali, applica-
ri etiam potest statui civitatis male ordinatæ, in qua
nimirum, vel negligentia, vel malitia Magistratus
justitia aperte denegatur.

Vetat Pontifex in eadem Bulla, ne easdem pro-
positiones quis defendat, publice vel privatim, di-
visim, aut conjunctim, etiam disputandi gratia; ali-
oquin incidat ipso facto in excommunicationem re-
servatam Romano Pontifici. Mandat, in virtute S.
Obedientiæ, ne quis eas & ne unam quidem in
proxim deducat.

Confirmat præcedentium Romanorum Pontificum

Constitutiones de duello, atque edicit, ut si quis in duello, five publice, five privatim indicto hominem occiderit, five ille obierit in loco conflictus, five extra, ex vulnere in duello accepto perinde habeatur ac homicida voluntarius, adeoque immunitate asyli non gaudeat, extrahi e loco sacro possit, data ab Episcopo facultate, quam illi Pontifex impertitur. Addit, quod si adhuc vivat graviter vulneratus in duello, & percussor recurrerit ad asylum, ac merito timeatur futurum, ut si mors acciderit vulnerati ille se proripiat, tunc si iudicio peritorum grave vitæ periculum ex vulnere imminere censeatur, extrahatur ex asylo reus, præmissis decreto Episcopi, & cum assensu Clerici ab eodem Episcopo deputati, & teneatur carceribus clausus, exacta tamen a Iudice promissione, ut si forte vulneratus vitam proroget ultra tempus de homicidio præscriptum, restituat illum Ecclesiæ; alioquin incurrat pœnas a Benedicto XIII. in persimilibus casibus de homicidis loco sacro extractis, & non restitutis constitutas. Demum privationem sepulture, quam incurrunnt duellantes in sanctione Tridentini, declarat incurri etiam ante sententiam Iudicis, si forte decadat etiam extra locum conflictus ex vulnere in duello publico, vel privato accepto, etiam si ante mortem certa signa pœnitentiæ dederit, & absolutionem censuris obtinuerit, nec dispensari ea in re ab Episcopis posse decernit.

E C C L E S I A.

In Ecclesiis ruralibus Parochiali proximioribus caveat Episcopus, ne permittat, ut Missa celebretur ante Parochialem. Encyclica ET SI MINIME Bull. Tom. I. n. 42. §. 14.

Ecclesia Parochialis si forte corruerit, vel reparacione indigeat, tenetur illam refarcire Fabrica
 si

Adhuc, si minus tenetur Parochus non quidem redditibus suis Patrimonialibus, sed ex redditibus Beneficii, si ad suam sustentationem supersint; quam non supersint ad sustentationem propinquorum ejusdem Parochi. Tertio loco qui habent Beneficium Ecclesiasticum in illa Ecclesia. Quarto loco si Parocia est de jure Patronatus, tenetur Patronus suis sumptibus id agere, ita tamen, ut, si infra præfixum ab Episcopo tempus noluerit sumptus illos subministrare, amittat Jus patronatus illud. Denique ultimo loco tenetur populus, & qui in ea Parocia habitant, etiam si conducant domos alienas, & Cominus illarum alibi habitet; possunt tamen in eo casu ex pensionibus retentis se indemnes reddere, ita ex Canonistis. *Instit. Eccles. 100. per tot.*

Ecclesia polluitur per homicidium voluntarium, *Cap. Proposuisti de Consecr. Eccles.* Si in ea magna vis humani sanguinis effundatur. *Can. Ecclesiis de Consecr. distinct. 1.* Si sponte effundatur semen humana sive effusio sit secundum naturam, sive contra, sive per copulam alias licitam, sive per illicitam ex eodem textu, & *Cap. Si Ecclesia de Consecr. Eccles.* Si excommunicatus vitandus in ea sepeliatur, *Cap. Consulisti de Consecr. Eccles.* Item si ibi sepeliatur Ethnicus *Can. Ecclesiam de Consecr. dist. 1. De Sacrificio Missæ. Lib. 3. Cap. 7. §. 4.*

E P I S C O P U S

Episcopi consecratio ab uno ne, vel a tribus fieri necessario debeat, ut valeat, quamquam sit questio inter Theologos, cum tamen Pontifices consueverint in locis, ubi desunt Episcopi, ut ab uno tantum Episcopo consecratio ista fiat, facultatem concedere; hinc videtur probabilior sententia afferens unicum Episcopum sufficere. Solent tamen Pontifices

ees præcipere, ut Episcopo consecranti adjungantur duo Abbates, vel duo Sacerdotes in dignitate Ecclesiastica constituti. Ita pluribus allatis exemplis. *De Synod. Diacess. l. 13. b. 13. §. 5. nov. Edit.* Ibi pariter decernitur valere consecrationem Episcopi ab uno Antistite, uno tantum adjecto Præsbytero consecrata; quin et si nullus alius præter consecrantem assistat. *De Synod. Diacess. l. 7. c. 3. §. 9. l. 13. c. 13. §. 9. nov. Edit.*

Pactiones initæ a Capitulo electore, & juratæ ab Episcopo electis in Germania, ut sibi non liceat contra ipsos Electores procedere, aut obistere officialibus Capitulæ, si quid egerint, & decreverint: pactiones inquam illæ si electionem præcedant nullæ omnino, & irritæ declarantur ab Innocentio XII. Constitutione incipiente *Ecclesiæ Catholicæ*. Quæ vero subsequenter, illarum executionem suspendit, donec Sedes Apostolica judicium de illis ferat. *Ibid: §. 17.* Hæ vero pactiones vetitæ, & irritæ censentur, etiamsi fuerint honestæ, ut ex DD. *Ibid: §. 19.* Insuper adsunt ea de re literæ Apostolicæ Benedicti XIII. in forma Brevis, legendæ. *Ibid: §. 23.*

Episcopi suffraganei si decorentur pallio, in Bullis tamen ejus concessionis cavetur, ne quid præjudicii ex hoc inferatur eorum Metropolitis, quin & vetantur illud ferre in præsentia Archi-Episcopi. *De Synod. Diacess. l. 13. c. 5. §. 2. nov. Edit.*

Pallii honore non decorantur latini Patriarchæ titulares, quemadmodum nec Archi-Episcopi in partibus, cum enim pallio nemo uti possit extra Provinciam suam, illi profecto alibi commorantur. *Ibid: §. 17.*

Episcopatum resignationes, quas sibi permitti postulant Episcopi, non admittuntur a Congregatione Consistorii, nisi ex canonicis causis recensitis

in Cap. *Cum pridem de renuntiat.* quæ tamen omnes ad id referuntur, ut clare constet ipsos plebis suæ salutis prodesse amplius non posse. *Ibid.* c. 16. §. 3. *nov. Edit.*

Episcopi regulares si se abdicaverint Episcopatu, tenentur claustra suæ Religionis repetere, nisi aliter concessum sit a S. Pontifice. Ita Benedictus XIII. in sua Bulla CUSTODES. *Ibid.* §. 4.

Causæ resignationis non tam rigore examinandæ sunt in ordine ad Cardinales Episcopatum resignantes, dum volunt se conferre Romam, ut assistant Romano Pontifici. Ita ex Fagnano. *Ibidem.* §. 5.

Episcopus translatus ex uno in alium Episcopatum frui potest redditibus Ecclesiæ, a qua discedit, usque ad illum temporis articulum, quo a summo Pontifice in Consistorio a vinculo prioris Ecclesiæ absolvitur, ex tunc enim prior Ecclesia vacare censetur, ut ex definitione Congregationis Concilii per Urbanum VIII. approbata. *Ibid.* §. 7. Neque idem Episcopus post absolutionem a vinculo, jure potest conferre beneficia, quæ post idem tempus vacaverint, uti decisum in Tribunalibus Romanis. *Ibid.* §. 9.

Interim tamen post pronunciationem, scilicet Pontificis in Consistorio quoadusque hæc pronunciatione innotuerit Episcopo, remanet in eodem Episcopo jurisdictio non quidem ad conferenda beneficia, sed ad Diocesim gubernandam necessaria, uti provisum est in eodem Decreto, seu in Brevis illud confirmante Urbani Papæ VIII. *Ibid.* §. 10.

Si Episcopus in manus Paganorum, aut Schismaticorum incidat, & fiat captivus, Ecclesiæ administratio transit in Capitulum, quoadusque aliter disponat Sedes Apostolica. *Can. Si Episcopus sup-
plen.*

plen. neglig. *Praelat.* in 6. quae tamen vera sunt si carcer Episcopi sit adeo arctus, ut Episcopum suum nequidem per litteras adire Dioecesani valeant. *Ibid.*
§. II.

Episcopis ex constitutione Pontificis incipiente firmandis Bull. *Tom. I. n. 109.* fas est in Ecclesia Parochiali a Regularibus administrata in Pastoralis visitatione inspicere Altare illud, in quo Tabernaculum SS. Eucharistiae tenetur; item Fontem Baptistarii, confessionale Parochi, pulpitem e quo Parochus jus habet annuntiandi verbi DEI, sacrarium, in quo servatur sacra suppellex ad Sacramenta ministranda, Sepulchrum, Coemeterium Parochiae; Turrim etiam campanariam, si adsint Campanae ad Parochiam spectantes; Ac demum sacra vasa, in quibus particulae consecratae servantur, vel sacra olea Baptismi, & extremae Unctionis, demum pilam aquae benedictae.

Episcopi, quibus usque modo concessa est facultas impertiendi benedictionem cum Indulgentia plenaria fidelibus in mortis articulo constitutis, uti ea possunt non tantum ad certum tempus, quemadmodum limitatur in Brevibus ad illis impetratis, sed quamdiu in Dioecesi, cujus intuitu illam obtinuerant, permanferint. Habent etiam facultatem subdelegandi alios pios Sacerdotes quotquot iudicaverint opportunos, ut ipsis Episcopis impeditis eandem Indulgentiam conferant. Subdelegati vero ea facultate ad se transmissa uti possunt pro tota Dioecesi, vel territorio, cui destinati sunt, quoadusque in hoc munere perseverant, etiamsi Episcopus delegans obierit. Demum facultates istae deinceps concedentur perpetuae omnibus, & singulis Episcopis, qui literas ea de re petierint, quam etiam facultatem obtinebunt Praelati inferiores, territorium separatum

ratum habentes cum vera qualitate *Nullius*, & activa Jurisdictione in Clerum, & populum. Ita sancit Pontifex in sua Constitutione, *Pia Mater*, edita Anno 1747. nonis Aprilis, in qua etiam Ritus hujus benedictionis præbet. Bull. Tom. II. num. 34.

Episcopus in sua Synodo non potest quidem definire quæstiones de Fide, sed prohibere potest errores jam ab Ecclesia proscriptos, ut ex Gonzalez in Cap. *Vestra* deducitur. *Synod: Diæces: Lib. 6. Cap. 3. §. 7. Ibid: nov. Edit.*

Episcopis in Synodo fas est non quidem rem aliquam inter DD. controversam definire: sed praxim prohibere, uti e. g. non licet illis pronuntiare, utrum jejunii essentia in abstinentia a carnibus tota consistat; sed etiam ante Bullam Benedicti XIV. jus illis fuit injungere, ut qui dispensationem ad carnes diebus jejunii vescendas obtinuerant, unicam comestionem ferarent. *De Synod: Diæces: Lib: 7. Cap. 3. §. 1. Ibid: nov. Edit.*

Episcopo ex epicheja fas est aliquando in iis præsertim, quæ dilationem non patiuntur, nec facile Summus Pontifex consuli potest, circa jus commune relaxare, ut decisum a Sacra Congregatione Conciliæ refertur. *De Synod. Diæces. Lib. 7. c. 71. §. 1. l. 12. c. 8. §. 1. nov. Edit.* Id tamen non nisi in speciali rerum articulo, neque ea de re statutum universale concedere potest, ut ex communi DD. *Ibid: §. 2.*

Ad Diæcesanum Episcopum pertinet Ecclesias consecrare, eique fas est id muneris demandare alteri Episcopo, minime vero Presbytero etiam cum omissis ab ipso Episcopo benedictis. Ita ex DD. *De Synod. Diæces. Lib. 13. c. 15. §. 2. nov. Edit.*

Consecratas insuper Ecclesias, atque pollutas nemo præter Episcopum Diæcesanum reconciliare potest, nec fas est id muneris demandare Presbytero
quan-

quamquam cum aqua ab Episcopo benedicta. Si tamen Ecclesia non fuerit consecrata, sed tantum benedicta, facultas dari potest, ut per simplicem Sacerdotem adhibita, tantum aqua lustrali, Ecclesia poluta reconcilietur. *Ibid:*

Episcopo curandum est, ut Legata pia impleantur, quod præstare ipse potest, etiamsi prohibitus fuisset a Testatore: ut ex Cap: *Tua nobis de Testam.*

Quod si Testator executorem reliquerit sui Legati, & ei in casu quod segniter agat, alterum substituat tunc Episcopus, si subdelegatus etiam segniter egerit, curam ejus exequendi in se suscipere debet; quod valet etiam in omnibus piis dispositionibus, tam in ultima voluntate factis, quam inter vivos, ut ex Tridentino *Sess: 22. de Reform: Cap: 8.* valet etiam non solum pro Episcopis, sed etiam pro Prælatibus inferioribus, habentibus territorium separatum, & jurisdictionem quasi Episcopalem. *De Synod: Dioces: Lib: 13. Cap: ult: 1. & 2. nov: Edit: Valet etiam pro Vicario Capitulari Sede Vacante, ut Legato de Missis statuit S. Congregatio, Ibid: §. 2.*

Fabrica S. Petri in Vaticano in locis suæ auctoritati subjectis (non enim sunt omnia) non se immiscet jurisdictioni Episcoporum in ordine ad Legata pia, & Missarum onera, nisi post annum ab obitu Testatoris, quo anno elapso piarum voluntatum executioni se immiscet, etiamsi iudicium captum, ab Episcopo terminatum non fuerit, ut ex DD. constat. *De Synod: Dioces: Lib: 13. Cap: ult: §. 3. nov: Edit:*

E U C H A R I S T I A.

De frequentia SS. Communiois, quibus concedenda sit quotidiana, quibus aliquanto rarius nihil innovandum supra Decretum Innocenti XI. die 12,

Februarii 1670. Omnia scilicet referenda esse docti,
& prudentis Confessarii iudicio. Inferri tamen ex
eodem Decreto licet frequentem accessum denegan-
dum esse eis, qui in gravia peccata sæpe labuntur,
nec de emendatione sunt solliciti, sicut nec tam sæ-
pe iis, quorum cum voluntas sit a gravibus aver-
sionibus tamen tenacius inhaerent. *Synod: Dioces:*
Lib: 7. Cap: 12. § 9. Ibid. nov: Edit.

Eucharistiam una tantum die Paschatis Refur-
rectionis distribuere sæcularibus vetitum est Regu-
laribus in suis Ecclesiis; cæteris vero Paschalibus
diebus id possunt citra ullam prohibitionem. Ita in
T. de Synod: Dioces: l. 7. c. 42. §. 3. l. II. c. c. 14. §.
5. nov: Edit.

Paschale tempus, intra cuius spatium satisfieri
potest præcepto ab Eugenio IV. sua constitutione *Fi-*
de digna definitum est, a Dominica Palmarum usque
ad Dominicam in Albis, nec licet Episcopo, etiam
in Synodo tempus istud latius prorogare. *De Synod:*
Dioces: Lib: 7. c. 69. §. 9. l. 12. c. 6. §. 10. nov:
Edit.

Paschali præcepto de Eucharistia sumenda in
Parochiali Ecclesia non satisfacit recipiendo illam in
Ecclesia Metropolitana, ut ex Decretis S. Congrega-
tionis firmat de Lugo *Resp: Moral: l. 1. Dub: 15.* Ita
Institut: Eccles: 18. §. 12.

Qui Præcepto Paschali de Eucharistia sumenda
non satisfacit tempore apto, etiam post illud tenetur,
& cogi potest panis ad Eucharistiam sumendam. *In-*
stitut: Eccles: 45. §. 15.

Famuli, & famulae sæculares inservientes Mo-
nasteriis sæcularium utriusque sexus, etiam si habi-
tent in atris Monasteriorum muro circumvallatis; te-
nentur communionem Paschalem in Ecclesia Parochia-
li, intra cuius fines situm est Monasterium, recipere.

re; ut ex Decreto S. Congregationis sæpius decisum est; neque enim habitationes illæ sunt intra septa, ac domus Monasteriorum, quod requiritur a Tridentino, ut famuli eximantur a Paræcia. *Institut. Eccles. 55. §. 7. & 8.*

Sacerdotes Missam calebrantes non tenentur præcepto Paschali satisfacere in sua Paræcia, si tamen raro intra annum celebrant, nec volunt, seu possunt celebrare Missam in Paschate, tenentur tunc communicari in Paræcia. *Ibid.*

Peccatori occulto publice Eucharistiam petenti non est deneganda, cum jus naturale ad famam id expostulet. *De Synd. Diœces. l. 7. c. 12. §. 4. nov. Edit.*

Occulte vero petenti & noto Sacerdoti aliunde quam ex Confessione tuto negatur. Si vero pariter aliunde & simul etiam ex confessione sciat, exprimere debet Sacerdos, se habere ejus peccati scientiam ex certo loco non tamen nominato eo, a quo scit, si sub arcani naturalis sigillo id acceperit. Si vero noverit rem tantum ex Confessione perinde se gerat, ac si nesciverit, cum id exigat arctissimum Confessoris sigillum. *Instit. Eccles. 89. §. 2.*

Publicus peccator publice petens repellendus est. Publicus vero dicitur non ille tantummodo, qui talis declaratus est a Judice, sed etiam qui per evidentiam facti quæ nulla possit tergiversatione calari, talis habetur: *Ibid. §. 8. & de Sacrif. Miss. l. 3. c. 20. §. 4.*

Eucharistiæ sumptionem præcedere debet jejunium naturale e media nocte præcedenti captum. Nec refert si post cibum sumptum ante mediam noctem nullus somnus captus sit, nec cibus concoctus ante sacram Communionem, porro jejunium istud frangitur etiam parvitate materis; quare nec ablutio

no sumpta post celebratam Missam admittenda ab eo est, qui eo die alias Missas celebrare permittitur, uti die Nativitatis Domini, quo in casu, nec licet celebrare & ad dandum ægrotis Viaticum; nam præceptum Viatici obligat quando conferri potest juxta ritum Ecclesiæ. Reliquæ tamen cibi in ore remanentes, si deglutiantur, non frangunt jejunium naturale, ut ex Rubrica Missalis constat. Vicissim si quis antequam somno se dederit parum sacchari in os induxerit, quod paulatim liquefcens in stomachum delabatur, id utique jejunium istud frangit. Tandem si quis ore gustaret vinum, vel condimentum ad saporem explorandum, & statim expueret, hæc non esset fractio jejunii. *De Missæ Sacrificio Lib. III. toto Cap: 12.*

In dubio num quis fregerit jejunium, disputant Theologi, apud quos varii casus distinguuntur; præstaret tamen abstinere a percipienda communione. *Ibid: §. 7.*

Sacerdos extra Missam Eucharistiam suscepturus stolam e collo suspensam habere debet, uti præcipit Rituale Romanum. Potest vero seipsum suis manibus communicare si absit scandalum, & suppetat causa, quæ perceptionem Sacramenti exigat, nec alius Sacerdos præsto sit. Causa vero est solemnitas aliqua. *Festivitas. De Sac: Miss: l. 3. c. 17. §. 10.*

In Missis Defunctorum Eucharistiam fidelibus administrare non est vetitum, cum Decretum S. Congregationis Rituum id prohibens modo non amplius exhibeatur illud poscentibus, & docti Rituum Scriptores admittant, administrari tuto posse in quacunque demum Missa, nullo facto discrimine inter formas in eadem Missa consecratas, & reliquas, quæ in Tabernaculo asservantur. *Ibid. Cap: 18. §. 12.*

Nocte Natalis Domini ex Decretis S. Rituum Congregationis vetitum est ministrari in Missa sacram Communionem fidelibus adstantibus; quin nec Sacerdos eadem nocte alias duas Missas celebrare permittitur. *Ibid: §. 13.*

Feria VI. in Parasceve, & Sabato sancto nullus, nisi ad Viaticum, est communicandus, ut ex consuetudine omnium Ecclesiarum certum est. *Ibid: §. 14.*

Sacerdos in peccato mortali ministrans Eucharistiam graviter offendit in reverentiam tanti Sacramenti. Ex quo fit; ut qui recipit ab illa Sacramentum scienter peccato ejus communicet, quæ est animadversio S. Thomæ. *Ibid: Cap: 19. §. 2.* Ex quo infertur peccare illum graviter, qui Sacramentum suscipit a Sacerdote Schismatico, vel excommunicato ex eo quod ejus peccato communicas. *Ibid: §. 3.*

An unico peccato peccet Sacerdos, qui lethali peccato infectus pluribus Sacramentum Eucharistiæ administrat, dissident inter se DD. alii enim unicum agnoscunt, quando per continuatam actionem pluribus ministrat, alii totidem peccata multiplicant, quod sunt fideles. *Ibid: §. 3.*

Non licet uni ex fidelibus plures particulas, vel majoris moduli hostiam præbere, quod vetiit Sacra Congregatio Concilli Decreto approbato ab Innocentio XI. die 12. Febr: 1679. *Ibid:*

Peccatori parato recipere in peccato Sacramentum non licet offerre hostiam non consecratam pro consecrata ob periculum Idololatriæ, tum respectu suscipientis tum adstantium. *Ibid: Cap: 20. §. 4.*

Purgatio quæ olim fiebat per Eucharistiam, qua Sacerdos fidei communicaturo denunciabat, Corpus Christi futurum illi ad probationem, licet forte non
con-

contineat tentationem DEI, ut non male ratiocinetur Vasquez, hodie tamen cum abrogata fuerit per Text: ex Cap: *Ex Tuarum* in usum revocari non potest. *De Sacrif: Miss: Lib: 3. Cap: 20. §. 3.*

Consuetudo Eucharistiam negandi reis ad mortem damnatis ubi invaluit, neque probatur, neque refellitur, sed ubi invaluit contraria utique retinenda est; aliquid tamen temporis interponendum est inter communionem, & mortem, quo species Eucharistiæ consumantur. *De Sacrif: Miss: Lib: 3. Cap: 20. §. 6.*

Si alicujus Sacerdotis negligentia aliquid Eucharistiæ in terram deciderit, Rubricæ Missalis servandæ sunt; quamquam fatendum est canonicas pœnas obsolevisse. Si vero fragmentum aliquod in fœminæ pectus deciderit, præstat, ut fœmina suis ipsa manibus levatum in os injiciat. *Ibid: §. 7.*

Parochus Eucharistiam deferens, vel cadaver affocians, si impeditus sit transire per viam publicam, jus habet transeundi per agrum alienum, nec impediri potest a Domino: id enim jure communi concessum est cuilibet de populo. *Institut: Eccles: 89. §. 2.*

Si quis Sacerdos ægrotus viaticum suscipere vellet manibus suis, atque in os suum inferre non renuente Sacerdote damnari non meretur. *De Synod: Dives: Lib: 13. Cap: 13. Cap: 19. §. 27. nov: Edit:*

Si quis Episcopus vetet, ne in Missa in hoc, vel illo Altari celebranda Eucharistia adstantibus ministraretur, parendum illi esse, nec turbæ ciendæ. *Encyclica die 12. Novemb: Ann: 1742. & de Sacrif: Miss: Lib: 2. Cap: 22. §. 17.*

Si quis furripiat hostiam, vel particulas e Tabernaculo, vel e sacra Pixide, vel ex Ostensorio, & extractam asportet, id sufficere censetur pro afferendo

do furto hostiæ consecratæ, quare reo competet demonstrare non esse consecratas. Ita in Bulla AB AUGUSTISSIMO Bull: Tom: I. n. 43.

Eo ipso autem quod quis id Sacrilegii egerit præsumitur uti voluisse ad malum finem; quæ pariter præsumptio valet contra eum, qui in actu communionis, vel post illum a suo, vel alieno ore extractam particulam asportaverit. *Ibid:*

Rei hujus Sacrilegii etiam pro prima vice tradendi sunt brachio sæculari, præcedente in Ecclesiasticis degradatione reali. *Ibid:*

Si quis mane sumserit Eucharistiæ, vesperi vero decidat in lethalem morbum, integrum erit Parocho, si vel illum denuo communicet eadem die, sive abstineat, nec potest ab Episcopo ad utrumlibet adigi *De Synod: Diœces: cap: II. l. 7. c. II. §. 2. nov: Edit:*

Quod Eucharistiæ pueris administrandam recte admonet Pontifex non eandem desiderari ætatem in pueris in mortis articulo versantibus, quæ in iis qui recte valent. In morituris iudicio Parochi permittendum est, qui diligenti examine investiget, num tanta polleant perspicacia, ut Christum sub speciebus Sacramentalibus firmiter credant, & adorent. *De Synod: Diœces: Cap: 12. §. 3. l. 7. cap: 12. §. 3. nov: Edit:*

Recte valentes potiri debent majori iudicii firmitate, ut debita Religione, & reverentia ad Sacramentum accedant; quæ plerumque firmitas advenire solet annum decimum inter & decimum quartum ætatis. *Ibid: §. 2.*

Extreme ægotantibus, eodem periculo mortis diutius perseverante potest, & debet semel, iterum, tertio Viaticum conferri petente maxime agrote: sed quoties, & quantum temporis intercedere necesse sit in-

inter, unam, & alteram Communionem nihil definiendum Pontifex. *De Synod. Dioces. Lib. 7. Cap. 12. §. 4. nov. Edit.*

Eucharistiam in Oratoriis privatis administrare, quamvis multi vetitum non esse credant; tamen consonans praxis, quæ Romæ obtinet, vetat in Diocesi Bononiensi. *Instit. Eccles. 34. §. 12.*

Sacerdotes omnes cujuscunque sint Collegiatae tenentur Feria V. in Cæna Domini Sacramentum SS. Eucharistiæ recipere e manibus celebrantis, ut edicunt Decreta plura S. Congregationis apud Bissum V. *Communic. I. 383. Instit. Eccles. 38. §. 10.*

E U N U C H U S.

Nemo abscissionem potest in se pmittere, nisi de Consilio medici ad servandam vitam; & quanquam Theologi quidam admittant, ut possit quis in evirationem suam consentire ad vocis suavitatem servandam, ut dulcius in Ecclesia canat, atque inde victum sibi honestum procurare possit; adhuc tamen Theologorum id negantium opinio communis obtinuit. Disputant vero Canonistæ num ex vi Capitis *Significavit* sub Titulo *de corpore vitiatis* Sacerdos, qui id in se commiserit, possit munus Diaconi, aut Subdiaconi in Missa exercere, certum est, ex vi ejusdem Capitis, Sacerdotem illum posse benedicere, Sacramenta Baptismi, Pœnitentiæ, ac extremæ Unctionis administrare de licentia Episcopi: constat tamen eunuchum hujusmodi incurrere notam irregularitatis, nec Episcopo inesse facultatem, ut det licentiam se evirandi. *De Synod. Dioces. Lib. II. Cap. 7. §. 4. §. 5. nov. Edit.*

E X A M I N A T O R E S.

Examinatores, si in Synodo fuerint designati tantum nomine Officii, uti sunt e. g. Prior S. Dominici, non ex hoc intelligitur quod Successor in eodem munere

82. *Epitome Doctrinæ Canon: & Moral:*
nere habendus sit ut Examinator Synodalis, nam est
electa iudustria personæ. *De Synod: Diœces: Lib. 4.*
Cap. 7. §. 5. nov. Edit.

Electi in Synodo Examinatores, si interim ante
novam Synodum decedant, tunc si saltem sex rema-
neant, qui numerus de necessitate est ex definitione
Tridentini, tunc non possunt alii in eorum locum
substitui ab Episcopo. Si minores sint numero, tunc
suffici possunt alii usque ad sex ab Episcopo quidem
approbante Capitulo. *Ibid: §. 7.* Qui tamen Exami-
natores suffecti cessant elapso anno, si interim Syno-
dus non celebretur, ut ex Decreto Clementis VIII.
In hoc casu quo Synodus post annum a priori Synodo
non celebretur, tunc si non supersint saltem sex in
priori Synodo designati, omnium etiam supersitum
munus cessat. Quare tunc necesse est, ut si post an-
num concursus ad vacantes Parochiales instituendus
sit, petatur a S. Congregatione facultas, ut novi Exa-
minatores extra Synodum deputentur, quæ facultas si
obtineatur, uti semper obtinetur, tunc Episcopus de-
bet quos designavit proponere Capitulo a majore e-
jusdem parte approbandos. Capitulum vero tenetur
illos approbare si habeant qualitates a Tridentino re-
quisitas. *Ibid: num. 10.*

Examinatores congruentius suffragia ferunt pa-
lam communicando secum invicem, tum indicendo
Notario hunc, vel illum esse approbatum. In quam
sententiam, quæ est Fagnani inclinat Pontifex in *Sy-
nodo Diœcesana Lib: 4. Cap. 8. §. 4. nov. Edit.*

In iudicio Examinatorum nulla fert suffragia E-
piscopus, vel Vicarius loco Episcopi præsidens, nisi
in casu paritatis votorum, aut si sint singularia; tunc
enim potest Episcopus quibus censuerit partibus ac-
cedere, sed hoc præstare debet tunc coram iisdem
Examinatoribus. Ita ex Garcia. *Ibid: §. 5.*

EXCOMMUNICATIO.

A quibuscumque censuris excommunicationis, suspensionis, & interdicti etiam contentis in Bulla Cœnæ Domini absolvere potest major Pœnitentiarius, Regulares quidem in utroque foro, reliquos vero in foro conscientie tantum: quanquam & illos potest absolvere in utroque foro in censuris publicis latis a jure Apostolicæ Sedi reservatis, & etiam nominatim declaratis, vel latis nominatim ab homine, si expiraverit Jurisdictio Judicis delegati, a quo latæ fuerunt, vel quando absolutio remissa fuerit ad Romanum Pontificem, vel quando proprios Judices adire rei non possunt. Obligandi sunt tamen rei isti, ut satisfaciant parti, alioquin recidunt in eandem censuram. Si vero hæc satisfactio a parte recusetur, tunc major Pœnitentiarius illi præscribat hanc satisfactionem, qua a parte recusata, nihil ultra agendum est. *Bulla Pastor Bonus. Bull. Tom. I. n. 95. §. 7.*

Si Episcopus excommunicationem aliquam tulerit per legem generalem incurendam a Transgressoribus, declaretque illos statim fore evitandos, licet publice, ac nominatim denunciati non sint, quia facti notorietate dignoscitur illos in excommunicationem incidisse: excommunicatio ista nequaquam sustinetur, cum repugnet Constitutioni Martini V. *Ad evitanda*, quidquid in oppositum sentiat Fagnanus in *Cap. Quod a Prædecessore n. 55. de Schismat. De Synod. Diceces. Lib. 7. Cap. 68. §. 4. l. 12. c. 5. §. 4. nov. Edit.*

Excommunicatio in Bulla Cœnæ, qua vetatur fidelibus deferre arma &c. ad Turcas, non afficit fideles Turcarum imperio subjectos, qui imperantibus illis arma suppeditant, alio transvehunt, dummodo id peragant amoto animo iniquo nocendi fidelibus. *De Synod. Diceces. Lib. 13. Cap. 20. §. 6. nov. Edit.*

Ad postulata Episcoporum Albanensium Rescriptum fuit a Congregatione de Propaganda Fide, mandante Pontifice, ne inquietarent fideles, si navibus suis ad Turcas nullo bello inter Christianos, & Turcas furentem, transvehant scypos majores, aut minores, sarissas, gladios, plumbeas glandes; nitratum pulverem, chalybem, ferrum, aurichalkum, aes, funes, & alia ad naves bellicas instruendas idonea, adhibito tamen modo quoad numerum, & quantitatem, ut fieri ab illis solebat. Firmam tamen voluit prohibitionem transvehendi vel pacis tempore, vel belli mortaria, incendiarias pilas, tormenta bellica majora, plumbeos, aut ferreos majori moduli globos, ipsosque scypos ingenti numero. Quæ tamen facultas illis facta est, quia non aliter possunt victum sibi comparare, atrocesque persecutiones evitare. *Ibid: §. 7.*

E X E M P T I O.

Exemptio Ecclesiastici a Jurisdictione sui Episcopi non conceditur a Congregatione nisi evidenter probetur sævities contra se exercita, aut justus timor ne exerceatur, & nec tunc nisi prius audito Ordinario, ipsoque fraterne admonito, ut mitius agat. *De Synod. Dioces. Lib. 13. Cap. 10. §. 30. nov. Edit.*

Tunc autem plerumque nihil fit aliud nisi ut prohibeatur Ordinarius, ne procedat ad censuras, carcerationem &c. nisi prius obtenta a Congregatione, vel a Metropolitanano facultate. Imo si reus in flagranti crimine deprehendatur; tunc non intelligitur subtracta facultas Ordinario procedendi adversus delinquentem, ut ex Decreto S. Congregationis. *Ibid:*

E X E Q U I Æ.

Si Testator jufferit sepulture mandari corpus suum sine precibus, & Psalmis, & missis, associatione Clericorum, candelis ardentibus, ejus voluntas non

est attendenda, ut decidit S. Rota coram Molines in Romana Funeralium die 15. Junii 1699. Institut: Eccl: def: 36. §. 22.

Clemens XI. mandavit in edicto legendo in ejus Bullario pag. 317. ut in associatione funeris cujuscunque ferrentur leges Ritualis Romani in tit. *De Exequiis* §. *Constituto tempore*. Fieri tamen potest, ut in aliquo singulari rerum articulo cadaver deferendum sit aliter quam præscribat Rituale; quod tamen fieri non debet absque Episcopi scientia, uti e. g. Si deferendum sit Cadaver in curru tecto, quod sæpe alias prohibuit S. Congregatio apud Petra in *Constit. Apost. Rom. II. n. 10.*

Parochi associantes funus ad Ecclesiam Regularium arceri non possunt ab ingressu Ecclesie illius cum Cruce, & Stola, ut ex Bulla *Pretiosus Benedicti XIII. Ibid: §. 26.*

Cadavera Sacerdotum, Diaconorum, & Subdiaconorum exponi non possunt in Ecclesia; alia induta veste, quam Sacra sui Ordinis, ut ex Decreto Clementis XI. *Ibid:*

E X O R C I S M U S.

Non licet Regularibus, contradicente Episcopo, exorcizare in propriis Ecclesiis. Encyclica ad Episcopos Polonice *Magno cum animi Bull: Tom. III. num: 48.*

EXPOSITIO SS. SACRAMENTI.

Expositio SS. Sacramenti permitti non debet, nisi ex publica causa ab Ordinario approbata, etiamsi Ecclesia sit Regularium, quod ex Tridentino *Sess: 21. Cap: 8.* evincit, & statuit S. Congregatio Concilii. Quamquam ex causa privata licet Regularibus in propriis Ecclesiis exponere Sacramentum, quammodo non extrahatur e Tabernaculo, & Hostia sit

fit velata, ut ex pluribus S. Congregationis Decretis firmatur. *Instit: Eccles: 30. §. 11. & 12.*

Reprobatur apud frequentes scriptores usus exponendi palam SS. Eucharistiam in festis Sanctorum. *Ibidem §. 15.*

Si exponatur SS. Sacramentum intra Tabernaculum apertum & in Pixide tecta, sex saltem candelæ ardere debent ex sensu S. Congregationis. *Ibid: §. 21.*

Verum si extra Tabernaculum id fiat in Ostensorio velato, tunc saltem duodecim candelæ ardentes apponendæ. *Ibid: §. 23.*

E X T R E M A U N C T I O.

Extremam Unctionem verum esse novæ legis Sacramentum a Christo Domino institutum, per Apostolum Jacobum fidelibus commendatum, & promulgatum Tridentini PP. definiverunt. Materia ejus remota est oleum ex olivarum bacchis expressum, nulli alteri materiæ saltem ex perpetuo usu Ecclesiæ immixtum; quæ tamen materia si in parva quantitate fuerit, adeo ut non destruat olei speciem, validitati Sacramenti nequaquam officit. Debet vero oleum illud Episcopali Benedictione ante sacrari, ut ex antiquissima PP. traditione colligitur. Ita tamen ab Episcopo esse illud oleum benedictum oportet, ut nihilo fecius possit ex commissione, sive expressa, sive tacita Romani Pontificis a simplici Sacerdote consecrari, ut ex more vetustissimo Ecclesiæ Orientalis eruitur, ita docet Pontifex in *Tractatu de Synod: Dioces: Lib: 7. Cap: 16. tot: l. 8. c. 1. per tot.*

Unctionis extremæ forma in Rituali Romano expressa, est deprecativa, nunquam tamen definitum est ab Ecclesia, an hæc ita necessaria sit, ut non æquè ad Sacramenti validitatem sufficiat, si indicativo modo concipiatur; satis enim constat formam illam expressis verbis nequaquam institutam fuisse.

Con-

Constat tamen aliter quam in Rituali exhibeatur, proferri absque gravi flagitio privata auctoritate non posse. *Ibid: c. 2.*

Partes unguendæ aliæ quidem necessariæ sunt; ut Sacramentum fiat; aliæ necessitate, uti vocant præcepti; aliæ vero ratione aliqua suadente tuto omittuntur. Ex his postremis sunt pedum, & renum unctio, hæc enim in fæminis omittitur; illa vero eum gravi incommodo præteriri potest. Ceteræ quinque sensuum unctioes, saltem ex præcepto adhibendæ sunt; cum vero singulæ ita sint necessariæ; ut absque illis Sacramentum non consistat, alii aliter disputant. Si necessitas urgeat ægri, qui mox decessurus timetur, unicus sensus unguendus est, ea pronuntiata forma, quam Rituale in his rerum eventibus assignat, caput tamen præferendum. *De Synod: Diæces: Lib: 7. Cap: 18. Et 3. nov: Edit.*

Sacramenti hujus Ministros esse Sacerdotes nemo, qui fidem Christi profitetur, negaverit, ita definiens Tridentino *Sess: 14. Cap: 4.* Quanquam vero conferri a pluribus simul Sacerdotibus valeat, modo tamen singuli suum diversum sensum cum forma eidem debita inungant: usus tamen jam inde a pluribus sæculis in latinam Ecclesiam inductus extra articulum necessitatis fert, ut unus tantummodo sacro oleo liniat, totumque perficiat Sacramentum, cui mori citra lethalem culpam se non conformare nemo potest. *De Synod: Diæces: Lib: 7. Cap: 19. §. 5. Et c. 4. nov: Edit.* Laudabile tamen fuerit si dum res sacra peragitur plures assistant Sacerdotes, vel saltem probi viri, ut *Oratio totius Ecclesie* ad effectum hujus Sacramenti coadjuvet, quæ verba sunt S. Thomæ *Cap: 43. Lib: 4. Contra Genes. Ibid, §. 5.*

Ministrare istud Sacramentum valide omnes Sacerdotes possunt; uni tamen Parocho de jure competit: cum sit ejus Minister Ordinarius. Alii si id audeant absque Parochi facultate contra statutum in Catechismo Romano peccant. Quinimo Religiosi ægrotum ungentes, minime a Parocho petita venia, præter gravis culpæ reatum, in excommunicationem incidunt Apostolicæ Sedi reservatam in *Clementina I. de Privilegiis*: excluso tamen necessitatis articulo, in quo actum charitatis non auctoritatis abusum exercent. Hæc dicta sint de latinis Sacerdotibus, cum de Græcis alia sit ratio; nam apud illos mas est, nec a Romanis Pontificibus improbatas, ut in hoc Sacramento conferendo septem Sacerdotes, vel saltem tres præsto sint. *Ibid: §. 8.*

Unguntur vero fideles tali morbo laborantes, unde peritorum judicio mors proxime secutura prudenter timeatur; quare denegandum est iis, quibus certum adest vitæ periculum, puta mare transgressuris, prælium inituris, ultimo supplicio afficiendis. cum hoc illis desit, quod morbo periculoso laborent. Hoc vero morbi gravis periculum ita necessarium est, ut sanis collatum Sacramentum, vel nullum sit, vel illicitum. Neque urget Græcorum consuetudo ungenti bene valentes; nam si id agant rati se conferre verum Sacramentum, inreparandi acriter sunt, & prohibendi; sicut tunc etiam cum, ut apud illos interdum fit, loco satisfactionis per Confessarios imponendæ, pœnitentes inungunt. *Ibid. Cap. 20. per tot. & c. 5. nov. Edit.*

Providendum est tamen a Parocho, ne in hoc Sacramento administrando supremum vitæ articulum expectet; sed maturius id agat, cum æger nondum sensibus destitutus, precibus Sacerdotis suas etiam adjungere valet. Providendum illi est etiam, ne hoc

Sacramentum, quanquam non est de præcepto, peccatis denegat: id enim si vel ille negaret, vel non offerret, gravem culpam committeret. Quin nec defunt plures, qui opinentur ægrotum negantem recipere sacram Unctionem, reum haberi lethalis culpæ, cum ex contemptu Sacramenti id renuere merito censeri possit. *Ibid: Cap: 22. & c. 7. nov Edit.*

Pueris ante usum rationis ex perpetua Ecclesiæ doctrina non datur, quanquam, ut id licite fiat, ætas illa firmior expectanda non est, qua Sacramenti Pœnitentiæ capaces censentur. Pueris accensendi sunt etiam perpetuo amentes, & furiosi, quibus constans fuit per totam vitam amentia. Constans inquam, nam si adulti usum rationis aliquando obtinuerunt, tum inciderunt in amentiam, cum aliquid criminis committere potuerint, utique inungendi sunt. *Ibid: Cap: 21. & c. 6. nov: Edit:*

Sed quid si subita vi morbi correpti in amentiam incidant, ut petere Sacramentum minime valuerint? Eos profecto hoc Sacramento juvari oportet, si præsertim sensibus destituti, aliorum Sacramentorum remedio juvare se non possint. *Ibid: Cap: 21. per tot: & c. 6. nov: Edit.*

Ordo in hoc Sacramento conferendo quanquam non idem fuerit semper in tota Ecclesia, cum alii statim post Sacramentalem Absolutionem ante Viaticum ægrotos inunxerint; alii post Viaticum: cum tamen Ecclesiæ Romanæ disciplina in Catechismo Concilii Tridentini expressa postremam hanc agendi rationem servaverit, æquitatis ratio postulat, ut ab ea non recedatur. *Ibid: Cap: 23. & c. 8. nov: Edit.*

Eodem morbo, & periculo perseverante repetere Sacramentum istud non licet; si vero morbi vis ita remiserit, ut recessisse periculum mortis videatur, iterumque recrudescat, & novum mortis periculum

culum urgeat, tunc iterum unctio peragenda est. *Ibid.*
 In dubio tamen num morbi status sit mutatus, seu
 num idem perseveret, expedit, ut ad Sacramenti ite-
 rationem Parochus propendeat. *Ibid.*

Peccat graviter ille, qui tamdiu differt extremam Un-
 ctionem conferre, cum jam ægrotus omni salutis spe
 vita, & sensibus carere incipiat. Verba hæc sunt Ca-
 techismi Romani de Extrem. Unct. *Ibidem* §. 18.

An teneatur Parochus Sacramentum hoc admi-
 nistrare peste laborantibus, dictum est V. Parochus.
 An valeat si instrumento, nempe pennicillo inunga-
 tur corpus ægroti peste infecti, nihil deciditur; af-
 feritur tamen ritum in Ecclesia hucusque fuisse inu-
 sitatum. *De Synod: Dioces: Lib: 13. Cap: 19. §. 17.*
1709: Edit.

F E S T I D I E S.

Opera servilia diebus festis prohibentur, ne ru-
 ralibus quidem exceptis. Conceduntur tamen, si ur-
 geat vera, & non affectata necessitas. Affectata ve-
 ro illa diceretur, in qua opera, quæ diebus præce-
 dentibus fieri possent, ad diem festam transferuntur.
 Petenda est tamen a Superiore facultas, si quid in-
 surgat necessitatis. Hanc vero facultatem dare solet
 Episcopus Parochis ruralibus in ordine ad opera a-
 grestia, qualia se haberent operatio plaustrorum, col-
 lectio frugum, & fructuum, herbam secare, colligere
 fanum, quando periculum imminet veræ tempestatis,
 vel quando die sequenti transferenda sunt in civita-
 tem, nec possit id commode differri. *Institut: Eccles:
 55. §. 33. &c.*

Molitores non possunt molitioni incumbere, e-
 tiam si molendinum aqua, seu jumentis, seu vento
 volvatur; non possunt inquam seclusa consuetudine,
 vel necessitate, quæ necessitas, si adsit, in Diocesi

Bononiensi facultas non a Parocho, sed a Curia Archiepiscopali conceditur. *Ibid: §. 37.*

Piscatio inter opera servilia, die festa vetita referenda est; si tamen necessitas urgeat piscandi, eo quod statis anni diebus fiat transitus piscium, quo elapso temporis articulo piscatio eorum nulla fieret, tunc pauperioribus piscatoribus datum est, ut operi illi incumbere possunt, dummodo id non præsent die Nativitatis Domini, Epiphaniæ, Paschatis, Ascensionis, Pentecostes, & Corporis Christi, juxta ac olim concessam fuit Trevirensibus ab Alexandro III.

De Synodo Diœces: Lib: 13. Cap: 18. §. 10. nov: Edit:

F I D E S.

Actus Fidei, Spei, & Charitatis debent per accidens elici, cum aliqua tentatione urgemur, nec illam superare valemus, nisi efficacia illorum actuum, *Instit: Eccles: 72. §. 20:*

Non sufficit ad implenda tria ista præcepta, seu Charitas virtualis, quæ in obsequendo divinis præceptis exercetur, nec etiam fides virtualis, ut ex pluribus damnatis propositionibus firmatur. *Instit: Eccles: 72. §. 20.*

Si quis diuturno satis tempore negligit, elicere actus Fidei, Spei, & Charitatis illum versari in periculo æternæ salutis firmatur. *Ibid: §. 21.*

Non licet Christianis degentibus sub Turcarum Imperio, vel Turcis, qui ibidem agentes convertuntur ad fidem Turcica sibi nomina, vel retinere, vel imponere; hoc enim pertinet ad externam Fidei professionem, *Constit: Inter omnigenas ad incolas Regni Servia, & finitimarum Regionum: & Congregatio universalis inquisitionis in rescripto ad postulata Episcoporum Albanensium idem edixit. De Synod: Diœces: Lib: 13. Cap: 20. §. 9. nov: Edit:*

Christiani ad Turcas apostatantes, deinde redeuntes ad Fidem, tenentur coram fidelibus publicè abjurare apostasiam: at coram infidelibus non est necessarium, sed sufficit, ut coram ipsis abstineant ab actibus infidelitatis, deponant vestem protestativam falsæ Religionis, & curent, ut successu temporis infideles agnoscant vel ab ipsis, vel ab aliis corum abjuratorem etiam cum periculo vitæ. Ita ex Decreto S. Inquisitionis. *Ibid.* §. 17. At in Decreto servato in Archivio S. Inquisitionis non legitur hoc additamentum: *curent, ut successu temporis &c.* quare ad id non esse obligandos fideles additur. *Ibid.* §. 18.

G R Æ C I.

Græci in Italia degentes Ordinem suscipere non possunt nisi ab Episcopo Græco Romæ constituto, si-ve ab altero Græco-Episcopo in Calabria in Oppido S. Benedicti Ullani Bisimianensis Diocesis, ut ex Constit. Clementis VIII. 34. quam & Benedictus XIV. confirmavit Bull. 57. *Tom. I. De Synod. Dioc. Lib. 2. Cap. 12. nov. Edit.*

Quamquam vero habeant aliquando Vicarios suos Apostolicos ex Græcis assignatos, adhuc tamen & Vicarius, & cæteri Græci omnimodè Jurisdictioni Latinorum Episcoporum subsunt. *Ibid.* §. 8.

H Æ R E T I C I.

Hæretici occulti absolvi possunt in foro conscientie a majori Pœnitentiaro, vel de ejus mandato. Occulti vero sunt, qui etsi hæresim suam extrinsecis actibus manifestarunt, nemo tamen illos vidit. Ita in Bulla *Pastor bonus* Bull. *Tom. I. n. 95. §. 9.*

Potest etiam major Pœnitentiarus in foro conscientie absolvere publicos Hæreticos, seu Apostatas, a fide, quando necesse non est complices denuntiare, illis nempe mortuis, sive degentibus in locis palam infectis; non vero si illi vivant, ubi Inquisitionis Officium viget. *Ibid.*

Principes, vel qui Vicario nomine statui præstant, Dominia, & Republicæ illarumque administratores, vel qui administrationem habere solent, Episcopi, & Superiores Prælati, in casibus publicis contentis in Bulla Cœnæ Domini, ab illo absolvi nequaquam possunt. *Ibid.* §. 11.

Sicut nec ab eo absolvi possunt ab incurta censura omnes quicumque etiam S. R. E. Cardinales, qui vivente Romano Pontifice de alio eligendo, vel excludendo tractaverint, suffragia iniverint, ambitusque aut pactiones fecerint. *Ibid.* §. 12.

Nec potest absolvere eos, qui per Astrologiam judicariam per se, vel per alios de statu Republicæ Christianæ, sive de vita, & morte Romani Pontificis tunc existentis inquisierint. §. 13.

Denique nec potest in casibus publicis violatæ immunitatis, seu libertatis Ecclesiasticæ, etiam non deductis in iudicium. §. 14.

Tenetur Episcopus etiam in locis ubi Officium S. Inquisitionis viget Sedulo curare, ut creditam sibi Diocesim ab Hæreticis purget; & si quem reperit, pœnis canonicis punire debet; cavere tamen debet, ne Fidei Inquisitores a suo munere obeundo impediat. Deductum vero Hæreticum ad suum Tribunal non minus Episcopus, quam Inquisitor reconciliare possunt Ecclesiæ, & pro utroque foro absolvere. Quin & possunt Hæreticum postquam errores suos ejuraverit, ad simplicem Confessarium pro absolutione remittere, quæ tunc data a Confessario in Foro Sacramentali absolutio pro foro pariter externo valet. Ita in *Tract. De Synod. Dioces. Lib. 7. Cap. 32. §. 3. l. 9. c. 4. §. 3. nov. Edit.*

Ab hæresi mere interna, & mentali, nullo exteriori signo manifestata simplex Confessarius absolvere potest; cum hæresis sit summo Pontifici reservata

per

per censuram adnexam, quæ certe in eo casu nulla est. Potest etiam simplex Confessarius eum absolvere, qui verbo aliquo, vel facto fidei articulum negaverit, interiori tamen assensu fidem retinuerit, neque enim in ea rerum circumstantia censura illigatur. Quamquam in foro externo tanquam Hæreticus puniretur, & nequidquam obtenderet se in corde fidem retinuisse. *Ibid: §. 4.*

Si vero agatur de hæresi externa occulta nondum deducta ad forum Episcopi, olim quidem facultas facta fuit Episcopis a Concilio Tridentino *Sess. 24. cap. 6.* ut per se, non vero per Vicarios suos istam absolvent in foro conscientia. Sed cum in Bulla singulis annis publicata reservetur Romano Pontifici absolutio inter cætera etiam ab hæresis crimine, & in ea Bulla derogetur omnibus contrariis Decretis cujusvis Concilii, hinc quæstio agitur apud Theologos, num hodie pariter Episcopo maneat facultas absolvendi Hæreticos in foro conscientia. Neganda tamen est illis hæc facultas, nam illis verbis *non obstantibus cujusvis Concilii Decretis*, omnis Concilii Tridentini facultas Episcopis adimitur. Quam in rem multa Congregationis S. Officii, & Congregationis Concilii afferuntur decreta, adjiciuntur S. Pii V. Gregorii XIII. Clementis VIII. vivæ vocis oracula, ne quid dixerim de propositione inter damnatas ab Alexandro VII. *Sententia asserens Bullam Cæne solum prohibere absolutionem hæresis, & aliorum criminum, quando publica sunt, & id non derogare facultati Tridentini, in qua de occultis criminibus sermo est Anno 1629. 18. Julii in Consistorio S. Congregationis Emm. Cardinalium visa & tolerata est.* Ingenue quidem fatendum hanc propositionem ideo confixam fuisse ex falsa assertionem de approbatione S. Congregationis, quæ nulla fuit. Vix tamen creditur Pontificem adeo
fe

se præbuisse sollicitum de amovenda hac S. Congregationis approbatione ab ea propositione, nisi & eandem ipsam propositionem improbabilem judicasset. De Synod: Dioces: Lib. 7. Cap: 32. Sed nec credi potest facultatem hæresis hujusce absolvendæ Gallicanis Episcopis datam esse, quam eam sibi multi arrogant, ut multis argumentis Cap: 33. evincitur. Quod vero negatur Episcopis negandum etiam est Inquisitoribus Hispaniæ, & Lusitanicæ, quibus si aliqua olim fuit in hanc rem auctoritas, modo ex Bulla Cænæ sublata est. Ibid: §. 4. l. 9. c. 4. §. 5. & seqq. nov. Edit.

H O M I C I D I U M.

Cum homicidis, & bannitis etiam in casu homicidii voluntarii major Pænitentiarius potest dispensare, ut Religionem approbatam etiam tanquam Clerici ingredi possint, additis tamen quibusdam clausulis, de quibus Pontifex in sua Bulla *Pastor bonus* Bull: Tom. I. n. 95. §. 17.

J E J U N I U M.

Dispensatio impetrata in Quadragesima vescendi carnibus non continuo deobligat ab unica comestione, quare sic dispensati declarantur ad eam teneri, nec miscere posse *epulas licitas, atque interdiktas*. Constit. *Non abigimus* Bullarii Tom. I. n. 19.

Hac vero admixtione vetita est comestio carniū cum piscibus. Ita declaravit Pontifex in Epistola ad Archi. Episcopum Compostellæ. Ibid: n. 89.

In vespertina refectiuncula debent dispensati illi abstinere a carnibus, nec possunt quidquam aliud gustare, quam quod cæteri non dispensati. Ibid. Debent fieri cæteri horam jejunantibus præscriptam in comestione servare. Ibid.

Id quod præscribitur de non miscendis carnibus cum piscibus æque servandum est in Dominicis Quadragesimæ.

Utrumque hoc præceptum unicæ comestionis, & cavendæ admixtionis carniū cum piscibus urget etiam in jejuniis extra Quadragesimam. *Ibid.*

Qui tamen ex dispensatione utuntur ovibus, & lacticiis, a piscibus abstinere non tenentur. *Ibid.*

In petendis a Pontifice dispensationibus generalibus a jejunii disciplina pro Oppidis, & Diæcesibus, monentur Episcopi, ne faciles se præbeant, sed prius consulendi medicinæ peritiores, exquisendo ab illis, num morbus sit communis, ita ut nulla ætas libera & incolumis esse queat, adeoque ad præsertionem a morbo multum conducere judicent, si dispensatio a carnibus concedatur, tunc vero illas petant. Alia, quæ servanda ab illis sunt, latius explicat Encyclica. *Libentissime &c. Bull: Rom: I. n. 136.*

Potum cocholatis die jejunii tolerat Pontifex. *Institut: Eccles. 15. §. 10.* Vix tamen admittit majorem longe citatum, nec omnino tolerat sæpius eadem die iterare. *Ibid.*

Filios, seu famulos non servare jejunium Quadragesimæ quoad abstinentiam a carnibus eo quod patrifamilias dispensatur, nec potest sufficere sumptibus duplicis mensæ, id non sine maxima abusione admitteretur. *Institut: Eccles. 15. §. 25.*

IMMUNITAS LOCALIS.

Ab immunitate locali præter exemptos in Bulla Gregorii XIV. alios etiam adjungendos censuit Benedictus XIII. in Bulla *Ex quo divina*, scilicet sequentes.

I. Impedientes; ne quis recurrat ad locum immunem, vel qui ex eo violenter extrahunt.

II. Interficientes proximum animo præmediato, ac deliberato.

III. Adulterantes Literas Apostolicas.

IV. Reos furti, seu quid falsi committentes in Monte Pietatis, vel in loco publico, ubi pecuniæ deponuntur, vulgo *Banco*; Ex quo crimine arca pecuniarum ita minuatur, ut pænæ ordinariæ locus sit.

V. Vitiantes, seu abradentes aureas argenteasque monetas cujuscunque Principis etiam exteri, cursum in eo loco habentes, ubi delictum committitur; vel sic vitiatas monetas scienter ita expendentem, ut fraudis conscius & particeps censei possit.

VI. Illos, qui curiam simulantes insinuant sese in domos ad furandum, dummodo simul etiam committant homicidium, aut mutilationem membrorum in eos, qui etiam per accidens in ea domo sunt, effectu tamen secuto.

VII. Homicidam etiam in rixa, si ex Processu reus sit deprehensus, seu in exilium eo nomine agitur. Quod valet tantummodo in Ecclesiastica ditione. *Instit: Eccles: 41. §. 21.*

In eadem Bulla immunitate privatur ille, qui stans in Ecclesia, vel in cæmeterio interficit stantes extra in loca, & viceversa.

Ab ea vero immunitate excluduntur non solum respectu ejusdem Ecclesiæ violatæ, sed & aliarum omnium, *Ibid. §. 22.*

Declaravit etiam eos censei grassatores viarum, si unum tantummodo homicidium, seu mutilationem commiserint, etiam *In via vicinali Ibid: §. 23.*

Extendit hoc pariter ad mandantes, qui certum præmium promiserint mandatario, etsi non dederint homicidium tamen, seu mutilatio commissa sit.

Clemens XII. hanc Bullam confirmavit Constitutione sua, *In supremo*, & extendit etiam ad Ec-

ecclēsticos homicidas, sicut etiam ad majores annis viginti, quos omnes comprehensos declarat, si etiam mandatum, consilium, instigationem, auxilium cooperativum, aut aliam operam occisori praeberint, ex quorum singulis pravis actibus homicidium evenerit. Adiecit, indicia ad tradendum reum Judici saeculari sufficere, si talia saltem sint, quae ad torturam valeant. Haec tamen valere statuit tantummodo pro ditione Ecclesiastica.

Denique Benedictus XIV. in sua Bulla *Officii nostri*, Bull. Tom. III. num. 29. confirmavit ea omnia, declaravitque comprehendi etiam Ecclesiasticos, & mulieres reas homicidii, sicut etiam occidentēs baculo, aut saxo. Exemit vero quando commissum esset homicidium casu, aut necessaria defensione; restringit enim quando id agitur ex odio, & nocendi animo.

Declaravit etiam, quod si forte accedat, ut vulneretur quis ad mortem, & percussor statim confirgit ad Ecclesiam, si mundum morte secuta, tunc si chirurgi grave vitae periculum adesse retulerint, tunc reus servatis servandis possit extrahi ab Ecclesia, & mancipari carceribus, ita tamen, ut si vulneratus vivat ultra tempus a legibus constitutum, Ecclesiam iterum restituatur.

Confirmat Constitutionem Benedicti XIII. in eo quod privative ad Episcopos pertineat facultas de mandandi extractionem delinquentium ejusmodi e loco immuni (quae facultas dari potest cum adsint indicia ad incarcerationem) adeo ut si locus sit nobilius Diocesis tunc recurrendum voluit pro ea facultate ad Episcopum viciniorem, & semper cum sit extractio, semper adsit Ecclesiasticus ab eo deputatus.

Facta extractione constituitur processus de mandato Episcopi; si indicia ad torturam sufficientia reperiantur, tunc consignandus est reus Judici seculari, (obligando tamen illum sub excommunicatione late sententiae, ut si reus purgaverit indicia reus) situatur Ecclesiae.)

Si homicidium perpetratum est in locis a residentia Episcopi remotis, jubet, ut de mandato Episcopi Vicarii Foranei, indicia ad extractionem necessaria iudice colligant, statimque ad Episcopum transmittant.

Transgressores sacrae immunitatis, etiam quoad penas declarat eos, qui sine recursum ad Episcopum, extrahunt, sive etiam obsidere praesumunt loca immunita, ne alimenta ad reum deferantur, sive alter cogunt reum, ut se dedat Curiae seculari.

Qui sic egerint, privat eos jure asyli.

Si quae viget consuetudo inter finitimos Principes, ut homicidiae committentes delictum in alterutroque ditione, capiantur, & transmittantur, ad Principem loci, ubi delictum commissum est, ab Episcopo loci homicidii exquiri jubet indicia, & transmitti ad Episcopum asyli, ad quem pertinet mandatum dare de extractione.

Haec tamen Bulla lata est tantum pro ditione Ecclesiastica, & pro illis Principibus, qui eam possiderint.

Haeretici, aut de haeresi suspecti, Judaei post Baptismum in apostasiam lapsi, possunt ab Inquisitoribus extrahi ab Ecclesia, sed vel ante vel post capturam commoveri debet Episcopus. Encycl. ad Inquisit. Elapso proxima Bull. Tom. III. n. 40.

Qui e loco relegationis, sive e carceribus, sive turremibus in asylum se proripit; nisi reus sit cri-

minum, quæ immunitate privantur, jure asyli potitur. *Ibid: §. 5.*

Pœnæ contra turbantes immunitatem afficiunt etiam eos, qui impediunt, ne Judex Ecclesiasticus cognoscat in causis, in quibus habet auctoritatem tantum cumulativam. *Institut: Eccles: 40. §. 10.*

Si quis reus dolose extrahatur ab Ecclesia, & extra illam capiatur non per vim, aut per saluum conductum; illa dolosa extractio reo non suffragatur, ut ex Decreto S. Congregationis die 22. Decembris 1716. *Instit: Eccles: 41. §. 9. n. 31.*

I N D U L G E N T I A.

Indulgentias plenarias solus Romanus Pontifex conferre potest, cui Thesauri Ecclesiæ clavium commissa est custodia. *De Synod: Diœces: Lib: 2. Cap: 9. §. 6 & §. 7. nov: Edit:*

Omnibus Episcopis facultas a jure conceditur Indulgentiam dierum quadraginta largiendi, & centum in Ecclesiæ dedicatione, ex Cap: *Cum eo de Penit.*

Cardinalibus vero centum diem. Hanc vero Indulgentiam etiam Regulares lucrantur; cum eorum exemptio non debeat illis in damnum converti. *Instit: Eccles: 63. §. 16.*

Vicarius Capitularis ne Indulgentias quasunque conferat abstinere debet. Ita ex Decretis S. Congregationis. *De Synod: Diœces: Lib: 2. Cap: 9. §. 6.*

Pro lucranda Indulgentia non sufficit opera juncta præstare, ad quæ alias quis tenetur alio titulo, puta justitiæ &c. *ENCYCL. de Quæst in Jubil: excitat. §. 4. Bull: Tom: III. n. 21.*

Indulgentiæ a Pontifice concessæ iis, qui cum Confessione, & Communione Ecclesiam aliquam visitant, non exigunt, ut Ecclesia visitetur post Confessionem & Communionem; sed sufficit, ut si visita-

tetur ante statum gratiæ, dispositio tamen habeatur eadem die confitendi, & communicandi, ut ex pluribus Theologis firmatur. *Instit. Ecclæs.* 48. §. 10.

Si quis pluries intra eandem diem Ecclesiam aliquam visitaverit, in qua est Indulgentia, non ideo pluries Indulgentiam acquirit juxta Decretum S. Congregationis sub Innocentio XI. die 7. Martii 1678. *In Declaratione Quæst. pro Sub. Acquisit. INTER RRÆCIPIUOS.* Bull: Tom: II. n. 21.

Indulgentiæ concessæ Fratribus, & Sororibus Tertii Ordinis Sæcularis de Pænitentia S. Francisci, sive collegialiter viventibus, sive in domibus privatis, reformavit Pontifex, & singulas numeravit, cæteris omnibus revocatis in Bulla de nova concessione ejusmodi Indulgentiarum Bull: Tom: III. n. 41. AD ROM: PONTIF. Sunt autem ejusmodi. Indulgentia plenaria confessis, & sacra Eucharistia resectis ea die, qua in Ordinem ingrediuntur.

Item plenaria confessis, & communione resectis die festa S. Francisci, die 4. Octobris. S. Claræ, Sancti Titularis Ecclesiæ, Oratorii, vel Capellæ ejusdem Tertii Ordinis, die Dedicationis S. MARIÆ Angelorum de Portiuncula, dummodo Ecclesiam ipsam &c. devote visitaverint, & de more oraverint.

Indulgentia plenaria in articulo mortis constitutis confessis, & communione resectis, & ore, vel si non potuerint ore, saltem corde nomen JESU invocantibus.

Visitantibus Ecclesiam Tertii Ordinis, seu Oratorium, sive Capellam diebus Stationum in Missali Romano descriptis, ibique orantibus de more, indulgentiæ illæ conceduntur, quas prædictis diebus visitantes Ecclesias Urbis, & extra eam, consequuntur.

Confessis, & sacra communione relectis in festo Stigmatum S. Francisci, S. Ludovici Galliarum Regis, S. Elizabeth Reginae Portugalliae, itemque S. Elizabeth Hungariae Reginae, S. Margaritae de Cortona, atque in duodecim aliis anni feriatis, vel Dominicis diebus ad libitum eligendis, & a Superioribus Ordinis approbandis, & visitantibus, ac praesentibus, ut supra, qualibet earum dierum, septem annorum, & totidem quadragenarum indulgentiae.

Itidem centum dies indulgentiarum lucrantur toties quoties interfuerint Missis, aut divinis Officiis in Ecclesia, ut supra celebrandis, seu Congregationibus publicis, vel privatis Tertii ejusdem Ordinis ubivis faciendis; cum pauperes hospitio susceperint, pacem composuerint, vel procuraverint, corpora defunctorum quoruncumque ad sepulturam associaverint, aut Processiones de licentia Ordinarii faciendas, SS. Eucharistiae Sacramentum tam in Processionibus, quam cum ad infirmos deferretur, vel saltem si sint impediti ad signum campanae Orationem Dominicam, & Angelicam recitaverint. Item si quinque Orationem Dominicam, & salutationem Angelicam, sive pro Ecclesiae necessitatibus, sive pro defunctis Fratribus, & Sororibus recitaverint. Item si peccantem ad poenitentiam redegerint, doctrinam Christianam rudes docuerint. Tandem quoties opus aliud pietatis, vel charitatis exercuerint.

Indulgentiae pro Fratribus Tertii Ordinis S. Francisci de Paula conceduntur a Pontifice instar sere Indulgentiarum pro illis, qui Tertium Ordinem S. Francisci de Assisio prostentur, excepto quod Indulgentiam plenariam consequuntur in Festo S. Francisci de Paula, S. Francisci Salesii, Dedicationis S. Michaelis Archangeli, & in Festo omnium Sanctorum, si visitaverint Ecclesiam aliquam Ordinis, si ibi sit,

& in defectu unam aliquam Civitatis, vel loci ubi degunt. Cæteræ indulgentiæ eadem omnino sunt ac superiores pro Tertiariis S. Francisci Assisientis. Quoad Chordigeros S. Francisci de Paula cingulum tantummodo benedictum ab aliquo Fratre ejus Ordinis, vel ab alio deputato a Superioribus ejusdem Ordinis, deferentes, die, qua cingulum assumunt confecti, & sacra Communione refecti plenariam Indulgentiam consequuntur, sicut & plenariam in Festo S. Francisci de Paula, visitantes ut supra; ac denique plenariam in articulo mortis, eo modo quo Tertiarii S. Francisci Assisientis. Quotidianam etiam Indulgentiam centum dierum consequuntur si in honorem Domini JESU Christi, & SS. Apostolorum preces effuderint. Denique Chordigeri illi, sicut & Tertiarii pro quolibet bono opere sexaginta dierum Indulgentiam consequuntur, in quo differunt a Tertiariis S. Francisci Assisientis, qui centum dies lucrantur. Easdem omnes Indulgentias applicare pro defunctis possunt. Bulla pro Indulgentiis Tertiariorum S. Francisci de Paula *Inexhausti* Bull: Tom: III. num. 56.

Indulgentiæ plenariæ in articulo mortis ab Episcopis per benedictionem impertiendæ. *Vide Episcopus.*

Docentes rudes homines publice vel privatim orationis mentalis regulas, & modum, itemque qui publice docentes auscultaverint, dummodo vere pœnitentes, ac sacra Communione refecti toties quoties lucrantur septem annos, & totidem quadragenas de vera Indulgentia. Item si assidue eo convenerint; semel in mense, vere pœnitentes, sacra Communionem refecti, orantesque pro more in Indulgentiis consueto, Indulgentiam plenariam, defunctis etiam applicandam, lucrantur; quam pariter ita obtinent.

ii, qui toto mense, unico saltem horæ quadrante singulis diebus orationi mentali dant operam, dummodo vere penitentes, & confessi, Eucharistiam sumpserint, & orent pro concordia &c. Concedente hæc omnia Pontifice in Bulla QUEMADMODUM. Tom. II. n. 23. pag: 161.

De validitate Indulgentiæ Portiunculæ, usque extensione ad omnes alias Ecclesias Ordinis S. Francisci ambigi non potest; nullo licet extante authentico documento, scientibus, & non contradicentibus Romanis Pontificibus. *De Synod: Diocesi. Lib: 13. Cap: 13. §. 5. nov. Edit.*

Item nec de Indulgentiis Ecclesiæ Lateranensis, quas approbavit, & ex integro concessit Benedictus XIV. in Bulla ASSIDUÆ SOLICITUDINIS. *Ibid:*

Indulgentias in forma Jubilæi concessas abrogavit Clemens VIII. aliique quidam Pontifices; quare si forte agatur de aliqua ejusdem tenoris Indulgentia videndum erit, num post ea Decreta concessa fuerit, ut ex Tractatu de Indulgentiis P. Theodori. *Part. 2. Cap: 4. §. 2. Ibid. §. 9.*

Clemens XII. in suo Brevi dato die 14. Augusti 1736. Indulgentiam plenariam, die ad libitum quotannis eligenda, concessit iis, qui anno integro ad pulsam campanæ sub horam noctis recitaverint Ps. *De Profundis.* vel semel Orationem Dominicam, & Salutationem Angelicam, cum versiculo *Requiem in suffragium defunctorum;* dummodo ea die confessi & Communione refecti preces pias effunderint pro consueto more. Singulis vero diebus toties quoties easdem orationes ad signum campanulæ recitantes centum Indulgentiarum dies consequuntur. *Institut: Eccles. 61. §. 5.*

I N F I D E L I T A S.

Signa protestativa Infidelitatis hæc indicat Pontifex in suis Decretis pro incolis Regni Servix, incipientibus **NTER OMNIGENAS** Bull. Tom. I. n. 89. Nomina Turcica assumere, infidelium templa, scilicet Moschæas frequentare, Jejuniorum dies per carnium esum profanare ad effectum, ut Mahumetani credantur. Damnat etiam peccati illos, qui ex hac vita migraturi cadavera sua Turcarum sepulturæ demandarent, cum istorum assistentia, & Mahumeticis adhibitis ritibus.

I N T E R D I C T I.

Interdicti ab ingressu Ecclesiæ assistere non possunt Missæ, & divinis Officiis, neque coram illis potest Missa celebrari in Ecclesia. Spectat vero ad Ministros Ecclesiæ illos eicere; si tamen vis adhibenda sit cum scandalo, vel etiam frustra, tunc ex Suarez docetur Missam jam inceptam non esse omittendam. *Institut. Eccles. 55. n. II.*

Interdicti ab ingressu Ecclesiæ, utrum eam ingredi possint ad orandum tantummodo, quæstio est anceps inter DD. *Ibid.*

Interdicti ab ingressu Ecclesiæ ob transgressionem præcepti de Communione Paschali, si contumaces se præbuerint ab Episcopo excommunicatione plecti possunt, ut ex DD. firmatur. *Institut. Eccles. 55. n. II.*

I R R E G U L A R I T A S.

Major Pœnitentiarius in casibus occultis, & pro foro conscientix tantum dispensat in irregularitate ex quoocunque delicto, vel defectu proveniente, tam cum Laicis, quam cum Ecclesiasticis, vel sæcularibus, vel regularibus ad hoc ut possint initiari Ordinibus, vel in susceptis ministrare, ad superiores gradus ascendere, ac dignitates etiam Cathedralis.

&

& quaecunque Beneficia Ecclesiastica quoadcunque ante dispensationes alioquin canonice obiecta retinere; nec non ut huiusmodi Beneficia & Dignitates (exceptis, quando agitur de homicidio voluntario, vel alio gravissimo excessu, Ecclesiis Cathedralibus & Metropolitanis) etiam post delictum assequi valeant. Bulla Pastor bonus Bull. Tom. I. num. 95. §. 15.

Ubi additur in irregularitatibus quoad regulares, ita dispensari posse, ut ad quaecunque Officia & Beneficia regularia ascendere valeant, excepto tamen Ordinis Generalatu in irregularitate ex defectu natalium. Ibid. §. 31. Ita vero dispensatio conceditur tantum in foro conscientiae, in casibus occultis; in publicis vero in utroque foro, auditis tamen Superioribus. Ibid. §. 32.

Clericus militiae nomen dans ipso facto privatur beneficio, & pensione, & ut ex Decret. Rotae Romanae. Institut. Eccles. 101. §. 18. Quoad hanc irregularitatem haec accipit. Clericus in facris constitutus militans, & arma ferens in servitium alicuius laici Principis, si expeditionibus bellicis interfuerit, in quibus homicidia, furta, rapinae, incendia secuta fuerint, multo probabilius est, incidisse in irregularitatem, licet moraliter certus sit, se neminem mutilasse, vel occidisse, ut ex Decreto Sacrae Congregationis in Iren. Irregularitatis erui posse videtur. Ibid. §. 16.

Idem forte affirmari potest de Clerico in minoribus beneficiato, cum ea quae vetantur ordinatis in facris, etiam beneficiatos clericos comprehendant. Ibid. §. 23.

Clerici in minoribus, si militaverint in bello injusto, etsi ipsi neminem occiderint, vel multaverint, si tamen in qua militant, homicidia commise-

uiferit, seu mutilaverit, inducit in eos Clericos irregularitatem: in eo enim casu Clericus facit unum cornus cum fociis, & ulterius dat operam rei illicitæ. *Ibid: §. 8.*

Porro si ille militaverit sub suo Principe, nec certo sciverit bellum esse injustum non tenetur per se indagare, num justum sit necne, sed potest credere bellum esse justum. *Ibid: §. 17.* Idem probabiliter dici potest de Clerico militante sub alieno Principe, quia impossibile esset illi indagare, num sit bellum istud justum, injustumve. *Ibid: §. 17.*

Si vero bellum esset justum, Clericus militans, si certus sit moraliter se neminem occidisse, vel mutilasse, etiamsi hoc factum fuerit a fociis, non incidit in irregularitatem, ut ex Cap. *Petitio de homicidio voluntario. Ibid: §. 10.*

Demum si bellum sit justum, & defensivum, si Clericus iustus est arma capere, nec sufficiant ad defensionem Laici, non incidit in irregularitatem etiamsi occiderit. *Ibid: §. 9.*

Illegitimi sunt irregulares ex defectu; adeoque Ordinum, & Beneficii incapaces; attamen pro minoribus Ordinibus, & Beneficiis non habentibus annexam animarum curam, potest Episcopus cum illis dispensare; non nisi vero Romanus Pontifex in aliis omnibus, ut ex Cap. *Is qui de Filiis Presbyter. in 6. De Synod: Dioces. Lib. 13. Cap. 24. §. 11. nov. Edit.*

Filii illegitimi Clericorum consequi non possunt beneficia, & pensiones in Ecclesiis, in quibus parentes eorum obtinuerunt aliquod beneficium, licet dissimile, neque in eisdem Ecclesiis ministrare; neque tandem pensionem ullam habere super fructibus beneficiorum, quæ ab eorum parentibus possessa sunt, ex Tridentino *Sess. 25. Cap. 15 de Reform.* Sicut & nullæ sunt reciprocae resignationes a parentibus Clericis

ricis in favorem illorum suorum factæ, ita ut ipsi filiis minime suffragentur. *De Synod. Diocæs: Lib. 13. Cap. 24. §. 13. nov. Edit.* Quin nec filius illegitimus Parochi jam defuncti munus Confessarii obire potest in ea Ecclesia, quam Pater Parochus obtinuit, ut ex verbis Congregationis vetantis, ne filii illi in ea Ecclesia quoquo modo ministrant, et ex responso S. Congregationis habetur. *Ibid: §. 14.*

Vicissim autem, si Pater in aliqua Ecclesia munus gessit Capellani ad nutum amovibilis, potest ejus filius illegitimus idem munus ibidem obire: non enim est hoc beneficium seu pensio, ut ex responsione S. Congregationis. *Ibid.*

Si vero Pater dignitatem in Ecclesia aliqua obtinuit, filius titulo Missæ semper in eadem celebratæ non potest fieri particeps emolumentorum, quæ Sacerdotes post certum servitii tempus obtinere ibi consueverant, ut ex responso S. Congregationis. *Ibid.*

Si Patronus Beneficii Rectorem interfecerit, ejus filii, & descendentes usque ad quartum gradum fiunt irregulares, ex Cap. *In quibusdam de Penis:* intellige tamen de filiis natis post homicidium, non verò ante, quæ est interpretatio ab ipsa etiam S. Congregatione admilla. *Ibid: §. 21. & ipse, ac reliqui ad patronatum vocati ab eo jure cadant. Ibid.*

Si Pater in hæresim inciderit, etiam filius erit irregularis, ex Cap. *Quicumque* & Cap. *Statuit de Hæretic. in 6:* At relicta a Patre hæresi non quidem ejus, sed filij irregularitas solvitur, ut ex responso S. Congregationis. *Ibid.*

In dispensationibus, quæ dantur pro irregularitate filiorum illegitime natorum apponi solet clausula: *dummodo paternæ incontinentiæ imitator non sit:* ex quo fit, ut Episcopus debeat inquirere in illum, & querere nunquid per decennium moribus integrum se

se præbuerit; & si toto decennio nihil indignum admisisse compererit, potest cum illo executioni mandare dispensationem, etiamsi ante decennium incontinentiæ nomine suspectus fuisset, ut ex Decretis S. Congregationis. *De Synod: Dioces. Lib. 13. Cap. 24. §. 22. nov. Edit*

J U B I L Æ U M.

In Jubilæo Anni 1750. Benedictus XIV. suspendit toto eo Anno Indulgentias omnes etiam non plenarias; exceptis Indulgentiis, alias concessis in articulo mortis, tam illis quas ex Concessione Apostolica impediuntur Episcopi, quam aliis quibuscunque communiter, aut personaliter concessis pro eodem articulo: Item illis, quas lucrantur fideles recitantes Salutationem Angelicam ad sonum campanæ. Item excepta Indulgentia septem annorum, & totidem quadragenarum toties quoties; quas ex Concessione Benedicti XIII. durante præterito Anno Jubilæi Sacramentaliter confessi, & sacra Communione refecti, vel saltem vere contriti visitaverint Ecclesias, in quibus expositum est Sacramentum Eucharisticum, & oraverint de more. Item illis, quas concessit Innocentius XII. comitantibus, seu mittentibus facem cum Sacramentum Eucharistiæ ad infirmos deferitur. Illis quoque quas concedunt Legati de latere, & Nuncii Apostolici, ac Episcopi in usu Pontificali, aut in benedictione impertienda. Item perseverare concedit Indulgentias Altarium Privilegiatorum pro defunctis, pro quibus etiam valere statuit alias quascunque Indulgentias pro vivis concessas, adeo ut pro defunctis acquiri possint, etiamsi in Brevibus earum extensio ad defunctos expressa non fuerit.

Suspendit etiam toto eo anno facultates omnes absolvendi a casibus Apostolicæ Sedi reservatis, relaxandi censuras, commutandi, & dispensandi vota,

& tollendi irregularitates alias concessas Ecclesiis, Monasteriis &c. Pliisque locis, Magistris, Superioribus, tam Sæcularibus, quam mendicantibus, adeo ut etiam toto eo anno nec valeant largiri Indulgentias, quas solebant coronis, granis, imaginibus, & numismatibus ex metallo &c. Vide Bullam CUM NOS Bull. Tom. III. num. 18. Excipit tamen facultates Episcoporum, & cæterorum supremorum Antifistitum quoad Diocesanos in iis quæ obtinent ex vi Tridentini, & Pontificum concessione in ordine ad dispensandum, & absolvendum, quod etiam extendit ad Prælatos Regulares erga Regulares subditos.

Quoad opera præscripta in hoc Jubilæo mentem suam ita exponit Pontifex in sua Encyclica IN HAC CONSTITUTIONE Bull. Tom. III. num. 21. Pro sacra Communionem accipere se dicit non Sacramentalem tantummodo, sed Sacramentalem simul, & Spiritualem.

Confessionem Sacramentalem inter opera injuncta reponit, adeo ut necessaria profus sit, etiam si peccato gravi quis careat.

Diem, intra quem Basilicarum visitatio compleri debet, liberum est incipere, sive a vesperis diei præcedentis usque ad vespertina crepuscula sequentis diei, sive a media nocte ad mediam noctem.

Qui iter Romanum susceperunt, vel qui pervenerunt Romam, & subita impedimenti, vel mortis incurfione opera injuncta præstare non valuerunt, Confessione expiati, & sacra Communionem refecti Jubilæum licentur.

Facultates absolvendi a reservatis, & dispensandi, omnes se suspendisse declarat, sive quæ quarundam Indulgentiarum occasione conceduntur, sive quæ alia de causa collatæ sunt.

Regularium Confessiones excipere possunt Ro-

mae Pœnitentiarii Basilicarum; licet alias obtent eorumdem Regularium Constitutiones, vel Privilegia a S. Sede, approbata.

Minores Pœnitentiarii Romæ commutare possunt dispensando non solum vota nuda, sed & quæ confirmata sunt iuramento.

Item absolvere possunt Sacerdotes reos censurarum, & dispensare in irregularitate contracta ob violationem censuram tantammodo; quod & præstare possunt cum aliis etiam Clericis non Sacerdotibus.

Si quis est dispensatus a visitatione Basilicarum, non continuo est dispensatus ab aliis operibus iunctis, neque etiam a precibus, quæ a Basilicarum visitatione separari possunt. Nec sufficiunt ea opera iuncta, quæ quis ex alio titulo præstare alias tenetur, puta, titulo iustitiæ.

Confessarius neque in Jubilæo potest absolvere illum, qui & cum fuit reus criminis in re venerea.

Concessis sibi facultatibus illi nequeunt Pœnitentiarii extra Basilicas, seu Ecclesias sibi assignatas, nec nisi in actu Confessionis, & cum iis, quibus sincera voluntas Jubilæi acquirendi deest. Quos tamen absolvent; illis Pœnitentiam Sacramentalem imponere debent diversam ab operibus pro lucrando Jubilæo.

In censuris absolvendis præmitti, vel saltem promitti cum iuramento debet satisfactio parti læsæ. Læsa vero pars non est Iudex, sed ille, qui damnatum passus est.

In Constitutionibus Jubilæi alia opera præscribuntur Romanis, vel urbis incolis, alia peregrinis. Priori nomine designantur illi, qui intra quintum ab Urbe lapidem habitant; sicut & incolæ Urbis dicuntur, qui Romam advenerunt animo ibi majorem anni partem transigendi; sicut & intra eorum numerum

comprehendi vult Pontifex, qui alia quam Jubilæi consequendi causa Romam advenerint. Cæteri omnes peregrini, aut exteri ad hunc effectum vocantur.

Censet Pontifex valere communem opinionem Theologorum, quæ non obligat præmitti confessionem ad opera præscripta: sufficere enim ad lucranda Indulgentiam credit, si postremum opus fiat in gratia.

Si quis confiteatur, dein ante completa opera recidat in lethale peccatum, non sufficere illi vult si conteratur, & sic contritus opera perficiat. Vult igitur, ut quamvis non teneatur præstare visitationes repetere, debeat iterare confessionem, idemque ab eo præstandum esse dicit, qui in priori confessione invincibiliter oblitus sit subiicere Clavibus peccatum aliquod mortale. Puberes qui de jure in capaces censentur communionis, dispensari permittit commutatione facta in aliud opus.

Ad Indulgentiam lucranda non requiritur, ut per Portam Sanctam quis ingrediatur, & egrediatur.

Si quis visitationes aliquas Basilicarum præmiserit, dein per Indultum, quod emitti solet intra spatium Anni sancti, quo visitationes ad minorem numerum rediguntur, potest computare visitationes præcedentes, & Indulto uti; sicut etiam eadem Indulgentia utendum cum illis, qui ante Indultum, numerum totum impleverint visitationum, ab Indulto dein emanato præscriptarum.

Mentem esse suam dicit, ut vocalis fiat oratio in Basilicis, nec sufficere si mente tantum oretur.

Si quis intra annum pluries opera injuncta repetierit, acquirere denuo potest Indulgentiam; sed alios favores, & gratias, quibus prima vice factus est particeps, iterum consequi minime potest; puta iterum absolvi a reservatis, aut novorum votorum commutationem obtinere.

Quan.

Quoniam concessa sit Pœnitentiariis minoribus, & Confessariis, a Cardinali Vicario Romæ deputatis, facultas absolvendi a peccatis reservatis in Bulla Cœnæ, non ideo tamen in ea facultate generali data est facultas absolvendi ab hæresi externa.

Declaravit insuper in sua Constitutione, quæ incipit **CONVOCATIS** num. 54. illum, qui ex intentione recipiendi Jubilæum, absolutionem a censuris, & votorum commutationem obtinuit, si postea mutata intentione, Jubilæum non recepit, non ideo incurere iterum in censuram, & votis prioribus obstringi; sed inclinatus in sententiam; ut reus habeatur peccati mortalis, qui ita voluntatem suam mutat; censet enim hic quendam tacitum contractum celebrari, ut Confessarius ex sua parte illum participem reddat gratiarum Jubilæi; & ex parte altera pœnitens se obliget ad reliqua opera præstanda.

Præter Pœnitentiariorum Basilicarum, & alios a Cardinali Vicario deputatos pro Anno sancto, sunt etiam Romæ alii Confessarii ordinarii, ex quibus alii Regulares sunt; & ex Regularibus alii a suis Superioribus destinantur ad suos Conregulares/auscultandos in Confessione; alii vero Regulares a Cardinali Vicario pro excipiendis Sæcularium Confessionibus approbantur. His postremo a Cardinali Vicario approbatis respectu suorum Conregularium concessæ sunt facultates, quæ dantur Confessariis sæcularium, adjuncta insuper illis facultate dispensandi ab irregularitate ob violationem censurarum incurfa, dummodo sit occulta, quæ tamen facultas non suppetit illis Regularibus, qui tantum a Superiore suo deputati sunt.

Qui vero a Cardinali Vicario consuetam facultatem habent audiendi Confessionem, nec sunt specialiter deputati pro Anno sancto; illis eadem facultas

quoad seculares remanet, quam prius obtinebant; neque enim suspensio facultatum, quæ fit in anno Jubilæi Confessarios Urbis Romæ comprehendit, quod habet locum etiam in Regularibus.

Hæc omnia Pontifex late explicat, & exponit in sua Encyclica ad Pœnitentarios, & Confessarios Urbis INTER PRÆTERITAS Bull. Tom. III. num. 27. Ad hanc Encyclicam recurrendum edicit Pontifex in altera Encyclica CELEBRATIONEM MAGNI pro extensione Jubilæi ad universum Orbem Bull. Tom. III. num. 28.

In altera Bulla, quæ continetur in Bull. Tom. III. num. 24. conceditur infirmis utriusque sexus, Monialibus, Oblatis, Tertiariis in communitate viventibus, novitiis, & educandis, in eisdem Communitatibus degentibus; item Anachoretis, & Eremitis, viventibus cum clausura, & solitudine, sub regimine saltem Ordinatorum; item captivis, & carceratis quocunque in carcere; denique infirmis tam sæcularibus, quam Regularibus, senibus ultra septuagesimum annum, ut possint bis lucrari Indulgentiam, dammodo Episcopi, & Superiores commutent illis opera injuncta. Insuper concedit Monialibus, etiam novitiis, ut possint pro prima vice tantaxat ad effectus Jubilæi consequendi eligere sibi Confessarios, seu Regulares, seu Presbyteros sæculares, ex approbatis ab Ordinariis ad audiendas Moniales. Anachoretis vero, Oblatis, Tertiariis, mulieribus etiam in Conservatoriis degentibus, captivis in carcere, dentis, infirmitate, ac senectute impeditis omnibus etiam Regularibus facultas datur ad hunc effectum, ut possint sibi eligere in Confessarium, sive Presbyteros sæculares; sive regulares cujuscunque Ordinis ad Confessiones sæcularium audiendas approbatos; a quibus absolvi possunt a reservatis etiam Apostolicæ

Sedi, & in Bulla Cœnæ. Vult tamen, ut in carcere detenti, quorum Criminales causæ nondum conclusæ sunt, moneantur de obligatione, qua tenentur, Judicibus sæcularibus juridice interrogantibus veritatem aperire.

Vult etiam, ut Confessarii illi a Monialibus Oblatis, & aliisque puellis supradictis electi possint dispensare in votis a Monialibus emissis post Professionem, quorum observantia cum Professione religiosa componi potest. Quoad vero Novitias educandas, sicut & quoad Tertianas, & in Conservatoriis degentes concedit, ut possint Confessarii dispensare. Vota, etiam jurata, exceptis Apostolicæ Sedi reservatis.

Alia etiam Bulla, quæ incipit PASTORIS ÆTERNI Bull. Tom. III. num. 24. concedit Apostatis, & fugitivis cujuscunque Ordinis, qui citra Montes intra quatuor, & ultra Montes intra octo Menses a publicatione (publicata est die 19. Januarii 1750.) ejusdem Bullæ redierint ad suam Religionem, remissionem omnium pœnarum propter Apostasiam incurfarum, & infligendarum, & insuper impunitatem, dummodo coram Superiore suo culpam deprecetur, & ab eo absolutionem obtineant.

Jubilæi extensio per universum Orbem ita facta est. Intra sex menses a publicatione Bullæ suæ incipientis BENEDICTUS DEUS Bull. Tom. III. n. 17. a publicatione, inquam, in qualibet Ecclesia faciendæ concedit Pontifex Jubilæum instar Romani, quod obtineri etiam ab iis possit, qui anno præcedenti jam Romæ illud lucrati fuerant.

Deputandam vero edicit ab Ordinariis locorum Ecclesiam Cathedralē, seu majorem ejusdem Civitatis cum aliis tribus ejusdem Civitatis, seu loci, si ve suburbiorum, quas teneantur fideles semel saltem in die per quindecim dies continuos, vel interpola-

tos visitare, die incoapta a primis vespers diei praecedentis usque ad vespertinum crepusculum diei sequentis, ubi orent modo consueto.

Navigantes, & iter agentes etsi redierint elapsa Jubilaei termino ad sua domicilia, seu alio diverterint ad certam stationem, si visitaverint assignatis vicibus Ecclesiam Cathedralem, vel Majorem, & Confessionem, ac sacram Communionem exceperint, eandem Indulgentiam consequantur.

Concedit etiam impeditis, ut pro visitationibus alia opera praestanda designentur a Superioribus suis, per se, vel per prudentes Confessarios. Communionem etiam Sacramentalem permittit commutari cum pueris nondum admissis ad communionem.

Cum Communitatibus vero tam Regularium, quam Saecularium, Capitulis, Congregationibus, Sodalitatibus, Universitatibus, Collegiis processionaliter visitantibus Ecclesiam, visitationum hujusmodi numerum restringi permittit.

Quoad Moniales, & Novitias concedit, ut eligere sibi possint ad hunc effectum Confessarium quemcumque ex approbatis ad Moniales ab Ordinario actuali loci.

Quoad caeteros omnes etiam Regulares concedit, ut possint sibi eligere quemcumque Confessarium tam Regularem quam Saecularem ab actuali Ordinario loci approbatum, a quo absolvi possint in foro conscientiae ab omnibus censuris a jure, vel ab homine latis, etiam Apostolicae Sedi reservatis, etiam in Bulla Coenae, & commutari eorum vota etiam jurata, & Apostolicae Sedi reservata, excepto voto Castitatis, & Religionis, & iis, quibus jus tertio acquiritum est, & dispensare quoad irregularitatem, eam solummodo quae contracta est ob censurarum violationem. Reservat vero de more absolutionem complicitis in re

vene-

venerea. Ac tandem declarat eum, qui prædictis facultatibus compos voti factus fuerit, si dein mutet voluntatem lucrandi Jubilæum, non ideo incidere in priores censuras, seu votis adstringi, quanquam a peccati reatu vix immunem censei posse judicat. Tandem eos, qui morte præventi visitationum numerum complere nequiverint, confessos, & sacra Communionem resectos Indulgentia eadem donat.

Absolutio ab hæresi etiam si expresse non reservetur in Bulla Jubilæi, adhuc tamen non censetur permissa, etiam si Bulla absolutionem a criminibus in Bulla Cœnæ expressis in genere permittat, ut decrevit sacra Congregatio S. Officii die 23. Martii 1656. sub Alexandro VII. *Instit. Eccles.* 48. §. 15.

In Jubilæo Confessarii ab Ordinario alterius loci approbati nullam habent facultatem absolvendi. Si aut nec habent illi, qui ab Ordinario loci semel quidem illam obtinuerunt; sed modo cessavit. Ita ex pluribus Decretis S. Congregationis. *Instit. Eccles.* 84. §. 27. Ubi tamen ex sensu ejusdem Congregationis additur, fideles sic bona fide ab ejusmodi Confessariis absolutos non esse inquietandos. *Ibid.* §. 27.

J U D Æ I.

Si Judæus conjugatus ad Fidem venerit, uxore in infidelitate perseverante, non potest illi Libellum repudii mittere, etiam extra Judæorum domicilium, & coram Notario, testibusque Christianis. Sanctioni huic contravenientes si forte repudium confecerint intra Judæorum domicilium, & ritibus superstitionis adhibitis, subjacent ejusdem pœnis ac Judaizantes; mitioribus tamen puniendus est qui id confecerit extra Judæorum domicilium. Puniantur pœna pecuniaria Notarii Christiani. Ita in Constitutione APOSTOLICI MINISTERII Bull. Tom: II. num: 38. Ubi edicitur etiam, ne Uxor Hebræa ad

Idem conversa libellum repudii mittat viro in Judaismo perseveranti.

Christianis vetitum est sub excommunicatione cum Hebraeis cohabitare, ex Cap: 5. de *Judeis*. De Synod: Diacesi: Lib: 6. Cap: 4. §. 2. sicut nec accepta mercede servitium illis assiduum impendere. *Ibidem*.

Hebraei ad Ebdem conversi suis bonis privandi non sunt, nec a successione, & Parentum haereditate excludendi, ut ex Bulla Clementis XI. **PRO-PAGANDÆ**. *Ibid*:

Descendentes a Judæis, nisi aliter cautum fuerit in Beneficiorum fundatione, vel nisi aliter Summus Pontifex statuerit, arceri non possunt etiam ex Constitutionibus privatarum Ecclesiarum, a consecutione Beneficiorum, ut ex Cap: *Eam te de Rescriptis*. Idem pariter dicendum de illis, qui ex infidelibus descendunt. De Synod: Diacesi: Lib: 7. Cap: 65. §. 4. & 5. Idem etiam dicendum de Ordinibus sacris. *Ibid*. §. 5. l. 12. c. 1. §. 4. & 5. nov. Edit:

JUDICES SYNODALES.

Synodales Judices, quibus a Romana Curia committuntur judicandæ causæ in partibus a Curia remotis, designari debent personæ in Ecclesiastica dignitate constitutæ, quæ sive personatum, sive Canonicatum in aliqua Cathedrali Ecclesia obtineant. Hi vero designandi sunt ab Episcopis in Synodis; & si aliqui ante novarum Synodorum celebrationem obierint, substitui alii possunt etiam extra Synodum ab Episcopo cum consensu Capituli usque ad novam Synodum perseveraturi. Designatorum vero sive in Synodis, sive extra nomina. Secretario supplicum Libellorum Pontificis desorantur. Designentur vero saltem quatuor in quacumque Diacesi, vel plures
fi

Amplitudo ejusdem postulet. Constit: QUAMVIS
PATERNAE. Bull: Tom: I. Constit. 28.

JURISDICTIONO.

Inferior Prælatus ad hoc ut Territorium separatum, & Jurisdictionem ordinariam, & quasi Episcopalem in Clerum, & Populum obtineat, cum ipsius Episcopi exclusione, non juvatur per quadragenariam præscriptionem cum titulo colorato, sed requiritur clarum, & subsistens Apostolicum privilegium, aut consuetudo immemorabilis rite probata, per quam privilegium illud de jure valeat præsumi, quæ fuit olim decisio S. Congregationis Concilii die 7. Januarii 1721. dein approbata a Clemente XI. die 14. Januarii, & confirmata a Benedicto XIV. in suo Bullario Tom: II. Constit: 33. Tunc autem dicetur consuetudo rite inducta, dum in aliquo loco ab immemorabili tempore inferior Prælatus omnem omnino jurisdictionalium actuum speciem ita solus exhibuerit, ut Episcopus in cujus Diæcesi locus situs est, toto eo tempore nullam in his partem habuerit, neque in iis se unquam miscuerit. *De Synode Diæces: Lib: 13. Cap. 8. §. 18. & 21. nov: Edit:*

Episcopi, licet habeant Capitula quantumcunque exempta, possunt per seipfos sine adjunctis de Capitulo visitare Ecclesiam, Canonicos, & Beneficiatos, ut decisum a S. Congregatione Concilii in quadam causa Zamorensi, quamvis non potest committere hoc munus alteri. *De Synod: Diæces: Lib: 13. Cap: 9. §. 6. nov. Edit.*

Si tamen extra visitationem velit contra Canonicum procedere, tenetur duos ex Capitulo Canonicos adjunctos habere, a Capitulo anno quolibet ineunte designandos, qui tamen duo Canonici constituunt unum tantummodo suffragium, & si ambo conveniant in sententiam Episcopi contrariam, tunc

ad tertii electionem procedendum est, juxta formulam a Tridentino *Sess: 25. Cap: 6. de Reform. præscriptam*. Ita ex pluribus Decretis S. Congregationis Concilii, & ex collatione duorum locorum Tridentini, altero in *Sess: 6. Cap: 4.* altero in *Sess: 25. Cap: 4. De Synod: Diæces: Lib: 13. cap: 9. nov: Edit:*

LEGITIMATIO.

Per subsequens Matrimonium non legitimari prolem, quando copula habita est inter impeditos, & proles nata est eodem impedimento perseverante, communis est sententia. Si vero constat prolem natam esse sublato impedimento, dubitetur vero num concepta sit eodem impedimento perseverante, tunc in favorem prolis judicium ferendum est. Epistola ad Archi Episcopum Hispaniolæ Bull: Tom: I. n. 113. **REDDITE NOBIS.**

LEX ECCLESIASTICA.

Lege Episcopali, vel Synodali non tenentur illi, qui in Diæcesi quidem degunt, sed extra Diæcesim abeunt mox redituri, si interim extra fines Diæceseos aliquid agant contra illam legem, quia lex per se, & immediate Territorium respicit. Verum si quis e Diæcesi se absentet animo declinandæ Synodale statutum, fraudem illi patrocinium præstare non est æquum; quare tunc peccant contra eandem legem; Ita Clemens X. in Constit. *Superna* edixit, pœnitentes recedentes e territorio in fraudem non esse absolvendos a reservatis sui territorii. *De Synod. Diæces. Lib: 8. Cap: 4. §. 10. l. 13. c. 4. §. 9. & 10.*

Lex ab Episcopo lata extra Synodum, audito tamen consilio Capituli longe probabilius perseverat etiam post obitum ejusdem Episcopi; neque enim habet quid diversum a lege in Synodo lata, quam
eti-

etiam defuncto Episcopo perseverare constat. *De Synod: Diæces: Lib. 8. Cap: 5. §. 11. l. 113. c. 52. nov. Edit.*

Lex Synodalis si non acceptetur a populo, quamvis peccent non acceptantes; tamen si id sciat Superior post paucos actus ab eo neglectos, & non punitos, ligare desinit ex quadam ejus conniventia. *De Synod. Diæces. Lib: 8. Cap: 5. §. 3.* Si vero id nesciat Episcopus tunc decennium sufficere censetur. Hoc enim sufficit, ut consuetudo longi temporis dicatur. *Ibid. Lib: 8. Cap: 5. §. 3. Lib: 13. cit. c. nov. Edit.*

Si vero jam acceptata sit, præscriptio contra illam inducitur per decennium, neque enim agitur de præscriptione, qua aliquod jus proprietatis ab Ecclesia auferatur, quæ præscriptio annos quadraginta exigit. Requiritur tamen, ut a majoris communis parte libere sit inducta, continuis actibus frequentata, animo legem tollendi, & adsit consensus legislatoris juridicus saltem, & legalis qualem scilicet leges requirunt. *De Synod: Diæces: Lib: 8. Cap: 5. §. 5. Lib: 13. cit: c. 5. §. 5. nov: Edit.*

Lex Synodi Diæcesanæ obligans totam Provinciam, si obtinuerit confirmationem a Sede Apostolica in forma communi, ut plerumque fit, quæque his verbis concipi solet: *si juste, canonice, ac provide facta sunt, & dummodo sacris Canonibus Concilii Tridentini Decretis, & Constitutionibus Apostolicis non adversetur:* tunc utique abrogari ab Episcopo potest, cum maneat lex ejusdem tantummodo. Si vero confirmatio fiat in forma specifica cum causæ cognitione, singulis statutis expensis, & in confirmatione addatur *ex motu proprio, atque ex certa scientia,* tunc utique fit lex Pontificis, in qua Episcopus dispensa-

122 *Epitome Doctrinae Moral: & Canon:*
re non potest. *De Synodi Diœces: Lib: 8. Cap: 5.*
§. II. l. 13. Ibid: nov: Edit.

M A T R E S.

An Mater teneatur lactare proprium filium sub gravi culpa Theologi quidam affirmarant, cum onus istud impositam ipsis a natura animadvertant, nec ulla sint bruta, quæ natis suis id non præsent. Alii tamen melius culpam ea in re levem agnoscunt. Occurrere tamen plures legitimas causas eximendi, ab hoc onere Matres ultro fatendum. *De Synodi Diœces: Lib: 7. Cap: 58. §. II. l. II. c. 7. §. 10. & II. nov: Edit.*

M A T R I M O N I U M.

Parochus per se assistere Matrimonio tenetur, nisi legitima, gravissimaque de causa impeditus. In Encyclica ad Episcopos Poloniæ NIMIAM LICENTIAM. Bullar: Tom: I. n. 90.

Abstinentum Pontifex ab ea censet^o questione inter Theologos agitata, num Parochus sit hujus Sacramenti Minister, seu potius ipsi contrahentes simul materia, forma, & ministri hujus Sacramenti habeantur. Utriusque sententiæ fundamenta late exposita videnda sunt in *Synodo. Diœces: Lib: 7. Cap: 28. l. 8. c. 13. §. 1. & seqq: nov: Edit.* Quanquam non obscure inclinare visus est in sententiam, quæ contractus, Sacramenti totum quidquid est, contrahentibus vindicat. Merito tamen reprehendendi sunt illi, qui a contracturis matrimonium non exigunt scientiam doctrinæ Christianæ, saltem eorum, quæ ad salutem necessaria sunt. Mandavit enim Clemens XI. & ipse etiam Benedictus XIV. in quadam Encyclica, quæ est in ejus Bullario. Tom: I. n. 42. ut Parochus ab inuitis Matrimonium exquirat interrogando, quæ ad salutem necessaria sunt, & si reprehenderit ignorasse, matrimonio jungendi non sunt.

sunt. Monet insuper cum Giribaldo, illos, qui prae-
cipua Fidei mysteria sciunt, ea vero quae sunt de
necessitate praecepti rudi solum modo tenent, illos
quidem posse aliquandiu retineri a matrimonio cele-
brando, atque interim Parochus illos diligenter do-
ceat, & si deprehenderit rudiores esse ingenio, &
exilis memoriae, ut doctiores effici non valeant, tene-
tur tamen conjungere. *Ibid: Cap. 29. l. 8. c. 14. §.*
1. & seqq nov: Edit:

*Matrimonium coram Parocho, vel alio Sacerdote
de ipsius Parochi, seu Ordinarii licentia, & duobus,
vel tribus testibus celebrari debet, quos verba sunt
Tridentini de Reform: Matrim: Sess: 24 Cap: 1. Re-
prehendendam vero censet Pontifex Episcoporum quo-
rundam oscitantiam, qui in Synodis suis edixerunt,
celebrandum esse coram legitimo Magistro, ex quo an-
data est Theologis nonnullis opinandi, sententiamque
suam ex eorum mente, ut hi quidem arbitrantur, fir-
mandi, Parochum esse legitimum Sacramenti Matrimo-
nii ministrum.*

Si Episcopus generatim interdicit Parocho, ne
Matrimonio adfistat, adhuc tamen Matrimonium va-
lere definivit S. Congregatio Concilii, & firmat Pon-
tifex in *T. De Synod: Dioces. Lib: 7. Cap: 68. §.*
2. & Lib. 12. c. 5. §. 2. nov: Edit

Si vero interdictum istud venerit a Pontifice
cum Decreto irritante, tunc utique non valet con-
jugium, cum Pontifex jure suo possit impedimenta
constituere. Nisi tamen adfit huic interdicto Decre-
tum irritans, matrimonium valet, cum impedimen-
tum illud impediens, non irritans censendum sit.
Ibid. §. 3.

Parochus coram quo celebrari potest matrimo-
nium est Parochus domicilii, non originis, ut ex
consensu auctorum, & sensu S. Congregationis con-
stat.

stat. *Instit. Eccles:* 33. §. 6. Quare si quis habeat duo domicilia in duplici Paroecia in alterutra matrimonio jungi potest: attamen ad habendum duplex domicilium requiritur, ut in utraque realem moraliter habitationem habeat. *Instit. Eccles:* 33. §. 6. Parochus ruralis, quo quis pergit ad rusticandum, non est aptus matrimonio illius, qui ibi moratur causa recreationis, & ad rusticana negotia enim perpetuo censuit S. Congregatio. *Ibid:* §. 7.

Nullum est Matrimonium ejus, qui e loco propriae habitationis, non tamen deserto ibi domicilio, pergit ad alium locum animo se conjungendi in matrimonium, non adepto novo domicilio, seu quasi domicilio, ita ex sensu perpetuo S. Congregationis. *Ibid:* §. 8.

Vagorum Parochus quoad Matrimonium, est Parochus loci, ubi tunc versantur, ut ex sensu plurimum Theologorum. *Ibid:* §. 10.

Diligenter tamen distinguendi sunt vagi a peregrinis. Vagi sunt enim illi, qui relicto proprio domicilio, aliud quaesituri vagantur; peregrini vero qui non relicto domicilio, peregrinantur alicubi. *Ibid:* §. 10.

Scholares, Judices, Medici &c. qui alicubi conducti habitant, in loco ejusdem habitationis contrahunt quasi domicilium, si ibi permaneant aliquo idoneo tempore. Ita ex DD. & Decr. S. Congregationis. *Ibid:* §. 11.

Quoad matrimonia eorum, qui in carcere adstricti detinentur, si detineantur in carcere ex sententia Judicis, sive deputati in perpetuum, sive ad certum tempus, respectu illorum, Parochus loci ubi carcer situs est, est Parochus Matrimonii. Si vero detineantur in carcere donec causa eorum expediatur,

tunc

tunc Parochus eorum est ille ubi habent domicilium. Ita ex sensu S. Congregationis, & DD. *Ibid: §. 12.*
 Parochus eorum, qui expositi sunt, & in hospitali aluntur quoad Matrimonium non est Capellanus ejusdem Hospitalis, sed Parochus, ubi situm est hospitale. Ut ex Decretis S. Congregationis *Ibid: §. 14.*

Etiam de in Monasterio degentes habent pro Parocho Matrimonii illum, in cujus loco est domicilium paternum, maternum, vel fraternum, ut ex multis Theologis. *Ibid: §. 16.* Si eo careant est Parochus loci, ubi est Monasterium.

Famuli habentes domum, & familiam in alia parocchia diversa ab ea, quam habet dominus heri, Parochum Matrimonii habent illum, in quo est domus, & familia. Ita ex statutis Cleri Romani *Ibid: §. 20.* disponitur. Si vero domicilium familiæ habeant extra Urbem, & in Urbe simulatum, tunc coram Parocho Urbano contrahunt. *Institu: Eccles: 88. §. 5.*

Si Episcopus mandet alicui Parocho, ut assistat matrimonio, reputans hunc esse verum Parochum alterutrius ex contrahentibus, & si postea reperatur verè non esse Parochum illorum, adhuc tamen mandatum Episcopi valet, ut consensus iste sustineatur, ut semel & iterum decisum a S. Congregatione refertur. *Institu: Eccles: 88. §. 4.*

Matrimonium etiam bona fide contractum coram Parocho, & unico teste non valet, ut ex responso S. Congregationis Concilii constat. *De Synod: Dioces: Lib: 12. Cap: 5. nov: Edit: Vicissim valet contractum coram duobus testibus sine Parocho in loco, ubi non est nisi hæreticus, vel si est, illum adeundi libera potestas est. Ibid:*

Parocho praesente ita tamen ut neque videat contrahentes, neque auribus verba eorum percipiat, matrimonium est nullum, uti definitum est a S. Congregatione Concilii post diligens examen in causa Romana die 7. Martii 1700. At si Parochus affectaverit non intelligere verba contrahentium, matrimonium valere respondit alio Decreto anni 1598. in causa Ulyssiponensi S. Congregatio. *De Synod: Dioces. 13. Cap: 23. §. 5. & seqq: nov: Edit.*

Tunc vero non ausire affectat Parochus, si invitus adhibetur ad contractus celebrationem, & data opera neque videre vult, neque percipere, cum tamen facile posset, & testes audierunt, & viderunt, quae sane ratio fuit Decreti S. Congregationis in Carthagin. *Matrim.* anno 1753. lati pro similis matrimonii validitate. *Ibid: §. II.*

Parochus, cui interdictum est ab Episcopo, ne interveniat matrimonio contrahendo, ad hoc tamen non reddit matrimonium invalidum. Ita ex Decis. S. Congreg. *De Synod: Dioces. Lib. 12. c. 5. §. 2. & Lib. 13. Cap. 23. §. 1. nov: Edit.* Idem dicas, si Ordinarius tantum vetet Vicario Parochi, ne assistat, ille contra mandatum assistat. Item pariter judicandum est, si vel Parochus, vel ejus Vicarius prohibiti ab Episcopo, nolentes & invitati assistere cogantur. *Ibid: ex eodem Decreto.*

Matrimonio jungendi non sunt sponsi a Parocho, si comperiat illos ignorare necessaria ad salutem. Encyclica ET SI MINIME Bull. Tom. I. n. 42.

In impedimento disparitatis cultus animadvertendum est, conjugem, qui ad Fidem transit, altero in infidelitate relicto, teneri quidem admonere infidelem, num velit cohabitare absque contumelia Creatoris; & sine ista admonitione fidelis non potest ad secunda vota transire. Verum Pontifex cum Neophytis

His baptizatis pii loci Cathecumenorum Venetiis dispensat, ut possint contrahere, etiam consensu alterius conjugis infidelis non requisito, dummodo constet summarie, & extra judicialiter illum moneri minime posse, quamvis postea compertum sit infideles illos tempore secundi Matrimonii fidelis baptizati ad fidem fuisse conversos. **Constit. IN SUPREMA.**
Bull. Tom. I. n. 117.

Si infidelis conjux veniat ad fidem, & alter consentiat habitare cum illo absque injuria Creatoris, quamvis in infidelitate perseverare velit (quod judicandum pertinet ad Episcopum) tunc decrevit S. Congregatio non posse conversum ad fidem aliam sibi conjugem adfiscere. At eo ipso quod alter velit in infidelitate perseverare, censent Theologi plures satis esse periculi in Neophyto. Verum hujus dubii solutionem recte monet Cabassutius ex moribus regionum, & casuum circumstantiis pendere. *De Synod. Dioces. Lib: 13. Cap. 21. §. 1. nov. Edit.*

Accidit ut infidelis plures uxores in infidelitate accipiat, tum veniat ad fidem, & fidem pariter una ex his uxoribus recipere sit parata, non tamen illa, quæ prior ducta est, quæ propter distantiam locorum, vel ignorando ubi nam sit, requiri judicialiter non possit. Demum post renovatum cum illa, quæ venit ad fidem, Matrimonium (quod fieri non potest absque renovatione consensus coram Parocho, & testibus, eo quod prior consensus in infidelitate datus fuerat nullus, propter Matrimonium prius cum altera celebratum,) comparet uxor prior, & probat, se non fuisse præmonitam, vel fuisse impeditam, ut suam voluntatem manifestaret: nunc vero paratam se dicit ad fidem amplectendam, vel jam fuisse amplexantem equam conjugium Neophyti cum Neophyta celebraretur. In hoc rerum eventu S. Pius V. concessit
 Mis-

Missionariis, ut cum Judæis baptizatis dispensare possent, ad effectum remanendi tanquam cum uxore legitima, cum ea uxore, quæ fuerit pariter baptizata. Eandem dispensandi facultatem concessit Gregorius XIII. Episcopis, Parochis, & e Societate JESU Presbyteris, ad Sacramentales Confessiones in iis Regionibus approbatis, quoad eos, qui ab Anglia Æthiopia, ac Brasilia, in captivitatem adducti, & in remotas Regiones delati fuerant, ut non expectato, nec requisito consensu conjugis in infidelitate ducti, matrimonium inire possint cum quocunque fidei, etiam si conjuges infideles declarare possent se jure fuisse impeditos ad manifestandam suam voluntatem, vel etiam si probarent se fuisse conversos ad fidem tempore secundi matrimonii. Has Constitutiones certe emanare potuisse ab iis Pontificibus fuisse demonstratur: sed eas extendi non posse ad alias Regiones, quantumvis similes rationes suppellant, clari constat. Quare si forte casus accidat, petenda est facultas dispensandi a SS. Pontificibus. *De Synod. Diœces. nov. Edit. Lib. 13. Cap. 21. n. 3. & seqq. nov. Edit.*

Si infidelis unam conjugem infidelem duxerit, ita matrimonium valet, ut si ea vivente alteram superindueat, secundum matrimonium nullum est, cum matrimonium institutum sit, ut unicam habeat. *Ibid. §. 8.*

Si matrimonium ineatur inter duos, qui pravum habent errorem substantiæ matrimonii repugnantem, ut inter Græcos, qui censent conjugii vinculum dissolvi per alterutrius conjugis adulterium, prava hæc opinio non officit validitati matrimonii. Ita resolvit S. Congregatio Concilii die 15. Januarii 1724. *De Synod. Diœces. Lib. 13. Cap. 22. §. 4. nov. Edit.*

Verum si hæc opinio deducatur in pactum tanquam conditio in actu ineundi matrimonii, tunc matrimonio-

rimonium nullum est, uti semper accidit, cum matrimonio est apposta conditio substantiæ matrimonii repugnans, ex Decretali Gregorii IX. *Cap. De appositionis. Ibid. §. 5.* Hinc, quem subdo, casus resolutus est a Sacra Congregatione die 20. Maji. Anni 1754.

In formula, quam Calvinistæ in conjugii incedendis adhibent, minister sponsum interrogat, *accipisne illam uxorem?* Respondet ille; *accipio.* Eadem verba interroganti ministro repetit sponsa. Tum minister iterum ad sponsum: *personam quam manucatenes amas, & accipis eam in perpetuam uxorem, ne in ulla illius ærumna deseres, quoadusque in sua honestate, & puritate permanferit.* Tantumdem dicit sponsæ. Porro illud quoadusque in sua honestate, & puritate permanferit in sensu Calvinistarum denotat virum accipere sponsam in uxorem quoadusque adulterium non contraxerit, eoque commisso, vinculum conjugii solvi. Celebrant igitur hæc conjugia cum conditione opposita perpetuitati matrimonii, quæ sane perpetuitas essentiæ conjugii adnexa est, ut ex Concilio Florentino in Decreto de unione Armenorum, & instructione Clementis VIII. pro Italo-Græcis, confirmata a Benedicto XIV. sua Constitutione. *Esti Pastoralis, quæ est 57. Bull. Tom. I. constat.* Quare optime definitum in Congregatione S. Officii die 20. Maji 1754. conjugium illud nullum extitisse, adeoque integrum fuisse alterutri sponso ad alia vota transire. *De Synod. Dioces. Lib. 13. Cap. 22. §. 9. nov. Edit.* Neque ob stare judicatum est prius dixisse utrumque sponsum, accipio hunc in conjugem, deinde ad novam interrogationem utrumque conditionem subdidisse, quia & prior, & secunda interrogatio unus, idemque actus judicatus est.

Ex his etiam resolutus est a S. Congregatione casus alter die 8. Junii 1724. Vir & fœmina conve-

nerunt celebrare Matrimonium coram Ecclesia, at illud nequaquam consummare deberent; sed post quindecim dies mulier Monasterium ingrederetur, & post probationis annum profiteretur, interim vero omni juri renuntiabat, quod in Mariti personam ex matrimonio sibi acquirere potuisset, consenseratque, ut si ab his pactis defecisset matrimonium nullum, irritumque declararetur. Ita conventum inter illos, pactaque hæc scriptis consignata sunt, ac significata testibus, & Parocho, coram quibus ineundæ erant nuptiæ. Hoc Matrimonium nullum esse declaravit S. Congregatio ex Cap. *Si conditiones de Condit. Apposi.* nam abdicatio facta ab utroque de potestate in corpus alterius, aperte contraria est substantiæ Matrimonii. Quamvis enim in ipsa Matrimonii celebratione actu expressæ non essent pactiones istæ, constabat tamen ex antecedentibus, & sequentibus simul junctis conjuges ab iis non recessisse. *Ibi*. §. 10.

Matrimonium infidelis in infidelitate contractum non statim resolvitur, ex quo alteruter conjugum baptizatur, & alter nolit, sed tunc cum baptizatus ad altera vota transit. Epistola ad Vicesgerentem de Baptismo Hebræorum &c. *Postremo Mense Eccl. Bull. Tom. II. n. 28. Vide & de Synod. Dioces. Lib. 6. Cap. 4. §. 4. nov. Edit.*

Hebræi cum hæretica non valet; obstante cultus disparitate. Epistola ad Cardinalem Ducem Eboracensem data die 9. Februarii 1749. §. 11. & seqq.

Num in casu quo alteruter ex conjugibus ad Fidem venerit, relicto altero, qui negat cohabitare sine injuria Creatoris; dein vero & ipse ad Fidem conversus sit, atque interim, postquam secundus licet ad Fidem conversus est, prior conjux secundas nuptias iniverit, in eo casu suadendum sit Pontifici, ut Matrimonium in infidelitate consummatum diff-

dissolvat in favorem secundi conjugii, ambigit merito Pontifex, & censet id fieri non debere, nisi adsint causæ gravissimæ. *De Synod. Diæces. Lib. 6. Cap. 4.*

Catholici qui cum hæretico Matrimonium celebrant etiam in locis hæreticorum gravissime peccant, quia hoc agendo cum illis in divinis communicant, quod, nisi forte cum gravissima causa, illicitum est. Si vero postquam sic contraxerint coram Parocho Catholico, possint iterum coram Ministro Protestante conjungi ad evitanda gravia damna, quæstio est, ad quam S. Congregatio respondit, Ministrum hæreticum si assistat hisce Matrimoniis, ut minister politicus, tunc a Catholicis peccatum non committitur; secus vero si assistat ut Minister sacris addictus, ita censet Pontifex in *Synod. Diæces. Lib. 6. Cap. 5. §. 4. & 5.*

Conjugia hæretici protestantis cum sœmina hæretica coram Parocho non Catholico in Belgio confederato celebrata valida habenda sunt. Decretum a Pontifice approbatum die 4. Novembris 1741. Item valet ita, & in iis Regionibus celebratum, si hæreticus Catholicum ducat, quamquam postremum hoc illicitum haberi debet. *Ibid.* Idipsum repetitur in Epistola ad Cardinalem Ducem Eboracensem data die 9. Febr. 1749. §. 17.

Nuptiæ inter Catholicum, & hæreticum conjugem multo rectius non sunt benedicendæ, neque Missa in præsentia hæretici celebranda, nec tandem conubii ritus inter Ecclesiæ ambitum peragenda, quod & vetitum fuisse a Clemente VIII. circa benedictiones quidam referunt. *De Synod. Diæces. Lib. 6. Cap. 5. §. 5. nov. Edit.*

Matrimonia inita a Græcis Catholicis in Ecclesiâ Orientali post susceptum sacrum Ordinem, du-

bium est num valeant, an tantummodo illicita habenda sint; quare si forte id accidat, petenda est dispensatio a Sede Apostolica, sed in dispensatione non exprimitur conditio, ut consensus inter conjugatos repetatur.

Quoad Italo Græcos Matrimonia post Ordinem sacrum inita, nulla sunt. *Constit. ET SI PASTORALIS Bull. Tom. I. n. 7.*

Impedimentum ex adoptione proveniens ita explicatur a Pontifice in *Tract. de Synod. Diæces. Lib. 7. Cap. 36. l. 9. c. 10. §. 3. nov. Edit.* Connubium iniuri non potest inter adoptantem, & adoptatum, atque ab isto descendentes; quod impedimenti genus semper durat quoad adoptantem tantum, & adoptatum, Secundo inter adoptatum, & filios naturales adoptantis. Sed Impedimentum istud tandiu durat, quandiu perseverat adoptio, seu filii remanent sub patria potestate; nam ea soluta, sive per mortem adoptantis, sive per mancipationem filii, sive adoptivi, sive naturalis, cessat impedimentum. Tertio inter adoptantem, & uxorem adoptati, seu vicissim inter adoptatum, & uxorem adoptantis, idque semper durat. An vero hæc impedimenta obtineant tam in adoptione perfecta, quam imperfecta lis est inter Doctores. Porro adoptio perfecta tunc fit, cum persona extranea sui juris ex Principis rescripto, ita transit in potestatem, & familiam adoptantis, ut perinde ac filius legitimus fiat ejus hæres necessarius tam ab intestato, quam extra. Adoptio imperfecta dicitur, cum persona extranea constituta sub Patris, seu Avi potestate, solius Magistratus, alteriusve Judicis competentis auctoritate in filium, aut nepotem adsciscitur; non tamen in familiam, & potestatem adoptantis transit, & succedit solum ab intestato. *De Synod. Diæces. Lib. 7. Cap. 36. §. 4.*

Matrimonia filiorum familias sine parentum consensu contracta, etiam si in Galliis habeantur invalida quoad effectus civiles, ut de dotis validitate, & communitate inter virum, & uxorem; valida tamen habenda esse in ratione Sacramenti censet Pontifex, & oppositum sentientes rejiciendos omnino judicat. *De Synod. Dioces. Lib. 7. Cap. 38. §. 2. Et l. 9. c. 11. §. 2. nov. Edit.*

In Matrimonio puberis cum impubere, malitia aetatem supplente, Episcopus Potest jure suo licentiam contrahendi largiri. Encyclica ad Episcopos Poloniae Bull. Tom. II. n. 51. **MAGNÆ NOBIS.** Ad pronuntiandum in ea causa cumulativum jus est inter Sedem Apostolicam, & judices Ordinarios. *Ibid.*

Matrimonia inter impuberes nondum conjugio aptos solus Romanus Pontifex dispensat. *Ibid.*

Impedimenta Matrimonium impediunt ab Episcopo relaxari possunt, si excipias impedimentum ortum ex sponsalibus cum altero prius initis, & illud quod ex voto perpetuæ castitatis, & ingrediente Religionis, nisi fuerint conditionata, ortum duxit. Cætera vero Matrimonium irritantia tollere nisi Romanus Pontifex, nemo potest. Excipitur tamen casus quem statim subdo.

Si forte accidat, ut Matrimonium jam fuerit contractum in facie Ecclesiæ cum omnibus solemnitatibus, initumque fuerit bona fide ex ignorantia impedimenti juris, & facti, & sit consummatum, occultum si tamen impedimentum, & adiri non possit Pontifex, seu ab eo dispensatio obtineri ob conjugum paupertatem, rusticitatem, locorum distantiam, &c. nec possit separatio fieri sine scandalo. Dum simul omnes istæ circumstantiæ adfuerint, tunc ab Episcopo ea dispensatio tuto conceditur, quam potest major Pœnitentiarius Pape, in foro tamen conscientie

tiæ tantum. Quare si impedimentum istud postea detegatur, & deducatur ad forum contentiosum, impetranda est a summo Pontifice dispensatio. *De Synod. Dioces. Lib. 7. Cap. 31. §. 1. l. 9. c. 2. §. 1. nov. Edit.*

Fortè etiam Episcopus dispensare poterit in impedimento dirimente occulto, cum Matrimonium proxime contrahendum est in casu quo tales urgeant rerum circumstantiæ, ut nec S. Pontifex consuli possit, nec Matrimonium differi sine scandalo, aut infamia contrahentium. Tunc censendus est S. Pontifex tacite delegare Episcopo potestatem dispensandi. *Ibid. §. 2.*

His præcis rerum circumstantiis, nemini fas est Episcopo dispensare in impedimentis publicis Matrimonium dirimentibus. Neque enim verum est, & sanum Axioma illud a nonnullis adoptatum. *Quidquid potest Pontifex in universo Orbe, si excidias, quæ totius Ecclesiæ statum respiciunt, velut Fidei Articulum definire, potest Episcopus in sua Diocesi, nisi Papa sibi illud reservaverit.* Non enim potest inferior legem a Superiore datam relaxare. Sunt qui consuetudinem prætendant: At considerent attente, cum res sit de minuendis juribus Romani Pontif. unice competentibus, num 100. ad minus annorum spatium sine ulla interruptione perseveraverit. Considerandum insuper & potissimum, num per eam consuetudinem disrumpatur nervus Ecclesiasticæ Disciplinae: tunc enim nunquam contra Legem præscribitur. *Cap. cum inter de Consuet. Tr. de Synod. Dioces. Lib. 7. c. 31. §. 3.*

In contractis Matrimoniis pro eorum revalidatione non dispensat S. Pænitentiaria in gradibus primo, & secundo consanguinitatis, vel affinitatis ex copula licita, nisi forte in secundo gradu per decem-
ni-

nium duraverit occultum impedimentum, & conjuges ut legitimi reputati fuerint. In reliquis vero dispensat; sicut in gradibus & tertio, & quarto publicis revalidat matrimonia ex causa occulta subreptionis, & obreptionis Litterarum Apostolicarum nulliter contracta, nisi si falsitas consistat in narratione falsa præcedentis copulæ: Bulla PASTOR BONUS. Bull. Tom. I. n. 95 § 40. Vide Institut: Eccles. 87.

Si in dispensatione a Dataria obtenta quoad gradus prohibitos reticeatur copula ex causa infamice, tunc sacra Pœnitentiaria dispensat in Matrimonio contrahendo, & etiam contracto: at cum agitur de primo in secundo gradu exigit compositionem 50 Ducatorum auri de camera, nisi gratia prior fuerit expedita in forma pauperum. Ibid:

Si in dispensatione a Dataria petita in impedimenti graduum expressa fuerit copula tacita, tamen mala intentione facilius obtinendæ dispensationis, tunc si mala intentio sit occulta dispensat S. Pœnitentiaria cum miserabilibus personis absolute, cum reliquis taxa definita. Si vero copula habita fuerit affinitate, seu consanguinitate non agnita, tunc pro dispensationibus, non est necessario exprimenda. Institut: Eccles. 87. §. 23.

In impedimentis occultis affinitatis ex copula illicita absente etiam periculo scandalorum in contracto, & contrahendo Matrimonio in foro conscientie dispensat.

Dispensat etiam in impedimento criminis tam pro contracto, quam pro contrahendo, ubi nulla adest machinatio. Potest etiam dispensare, quando agitur de machinatione ex parte tantum alterutrius; id tamen rarius præstat. Ibid: §. 44.

In impedimentis dispensat etiam si fuerint multiplicia, sicut & dispensat in foro conscientie pro-

legi-

legitimatione proles, nisi illa concepta fuerit in adulterio. *Ibid: §. 45.*

In dispensationibus pro impedimentis matrimonii super gradibus vetitis impetrandis, si taceatur copula antecedens, sicut (si aduerit) intentio facilius obtinendæ dispensationis, rescriptum vitiatur, ut *DD. Instit: Eccles: 87. §. 13.* In contractis tamen Matrimonii, si hoc vitium occultum perseveret, dispensat Pœnitentiali. *Ibid: §. 14.*

Clausula illa in dispensationibus Matrimonialibus, *absolutio, & dispensatio in foro iudiciario nullatenus suffragetur*, eam vim habet, ut si impedimentum ex occulto fiat publicum, potest Ordinarius conjuges separare à thoro. Si tamen illi occulte sine scandalo debitum invicem reddant, non peccant, ita sentiente Navar. *Ibid: §. 50.*

Si Ordinarius subodorans impedimentum velit procedere in cognitionem delicti, id potest, imò debet facere, etiam si reus protestetur de obstanti dispensatione. Si vero certioratur ea de re ab aliquo fide digno, ut a Confessario, seu Parocho, qui possunt id clam testificari Episcopo, tunc debet Episcopus acquiescere nec debet ad delictum puniendum procedere, ut ex Clericato monet Auctor. *Ibid: §. 50.*

Postrema clausula sic enunciatur: *dicta muliere de nullitate prioris consensus certiorata, sed ita caute &c.* Rejicitur sententia opinantium hanc non esse conditionem; sed ut Confessarius instruatur, quod certior sit contractus; ac veram esse conditionem ex ablativo absoluto, quo enunciatur, ut est Juristarum sensus, demonstratur. *Instit: Eccles: 87. §. 68.*

Nec admittitur sententia afferens, quando fieri non possit revelatio impedimenti, sufficere, ut pars illud sciens habeat copulam cum parte ignorante affectu maritali, cum prior consensus partis insciæ fuerit

fit nullus, adeoque ex parte illius nullus fit, unde debet innovari. Aliorum sententia pariter rejecta est, eorum nempe, qui suadent, ut sciens impedimentum proponat alteri se adeo illam amare, ut denuo cum illa velit ligari, si alter respondeat affirmative, consensus censetur innovatus. Hæc tamen opinio rejicitur, eo quod consensus præstitus a parte inficia, est consensus junctus cum errore, quare non adimpletur conditio: *dicta muliere certiorata*.

Præfertur cæteris quarta ratio certioram reddendi partem ignaram, & tunc fit, cum parti ignaræ dicitur in priorî Matrimonio, defuisse consensum validum, adeoque suasi Confessoris se proponere, ut iterum innovetur ex parte utriusque. *Ibid.* §. 78.

Sed quid si timor occurrat, ne parte ignara certiorata de nullitate consensus, futurum fit, ut ille renuat novam celebrationem, adeoque sic soluto Matrimonio, nata antecedenter proles timeatur, ne declaretur illegitima? Tunc utique de prole non est cur dubitetur, nam semper habetur ut legitima, cum impedimentum est occultum, & unus saltem ex conjugibus in bona fide versatur. Verum si adhuc perseveret metus scandalorum ex resolutione hujus Matrimonii, suadet Auctor, ut per novas litteras exponatur S. Pænitentiarie casus, vel recurratur ad Episcopum, qui id suadebit, quod erit opportunum. *Ibid.* §. 80.

Causæ Matrimoniales a Curia Romana commissæ in partibus, non delegantur nisi Episcopis, vel si nullus sit in Diœcesi, saltem vicinioribus; & si vel illi abfuerint, Judicibus Synodalibus. Constit: DE MISERATIONE Bull: Tom: I. n. 33. Mandat insuper Pontifex, ut in singulis Diœcesibus Defensor Matrimoniorum designetur, qui semper adsit in judicio, & citetur omnibus actibus. Si vero Judex in-

par-

partibus pro validitate Matrimonii sententiam ferat, ab ea sententia appellatio nulla intercedat. Secus si pro invaliditate, defensor appellare debet intra tempus legitimum, five pars inset, five non. Pendente vero appellatione ad novas nuptias transire conjuges vetantur sub pœnis contra polygamos constitutis.

Post duas conformes de nullitate Matrimonii, tunc licitum est conjungibus transire ad alias nuptias, dummodo pars, seu defensor pro sua conscientia non crediderit appellandum. *Ibid:* Pacta prævia inita inter conjuges de non appellando a sententia de nullitate Matrimonii irrita declarat Pontifex in Encyclica ad Polonos Bull: Tom: I. n. 85.

Matrimonia inter hæreticos sine præsentia Parochoi in Provinciis fœderati Belgii, cum non sit ibi receptum Concilium Tridentinum, tenent; quemadmodum etiam Matrimonia inter hæreticos, & catholicum ab incolis illorum sustinentur. Idem statuitur si uterque contrahens pertineat ad militias Ordinum fœderati Belgii addictas muniendis arcibus, vulgo dicti *di Baviera*. Extenditur ad contrahentes in Civitate Mosæ Trajectensis. Sed si contrahentes habentes domicilium in Provinciis fœderatis velint contrahere in Regionibus Catholicis, seu vicissim velint contrahere in Provinciis fœderatis, cum habeant domicilium in Regionibus Catholicis, nihil de illis decernitur. *Constit: Matrim: Bull: Tom: I. n. 34.*

Denuciationes Matrimoniales non sine gravi causa dispensentur ab Episcopo, mandat Pontifex *Constit: SATIS VOBIS Bull: Tom: I. n. 55.* In eo vero casu, quo fiat dispensatio, jubet nomina contrahentium, & fides celebrati Matrimonii a Ministro deputato facta in libro secreto adnotetur, quem si-

gillis clausum servandum esse in Episcopali Cancellaria edicit. Si proles nascatur, ejus parentes, & si collati illi Baptismatis in eodem libro adnotanda est, quapropter moneri jubet contrahentes in actu contrahendi Matrimonii, ut intra triginta dies a natiuitate numerandos, moneant de his omnibus Episcopum, & si secus fecerint, sciant occultum Matrimonium esse revelandum ab Episcopo.

Matrimonio celebrato non præmissis denuntiationibus, nec obtenta ea de re ab Episcopo facultate, si adsit Parochus suspensione ad triennium plebendum est, ex Cap: *Cum inhibitis* §. final. a qua suspensione toto eo triennio absolvi ab Episcopo nequit, ut ex Sanchez firmatur. In *Tract. de Syn. Diocæs. Lib: 7. Cap: 69. §. 2. l. 12. c. 6. §. 2. nov. Edit.*

Diebus, quibus interdicuntur Matrimonia, non quidem absolute illa vetantur, præcisa consuetudine, sed solemnitas tantummodo, & pompa nuptiarum, ut ex Cap: *Capellanus de Feriis* monent Theologi, & notatur. *Instit: Eccles: 70. §. 5.*

Nomine vero solemnitatis nuptiarum censentur, & quidem potissimum benedictiones in Missali Romano expressa. Vetantur vero illæ sub peccato gravi, ut ex Sanchez, aliisque notatur. *Instit: Eccles: 30 §. 7.* Quare cum temporibus feriatis celebrari nuptias permittit Episcopus, nunquam licet benedictiones illas conferre. *Ibid: §. 2.*

Immo, & tota Missa pro Sponso, & Sponsa omittenda est, cum benedictiones illæ pars ejusdem habeantur. Tunc igitur celebranda est Missa de tempore. §. II.

Ideo vero requiritur facultas Episcopi ad celebrandum Matrimonii diebus feriatis, (quanquam illa sint de se licita) quia in Synodis, vel ex consue-

ſuetudinæ introducta vetita illa habentur, quare requiritur, ut Epifcopi facultas intercedat. *Ibid: §. 4.*

Semel tamen inita Matrimonia diebus feriatis, conſumari poſſunt, ut ex ſenſu DD. Theologorum ſtatuitur. *Ibid: §. 17. & 18.* Quare licita eſt traductio Sponſæ ad domum viri, ut ex Congregat. firmatur. *Ibid: §. 21.*

Matrimonia per Procuratorem contracta valent, ut communis eſt Theologorum, etiam poſt Tridentinum ſcribentium ſententia. Quamquam cautius eſt, ut quæ ſic conciliata ſunt, iterum præſentibus conjugibus coram Parocho renoventur, quæ tamen dicta ſunt ad cautelam, non autem ad neceſſitatem. *De Synod: Diœceſ: Lib. 13. Cap: 23 §. 9. nov: Edit.*

M A T U T I N U M.

Matutinum non eſt ſegregandum a Laudibus ſine cauſa, quæ optima ſuppetit Eccleſiæ, ſejungenti Matutinum a Laudibus. Noctæ Natalis Doſmini. *Inſtitut: Eccleſiæ 24. §. 9.*

Peccat etiam venialiter, qui ſine ulla legitima cauſa horam non ſervat, ut ex D. Thoma. *Ibid: §. 9.*

Hora recitandi Matutini die præcedenti incipit poſt exactas tres quartas partes diei, ut in Calendario Romano adnotantum eſt. *Ibid: §. 10.*

M E D I C U S.

Medici tenentur ſub gravi monere infirmum, eum vocantur ad eum curandum, ut vocet Confefſarium, ut provideat de ſalute animæ ſuæ ita præcipiente Concilio Lateranenſi in Cap: *Cum infirmitas de Panit: & Remiſſ: S. Pius V.* in ſua Conſtitutione 3. in Bullario, jubet, ut Medicus ante omnia id conſenti neque tertio die ulterius illum viſitet, ſi vocate Confefſarium recuſaverit. Tranſgreſſores Medicos incurrere poſſunt infamiæ & pri-

vationem omnium Privilegiorum ejus Professionis. Mandat insuper, ut nemo deinceps Lauream Medicinæ obtineat, nisi prius juret coram publico Notario, & testibus ejus Bullæ observantiam. Neque ab his servandis excusantur Medici ex consuetudine jam per longum tempus introducta, cum ob singulorum juramentum consuetudo ista induci non potuerit. Sufficit tamen, si Medicus id moneat per alium virum gravem. *Institut: Eccles: 22. §. 16.*

Non tamen tenetur sub gravi monere ægrotum in quocunque morbo, sed quando ita aliquo morbo corripitur, ut attentis omnibus judicare possit periculum esse, ut evadat mortalis. *Ibid: §. 18.* Confortius est tamen, ut moneatur ægrotus, etiamsi non timeatur periculum illud. *Ibid: §. 20.*

Si tamen ægrotus renuat Confessionem, & morbus sit adeo periculosus, ut desertus a Medico timendum sit, ne moriatur, docent tunc Theologi deserendum a Medico non esse, ne ægrotus amittat spem sanitatis recuperandæ, adeoque resipiscendi. *Ibid: §. 17.*

Laici autem Medicam, vel Chirurgicam exercentes ex præscripto suæ artis, etiamsi aliquis ægrotus obierit, non tamen incurrunt irregularitatem; attamen ad cautelam petunt, & obtinent dispensationem si promoveri ad Ordines Sacros postulant; attamen ejusmodi Brevia non conceduntur, nisi prius aulito Episcopo, cui injungitur, ut distincte referat casus omnes animadversione dignos, eorumque peculiare circumstantias, simulque exponat, cujus rei gratia orator ad Ordines Sacros promoveri postulat. *De Synod: Diæces: Lib. 13. Cap: 10. §. 4. nov: Edit.*

Sacros vero Ordines, jam obtinentes, vel etiam minores cum Ecclesiastico Beneficio, ex præfinito Sacrorum Canonum necessario debent petere indulgentiam, si medendi artem velint exercere. Hoc vero in-

Indultum non obtinetur, nisi exposita causa nempe quod locus, in quo Orator degit, & profiteri cupit vel sit pæne destitutus, vel non satis illi provisum sit ex Medico Laico, vel denique ejus familia tantæ sit egestatis, ut providendum illi sit ex honesto lucro ab arte Clerici percipiendo. *Ibid.* §. 6.

Regulares vero in Missionibus agentes privilegio donantur, ex Bulla potissimum Clementis XII. *Cum scuit*, ut possint exercere artem medicam. Hoc tamen privilegio frui non possunt nisi in ea arte sint periti, & gratis remedia præscribant, ac tandem abstineant ab incisione, & aduisione. Denique requiritur, ut non adsint Medici Laici, vel sint quidem, at hæretici, vel hebræi, ut ex Decreto Congressus de Propaganda fide. *Ibid.* §. 7.

Regulares ex instituti sui ratione Hospitalium curam, & administrationem obtinentes, medicam artem exercere non possunt extra illa Hospitalia *Ibid.*

In prædictis indultis Apostolicis, Monachis, vel Clericis concessis semper apponitur hæc limitatio, *absque incisione, & aduisione.* *Ibid.* §. 8.

Clericis Sæcularibus Sacris Ordinibus insignitis si concessum fuerit indultum, ut provideant familiæ indigentis, illud durat, quoad usque Orator certos Ecclesiasticos redditus, vel residentiale beneficium obtinuerit.

Insuper assertur limitatio, ne quid exposcat ab ægrotis, neque enim Ecclesiastico sæculari Medico prohibetur, ut sponte oblata recipiat, præter quam a veris egenis, a quibus nihil penitus potest accipere. *Ibid.* Regularibus vero indultariis semper datur cum modificativa, ut nihil penitus ab ægrotis recipiant. *Ibid.*

Porro indulta illa Ecclesiasticis, vel Regularibus concedi non solent, nisi prius audito Episcopo testante de viri peritia in ea arte, & de indi-

gentia medici in ea Civitate vel Oppido. Præterea exquiritur etiam pro Regularibus testimonium Superioris Regularis circa mores illius, qui indultum petit. Si vero non præmittatur testimonium Episcopi, adhuc tamen Pontificii Brevis executio Episcopo committetur, qui commissum munus impleturus de his omnibus certiolem se reddere tenetur.

Ibid. §. 9.

Chirurgiam vero exercere Ecclesiasticis Sæcularibus, & Regularibus longe difficilius conceditur, & tunc solum cum omni omnino Chirurgus Laicus deest; quin & tunc sine aduisione, & sectione. *Ibid.* §. 11.

M E D I T A T I O.

Vide ORATIO.

M I S S A.

Missa Sacrificium est *Latreuticum*, & *Eucharisticum*. Vid est laudis, & gratiarum actionis pro beneficiis acceptis, est *propitiatorium*, quo expiantur peccata, non eo tamen modo, quo Baptismus, & Pœnitentia, peccata remittentes per gratiæ infusionem; sed DEUS intuitu hujus Sacrificii pœnitentiæ donum largitur, seu peculiarem gratiam donat, quæ quis excitetur ad contritionem, vel ad absolutionem in Sacramento Pœnitentiæ utiliter consequendam. Quoad remissionem tamen pœnæ, abolita jam culpa, immediate illam remittit; remittit inquam illi pro quo offertur, ea tamen mensura, quæ DEO placuerit. *De Sacrif. Miss: Lib. 2. Cap. 13. §. 17.* Est denique *impetratorium* spiritualium, & temporalium bonorum. *Ibid.* §. 19.

An ejusdem sit efficaciam sive a bono; sive a malo Sacerdote Missa celebretur? Respondendum est, fructum proveniente[m] ex opere operato nunquam minui,

ni, & si applicetur semper operari, dummodo impedimentum nullum obstat. *Ibid.* §. 20.

Alius est fructus, qui oritur ex universa Ecclesia offerente Sacerdotum suorum ministerio. Ecclesia vero est semper sancta, pulchra, sine ulla jura, aut macula.

Tertius tandem est fructus ex ipso celebrante veniens, diciturque pariter *ex opere operantis*, atque iste ex majori, vel minori Sacerdotis sanctimonia minuitur, augeturve. *Ibid.*

Missæ fructus triplex est: *generalissimus*, cujus fideles omnes sunt participes; *Specialissimus*, quo Sacerdos fruitur: *Medius*, quem Sacerdos applicat pro iis, pro quibus Sacrificium offert. *De Sacrif. Miss. Lib. 3. Cap. 8. §. 1.*

Materia Sacrificii Missæ est panis triticeus, & vinum ex uvis. Si vero magna esset permixtio farinae ex aliis frugibus, & permixtio aquæ, vinum superaret, hæc materia inepta esset consecrati. *De Sacrif. Miss. Lib. 3. Cap. 10. §. 15.* Nec post consecrationem novus liquor, & præsertim aqua in Calicem infundendus est. *Ibid.* §. 16. Alioq̄ i censet S. Thomas corruptionem Sacramenti sequi potuisse pro aliqua parte, nisi forte quantitas novi liquoris tantilla esset, ut non posset in omnes partes diffundi. Hæc tamen sententia non æque Scholasticis omnibus probatur.

Ad essentiam Sacrificii necessaria est utriusque speciei consecratio, quod etiam in prima sua institutione a Christo Domino servatum est; ex quo fit, ut nemini permitti unquam possit consecratio sub unica tantum specie; quanquam si hoc fieret a Sacerdote, consecratio quidem valeret, sed ille gravi se crimine obstringeret, & Sacramentum quidem, non vero Sacrificium conficeret; deesset enim tunc mystica victimæ mactatio. *Ibid.* §. 19. Sa-

Sacerdos verba Consecrationis proferens super panem, & vinum, sed extra Missam, valide quidem, sed illicite consecrat, nam tota vis consecrationis in verbis Christi consistit. *De Sacrif. Miss. Lib. 3. Cap. II. §. II.*

In forma Consecrationis defectus accidere possunt, qui invalidam, & defectus, qui illicitam tantum illam reddunt. Illicitam dicas, si omittatur vox enim, & verbum est. Item si loco vocis hoc dicatur istud. Invalidam si pro hoc substituatur illud, vel hic pro adverbio sumptum. Dubium est, an invalida sit consecratio Calicis, illis tantummodo verbis prolatis: *Hic est Calix Sanguinis mei*, cæteris omissis, ideoque si id forte contigerit; repetenda sunt sub conditione verba consecrationis vini. *Ibid: Cap. 15. §. 15.*

Sacerdos valide consecrat, etsi lethali crimine sit infectus, excommunicatus, hæreticus, degradatus. Licite tamen ut celebret debet esse in statu gratiæ, & a lethali peccato liber. *Ibid. Cap. II. §. I.*

Alioqui duplicis culpæ reum se constituit conficiendo scilicet vel suscipiendo indigne Sacramentum, & infideliter sibi ipsi ministrando. *Ibid. §. 2.*

Vetat Tridentinum *Sess. 13. Cap. 7. De Eucharistia*, ne Sacerdos peccati mortalis reus, quantumvis contritus, nisi prius Sacramentali Confessione expiatus, ad celebrandum accedat. *Ibid. §. 3.* Permittit tamen Sacerdotibus celebrationem prævio tantum actu contritionis, dummodo gravis necessitas urgeat, nec sit copia Confessarii; simul vero in eo rerum eventu mandat, ut qui ita celebraverit quamprimum confiteatur. *Ibid. §. 4.* Atque ita explicat præceptum divinum ab Apostolo traditum; *probet autem seipsum homo.* In casu vero urgentis necessitatis non satis est attritio, sed omnino contritio requiritur, vel sal-

tem attritio, quam Sacerdos sine culpa contritionem existimaverit. Illud vero præceptum, ut *quamprimum confiteatur*, verum est præceptum, & non consilium; nec ita intelligendum est, ut Sacerdos non teneatur crimen suum confiteri, nisi quando rursus est celebraturus. Hæc omnia ex variis damnatis propositionibus eruta latius explicantur. *Ibid.* §. 5.

Urgens necessitas, de qua hic, ea consuetur, si Sacerdos eo die non celebrans offensionem esset, & scandalo. Item si Parocho celebrandum est ad ministrandum Viaticum. Sunt qui addant, sufficere ad celebrationem in eo rerum statu, si nuper decessit anima probabiliter Sacrificio indigens; quod tamen aliis, & merito, minus probatur, cum omnes animæ in Purgatorio Sacrificio indigeant. *Ibid.* §. 6.

Sed quid, si Sacerdos cæpta Missa recordetur peccati lethalis non expositi in Confessione, vel se obstringi aliqua censura, vel jejunium non servasse? Profecto si ante consecrationem peccati, sed jejunium non servati recordatur, missam deferere tenetur, nisi aliud suadeat justus de gravi scandalo timor. Si vero post consecrationem, perficiat, & sumat Sacramentum præmissa contritione, si succurrat grave peccatum, nondum poenitentia deletum, & (elicto proposito) satisfaciendi postmodum præcepto Confessionis, & absolutionis. Si vero nequeat conteri, satius est scandalum potius permittere, quam Sacramentum consecrare, & indigne recipere.

Scandalum vero an causaret recedendo ab Altari ille, qui in loco privato celebrans cum unico Ministro, peccati gravis, inchoata Missa, recordetur, questio est anceps; sunt enim qui minimum esse scandalum censent; si adsit tantummodo Minister puer, vel celebrantis servus, aut amicus. *Ibid.* §. 9.

Si ea die, tempore Missam præcedente, grave pecca-

peccatum commissum a Sacerdote fuerit, de quo tamen doluit, & confessus est, non decet Sacerdotem eadem ipsa die celebrare, quia tollitur quidem reatus culpæ, sed non continuo immundities corporis admittitur. *Ibid.* §. 11. Idem dicas de eo, qui pollutionem proprii corporis sensit, nec tamen consensum apposuit. Quamvis nulla sit in eo culpa, indecens est tamen ad Sacrificium accedere, præsertim si menti tenacius inhæreant prævæ cogitationes. *Ibid.* §. 12.

Quid statuentum, si contingat defectum aliquem deprehendi vel in pane, vel in vino consecrationis, ex Rubrica repetatur; quæ mandat, si forte accidat, ut post sumptionem sanguinis animadvertatur primo hostia inepta Sacrificio, resumendum esse novum panem, & vinum cum aqua, & verba consecrationis super utrumque repetenda, sumpto initio ab illis verbis: *Qui prius quam pateretur*, facta tamen prius utriusque oblatione. Sunt quidem qui putent sufficere hostiæ tantummodo consecrationem; aut tunc *debitus ordo non servaretur*, quæ altera est ex duabus causis, ex quibus Rubrica utriusque consecrationem mandat. Quare Rubricæ parendum. *Ibid.* Cap. 15. §. 2.

Si vero post Consecrationem sumpta jam hostia cognoscat vinum ineptum fuisse ad consecrationem; tunc nova hostia, novumque vinum apponendum est, novaque utriusque consecratio facienda. Id utique censet S. Thomas, ejusque discipuli. Sed post reformatas sub Clemente VIII. Rubricas Missalis legitur in illis expressum: si Missa celebretur in loco publico coram multis, ad scandalum evitandum sufficere, si tantummodo apponatur novum vinum cum aqua, & facta oblatione consecratur, statimque sumatur. *Ibid.* §. 3. 4. &c.

Defectus si occurrat in pane & vino, depre-

hendaturque ante consecrationem, nova materia apta apponatur; si post consecrationem, Missa omitti tuto potest; si post sumptionem, necessario omittitur, nisi forte multitudo adefset Missæ audiendæ, quo in casu posset Sacerdos submissa voce preces aliquas recitare: quæ ad illam partem Missæ non pertinerent, & Benedictionem populo impertiri. *Ibid.*
Cap: 15. n. 9.

Si aqua infusa Calici non sit, idque ante consecrationem agnoscatur, infundatur statim; si post consecrationem Missa peragenda est. *Ibid.* §. 10.

Si Musca, vel aranea in calicem ante consecrationem ceciderit, effundatur vinum, & novum apponatur. Si post consecrationem, illud, quidquid est, extrahatur, lavetur, & comburatur, & ablutio cum cineribus in sacrario reponatur. Ita ex S. Thoma. *Ibid.* §. 11.

Si venenum immixtum deprehendatur ante consecrationem, idem quod prius servandum est, si post consecrationem, in aliud vasculum transfundatur, & tandiu fervetur, donec species vini fuerint exsiccatæ, & aliud vinum consecretur, ut ex S. Thoma. *Ibidem.*

Vinum acescens non est adhibendum in Missa; si tamen id fiat, conficitur Sacramentum; nec peccant Regulares, qui celebrare debent, nec habent auctoritatem vinum commutandi, id enim peccati ligat eorum Superiores, ut ex Quarto, & Merato adnotatur. *Institut: Eccles. 77. §. 2.* Vinum, quod ex aqua conficitur botris superinjecta, quale latinis præcis lora, seu lora dicebatur, ineptum est ad sacrificium, ut ex Theologis firmatur. *Ibid.* §. 4.

Vetitum est sub peccato gravi adhibere vinum illud dilutum, quod ex musto, & aquæ æquali, vel
fere

fere æquali quantitate conficitur, ut ex Theologis. *Institut. Eccles.* 77. §. 6.

Licitum est tamen adhibere in eam rem vinum, quod ex modo illud conficiendi in regionibus aliquibus habet aliquid aquæ admixtum, est enim vinum usuale. *Ibid.* §. 7.

Si guttæ vini reperiantur extrinsecus in cappa calicis, censantur non consecratæ, & abstergantur purificatorio. Si interius tutius censeantur consecratæ, & per secundam purificationem adsumentur. *De Sacrif. Miss.* Lib. 3. Cap. 17. §. 7.

Generatim monet S. Thomas in dubiis, num aliquid omissum in Missa sit; vel si certe constat omissum, nec illud sit de necessitate Sacramenti, negligendum esse; si sit vero de necessitate Sacramenti, illud iteretur & reliqua omnia ex ordine deducantur. *Ibidem Cap. XV. n. 16.*

Cum novi Sacerdotes cum Episcopo celebrant, non debent intentionem suam ita conformare, ut intelligant se consecratos eodem momento, quo Episcopus extrema verba protulerit, sive ipsi ante, sive postea formam compleverint. Tunc enim effectus formæ remaneret in suspenso; sed debent esse ita animo comparati, ut omne studium ponant proferendæ ultimæ verba cum Episcopo, atque ita una cum eo consecrent; ex quo fit, ut si non ita jungant sua verba cum Episcopo non consecrant, cum non habuerint intentionem consecrandi. *Ibidem Cap. 16. §. 6.*

Sacerdotes Missam cum Episcopo celebrantes Eleemosynam pro Sacrificio illo accipere minime valent, quia dans Eleemosynam petit Missam modo consueto. *De Sacrif. Miss.* Lib. 3. Cap. 16. §. 10.

Intentio applicationis Missæ sufficit si habitualis fuerit; est enim veluti quædam donatio, quæ semper valet, etiamsi multo ante intercesserit. *Ibid.* §. 8.

Tempus applicationis num sit sufficiens post consecrationem, ambiguum est. Præstat, ut Sacerdos Missam applicet cum se ad eam præparat. *Ibidem*. §. 9.

Beneficiatus, cui injungitur a testatore celebratio Missæ certis diebus non explicata applicatione pro se, vel pro aliis, debet illis diebus Missam applicare pro Fundatore ejusdem Beneficii, ut S. Congregatio Concilii sæpius respondit. *De Sacrif. Miss. Lib. 3. Cap. 9. §. 2.*

Idem dicas, si Fundator mandaverit orari pro se in Missa, nam præsumitur nomine orationis applicationem designasse; nisi tamen ex aliis conjecturis deducatur, aliam fuisse ejusdem Fundatoris voluntatem; ut si pluribus Capellaniis fundatis, in aliis mandaverit applicationem, in aliis orationem, ut ex resolutionibus S. Congregationis. *Ibid.* §. 3.

Si Superior Sacerdoti præceperit, ut Missam certo alicui applicet, at ille pro alio offerat, reus est quidem Sacerdos inobedientiæ, sed applicatio a Sacerdotis voluntate pendet, cum ille sit Minister, & Dispensator sui Sacrificii. *Ibid.* §. 4.

Missæ applicatio quoad Parochos. Vide *Parochus*.

Missæ Conventualis in Collegiatis quotidie celebranda est, & applicanda pro Benefactoribus in genere; nec sufficit si pro uno benefactore applicetur; neque satisfit si beneficiatus, seu Canonicus teneatur aliunde ex alio debito illam applicare. Si vero præbenda Beneficii tenuis sit, nihilo tamen fecius supplendum est ex distributionibus: quod si & distributiones, & præbenda tenuissimæ sint simul sumptæ, tunc recurrendum est ad Congregationem Concilii. Ita Pontifex in Encyclica ad Episcopos Italiæ incipiente CUM SEMPER Bull. Tom. I. n. 103. Sufficit tamen prioris Missæ applicatio, etiamsi plures contententur in Collegiata. *Ibid.* n. 22. Si

Si Sacerdos sumpta purificatione animadvertat remansisse in corporali, vel Patena fragmenta, sive illa magna sint, sive parva illa absumentur, sicut & absumenta sunt fragmenta si quæ remanserint post distributionem Eucharistiæ in adstantes peracta Missa. *De Sacrif. Miss. Lib. 3. Cap. 17. §. 3.*

Si tamen quod remanet, non fragmentum, sed integra est hostia, magna, seu parva, hæc post sumptam purificationem non est absumenda, sed vel recondenda in Tabernaculo, vel ponenda in patena, ut alteri Sacerdoti mox celebraturo reservetur: quod fieri non potest absumatur. Ita ex Rubricis. *Ibid. §. 4.*

Particula illa hostiæ, quæ separatur in inferiori parte hostiæ in duas partes fractæ, si cum vino non disfluat in os, sed remaneat in calice, potius quam digito redigatur ad oram calicis, præstat, ut mediante novo vino hauriatur. *Ibidem Lib. 3. Cap. 17. §. 1.*

Sacerdoti in sacristiam jam restituto post Missam, & nondum sacris vestibus exuto, absumenda sunt fragmenta si quæ adverterit remansisse in patena. Si vero sacras vestes exuit, quidquid superfuerit e sacrificio reponendum est in Tabernaculo, si adfit: sin minus, vel non liceat sine aliqua admiratione populi, absumendum est. Ita ex S. Thoma. *Ibid. §. 5.*

Peccaret graviter Sacerdos, si hostiam in Missa consecratam reponeret in Tabernaculo, & ejus loco fumeret hostiam, quæ in eodem Tabernaculo antea continebatur. Ita ex Canone *Relatum de Consecr. distinct. 11. Ibid. §. 8.*

Sacerdos celebrans, si habeat hostiam parvi moduli, melius faceret, si populum doceret, ne miraretur, si illam adhibet pro majori, quæ tunc non suppetit; potius quam utatur sententia aliquorum, qui cen-

consent posse tunc extrahi e Tabernaculo hostiam majorem, quae forte ibi adest, & adhibere illam ad elevationem. *Ibid.* §. 9.

Si pyxis hostiis parvis plena sit praesens moraliter Sacerdoti, sed non fuerit aperta ante oblationem, & consecrationem, illicite quidem id fieret, sed cum moraliter praesens esset Sacerdoti, valida esset consecratio; quod verum est etiam si quando consecravit actu de particulis non cogitaret. Moralis vero praesentia ea dicitur, cum ita praesens est, ut verificari censeantur illa verba formae *Hoc vel Hic.* *Ibid.* Cap. 18. §. 2. & 3.

Si particulae afferantur ad Altare post peractam oblationem, non debet Sacerdos illas consecrare sine legitima causa, ut si magna multitudo populi parata ad recipiendam Eucharistiam, alias careret Sacramento; tunc vero Sacerdos deberet prius illas ante consecrationem mente offerre. Coepto sem Canone si afferatur particula non est consecranda, neque prostando Viatico infirmo, tunc enim sufficeret, Si Sacerdos ex sua hostia parvam portionem separaret. *Ibid.* §. 5.

Si forte contingat, ut pyxis deferatur ad Altare, nec Sacerdos illam advertit, adeoque proferens verba consecrationis nihil cogitans de pyxide, tunc utique si pyxis non sit supra petram sacram, non censetur voluisse Sacerdos consecrare, alioqui enim censeretur voluisse illud, quod sibi illicitum est. Quamvis vero sint DD. qui contrarium censent, cum tamen in Sacramentis conferendis sequi teneamur opinionem tutiorem, relicta probabili, ideo in eo casu particulas illas non esse populo distribuendas, sed adservandas, ut in alia Missa sub conditione consecrentur, satis constat. *Ibid.* §. 6.

Si celebranti sint praesentes undecim hostiae, &
ille

ille habeat intentionem consecrandi solum decem, nec determinet quales, nulla ex illis esset consecrata, ut ex Rubricis discimus. Quare debet Sacerdos intentionem suam ita dirigere, ut velit omne consecrare quidquid ante se positum est. Ex quo intelligitur Sacerdotem, qui cum hac intentione habet in manu duas hostias, unam se tenere putans, utramque revera consecrare. *Ibid.* §. 7.

Missam bis eodem die celebrare, quamvis adfit causa necessitatis, nemo potest, etiam si Parochus sit, nisi saltem Episcopi licentia accedat; quæ tamen datur ob causas singulares non tanquam privilegium. Ita Pontifex in Bulla DECLARASTI Bull. Tom. II. n. 3.

Sacerdos, qui sacrum facere quotidie per se ipsum debet, potest aliquando illud omittere, tum quia ea præsumitur voluntas Fundatoris tum ad majorem pietatem sibi comparandam, ut ex Cap: Significat. de Præbendis, non tamen potest, qua die vacat, sacrum agere, & alicui attribuire, percepta Eleemosyna. *De Sacrif: Miss: Lib: 3. Cap: 22. n. 4.*

Sicut nec potest duplicatum stipendium pro eadem Missa accipere, applicando uni fructum medium, alteri specialissimum, contrariam sententiam proscriptit Congregatio S. Officii, ac dein Alexander VII. Proposit. IX. inter damnatas. *Ibid:* §. 5.

Sacerdos, qui Beneficium possidet, in cujus fundatione expresse cautum est, non teneri celebrantem ad applicationem Sacrificii, num possit pro applicatione novum stipendium exigere non vetatur; sed neque reprobatur contraria sententia id negans, & Decreta S. Congregationis Concilii non apparent. *Ibid: Cap: 22. §. 7.*

Si tamen nihil expressum sit in fundatione ejusdem Beneficii, quod demonstret Testatorem remitt-

mittere applicationem sacrificii arbitrio Sacerdotis, tunc semper standum est pro obligatione applicationis pro Testatore, ut ex Decretis S. Congregationis. *Ibidem.*

Missæ in Altari privilegiato celebrandæ semper debent esse de *Requiem*, nisi cum aliud Festum duplex, vel Dominica dies occurrerit; tunc enim acquiritur Indulgentia, etiam si Missæ de Festo agantur. Perinde est autem siue Altare istud privilegium habeat perpetuum, siue ad septennium, vel certis solum diebus in hebdomada. Si igitur Testator iusserit celebrari sibi Missas in certis hebdomadæ diebus ad altare privilegiatum, & in dies istos incidat aliquod festum duplex, satisfcit Testatori cum Missa de festo. Idem dicas de diebus, in quibus duplex quidem non currit, sed Missæ pro defunctis vetantur. Hæc omnia ex Decretis variorum Pontificum, quorum postremus est Clemens XI. *De Sacrif. Miss. Lib: 3. Cap: 23. §. 8.*

Missæ Altaris privilegiati debent esse de *Requiem*, nisi cum inciderint in diem in qua Missæ illæ celebrari non possunt, siue ratione Festi duplicis, siue alia quacunque. Ita ex plurimis Pontificum Decretis. *Instit: Eccles. 34. §. 27.*

Missæ privatæ de *Requiem* celebrandæ non sunt in Festis duplicibus, & Dominicis diebus, sicut nec infra Octavas Epiphaniæ, Paschæ, & Pentecostes, prima die Quadragesimæ, tota Hebdomada sancta, Vigiliis Nativitatis Domini, Epiphaniæ, & Pentecostes; denique ex Decretis Sac. Congregationis infra Octavam Corporis Christi, & Natalis Domini, sicut nec cum expositum est Venerabile Sacramentum. *Ibid. §. 28.*

Solemnes, & cantatæ pro Defunctis Missæ quæ a Testatore præscriptæ sunt, & illa sit vere *antiqua*

nua illius obitus, celebrari possunt etiam si Officium sit de duplici majori, vel minori. Ita ex Decreto S. Congregationis. *De Sacrif: Miss: Lib: 3. Cap: 23. §. 5.* Non vero in Dominicis, & Festis de Præcepto, nec in iis, in quibus, nec de duplici agi potest. *Institut. Eccles: §. 5. n. 24. & seqq:*

Præsente corpore canitur quidem Missa pro Defunctis, *exceptis tamen duplicibus primæ classis.* Quæ verba sunt Decreti S. Congregationis Rituum die 5. Julii 1698. attamen non satis constat, an id vitium sit in omnibus duplicibus primæ classis, & non tantum in magis solemnibus. *De Sacrif: Miss: Lib: 3. Cap: 23. §. 5.*

Dies tertia, septima, & trigesima, quæ habent Missam cum oratione propria in Missali, nihil habent privilegii supra reliquas privatas. *Ibid.*

Si Parochus duas regat Parœcias, nec populi unius possint in templum alterius convenire, ac desit alius Sacerdos, potest duas Missas eodem die celebrare. *De Sacrif: Miss: Lib: 3. Cap: 5. §. 1.* Debet tamen Episcopus saltem cognoscere, num revera sit tanta necessitas, ut bis celebrari opus sit.

Hic vero unicus est casus, in quo bis celebrare liceat; neque enim fas est Sacrificium repetere five propter adventum hospitem etiam nobilem, etiam Principum, aut Episcopi, qui die festo Missam non audierint, nec alius adsit Sacerdos; neque enim hæc est tanta necessitas, quanta requiritur in *Cap: Consultuisti de Celebrat. Missarum.* Item ex eadem ratione non licet ob benedicendas nuptias, quæ differri alia die non possint. Tunc enim celebrari possunt nuptiæ sine Missa, & Benedictiones in sequentem diem transferri. *Ibid: Lib: 3. Cap: 5. §. 3.*

Sed quid si ministrandum sit Viaticum infirmo? Profecto si Sacerdos jam Missam absolvit, tunc utpote non jejuno non licet ei rursus celebrare. Si Missam non absolvit potest necessitati illi providere, dando partem hostiæ suæ. Si vero Sacerdos Eucharistia quidem, non vero ablutione percepta moneatur de Viatico infirmo ministrando, tunc utique potest aliam Missam celebrare. *Ibid.*

Cum in alicujus forte Ecclesiæ Capella tam multas Missarum ibidem celebrandarum Eleemosynas receperit, ut non possit infra hebdomadam illis satisfieri, mandavit S. Congregatio Concilii, ut quæ supersunt in aliis Altaribus ejusdem Ecclesiæ celebrantur; injunxitque simul, ut deinceps fideles Eleemosynas oblaturi ea de re moneantur, scripta Tabella in loco visibili Ecclesiæ exposita. *De Synod: Dioces: Lib: 7. Cap: 70. §. 5. l. 12. c. 8. §. 5. nov: Edit.*

Quamvis a sacra Congregatione sæpius decisa fuit in Oratoriis publicis sitis intra fines Parochiæ juris non esse Parocho prohibere, ne Missæ celebrantur ante Missam Parochialem; si tamen Episcopus in Synodo id prohibeat, ne populus retrahatur a Missa Parochiali, & concione, constitutio illa valet, & Episcopo parendum est. *De Synod: Dioces: Lib: 7. Cap: 70. §. 7. l. 12. c. 8. §. 7. nov: Edit.*

MISSA celebranda est ab aurora usque ad meridiem; toleratur tamen anticipatio tertiæ horæ partitæ, sicut & prorogatio tertiæ horæ partitæ post meridiem, ut ex edicto Benedicti XIII. *Instit: Eccles: 12. §. 4.* Jus habet Episcopus vetandi etiam sub præmis canonicis, ne Regulares ultra consuetas horas celebrent, ut ex Decretis S. Congregationis firmatur. *Instit: Eccles: 68. §. 12.*

Nemo ignotus sive sæcularis, sive Regularis admittendus est ad celebrandam missam, nisi adductis testimonialibus, iisque visis, & approbatis ab Episcopo: idque præcipi posse ab eodem Episcopo, saltem quoad Sacerdotes Regulares exteros, etiam Regularibus censuit S. Congregatio. *Institut: Eccles: 34. §. 4. & de Synod: Diæces: Lib: 7. Cap: 41. §. 5. l. 9. c. 15. §. 5. nov: Edit.*

Tridentinum *Sess: 23. Cap: 4.* monet Episcopos, curent, ut Sacerdotes non habentes animarum curam, diebus saltem Dominicis, vel Festis solemnioribus, Missam celebrent. An committant peccatum grave Sacerdotes illi, si monito Tridentini non se submiserint quæstio est anceps. Profecto peccaret, graviter, qui nunquam per annum Sacrificium offert; esset enim hoc indicium vitæ corruptæ, & pareret scandalum. *De Miss: Sacrif: Lib: 3. Cap: 1. §. 10.* Teneretur etiam celebrare, ut ægroto Viaticum deferretur, si alio modo fieri non posset. *Ibid:*

Missam quotidie celebrare melius est quam ab ea abstinere, negandum tamen non est, quin optime præstet Sacerdos si aliquando abstineat ex reverentia, seu ad hoc, ut ferventius celebret. Id vero eruitur ex eo quod ad Spiritum Ecclesiæ propius accedit qui quotidie Sacramentum recipit Addendum quod munus Sacerdotis est non privatum, sed publicum, estque ejus opus Ecclesiæ utile; & ex assidua celebratione validius auxilium obtinebit a DFO; ut dignius celebret. Quare statuendum; Sacerdoti, ut plurimum, quotidie celebrandum esse, si discussa conscientia sua persuadere sibi moraliter possit, se esse in statu gratiæ. Nec obstat minor fervor; cum illum persæpe patiamur inviti. *De Sacrif: Miss: Lib: 3. Cap: 2.*

In Oratoriis privatis, in quibus pro infirmo conceditur unica Missæ celebratio, die Natalis Domini,

fas est tres Missas ab eodem Sacerdote celebrari, ut ex Decretis S. Congregationis. *De Sacrif: Miss: Lib: 3. Cap: 4. §. 8.*

Episcopi quanquam non habeant amplius facultatem concedendi licentiam, ut in Oratoriis privatis celebretur, adhuc tamen possunt in suis domibus privatum Oratorium habere, & permittere aliis Sacerdotibus, ut in eo celebrent; ut ex Decretis S. Congregationis. *De Sacrif: Miss: Lib: 3. Cap: 6. §. 2.*

Hæc etiam celebratio præstari rite ibidem potest, etiam absente Episcopo; atque ibi audientes Missam quicumque fideles præcepto Ecclesiastico satisfaciunt. Denique quod hic dicitur de Episcopis, valet etiam pro Cardinalibus non Episcopis. Animadvertendum est tamen valere hæc pro Oratoriis Episcopi in suis domibus in quibus certus, fixusque locus est assignatus. *Ibid: Lib: 3. Cap: 6. §. 6.*

Si Missa omnino celebranda sit, nec possit in templis, vel etiam in Oratoriis privatis, licet illam celebrare in loco non indecenti, quicumque tandem ille sit, ut planum sit exemplo Capellanorum in Castris; eorum etiam qui per infidelium regiones iter faciunt, & etiam in littore maris respectu navigantium. *De Sacrif: Miss: Lib: 3. Cap: 6. §. 7.*

Ut celebretur Missa in Mari peculiare privilegium requiritur, nec sufficit clausula generalis, quo facultas fit celebrandi *in loco honesto, ac tuto.* Non conceditur autem, nisi cum conditione, ut tutum sit navigium, longe absit a littore, tranquillum sit mare, ac tandem adsistat celebranti alter, vel Sacerdos, vel Diaconus. *Ibid:*

Sacerdos Missam celebrans etiam in necessitate dandi Viatici infirmo absque uno e sacris indumentis,

tis, peccat graviter ex irreverentia, neque enim urget Viatici præceptum, si ministrari non possit eo modo, quo decet. *Ibid: Lib: 3. Cap: 7. §. 1.*

Idem dicas, si absque luminibus, quæ sint oportet sive ex cera, sive ex oleo; & si desint, in necessitate saltem e sevo; sufficit tamen, si necessitas urgeat, unicum lumen. Idem dicas, si celebret absque Missali Libro, in quo sit saltem Canon. Hæc ex DD. *Ibid: §. 2.*

Peccat etiam Sacerdos celebrans sine Ministro, ut eruitur ex Cap: *Proposuit de Filiis Presbyterorum.* Si tamen sit ministrandum Viaticum potest Sacerdos sine Ministro Missam celebrare, & sibi ipsi respondere. Alias præstat omittere Missam, quamvis si hoc agat, sunt qui negent illum peccare. *Ibid. §. 3.*

In Templo polluto celebrans Sacerdos, quamvis peccet graviter, ut ex Cap: *Is qui de sentent, excom. in 6.* nullam tamen pœnam incurrit, cum nulla sit in jure expressa; quæ nec desunt, qui credant eum minime peccare si adfit Episcopi consensus.

Vicissim autem irregularitatem summo Pontifici reservatam incurrit, qui in loco interdicto celebrat, ut ex eodem Capite. *Is qui Ibid: §. 4.*

Sacerdos ratione beneficii obstrictus bis, vel ter singulis hebdomadibus celebrare, Potest anticipare tempus, nisi appareat testatorem voluisse in quolibet hebdomada bis vel ter celebrari, ne pagus, aut altaria quædam singulis hebdomadibus Missa carerent. *De Sacr: Miss: Lib: 3. Cap: 9. n. 8.*

Si conferens Eleemosynam Missæ tempus præscripserit ob causam, quæ differri non possit Sacerdos non servans illud tempus, deest obligationi suæ ac tenetur Eleemosynam restituere *Ibid: §. 6.*

Sacerdos onus habens Missæ quodiānæ, unicam tantum Missam applicare cogitur in Festo Natalis Domini. An vero Parochus itidem teneatur tres ejus diei Missas pro populo applicare, nunquam decisum a S. Congregatione reperitur, tenetur tamen ut obviet scandalo tres ea die Missas celebrare. *Ibid: §. 9.*

Sunt qui doceant die Commemorationis Defunctorum cessare onus Cappellanæ quodiānæ, adeoque integrum esse Cappellano ea die vel pro defunctis omnibus, quod esset optimum, vel pro privato quodam defuncto applicare. *Ibid: §. 9.*

Canonici in Cathedralibus, & Collegiatis, qui juxta præscriptum Rubricæ certis quibusdam diebus plures Missas canere tenentur, an omnes debeant applicare pro Benefactoribus nunquam a S. Congregatione decisum est. *Ibid: §. 9.*

Eleemosyna pro Missis a Regularibus celebrandis in eorum Ecclesiis, taxanda est ab Ordinario loci, ut ex Decreto S. Congregationis. *Institutio Eccles: 56 §. 10.*

Missarum Eleemosynam ultra quantitatem ab Episcopo taxatam exigere non possunt Sacerdotes tam sæculares, quam Regulares; nam debet dari quædam proportio inter id quod datur, & quod accipitur, hanc autem proportionem definire ad Episcopum spectat; quare justitiam commutativam lædit ille Sacerdos, qui plus exigeret. Potest tamen dans ultro plus dare, & petens minus accipere, quanquam fieri possit, ut aliquando prohibeatur Sacerdos minus accipere, ne hinc consuetudo introducatur minus dandi in præjudicium aliorum. Hæc omnia late in *Synodo Diœcesana Lib: 5. Cap: 2.* & id quod postremo dixi confirmat ex Decreto Congregationis Concilii lato in una S. Severini die 16. Julii 1689.

Missarum stipendia, si quæ accepta sunt pro curanda celebratione Missarum, retineri non possunt, parte tantum eorum tradita Sacerdoti celebranti; etiam si pars illa contineat consuetam Eleemosynam. Secus qui fecerit, si Laicus fuerit, incidit ipso facto in excommunicationem Pontifici reservatam; si Clericus, vel Sacerdos in suspensionem itidem reservatam. *Consist. QUANTA CURA Bull: Tom: I. n. 22. Vide & Institut: Eccles: 56. §. 4.*

Vetitum est accipere novas Missarum Eleemosynas iis, qui veteres habent satisfaciendas, dummodo, ut legatur in Decreto Urbani VIII. *infra modicum tempus non possit omnibus satisfieri.* Modicum tempus definitur S. Congregatio Concilii esse unum mensem. *De Sacrif: Miss: Lib: 3. Cap. 24. §. 14.*

Si Ecclesia, & loca pia careant redditibus, adeo ut non possint licite illos erogare in expensas pro Missarum celebratione, fas ejus administratoribus est aliquid subtrahere de consueta Eleemosyna, quantum necesse est pro celebratione illius Missæ, ut ex Decreto Urbani VIII. certum est. Sed ex pluribus Decretis S. Congregationis eruitur detrahi in eo casu aliquid posse ex Eleemosyna in Missis perpetuis, tunc autem videndum est, num adsit aliquis, qui sit obligatus supplere, & num potius supplendum sit recurringendo pro diminutione numeri Missarum.

Sive autem Ecclesia sit paupercula, sive non, non potest aliquid exigi ab iis Sacerdotibus, qui sponte religione ducti veniant in aliqua Ecclesia celebraturi, sicut etiam ab iis, qui ab administratoribus Ecclesiæ Eleemosynam nullam recipiunt.

Jure tamen exigitur hæc detractio ab iis qui omnino ibi celebrare volunt, nec Ecclesia habet de suo quomodo ut utensilibus provideat, nec de suo

providet ille qui Eleemosynam suppeditavit. Hæc omnia *De Sacrif: Miss: Lib. 2. Cap. 24. §. 13.*

De Eleemosynis receptis pro Missis Sacristæ Regulares tenentur illas ponere in arca duabus clavis obferata, quarum alteram tenere debet Superior localis, alteram unus ex Regularibus a Capitulo deputatus, ac deinde satisfactione earundem Missarum tenentur reddere rationem coram Patribus discretis, ut ex Decreto Urbani VIII. ab Innocentio XII. confirmato constat. *Institu: Eccles: 72. §. 29.*

Missæ nec ita breves esse debent, ut saltem horæ tertiam partem non attingant, neque ita longæ, ut horæ dimidium excedant. *De Sacrif: Miss: Lib. 3. Cap: 24. §. 2. Vide Instit: Eccles: 34. §. 19.*

In Missæ celebratione ne quis Episcopus concedat licentiam tegendi caput coma fictitia vetuit Innocentius XI. in sua Encyclica apud La-Croix *Lib: 6. p. 2. n. 401.* idque pariter læcum habere in parvo pileolo ex Theologis docetur. *Instit: Eccles: 34. §. 14.* Giro tamen capillitio, vulgo *girello*, ut passim etiam Romæ Sacerdotes ibidem notatur. *Eadem Institut: Eccles: §. 4.*

Annulum etiam in digito gerere dum Missa celebratur cujuscunque dignitatis nemo potest, vetante *S. Rituum Congregatione. Ibid: §. 15.*

Nec licet etiam Protonotariis, non participantibus adhibere in Missa instrumentum argenteum cum candelâ, ut ex Decreto apud Monacellum. *Ibid: §. 17.* Quod etiam Superioribus Ordinum Mendicantium, & Parochis vetuit *S. Congregatio*, cujus literæ hic referuntur *§. 16.* Quin & juxta Decreta Alexandri VII. Abbatibus Regularibus consecratis id non licet, nisi in Missa solemnî cum pontificalibus utuntur, ut ex Decretis *S. Congregationis. Ibid:*

Pari passu cum hoc argenteo instrumento procedendum est cum assistenti. *Ibid: §. 18. ex Decreto S. Congregationis Rituum. Ibid:*

Missæ privatæ feria V. in Cæna Domini, & Sabbato Sancto prohibentur non decretis tantummodo S. Congreg: Rit: sed etiam edicto Clementis XI. die 15. Maji 1712. *Institut: Eccles: 33. §. 9.*

Novus Sacerdos in celebratione primæ Missæ vetatur Ecclesiam circumire sacris vestibus indutus, ut recipiat oblationes; potest tamen se vertere ad Altare, & ibi eas accipere ex Decreto S. Congregationis. *Instit. Eccles: 56. §. 7.*

Sacerdos in alia Diocesi celebrans Missam non potest nomen Episcopi sui nomini Episcopi illius Diocesis substituere, ex Pouget, & Merato. *De Sacrif. Miss. Lib. 2. Cap. 17. §. 4.*

Sacerdos die Natali Domini non tenetur ex præcepto tres Missas celebrare, sed potest unicam. *De Sacrif. Miss. Lib. 3. Cap. 4. §. 5.*

Missæ cantata in eo distinguitur a solempni, quod cantata sit cum cantu chori, sed unico Ministro assistente; solempnis vero habet adjunctum Diaconum cum Subdiacono; ideo si testator mandet cantari sibi aliquam Missam non requiritur Diaconus, & Subdiaconus. *Institut: Eccles: 105. §. 119.*

Commentitia est distinctio inter Rubricas præceptivas & instructivas. *De Sacrif. Miss. Cap. 11. §. 3.* Sed omnes sunt præceptivæ, sed aliquæ ex materiæ parvitate sub veniali tantummodo obligant. *Ibidem.*

Nulla urgente causa leve peccatum est celebrare Missam privatam non recitatis Matutino, & Laudibus. At si de Missa Conventuali agatur mortalis criminis reus videri posset ille, qui ante Matutinum, & Laudes eam celebraret, (nempe ante eam

partem Officii in Choro celebratam.) Sicut & peccato gravi se obstringeret, qui perpetuo, & quasi animo statuisset nunquam Missam celebrare Matutino cum Laudibus recitato. *Ibid.* §. 4.

Nemini licet ab Altari recedere coepta Missa, relicto alio Sacerdote, ut reliqua suppleat; ut statuitur in Canone *Nullus Episcopus de Conf. dist. I.* Quod ibi vetatur sub poena suspensionis, quae tamen est ferendae, non latae sententiae, nec locum habet, si Sacerdos ante consecrationem ab Altari sine causa recesserit. *Ibid./Cap. 14. §. 2.* Ubi id definitum a S. Congregatione affertur.

Si contingat, ut Sacerdos dum Missam celebrat subito morbo corripiatur, vel mortuus concidat, vel hoc accidit ante consecrationem, nec tunc opus est Missam ab alio continuari; si vero post consecrationem unius, vel utriusque speciei, tunc supplenda est Missa, & quidem ex praeccepto, a Sacerdote initio inde sumpto, ubi alter Sacerdos desierit; & si prior ille Sacerdos adhuc vivat, & capax sit Sacramenti, nec alia praesto sit hostia consecrata, ex hostia Sacerdotis secundi pars infirmo ministranda est, ut in Rubricis Missalis. *Ibidem.* §. 4. & 5.

Sacerdos Missam suppleturus praestare id potest si alius non adsit, etiam si non sit jejunos, quin etiam si in statu gratiae non versetur, tunc enim quaerendus ab illo est Confessarius, & si non reperitur, eliciendus actus contritionis, atque ita comparatus Missam perficiat. At si neque conteri possit, neque Missa ab altero perfici ante meridiem, tunc hostia & calix recondendi sunt in tabernaculo, ut ad alteram diem reserventur. Haec omnia ex Rubricis, & DD. *Ibid.* §. 7. & 8. Ex hoc conficitur quod laico, si fuerit praesens hostia illa, & calix dari non potest. *Ibid.* §. 6. Si

Si Sacerdote Missam celebrante violetur, vel polluatur subito templum ante inceptum Canonem, Missa intermittenda est; eo vero incepto perficienda, ut ex Rubricis. *Ibid.* §. 12.

Si dum celebratur incidat subita irruptio hostium, vel imminens alluvio, aut ruina templi, ante consecrationem deferenda est Missa, post consecrationem sumendum statim Sacramentum, omiſſis aliis cæremoniis. Si vero casus isti incidant, hostia quidem, sed nondum sanguine consecrato, potest Sacerdos hostiam statim sumere, & abire, nisi forte, in casu, quo Christianæ Religionis hostes in contemptum ejusdem Religionis minitentur Sacerdoti mortem, nisi Sacrificium imperfectum relinquat. *Ibid.* §. 13.

Superveniente excommunicato non tolerato, Missa, si nondum perventum est ad Canonem, vel ut quidam volunt ad consecrationem, nec ille possit ambigi, deferenda est; post consecrationem perficienda. Sed sumpta communione reliqua perficienda sunt, vel in Sacristia, vel in alio loco decenti. *Ibid.* §. 14.

Rite pariter interrumpitur Missa, etiam interruptione longa, vel ad baptizandum infantem moriturum, qui alioqui sine Baptismo moreretur, vel ad audiendam confessionem infirmi, qui alioqui non confessus obiret; vel etiam ad Extremam Unctionem administrandam. Curandum tamen tunc esset a Sacerdote, ut Sacramentum interim diligenter custodiatur, & cum redierit resumenda Missa est ex eo loco, ubi fuerit intermissa. *Ibid.* §. 15.

Si recitato jam Evangelio, & Symbolo superveniat vir Princeps, laicus, seu Ecclesiasticus, qui Missam die Festa non audierit, negant plures DD. posse ex integro Missam resum. *Ibid.* §. 16.

Innocentius XIII. in Romano Concilio Præfatos Regularium monuit, ne in taxanda pecunie summa pro Missis perpetuis sexaginta scuta Romana definirent non excedendo, nec minuendo. *De Sacrif. Miss. Lib. 3. Cap. 22. §. 9.*

Missæ S. Gregorii, quæ a S. Congregatione olim prohibitæ sunt, erant quædam Missæ peculiariter, Ineptis refertæ. Cæterum triginta Missas continuatas juxta consuetudinem a S. Gregorio indictam non vetuit, quas tamen celebrare debet Sacerdôs, juxta ritum Ecclesiæ; quare tribus diebus Majoris Hebdomadis intermittendæ sunt. *Ibid. Cap. 23. §. 3. & Instit. Eccles. 34. §. 21.*

Episcopus potest quidem visitare Parochiales Ecclesias Regularium, sed num possit etiam recognoscere de oneribus Missarum, an sint impleta, requisita sit S. Congregatio, & nondum prodit responsum. Potest tamen Episcopus inquirere, num Parochus Regularis singulis diebus festis pro populo celebraverit, cum id concernat curam animarum, de qua jus est inquirendi Episcopo in visitatione. *De Synod. Dioces. Lib. 13. Cap. ult. §. 5. nov. Edit.* Fas est tamen Episcopo visitare Confraternitates Laicorum in Ecclesiis Regularium erectas, & Altare, si illis incumbit onus manutenendi, & onera Missarum, ad quæ Confraternitates illæ tenentur, ut ex Decreto S. Congregationis. *Ibid. §. 6.*

Si Testator Missas reliquerit quotannis celebrandas in Ecclesiis Regularium, & hæredi suo permiserit, ut designet Sacerdotem, per quem celebrari debeant, non possunt Regulares exigere, ut unus ex suis designetur, quin & præstare debent patientiam, ut ab eo, quem hæres designarit, in suis Ecclesiis celebrentur, dummodo tamen dentur fructuaria, ut ex responso S. Congregationis. *Ibidem.*

A mandatis, & monitoriis &c. per quæ retardetur executio provisionum, & statutorum pro Divino cultu conservando, & augendo, præsertim circa Missæ celebrationem, ad executionem Decretorum Tridentini. *Sess. 21. de Reform. Cap. 8. & Sess. 22. in Decret. de Observand. & evitand. in celeb. Miss.* ne recipiantur in Tribunali actus Judiciales, per quos eorum executio impediatur, sancitum est a Pontifice in Bulla AD MILITANTIS Bull. Tom. I. n. 48. §. 6.

Eucharistiam fidelibus administrare infra actionem Missæ, non sunt obligandi Sacerdotes, si Parochi, seu Episcopi censuerint præstare, ut hæc administratio fiat in Altari, ubi SS. Eucharistia adservatur extra Missam. Encyclica ad Episcopos Italiae CERTIORES EFFECTI. Bull. Tom. I. n. 64.

Missam auscultare diebus festis in quacunque Ecclesia, etiam si non sit propria Parochialis, cuicumque fidei, ut præcepto satisficiat, fas est, ut consuetudo ubique obtinens, quæ proinde induit rationem juris communis, demonstrat. *De Synod. Dioces: Lib: 7. Cap: 64. §. 10. & l. II. c. 14. §. 10. nov. Edit:*

Sacerdotes sæculares in Ecclesiis Regularium illorum Missam legere vetantur, sed utendum est illis Romano Missali, ita tamen, ut possint de Sancto, de quo Regulares illi agunt Officium, Missam recitare, eam desumendo ex Communi Missali Romani, ut pro Capellanis, & Confessariis Monialium decrevit, S. Congregatio Clemente XI. Decretum approbante. *De Sacrifi. Miss. Lib: 3. Cap: 23. §. 1. & Instit: Eccles: 24. §. 20.*

Missarum Onera a Fundatore Beneficii præscripta non licet Episcopo diminuere, quoties fructus relictæ decrementum subjerint; non enim posse ab Episcopo reduci Missas semper tenuit Sacra Congregatio Concii.

lii. Facultas vero ad hoc data in Concilio Tridentino Sess: 25. de Reform. Cap: 4. ut Episcopi possent Missas in testamento, vel dispositione inter vivos assignatas reducere in Synodo Dioecessana, & Generales Ordinum in suis Capitulis Generalibus, intelligitur tantummodo de oneribus Missarum impositis ante Concilium Tridentinum, & de reductione facienda in Dioecessana Synodo, vel Capitulo proxime post expletum Concilium Tridentinum habendis, ut exposuit S. Congregatio. De Synod: Dioeces: Lib: 13. cap: ult. §. 18. nov: Edit:

Modo insuper non licet Episcopis &c. id præstare in suis Synodis &c. quia id vetuit Urbanus VIII. & Innocentius XII. in sua Constitutione, de qua *ibidem*; ex vi quorum neque licet Episcopo reducere eadem onera antequam acceptentur ab iis, ad quos pertinet, uti definitum est a S. Congregatione *ibidem* §. 19.

Cum datur Episcopis facultas reducendi *pia legata, & Missarum onera*, adhuc tamen ex contextu totius Dispensationis constat nihil illis concessum esse quoad reliqua legata, sed tantum quoad onera Missarum *ibidem* §. 22.

Si aliqua dispositio Missarum onera, & alia pia opera comprehendat, & ob tenuitatem reddituum redemptio aliqua facienda sit, reducenda esse prius reliqua opera, quam numerum Missarum censuit. Sacre Congregatio. *Ibid*: §. 23. Quamquam hæc vera sunt, nisi ex toto contextu dispositionis alia fuisse mens Fundatoris deprehenderetur. *Ibid*: At si Episcoporum auctoritas quoad hanc reductionem proflexerit, ex ampliatione Indulti Concilii Romani sub Benedicto XIII. vel ex instructione quadam tradita a S. Congregatione, & res fuerit, ut vel numerus Missarum, vel alia opera pia sint imminuenda, tunc præstat recurrere ad S. Congregationem Concilii. *Ibid*: §. 34

Insuper ex vi concessionis prædictæ non possunt redigi Missæ, quarum celebrationi Ecclesia &c. per contractum sese obstrinxit, hoc enim cavetur expressis verbis in præmemorata Constitutione. *Ibid: §. 25.*

Si Testator Missas aliquot annuas pro se reliquerit celebrandas, & in eum finem hunc, vel illum fundum addixerit, & fundus ille diminuatur, ut non sufficiat ad constetam Missæ Eleemosynam, non est locus reductionis, sed cogendus est hæres, ut suppleat quod deest: præsumitur enim Testator semper voluisse hunc Missarum numerum in favorem animæ suæ. Porro, si verbis dispositionis incipiant ab impositione oneris, & postea descendant ad assignandum fundum, tunc utique cum particula ista sit demonstrativa, fundus si deficiat, supplendus est ab hærede. Si vero dispositio illa incipiat a designatione fundi, & subinde descendat ad onera Missarum tunc utique impertranda est *taxativa*, adeoque locus est reductioni, nec cogendus est hæres, ut suppleat. Quæ omnia exprimi solent in Instructione, de qua supra. *Ibid: §. 32.*

Si Testator mandet hæredi dare fundum legato, ut ex ejus redditibus celebrentur Missæ; hæres facta fundi assignatione ad nihil aliud tenetur, ut ex DD. & Decisione Rotæ coram Cerro. *Ibid. §. 33.* Si vero Testator mandasset hæredi, ut tot præstaret fructus sufficientes ad injunctam Missæ celebrationem, & ipse fundum idoneum dedisset, si fructus ille deinceps non sufficiat, supplendus est ab hærede. *Ibid:*

In reductione Missarum perpetuarum per ampliationem Concilii Romani facienda, stabiliri solet Eleemosyna sexaginta scutorum monetæ Romanæ; quoad Missas vero cantatas assignanda est Eleemosyna consueta pro iis Missis in qualibet Diœcesi vigens, ut ex Decreto S. Congregationis. *Ibid: §. 34.* At si celebrandæ sint simul aliquot Missæ cantatæ, & aliquot pu-

privatæ, nec sufficiant redditus, erogandi sunt illi in celebratione Missarum privatarum, delecto onere Missæ cantatæ, ut ex Decreto S. Congregationis. *Ibid:*

At si reductio fiat ab Episcopo vigore facultatis in Instructione contentæ, statuendum est, ut Missæ celebrentur, non quidem ea Eleemosyna, quæ ex Indulto Concilii Romani præfixa est, sed ad rationem Eleemosynæ manualis in Diœcesi obtinendis; ita enim constat ex verbis ipsius Instructionis. *Ibidem* §. 35.

Si Episcopus ab Apostolica Sede obtinuit facultatem reducendi Missas in sua Diœcesi, potest etiam reducere pro Regularibus, ut Delegatus Sedis Apostolicæ, si ad illum recurrant. *Ibid:*

M O N I A L E S.

Monialium professio religiosa ante decimum sextum ætatis annum expletum, & exactum annum novitatus emissæ irrita est ex Tridentino *Sess: 25: Cap: 15. De Synod: Diœces: Lib: 13: Cap: 12. §. 1. nov: Edit:* Excipiuntur tamen mulieres, quæ Poenitentes, aut Convertitæ appellantur, cum quibus constitutiones earum circa probationem servandæ sunt non obstante Conciliari Decreto de Monialium Professione, ut ex Decreto S. Congregationis Concilii. *De Synod: Diœces: Lib: 13: Cap: 12. §. 18. nov: Edit:*

Hæc Conciliaris sanctio de anno probationis valet etiam pro illa, quæ usâ Privilegio bimestris post conjugium, Religionem ingreditur, & quamquam id cedat in commodum illius, qui in sæculo remanet, ut non possit transire ad alias nuptias, nisi postquam conjux Religiosa anno probationis exacto professionem emittit. *Ibid: §. 2.* Quin & accidere potest, ut, biennium expectandum illi sit; si conjux Religiosa anno probationis fere exacto Religionem mutaverit, & in ea novam probationem instituerit.

Si novitia Ordinis Prædicatorum in mortis articulo Professionem emisit ante expletam annum probationis, quod ex Bulla S. Pii V. illis concessum est, nec facile derogatum illi est ex posteriori Bulla Gregorii XIII. qua professio ante expletum annum probationis irritatur, ea quidem professio valet ad spirituales gratias lucrandas, non vero ad vindicandam Monasterio dotem, & reliqua bona professæ, ut ex sæpius decisis a S. Congregatione Concilii. *Ibid:* §. 6.

Sponsa per verba de futuro alteri oppignorata, addito utrinque juramento de contrahendo & consummando Matrimonio, potest ante initum conjugium Religionem ingredi, juxta illud *promissum non infringitur ab eo, qui in melius illud commutat Cap: Pervenit. Jurejur.* Et definitur in *Cap: Commissum de Sponsalib* quamvis ibi dicatur tutius esse si ineat Matrimonium, cum Religionem ingrediatur, quod tamen vel est de Concilio tantummodo, vel sponsalia tunc non inferebant aliam promissionem, nisi de conjugio celebrando, non vero de celebrando, & consummando uti nunc ferunt. *Ibid:* §. 8.

Matrimonio rato, non consummato, integrum est mulieri Religionem approbatam ingredi, & per professionem in ea conjugii vinculum dissolvitur. Hæc tamen valent pro veris, & approbatis religionibus, in quibus tria substantialia emittuntur, ut est etiam Ordo Equestris Hierosolymitanus, non vero cæteri equestres Ordines, ut ex Tridentino *Sess: 24 De Matrimonio Cap: 6.* & traditis a DD. *Ibid:* §. 9.

Consummato jam conjugio, si liber utriusque conjugis consensus intercesserit, potest utique mulier Religionem ingredi, (idem de viro dixeris) & in ea profiteri; si tamen & alter conjux consentiat in Religionem ingredi si junior est, vel si senex extiterit, emittat

emittat votum simplex castitatis. Si vero ab altero, vel revocetur consensus libere praestitus ante alterius professionem, vel etiam post professionem valide emissam; si non adimpletae fuerint conditiones superius expressae, conjux Religiosus eo petente egredi e Religione tenetur, ut definitum in Cap: *Præterea de Convers: Conjug: Can: Quia Agatho 27. Q. 2. Cap: Cum. ss. de Convers: Conjug: Ibid: §. 10. 11.*

Non vero sufficit, si muliere Religionem ingressa, alter conjux non senex sacros Ordines suscipiat: ex Constit: Joannis XXII. *Antiquæ tit: De Voti redemptione.*

Si vero legitime probatum fuerit adulterium uxoris, quæ dein transit ad Religionem, tunc integrum viro est in Sæculo manere, dummodo tamen castitatis votum emittat. Ita ex decisio a S. Congregatione. *Ibid: §. 15.*

Quin & in eo casu, si ex Episcopi testimonio constat virum in Sæculo manentem vitæ esse probatæ, conceditur illi per indultum, ut nullo se castitatis voto obliget, adeo ut post Uxoris mortem possit ad alias nuptias transire. Ita ex resolutis a Congregatione. *Ibid: §. 16.*

Concessum est etiam aliquando indultum viro sexagenario majori, ut Sacerdotio initiari posset, dummodo uxor fere sexagenaria perpetuam castitatem voveret. *Ibid: Concessum est etiam: ut vir septuagenarius de consensu uxoris acciperet Sacros Ordines, & uxor paris ætatis Tertiariæ habitum iudicaret, dummodo diversas omnino ædes incoherent.*

In ingressu Monialium in Monasterium dotis solutio approbatur ea, quæ datur non ad ingressum in Religionem, sed pro contractu, quem facit Religio cum illa, quæ ingreditur, obligans sese ad ejus sustentationem. Si vero Monasterium per se sit dives,

aves, ut sufficere ex suis possit Monialium sub-
 stentationi, tunc utique præstaret dotem imminuere,
 quin etiam penitus remittere, quanquam id agendum
 non est, nisi prius consultâ S. Congregatione Con-
 cillii. *De Synod. Dioces. Lib. 7. Cap. 58. §. 6. l. II.*
c. 6. §. 6. nov. Edit.

Quoad prandia, cœnas, & munera, quæ ab in-
 gremente Moniales exigunt, perseverare cœset Pon-
 tifex prohibitionem factam ab Urbano V. *Extrav. 1.*
De Simonia inter Comm. De Synod. Dioces. Lib. 7.
Cap. 58. §. 6. §. l. II. c. 6. §. 6. nov. Edit.

Modum tamen imponendum sumptibus appara-
 tum, & commestationum, ac pomparum, quæ fiunt
 in ingressu Monialium cœset Pontifex, usus oppor-
 tune hac in re doctrina Navarri in *Tract. de Reddit.*
Eccles. in fin. prim. quæst. Ibid. n. 7.

Moniales Regularibus subjunctæ ex Tridentino
Sess. 25. de Regul. Cap. 5. Ordinario loci tanquam
 Delegato subjiuntur quoad clausuram. Id vero
 declarans Gregorius XV. in Constitutione sua n. 18.
 statuit Confessarios eorum Regulares ab ipsis suis
 Superioribus deputatos pro Confessionibus Monialium
 ab Episcopo approbandos esse. Eidem etiam Epi-
 scopo reddendam esse rationem ab iis, qui bona il-
 larum administrant, accitis tamen tunc etiam Super-
 ioribus Regularium, qui si renuerint, tunc id præ-
 stet per se Episcopus. Datur etiam Episcopo au-
 thoritas præsidendi una cum Superiore Regulari,
 cum Antistites Monasterii eliguntur. Denique con-
 ceditur Episcopo, ut si Regulares forte in ordine
 ad clausuram deliquerint, puniat illos, & corrigat
 usque ad censuras. Alexander VII. in sua Consti-
 tutione 153. concedit Superioribus Regularibus jus
 ingrediendi septa Monasterii earundem Monialium
 semel quotannis occasione vísitationis. Sæpius ve-

ro ex causa urgenti vetuit ne ingrederentur nisi præ-
sente Episcopo, vel alio Ecclesiastico, ab eodem de-
putato. *Institut. Eccles.* 29. n. 4. 5. Contraria quo-
ad hæc omnia consuetudo etiam immemorialis a S.
Congregatione sæpius reprobata est. *Ibid.* §. 7. &c.

In visitationibus Monasteriorum Sanctimoniali-
um, non tenetur Episcopus denunciare illis diem, &
horam visitationis, sicut nec tenetur ducere secum
superiorem Regularem ejusdem Ordinis. *Ibid.* §. 18.
Potest etiam Episcopus Monialibus Regularibus sub-
jectis sacram Eucharistiam ministrare, si ipsæ velint.
Ibid. §. 9.

In Monasteria Monialium introduci pueros, &
puellas tenellæ ætatis vetandum est ex more Ro-
mæ obtinente. *Ibidem.* §. 24.

In electione Abbatissarum, quæ præsent Mon-
asteriis Regularibus subjectis, tenentur Regulares mo-
nere Episcopum, si velit interesse vel ^{per} se, vel
per alium, ut ex Constitut. Gregorii XV. n. 18.
quibus debet Episcopus manifestare suam volunta-
tem. At potest Episcopus in Synodo generaliter e-
dicere velle se interesse omnibus istis electionibus,
ex quo satis manifestat suam voluntatem. *De Synod.*
Dioces. Lib. 5. Cap. 12. & nov. Edit.

Monialium transitum de uno ad aliud Mona-
sterium, cum Monialibus ultra montes concedit Sum-
mus Pœnitentiarius, qui tamen facultatis hujus ex-
ecutionem Ordinarii arbitrio comittit. Bulla PA-
STOR BONUS Bull. Tom. I. n. 95. & 36.

Translatio Monialium ab uno ad aliud Mo-
nasterium fieri jure nequit, nisi de licentia Romani
Pontificis, nisi exigente aliquo repentino casu, in
quo rei necessitas exigat repentinum egressum: tunc
enim etiam pro Monialibus Regularibus subjectis,
præter facultatem Prælati Regularis, Episcopi li-
cen-

centia in scriptis requiritur. Bulla S. Pii V. DECORI ET HONESTATI.

Casus repentini indicantur in eadem Bulla, magnum incendium, infirmitas lepræ, ac epidemiæ, sive pestis. *De Synod. Diocæ: Lib: 9. Cap: 15. nov. Edit.*

Non licet autem absque facultate Sedis Apostolicæ egressum hunc permittere, etiam si possint occurrere casus alii qui videantur æquipollere iis, quos S. Pius V. in sua constitutione expressit, ut si e. g. sit aliqua monialis ex qua prudenter timeri possit periculum scandali, & perversionis aliarum. *Ibid.*

Superiores Monialium tenentur bis, aut ter singulis annis exhibere Confessarios extraordinarios Monasteriis sibi subjectis, quibus tamen sic oblati non tenentur Moniales confiteri peccata sua, sed solummodo se præsentare, ut saltem accipiant ab illis monita salutaria.

Si vero aliqua Monialis graviter ægrotet, ut sit in mortis periculo, petatque alium Sacerdotem, qui non sit ordinarius Monasterii Confessor, huic a respectivo Superiore annuendum est. Si vero Superior Regularis illum concedere noluerit, potest id præstari ab Episcopo. Quin etiam si aliqua Monialis etiam extra prædictum casum postulet sibi per aliquod tempus alium Confessarium ab Ordinario diversum debet illi dari a suo Superiore. Quod si Superior Regularis id renuerit, tunc potest Episcopus satisfacere ejus petitioni, etiam si requirat alterius Ordinis Regularem, vel etiam Sacerdotem Sæcularem ex approbatis a Superiore ad Confessiones Monialium. Demum suadentur Superiores earundem Monialium, ut si aliqua ex illis petat pro majori animi sui quiete, & ulteriori progressu in via DEI, ut aliquando liceat sibi confiteri Sacerdoti ad excipien-

piendas Monialium Confessiones jam approbato, etiam si sit alterius Ordinis Regularis, vel Sacerdos Sæcularis, non sint difficiles ad præbendum assensum. Requiritur tamen semper, ut Confessarius iste extraordinarius sit ex approbatis ab Ordinario ad Confessiones monialium audiendas. Postremo si Superiores Regulares non saltem semel in anno elegerint in Confessarium extraordinarium, vel Sacerdotem Sæcularem, vel Regularem alterius Ordinis, in eo casu revolvitur hæc electio ad Episcopum. Hæc oblatio Confessarii extraordinarii bis, vel ter in anno, sicut & cætera omnia, quæ superius præscripta sunt præstari debent etiam cum aliis mulieribus, sive regularibus, sive sæcularibus collegialiter degentibus, quæ unicum habent Confessarium. Hæc omnia ex variis S. Congregationis decretis olim stabilita confirmat Pontifex in Bulla PASTORALIS CURÆ Bull: Tom: II. n. 56.

Quoad censuras, seu pœnas in casibus occultis etiam violatæ clausuræ vel in dispensando aliquo occulto defectu Major Pœnitentiarius Confessarium Monialibus concedit. In casibus publicis clausuræ a Monialibus, vel aliis quibuscunque ad malum finem delinquentibus non absolvit, nisi prius Ordinarius supplicarit, & casus a Congregatione super Episcopos & Regulares ad Pœnitentiarium delatus fuerit Bulla *Pastor bonus* Bullar: Tom. I. n. 95. §. 37. & 38.

Annuæ præstationes, quas consanguinei solvunt designatis Monialibus, vitæ communi minime repugnant, sed requiritur, ut omnia manibus Præpositæ consignentur, quæ prius consulere debet intelligenti illius Monialis, in cujus gratiam collatæ sunt; & si quid reliquum, in cæterarum levamen erogetur. Ita ex pluribus Decretis. *De Synod. Dioces. Lib: 13. Cap: 12. §. 19. nov. Edit.*

Ingressus in Monasteria Monialium, quæ Regularibus subdantur, fieri debet de licentia Episcopi, nulla obstante consuetudine in contrarium, ut post diligens examen decretum est, approbante Urbano VIII. *Ibid.* §. 23. in quo etiam decreto statuitur, licentias Moniales illas alloquendi petendas esse ab Episcopo, non vero a Superiore Regulari.

MONS PIETATIS.

In Montibus Pietatis de novo erigendis nihil ultra fortem exigi potest ab iis qui mutuum ab eo accipiunt, etiam titulo expensarum, nisi Apostolicæ Sedis dispensatione; ut ex Decreto S. Congregationis Concilii in Causa Neapolitana die 7. Februarii 1737. *De Synod. Diœces. Lib. 7. Cap. 28. §. 2. & l. 10. c. 5. §. 2. nov. Edit.* Sicut neque absque beneplacito ejusdem Sedis plus exigi potest, quam antea fuerit consuetum, etiamsi hoc augmentum necessarium censetur pro sustentatione ministrorum, ut ex alio Decreto S. Congregationis. *Ibid.* §. 2. Si vero plus exigatur, quam opus sit ad expensas necessarias, tenetur Episcopus moderari istas usuras; tutius est autem quod consulat de hac re S. Congregationem. *Ibid.* §. 3.

M U L C T A.

Mulctas pecuniarias Episcopus sibi addicere non potest, quantumvis pauper sit, sine licentia Sedis Apostolicæ, ut ex pluribus argumentis S. Congregationis evincitur in *Tractatu de Synod. Diœces. Lib. 7. Cap. 53. §. 2. l. 10. c. 10. §. 2. nov. Edit.* Sed debent in usus pios expendi. Multo magis non possunt nisi in pios usus applicari illæ mulctæ, quas Tridentinum inflixit Clericis non residentibus, aut concubinariis. *Ibid.*

M

Si

Si quas vero multas Diæcesana Synodus ad-
tunc certo loco pio applicaverit, Episcopi non pos-
sunt illas sibi obtinere ab Apostolica Sede, etiam si
sint pauperes, quia Sedes Apostolica juri alteri qua-
esito præjudicium non infert. *Ibid.* §. 3.

Has vero multas antequam applicentur suæ de-
stinationi deponendas esse penes administratorem fi-
delem iussit S. Congregatio in sua Encyclica ad
omnes Episcopos, die 5. Februarii 1670. *Ibid.* §. 4.

N E G O T I A T I O.

Constitutiones adversus Clericos negotiatores
innovantur, & extenduntur ad Clericos sub laici no-
mine quomodolibet negotiantes.

Extenduntur item, ad negotia a laicis inchoata,
dein ad Clericos devoluta, sive hæreditario jure, si-
ve quocunque alio titulo, sive singulariter, sive
communiter, sive separatim, sive conjunctim cum
aliis bonis, cohæredibus, vel sociis laicis existen-
tibus.

Comprehendi etiam censentur illi Clerici, qui
per seipsum, eorumque nomine proprio, vel per alios
aut alieno nomine etiam per suos cohæredes, ac
socios negotium exercent.

Hos omnes subicit Pontifex quoad bona sic ab
eis acquisita pœnis in Constitutione Pii IV. quæ in-
cipit *Decens esse*, quæ est 19. inter Bullas ejusdem
Pontificis Pœnæ illæ sunt, ut bona sic acquisita
sub spoliis debitæ Cameræ Apostolicæ comprehen-
dantur.

Si qui vero exempti sunt a pœna spoliatorum ex
Constitutionibus Pii IV. *Romanus Pontifex*, & Pau-
li V. *In eminenti*, illos pariter non exemptos quo-
ad bona ex negotiatione provenientia decernit, atque
declarat in Constit. *Apostolicæ Servitutis*, quæ est
XIII. Tom. I. *Bullarii*.

Negotiatio tamen impropria non est Clericis interdicienda, ut e. g. manuum suarum labore & honesto artificio victum sibi comparare, quod & Apostolus suo exemplo docuit, & a SS. etiam Monachis præstitum est. *De Synod: Dioces: Lib: 7. Cap: 49. §. 2. & l. 10. c. 6 §. 2, nov: Edit:*

Licitum est etiam Clericis vendere res collectas ex propriis prædiis, sicut & eas, quas coemerunt ad familiæ suæ sustentationem, quæ si superfluerint possunt vendere carius, quam emerint, intra limites tamen iusti pretii. *Ibid.*

N U N D I N Æ.

Nundinæ a mercatis sedulo distinguendæ sunt; nam illæ semel in anno fiunt, vel raro in eodem loco, & de longinquo eo conveniunt populi. Mercatus vero est quo exponantur venales res ad quotidianos usus necessariae, & fiunt singulis hebdomadis, recurrentibus populis e viciniis. Posteriores isti si incidant in festum de præcepto, transferendi sunt. Priores vero non sunt; quamvis apothecæ ea die claudendæ, sicut nec contractus fieri oportet, Matutinis, & Vesperis horis quibus divina Officia in Ecclesia celebrantur. Ita prædicatione Ecclesiastica jussit Benedictus XIV. in Constitut. AB EO TEMPORE Bull: Tom: I. n. 144.

OBLATI MONASTERIORUM.

Oblati, & qui Donati appellantur, quamvis non sunt Religiosi, si tamen bona sua, nec minima quidem parte excepta, quoad proprietatem, & usum fructum sibi non retinuerint, sed transfulerint in Monasterium, sunt personæ Ecclesiasticæ, gaudent privilegio Fori, & immunitate ab exactionibus sæcularibus. Verum ut subtrahantur ab Jurisdictione Episcopi requiritur; ut actu inserviant suæ Religioni,

190 *Epitome Doctrinae Canon: & Moral:*
ni, ut late docet Pontifex. *De Synod. Dioces. Lib.*
6. Cap. 3. §. 4. nov. Edit.

O B S T E T R I X.

Debent obstetrices diligentius examinari a Pa-
rocho, num sciant eas; quæ necessaria sunt ad S.
Baptismum conferendum. Tunc autem si baptiza-
verint, in Templo supplendæ sunt cæremoniæ; non
tamen iterum sub conditione iterandus est Baptismus
indiscriminatum ex eo quod ab obstetrice, aliisve
similibus tinctus est puer, sed inquirendum num-
quid aliquid necessarium omiserint. *Institut. Ecclæ-*
siast. 8. §. 6. & de Synod. l. 7. c. 5. §. 6. Item l. 7.
c. 6. §. 4. nov. Edit.

O F F I C I U M D I V I N U M

In recitatione divini Officii pro aliqua morali
difficultate dispensanda, commutare potest major
Pœnitentiarius. Bulla PASTOR BONUS. *Bull. Tom.*
1. n. 93. §. 30.

O R A T I O.

Indulgentiæ jam concessæ pro orantibus seu vo-
caliter, seu mentaliter confirmantur in Bulla QUEM-
ADMODUM. *Bull. Tom. II. n. 23.*

Qui rudes homines pie orandi, seu meditandi
exercitationem docuerint, quique institutionibus hi-
sæ interfuerint, toties quoties lucrantur Indulgen-
tiam septem annorum, & totidem quadragenas, dum-
modo vere pœnitentes sint, ac sacra Communione
refecti. *Constit. QUEMADMODUM Bull. Tom. II.*
num. 23. Item qui id præstiterint assidue, semel
singulis mensibus, vere pœnitentes, ac sacra Com-
munione refecti, & pro confucto Indulgentiarum
more orantes, plenariam Indulgentiam animabus e-
tiam Purgatorii applicabilem consequi possunt. Quod
itidem obtineri ab iis potest, qui quotidie toto men-
se uno saltem horæ quadrante orationi mentali o-
pe-

peram dederunt, dummodò sint vere penitentes & confessi, ac sacra Communionem refecti, & oraverint pro concordia &c. Quapropter suadet Pontifex ut Episcopi injungant singulis præcipuarum Ecclesiarum Præpositis in Civitatibus, & singulis Parochis in oppidis, ut certa diei hora ad Campanæ sonum invitent fideles, sive ut in Ecclesiam ad hoc exercitium conveniant, sive ut id privatim in domibus præsentent.

Peccatorum orantium tria sunt genera. Alii scilicet in statu peccati mortalis degunt & se credunt contritos, quamvis non sint. Eorum Oratio rite instituta a DEO exauditur. Alii dolent quidem de peccato, sed non ita ut ab eo se expellant; hi vero, ut eniti, ac se liberare valeant, si ideo DEUM deprecantur ea saltem impetrabunt, quæ ad æternam suam salutem pertinent. Sunt tandem qui nec dolent se peccato, nec enitantur ut e statu illo exeant; imò nec volunt; si quid illi petierint a DEO vel spirituale, vel temporale, raro exaudiuntur. Ita ex Suarez. *Institut. Eccles.* 62. §. 10.

ORATORIIUM PRIVATUM.

Non obstante Decreto Clementis XI. fas est Episcopis altaria erigere, ibique celebrare, vel celebrari facere extra suas domos in domibus Laicorum, quando ibi agunt per modum habitationis, veluti si ibi sunt occasione visitationis, vel itineris, vel hospitio ibidem recepti. *Constit.* 48. Bull. Tom. III. pag. 377.

Indultarii, coram quibus celebrari potest Missa in Oratoriis privatis, sunt illi qui nominantur in fronte, seu in Inscriptione Brevis; illis non præsentibus. Missa celebrari non potest. *Ibid.*

Si tamen in corpore Brevis nominatur aliquis coram quo Missa celebrari possit, etiam si ille non

veniat in fronte seu inscriptione Brevis, adhuc tamen eo præfente Missa celebrari potest.

Sacramentum Pœnitentiæ vetitum est ibi administrare, vel ab ipsis pariter Regularibus. *Ibid.* §. 20. Communio sacra non potest hic administrari, nisi accedat Episcopi licentia. §. 23.

ORATORIA PUBLICA.

Nullum jus assistit Parocho, ne in Oratoriis publicis intra suam Parœciam Missa celebretur ante absolutam Missam Parochialem, ex Decretis S. Congregationis. *Institut. Ecclesiast.* 44. §. 11. Potest tamen id vetare Ordinarius, dummodo tunc Missa in Ecclesia Parochiali hora opportuna celebretur. Quæ verba sunt Decreti S. Congregationis. *Ibid.* §. 12.

In Archi-Episcopatu tamen Bononiensi, si Oratorium publicum distet a Parochiali unum milliare, permittitur hæc anticipatio onere tamen injuncto Cappellano annunciandi Festa de præcepto, Evangelium explicandi, sicut & Catechismum, ac Doctrinam Christianam habendi, quod etiam mandatur a Clemente XII. in Encyclica ad Episcopos Italiæ data anno 1735. *Ib.* §. 15.

ORDINES.

Ordinem vetum esse novæ Legis Sacramentum ex consensu Theologorum omnium & Concilii Tridentini definitione *Sess.* 23. *Cap.* 3. certum est. Id vero Sacerdotio convenire una est omnium Theologorum Catholicorum vox, nec sine periculo gravis erroris id negaretur de Episcopatu, quamvis diversum non esse Ordinem a Sacerdotio, sed ejus extensionem, perfectionem, complementum teneretur. De Diaconatu quamquam certum non sit de fide ex sensu quorundam Theologorum, attamen ex Tridentini definitione inferri posse videtur.

De cæteris singularibus Ordinibus disceptant Theologi, quamvis de Subdiaconatu aliquanto mi-

nor sit quæstio præ cæteris inferioribus. Hanc definiendam Pontifex nequaquam se assumpsisse profitetur. Quare vetat Episcopis, ne Sacrilegii crimine in suis Synodis eos damnent, qui cum conscientia peccati lethalis Ordines Diaconatu inferiores suscipere. Quamvis alio nomine se sacrilegii gravis reos statuerent, cum sacra Ordinatio fieri plerumque non soleat, nec possit, extra Missarum solemniam, in quibus recens initiati sacra Eucharistia participant, cui irreverentiam gravem irrogaret ille, qui cum conscientia gravis peccati ad eam suscipiendam accederet. *De Synod. Diæces. Lib. 7. Cap. 24. per tot. § l. 8. c. 6. nov. Edit.*

De materia hujus Sacramenti dubietas intercedit (de Sacerdotio, Episcopatu, & Diaconatu res est) num in Instrumentorum traditione, num vero in impositione manuum, num tandem in utraque simul consistat? Quin & de impositione manuum dubii hæremus; trina est enim. Ex quo fit, ut si in aliquo rerum articulo omitti aliquid contigerit, ex responso S. Congregationis censet Pontifex, ut simul tota ordinatio sub conditione iteretur. *De Synod. Diæces. Lib. 7. Cap. 25. l. 8. c. 10. nov. Edit.*

In denunciationibus, quas plerique Episcopi Ordinationes sacras iniri per Archidiaconum suum præmittunt, suæ scilicet non esse intentionis, illos ordinare, qui irregularitate, cæterisque Canoniceis impedimentis tenentur; unicus plerumque est scopus, ut sic vitiatos deterreant, serio tamen volunt quemlibet sibi propositum consecrare. Neque enim censendi sunt vel gravis peccati se reos statuere, plane contrariæ voluntati insistendo. Commissuros enim gravem culpam, si id voluerint, omnes fatentur. Censet tamen Pontifex præstare, ut ea denuntiatio omitatur, atque intra fines edicti, quod in
Pon-

Pontificali Romano habetur, Episcopi sese continent. In eo enim edicto sub excommunicationis poena praecipitur, ne quis Canonico detentus impedimento accedere audeat. *Ibid: §. 26.* Vide etiam de hac quaestione. *De Sacrif. Missi. Lib. 3. Cap. 10.*

Sacri vero Ordines intra Missarum solemniam non ab alio, quam ab Episcopo Ordinate celebranda, conferendi sunt, ut reum se gravis culpae Episcopus constitueret, qui alio Sacerdote celebrante, ipse interim sacrae ordinationis ministerium praestaret. Valeret tamen ordinatio. *De Synod. Dioces. Lib. 7. Cap. 26. §. 5. & 6. & l. 8. c. II. §. 5. & 6. nov. Edit.*

Beneficium, ad cuius titulum Ordines conferuntur, debet tantum ex redditibus ferre, quantum sufficit ad Clerici sustentationem honestam, juxta taxam ab Episcopo definiendam; detractis tamen oneribus, non tamen Missarum, saltem nisi aliter Episcopus statuerit. Si vero Clericus ordineret in loco domicilii, & Beneficium obtineat in alia Diocesi, tunc si beneficium poscit perpetuam residentiam, sustentatio ista dirigenda est juxta taxam Synodalem loci, ubi est beneficium; secus vero statuendum est, si residentiam non exposcat juxta ac statuit Innocentius XIII. in sua Constitutione *Apostolici Ministerii*. Haec omnia *De Synod. Dioces. Lib. 7. Cap. 72. §. 2. l. 12. c. q. §. 2. nov. Edit.*

Ordines sacri conferendi sunt, primario titulo Beneficii Ecclesiastici; nec nisi in subsidium pro necessitate, vel commoditate Ecclesiarum conferri possunt ab Episcopo ad Titulum Pensionis, vel Patrimonii ex Tridentino. *Sess. 21. Cap. 2. de Ref.* Nec, nisi concurrat necessitas, vel commoditas Ecclesiae, licitum id esse edixit Sacra Congregatio Concilii in Encyclica die 13. Maji 1670. jussu Innocentii XI. exarata. *Institut: Eccles: 26. §. 2.*

Ad Ordines conferendos cenſet Pontifex ex *Conc. Trid. Seſſ. 23. de Reform. Cap. 2.* non eſſe poſitum in arbitrio Epifcopi, ut ordines minores det ignorantibus linguam latinam, ſi ſpem oſtendant futuræ profectus; nam Concilium exigit, ut ſaltem linguam latinam intelligant; & arbitrium Epifcopi, de quo ibidem, cadit ſuper interſtitia, non ſuper ſcientiam latinæ linguæ. *Inſtitut. Eccleſ. 42. §. 2.*

Quoniam vero ad ſacros Ordines requirit Tridentinum *ibidem Can. 14.* ſcientiam requiſitam ad docendum populos neceſſaria ad ſalutem, ac adminiſtranda Sacramenta; ideo Subdiaconatui convenit ut præcedat annus integer ſtudii, ſive Theologiæ moraliſ, ſive Scholaſticæ, ſive Juris Canonici. Bientium vero ad Diaconum ordinandum, triennium ad Sacerdotes. Nec impletur mens Tridentini, ſi quis in Theologia morali tantum ſtuderit contractus, cambis &c. Concilium enim exigit, ut poſſit erudiri populus quoad neceſſaria ad ſalutem. *Ibid. §. 3.*

Ordinum Sacrorum interſtitia diſpenſare etiam quoad Regulares, non quidem ad eorum Præſules, ſed ad Epifcopum Ordinantem ſpectat, ut ex reſponſo S. Congregationis. *Inſtitut. Eccleſ. 58. §. 1.* Quamquam ab Epifcopo deferendum ſit iudicio Superiorum Regularium, ut ex aliis Decretis S. Congregationis. *Ibid.*

Quoad Clericum ſæcularem Epifcopus diſpenſare poteſt, ſi agnoverit id poſtulare utilitatem, aut neceſſitatem Eccleſiæ. Utilitas tunc reſultat, cum pauci miniſtri ſuppetunt. Cum ordinandus provectior ſit ætate, & ſimul etiam maxime provectus in ſtudiis. Seu tandem cum agitur de Parcæcia, ſeu alio Beneficio exigente intra annum ordinem ſacrum, ut ex DD. *Ibid.*

Cæterum si quis obtinuerit ad dispensationem interstitiorum indultum Sedis Apostolicæ; permiffa est tamen ista dispensatio arbitrio Episcopi, ut Innocentius XII. in sua resolutione die 4. Decemb. 1693. in ejus Bullario. *Ibid.*

Si quis obtinuerit privilegium a Sede Apostolica, ut ordinari possit extra tempora tribus diebus festivis interpolatis cum dispensatione interstitiorum, non potest ordines recipere tribus diebus interpolatis quidem, sed festivis tantummodo, quia celebratur in illis festum duplex, sed non festum de præcepto. Licet enim in brevi dicatur *festivis diebus*, attamen festivum stylo Sedis Apostolicæ indicat diem festum de præcepto. Accedit Decretum S. Congregationis Concilii, definiens dies festos accipiendos esse pro festis de præcepto. *Institut. Eccles. 106. §. 6.*

Ordines minores conferre non licet nisi mane diebus Dominicis, & festis duplicibus de præcepto, quod postremum additum est Pontificali Romano ex nova correctione Urbani VIII. cum prius tantum legeretur *festis diebus duplicibus*; quare non licet ordinare initiandos diebus duplicibus, sed non festis de præcepto. *Institut. Eccles. 106. §. 3.*

Si quis recipiat ordines minores eademque die Subdiaconatum, incidere in suspensionem vi Decretal. in Cap. de eo, qui furtive ordines susc. Doctores quidam censent, quanquam alii negant. *Institut. Ecclesiast. 106. §. 8.* Vetitum est tamen id agere, ut ex pluribus Decretis S. Congregationis firmatur. *Ibidem.*

Si Clericus sacris initiandus sit consuetudine aliqua peccandi adstrictus, modo vero ita sincera exhibeat respiciendi argumenta, ut Confessarius vere eum contritum judicare possit. Nolit autem peccans

nitens ille Confessario suadenti, ut differat susceptionem sacri Ordinis, acquiescere, firmusque statuat statim se solemnī voto obstringere; utrum in ea voluntate sic obfirmatus possit absolvi, quæstio est anceps, adeoque suadendum est illi, ut prudentem, & doctum virum consulat, a quo remedia petat, & consilium. *De Synod. Dioces. Lib. II. Cap. 2. §. 17. 18. nov. Edit.*

Ordines minores collati ab Abbate nullum ad id obtinente privilegium, neque licite conferuntur, neque valent. Si vero conferantur ab Abbatibus habentibus jus conferendi illos certo personarum generi, & quos initiaverint ad alterum genus pertineant, illicite conferuntur, sed tamen valide; ita ex variis decretis S. Congregationis. *De Synod. Dioces. Lib. 2. Cap. 10. §. 13. l. 2. c. II. §. 8. & 9. nov. Edit.*

Cum Regularibus faciliorem se præbere potest Episcopus in ordine ad examen, ut ex Salmantic. *Theol. Moral. Tract. 8. Cap. 5. Dub. 2. Pun. 2. n. 47.* Facilius etiam dispensare cum illis potest ab interstitiis, conformando se iudicio Superioris Regularis testantis de sufficientia causæ. *Instit. Eccles. 23 §. 1.*

Episcopus alienos subditos per dimissorias ad se directas ordinaturus, non tenetur quidem ordinandum novo examini subicere, cum id a proprio Episcopo sit præstandum, ut ex communi Doctorum sententia; at si velit novæ discussioni illum subicere, potest, ut sæpius a S. Congregatione Concilii definitum est. At Episcopus Suffraganeus ad supplendas Diocesani vices assumptus, nec tenetur, ut ab eadem Congregatione decisum & in causa *Elbor. Dubior. die 22. Augusti anni 1721. cui tamen fas est ab ordinatione illius abstinere, si aliqua iusta causa*

Suppetat ad eum removendum. *De Synod. Dioces.*
Lib. 12. Cap. 8. §. 7. nov. Edit.

Ordinatus, ut valide id præstet, debet habere intentionem virtuales saltem externam, & internam suscipiendi quod Ecclesia intendit ab eo suscipi. Quod si coactus gravis mali metu animum intendat ad suscipiendos ordines, ut malum illud vitet, tunc utique ordinatio valet. *De Sacrif. Miss: Lib. 7. Cap: 10. §. 12.* Si vero recipiat absque intentione interna, profecto ordinatio non valet. Nec valet etiam, si habuerit animum indifferentem, id est nec voluntatem suscipiendi, & non suscipiendi ordines. Pro invaliditate hujus ordinationis refertur decretum S. Congregationis.

In Saera Congregatione die 31. Martii 1683. agitatum est, num Clericus (qui falsaverat Testimoniales ordinum præcedentium; adeoque metu censurarum, quæ in eo casu comminari solent in edicto, habuit intentionem non suscipiendi Ordinem Subdiaconatus, qui tunc sibi ab Episcopo conferebatur) re ipsa ordinatus esset? Respondit vero die 24. Augusti ejusdem anni esse iterum ordinandum sub conditione; nam illa animi perturbatione, qua agitabatur Clericus, non satis constare poterat, utrum verum animum suscipiendi ordinem habuerit. *Ibid: §. 13.*

Cum male promotis ad Ordines, & signanter cum promotis per saltam in casibus occultis Major Penitentiarius dispensare potest ad effectum, ut omnes Ordines occulte suscipiant a quolibet Antistite, etiam extra tempora, non servatis interstitiis, & absque Dimissoriis: non tamen ut plures Ordines Sacros eodem die suscipiant. Bulla PASTOR BONUS. Bullar: Tom. 1. n. 95. §. 18.

Dispensat etiam cum promotis ad Sacros Ordines per simoniam, in casibus tamen occultis, & in foro conscientiae, *Ibid: §. 19.*

P A R O C H U S.

Parochus actualis, etiam Regularis, quocumque appelletur nomine, nempe Vicarii perpetui, seu ad tempus constituti, tenetur Missam applicare pro populo singulis diebus festis de præcepto, ut in Encyclica ad Episcopos Italiae incipiente CUM SEMPER. Bull: Tom: I. n. 103. Pontifex mandat.

Si habeat actualis illis alias obligationes applicandi Missam, curare debet ut illis per alios satisfaciat. *Ibid §. 8.* Parochis tamen pauperibus potest Episcopus indulgere, ut ipse Parochus satisfaciat aliis obligationibus, quæ forte occurrunt applicandi Missam diebus festis, dummodo tamen eidem Missæ pro populo infra hebdomadam satisfaciat. *Ibid: §. 8.* Parochus etiam pinguioribus redditibus præditus absolutus ab obligatione applicandi Missam singulis diebus pro populo; dummodo non aliter in fundatione Beneficii cautum sit. *Ibid: §. 6.*

Parochum Regularem suo muneri deficientem potest punire Episcopus cumulative cum Superiore Regulari; ita tamen, ut si aliter statuat Superior Regularis, aliter Episcopus, standum sit Episcopi mandato. Ita statuit Pontifex in Bulla FIRMANDIS Bull: Tom: I. n. 109. Si removeri debeat, potest tam Episcopus sine Superiore Regulari, quam hic sine illo id præstare. *Ibid: §. 11.*

Parochi Jurisdictionem habent ordinariam in foro interno, non vero externo, quidquid alii censuerint, ut proinde nullam excommunicationis sententiam ferre possint, ut ex communiore, & in praxi recepta sententia. *De Synod: Dioces. Lib. 5. Cap. 4. §. 2. & nov: Edit.*

Parochi Ecclesiarum filiatum interesse tenentur benedictioni Pontium diei Sabbati Sancti, ex sæpe repetitis S. Congregationis Concilii Decretis. *Institut: Eccles: 1. §. 2. & seqq.*

Episcopi successores ex rationabili causa etiam extra visitationem possunt examinare Parochos ad Ecclesias Parochiales alias approbatos, ut in Decret: S. Congreg: Concil: *Institut: Eccles: 9. §. 16.* Quin & hoc potest præstare pro libitu, & ex sola quiete animæ suæ, quamvis nihil habeat suspicionis. *Ibid:*

Si vero Episcopus velit iterum examinare quos ipse approbavit, requiritur saltem extrajudicialis infamatio de infamia. Quamvis hoc non requiratur ab iis, quos laicus Patronus nominavit ad Beneficium curatum, cum probati non fuerint in concursu, ut ex S. Rota, & ex Cardinali De Luca de *Paroch. Disc: Ibid.*

Parochus habendus est quoad crimen Complicitatis ille qui peccat cum famula sua quæ in ejus domo inhabitat, quamvis in alia Paræcia habeat paternam domum. Et reipsa quidem præceptum Paschale tenetur illa implere in Paræcia, ubi famulatum habet. *Institut: Eccles: 83. §. 22.*

Tolerari potest, ut Parochus habeat in domo mulieres sibi conjunctas in primo, & secundo gradu consanguinitatis, & etiam affines in primo gradu cum ancillis earum, quæ tamen minores non sint annis quadraginta. Ita Decretum est a S. Congregatione Concilii pro Diæcesi Bononiensi. *Institut: Eccles: 82.* per totam, quamvis hoc Decretum respiciat famulas cum uno tantummodo Parocho cohabitantes; quæ vero munus suum præstant propinquis ejusdem Parochi minoris etiam ætatis permittuntur, dummodo tamen testimonium bonæ famæ suæ habeant.

Parochi alienæ Diœcesis non possunt in altera audire Confessiones sine approbatione Ordinarii illius loci, nisi tantum suorum subditorum. Ita ex Decret: S. Congregationis Concilii. *Instit: Eccles: 86.*

§. 7.

Parochi per Concursum provisus censentur idonei ad audiendas Confessiones in tota Civitate, vel Oppido, ubi Parochi constituuntur, non vero in tota Diœcesi Episcopi^o approbantis, ut ex Decretis S. Congregationis. *Ibid. §. 13.* Ex consuetudine tamen Parochi Civitatis Confessiones audiunt in Diœcesi, & vice versa. *Ibid. §. 13.*

Si Parochus Beneficium renunciet, indiget nova facultate audiendi Confessiones, ut ex communibus Doctorum. *Ibid.*

Parochus habens redditus tenues, & populum frequentem, ut per se sufficere nequeat audiendis Confessionibus, tenetur sibi adjungere alium Sacerdotem adiutorem, cui si nequeat, populus necessaria ad sustentationem subministrare tenetur. Ita ex Decret: S. Congregationis Concilii. *Instit: Eccles: 94.*

§. 7.

Parochus ex privata scientia noscens alterum ex sponsis Matrimonium celebraturis hæreticæ sectæ occulte adhærere, assistere Matrimonio non potest, quemadmodum nequit, si sciret impedimentum etiam impediens. Ita de *Synod. Diœces: Lib. 6. Cap: 7. §. 6. & 7. nov: Edit.*

Parochus ad residentiam materialem, & formalem obstringitur tempore pestis, etiam cum periculo morbi contrahendi, ut ex rescriptis S. Congregationis a Gregorio XIII. approbatis. *De Synod. Diœces: Lib. 13. Cap. 19. §. 2. nov: Edit.* Idque verum est, licet Sacerdotem idoneum provideat, ut se absente ejus vicibus fungatur. *Ibid.*

Fas est equidem Parocho propter inimicitias, & persecutiones a residentia recedere ex Textu Cap: *Ad supplicationem de Renuntiat.* Quia tunc periculum inimiciarum soli Parocho imminet; quare potest alium Sacerdotem substituere, qui sine suo periculo ejus munus adimpleat. At in peste omnibus æque periculum imminet, ideoque convenientius est, ut id discriminis subeatur a Parocho, quam ab alio Sacerdote. *Ibid:* Quæ de Parocho dicta hic sunt valent etiam pro Episcopo.

Parochus tempore pestis & eo morbo infectis tenetur ministrare Sacramenta Baptismi, & Pœnitentiæ, ut adnotatum est V. *Pœnitentiæ Sacramentum;* sed & Viaticum, ne tanto bono in illa necessitate Parochiani priventur, nisi in eo rarissimo casu, in quo rarus esset Sacerdos, vel Parochus; ex quo fieret, ut post administratum Sacramentum Pœnitentiæ uni, non superesset spatium, ut aliis morituris Pœnitentiæ Sacramentum administraretur; vel si eo Sacramento administrando mortem vitare non posset, & sic populus desitueretur Sacerdotibus, ut ex Doctrina Suarii. *De Synod: Diœces: Lib. 13. Cap: 19. §. 18. 19. nov: Edit.*

In Ordine ad Extremam Unctionem ex Doctrina ejusdem Suarii tunc tenetur Parochus illam administrare, quatenus valeat absque morali vitæ periculo. *Ibid:*

P A T R I M O N I U M.

Constitui non debet Patrimonium in industria Clerici, ut si sit Musicus, Magister &c. ut respondit S. Congregatio in una Seguntina Mense Octobris 1589. Sicut nec institui potest in bonis mobilibus, & femoventibus, ut respondit S. Congregatio Concilii die 29. Novemb: 1670. *Instit: Eccles: 26. §. 7.*

Patrimonium admissurum se profitetur Benedictus XIV. dum erat tantum Archi-Episcopus Bononiensis, in Capellania amovibili, dummodo Patronus obligasset fidem suam nunquam ab ordinato removendi illam Capellaniam, quoadusque ille vixisset, vel quoadusque ordinandus non obtinuisset aliud si-ve Beneficium, si-ve Patrimonium, & idem Patronus vel alius se pariter obstrinxisset ad alimenta ordinato præstanda, si forte impediretur a celebratione Missæ. *Ibid.* §. 11.

Item admisit in censibus perpetuis, dummodo debitores census, si voluissent illum restituere obligassent sese ad deponendam pecuniam in loco tuto, ad hoc ut in novis censibus, vel stabilibus impenderetur. *Ibid.* §. 12. Tunc autem curæ erit ordinato sub pæna suspensionis de investienda eadem pecunia.

Si quis voluerit assignare de suo Patrimonium sufficiens ordinando, dummodo, hæc liberalitas sit vera, & inalienabilis absque licentia Ordinarii, id utique admitti poterit ex variis responsis S. Congregationis. *Ibidem* §. 13. Curandum est tamen ut bona illa adeo libera sint ab aliis oneribus, ut remaneant ex iis sufficientia alimenta ordinato. *Ibid.* §. 14. Dummodo etiam absit omnis pæctio tacita, vel expressa facta extra instrumentum, ut possessio bonorum remaneat apud assignantem. Non valet assignatio Patrimonii facta a patre respectu filii, cui in præjudicium legitimæ reliquorum filiorum omnia sua tribuit. Sicut nec admittitur, si pater transferat omnia sua in filium cum onere, ut se alat, nisi id expressum candide fuerit in instrumento Patrimonii. *Ibidem.*

Si quis fictum patrimonium suum sciat, & nihilo fecius ordinationem recipiat, manet suspensus,

ut ex Can: *Neminem*, & Can: *Cunctorum* *Dist: 70.*
 & ex Decreto S. Congregationis Ann: 1610. Si ve-
 ro id nesciat, sciat autem Ordinarius, & tamen or-
 dinet, Ordinarius quidem suspensionem non incurrit,
 tenetur autem de suo ordinatum alere ex viciorun-
 dem Canonum, & sensu S. Congregationis Concilii.
 §. 16.

Patrimonii alienatio absque Ordinarii licentia i-
 pso jure nulla est, ut ex Decretis S. Congregationis.
Ibid: §. 28. Nec commutari potest in alia bona,
 vel in aliad pariter beneficium sine facultate Ordina-
 rii, ut ex similibus Decretis. *Ibid: §. 29.* Nec
 tandem obligari possunt bona Patrimonii adeo ut si
 forte accidat, ut debitum solvendum sit, nulla fie-
 ri executio poterit, nisi supra eorum bonorum par-
 tem, quæ alimentis Ordinati superfluit. Fas est
 tamen creditori recipere in solutum, seu vendere
 jus, quod post mortem transfret ad hæredes. Ita
 ex Decretis S. Congregationis. §. 30.

Denique ordinati ad titulum Beneficii, resigna-
 re illud nequeunt, nisi facta mentione tituli, qui
 Beneficio resignando adjacet, & concludentibus pro-
 bationibus demonstretur aliam suppetere resignanti
 viam, qua commode sibi de victu provideat Ita ex
 Decretis S. Congregationis. *Ibid: §. 30.*

P A T R O N U S.

Patronus Ecclesiasticus tenetur præsentare ad
 Beneficium Curatum illum, quem digniorem putat
 inter approbatos ab Examinatoribus ex vi Tridenti-
 ni *Cap. 18. Sess: 24.* Episcopus non debet inqui-
 rere super præelectione facta a Patrono, nisi forte
 aliquis fuerit inter approbatos, qui reclamet super
 electione facta a Patrono, quasi elegerit minus di-
 gnum. Ita in Epistola ad Archi-Episcopum Florenti-
 num. *Bull. Tom: II. n. 4.*

Patronus Laicus præsentare tenetur digniorem ad Beneficium curatum, ut ex S. Thoma 2. 2. q. 65. art. 2. ad 3. aliisque Theologis firmatur. *Instit: Eccles.* 7. §. 5. 8.

Patronus si promiserit conferre alicui Beneficium ex motivo aliquo temporali, nempe quia sibi sit conjunctus sanguine &c. non obligatur servare quod spondit, tum præsertim cum nondum beneficium vacat. Ita ex S. Thoma. *Institut: Eccles:* 23. §. 8.

P O E N I T E N S.

Penitens, vel quicumque alius, qui falso denunciaverit Judicibus Ecclesiasticis se esse ab aliquo Confessario sollicitatum, incurrit reservationem Apostolicæ Sedi reservatam. Bulla SACRAMENTUM POENITENTIÆ. Bull: *Tom. I. n. 20.*

POENITENTIÆ SACRAMENTUM.

Attritio de peccatis sufficit quidem ex mente Tridentini ad disponendum penitentem, ut DEI gratiam in Sacramento Pœnitentiæ obtineat, sed quænam sit ista attritio non satis liquet; potest enim esse cum aliquo DEI amore conjuncta, sed debili, tenui, & remisso. Potest etiam esse dolor propter DEUM non quatenus est summe bonus, sed quatenus est bonus nobis; potest insuper esse dolor de peccatis unice conceptus propter eorum turpitudinem, aut solum metum pœnarum, & gehennæ absque ulla DEI dilectione. Hæc tamen postrema attritio potest etiam excitari ex metu gehennæ, ut conjungatur cum aliquo DEI amore initiali, quatenus ita peccata odio habentur propter supplicia, ut simul animus feratur in DEUM ut objectum diligibile. Quæstio est anceps inter Theologos, num sufficiat attritio servilis, quæ elicitur ex unico metu gehennæ, & pœnarum, nullo vel initiali DEI

amore adjuncto: vel requiratur saltem conjunctus amor DEI initialis. In hac quaestione nihil decidendum ab Episcopo in Synodo sua monet Pontifex; suadet tamen, ut doceantur Confessarii æquum esse hortari pœnitentes ad veram, & perfectam contritionem, quod & in Rituali jussu Pauli V. edito monetur. *De Synod: Dioces: Lib: 7. Cap. 13. per tot: & Ibid: nov: Edit.*

Moriturum, qui, antequam incidat subitus ægritudinis gravis casus, signa contritionis exhibuit, & postquam supervenit Confessarius nullo externo signo hanc voluntatem ostendit, adhuc tamen absolvi posse multo verior, & tuta est opinio. Neque hic locum habet controversia, num absolutio conferenda sit sub conditione, an absolute; hæc enim tantum valet in casu, quo moriturus dubia prorsus, & ambigua contritionis signa præbuit. *De Synod: Dioces: Lib. 7. Cap. 13. §. 8. nov. Edit.*

Si vero ex nullo testimonio constat illum ante casum mortalis illius morbi signa doloris exhibuisse, & petisse Confessionem, adhuc tamen multo verior est opinio contententium, ut absolvatur sub conditione, dummodo moriturus Christiane vixerit; nam acta Christianæ vitæ totidem sunt voces, quibus miser ille absolutionem sibi dari petierit, & contritionem exhibuerit; & nisi sint præsentis actus pœnitentis, per vitam illam antea Christiane actam, præcessisse dicendi essent, & tunc pro præsentibus haberi, quemadmodum præsens censetur contritio ante subitum mortis casum præmissa. *De Synod. Dioces. Lib. 7. Cap. 13. n. 10. nov. Edit.*

Sunt qui etiam velint, etiam iis non negandam absolutionem sub conditione, qui licet male vixerint, tamen Catholicam fidem retinuerunt, & pro Catholicis se gesserunt, quorum tamen sententia nimis laxior videtur. *Ibidem §. 13.*

infectum
cum
per p
& r
bata
nistr
opera
nam
cæter
Paroc
rer.
Edit.

ges
la PA
re po
omni
am
troqu
quam
vere
Apos
minat
Judic
remitt
furis
quibu

etiam
illi

in fo
neces

Pæ-

Pœnitentiæ Sacramentum iis, qui morbo pestis infecti sunt non tenetur per se præstare Episcopus, cum ille agat per Parochos, ut causa universalis per particulares, sed Parochus omnino tenetur, quod & ratio suadet, & Decreta S. Congregationis approbata a Gregorio XIII. declarant; quanquam administrare illud possit aut directe per se, aut adhibita opera alicujus Sacerdotis ab Ordinario approbati; nam si Parochus omnino per se id agere deberet, cæteri Parochiani morbo non affecti nollent tunc a Parocho recipere Sacramenta, eo quod sibi metuerent. *De Synod. Diœces. Lib. 13. Cap. 19. § 7 nov. Edit.*

P O E N I T E N T I A R I A.

Pœnitentiarii facultates dirigit, & ad certas leges extendit & reformat Benedictus XIV. in sua Bulla PASTOR BONUS. Bull. Tom. I. n. 95. Absolvere potest omnes quicumque eo se dirigunt, tum ab omnibus excommunicationibus, tum ab omnibus censuris etiam latis in Bulla Cœnæ, Regulares quidem in utroque foro, cæteros in foro conscientiæ. Quamquam etiam cæteros in utroque foro potest absolvere, quando agitur de censuris latis a Jure, & Apostolicæ Sedi reservatis, quin etiam latis nominatim ab homine si jam expiraverit jurisdictio Judicis, qui sententiam tulit, seu quando ab illo remissa est absolutio ad sanctam Sedem, vel si censuris illis innodati fuerint impediti, ut adeant eos, a quibus de jure deberent absolvi.

Absolvit etiam hæreticos dummodo occultos, etiam si in hæresin externam incurrerint, dummodo actus illi extrinseci a nemine visi, vel notati fuerint.

Publicos etiam hæreticos, & Apostatas absolvit in foro conscientiæ in casibus, in quibus non est necesse denunciare complices, nempe quod illi obierint,

erint, vel degant in Regionibus palam infectis, non tamen in iis, in quibus viget Officium S. inquisitionis.

Non absolvit Principes, & alios jus Imperii vicario nomine habentes &c. Episcopos, & alios Superiores Prælatos in casibus publicis contentis in Bulla Cænæ Domini.

Non absolvit eos, qui astrologia judiciaria vel per se, vel per alios de statu Reipublicæ Christianæ, seu de vita, & morte Romani Pontificis viventes exquirunt. Reliqua vide in eadem Bulla.

Vacante Pastore Ecclesiæ Romanæ, major Pœnitentiarius, cujus Officium tunc non vacat, absolvere potest quæcunque ad forum conscientie pertinent etiam ab iis censuris in foro tamen conscientie, a quibus vivente Pontifice non posset, ita tamen, ut sit absolutio ad reincidentiam nisi intra tempus taxandum recursus fiat ad novum Pontificem.

Quoad forum externum vacante Sede Apostolica nihil potest S. Pœnitentiaria, nisi tantum in ordine ad Regulares apostatas, ut dictum est V. *Regulares.*

Demum in eodem Casu potest absolvere a censura publicos violatores Ecclesiasticæ libertatis, & immunitatis, cum reincidentia tamen, ut supra. Hæc omnia Pontifex in Bulla PASTOR BONUS. Bullar. Tom. I. n. 95. §. 52.

Potest etiam Monialibus Confessarios deputare, ex approbatis tamen ad Moniales audiendas.

P E S T I S.

Pestis tempore quid agi liceat, vel secus circa administrationem Sacramenti Confirmationis, Pœnitentiæ, Eucharistiæ, & extremæ Unctionis, vide in singulis eorum articulis.

Num liceat dimidiare Confessionem mortalium

ex timore contrahendi morbi, quæstio est inter DD. anceps, in qua nihil certi decernitur. *De Synod: Diæces. Lib. 13. Cap. 19. nov. Edit.*

In ordine ad administrandam Eucharistiam non esse omnem Ecclesiæ ritum servandum, qui modo ab Ecclesia præscribitur, docet Muratorius in Tractatu de Peste, sed ab Episcopi Judicio expetendum esse, quid a singulis præstari possit, ut minus periculose, sed decenter ministretur, quod etiam rescriptum fuit ad postulata Vicarii Apostolici Juliæ Cæsareæ. *De Synod. Diæces. Ibid. §. 26.*

• Tuto possit Episcopus judicare tempore pestis, quod Eucharistia laicis porrigeretur suis manibus accipienda, ut ipsi per se ori illam inducerent. *Ibid. §. 27.*

Extrema Unctio erga peste infectos conferri potest inungendo organum illius sensus, qui unctioni magis expositum se offert, ita formam profereudo quomodo fieri solet cum unus tantummodo sensus inungitur. *Ibid. §. 29.*

Licet autem judicio Episcopi in eo casu inungere ægrotum adhibita oblonga virga, cujus in extrema parte sit gossypium oleo sacro imbutum. *Ibid. §. 30.*

P I G N U S

Quæ vendi non possunt, nec possunt in pignus dari. *L. Pupillus §. Eam rem. ff. Quæ res pignori etc.* Quare res Ecclesiæ, & etiam mobilia pretiosa non nisi concurrente legitima causa, & accedente licentia Sedis Apostolicæ, vel Episcopi respectu mobiliæ minoris pretii vendi possunt. *Institut. Eccles.*

§. 5.

P R Æ C E D E N T I A

Parochus loci, ubi aliquis obiit, cadaver afficiens semper habet præcedentiam supra alios, quoad
adul.

210 *Epitome Doctrinæ Moral: & Canon:*
adusque est intra limites Parœciæ suæ. *Instit. Eccles.*
105. §. 54.

P R E C E S P U B L I C A E.

Principes sæculares si petant ab Episcopo ut preces publicæ indicantur pro necessitate status, id utique potest, & debet. Nonnisi vero summa abusus esset, si etiam ex consuetudine Principes Episcopali auctoritate neglecta indicere illas vellent. Encyclica ad omnes Episcopos **QUEMADMODUM PRECES.** Bull: Tom. I. n. 82.

P R O C E S S I O.

Ad Processiones solemnes cogi non possunt Clerici nullum Beneficium, vel Officium Ecclesiasticum obtinentes, sicut nec simplices Presbyteri. Beneficium vero etiam non residentiale obtinentes utique possunt. Ita censuit S. Congregatio, cujus Decreti occasione ponderatur, nihil hic decerni de Clericis non beneficiatis, sed alicujus Ecclesiæ feroitio, addictis. *Institut. Eccles.* 31. §. 2.

Processiones prius fieri debent, dein Missa solemniter cantanda ex Rubrica Missalis Romani. *Institut. Eccles.* 68. §. 12. nisi tamen aliter ob gravem causam Episcopo, vel Clero videatur. *Ibid. ex eadem.*

Regulares instituere nequeunt Processiones nisi intra, vel circum Ecclesias suas, nec Confraternitates, nisi intra Oratorium suum. Si vero velint per Urbem procedere, utique debent Parochis respectivorum locorum aliquid Officii exhibere. *Instit. Eccles.* 105. §. 51. Sufficit tamen licentia Episcopi etiam reclamante Parocho, ut a S. Congregatione Rituum decisum est. *Ibid.* §. 52.

Processio in festo S. Marci, si incidat in ipsam paschæ Resurrectionis diem, transferenda est ad tertiam diem Paschæ ex Decreto S. Congregationis Rituum die 25. Sept. 1734. *Instit. Eccles.* 28. §. 3.

PRO.

PROFESSIO REGULARIUM.

Judicia de nullitate Professionis quomodo instituenda sint? Vide V. *Regulares*.

QUÆSTUATIO.

Græci quantumvis exhibentes Testimoniales de adhæſione ſua Romanæ Eccleſiæ, adhuc tamen ex Decreto Innocentii XI. prohibentur quæſtuare, & facultatem ea de re obtentam à quocunque, vel ab ipſa pariter Congregatione jubentur Epifcopi ad ſe recipere, & ad eandem Congregationem de Propaganda Fide transmittere. Inſuper Clemens XII. in ſuo Brevis mandavit pecuniam ita a Græcis collectam, & alibi depositam ſequeſtrari ab Epifcopo, & ad eandem Congregationem transmitti. *Inſtit. Eccleſ. 75. §. I.*

R E U S.

Reus juridice interrogatus in judicio criminali tenetur veritatem manifeſtare; ut innuit Pontifex in ſua Bulla PATERNA CHARITAS Bull. Tom. III. n. 24.

R E G U L A R E S.

In probanda nullitate Professionis Regularis multa edicit nova Benedictus XIV. in ſua Conſtitutione SI DATAM HOMINIBUS FIDEM Bullar. Tom. II. n. 47. Mandat igitur ſervari Decretum Tridentini, *Seſſ. 25. de Regul. Cap. 10.* quo vetantur audiri reclamantes contra Professionem, niſi intra quinquennium a die Professionis reclamaverint. Confirmat etiam varia Decreta Congregationis Concilii ea de re edita. Mandat deinde, ut probationes non fundentur in extrajudicialibus atteſtationibus, ſed omnia juridice procedant. Inſuper citari, & audiri jubet tum deſenſores Monafterii, in quo habita eſt Profeſſio, tum conſanguineos, ſive alios, qui bona Profeſſi obtinent, tum etiam auctores, vel complices metus incuſſi (ſi ex metu prætendatur nullitas Professionis.) Mandat ut in ſingulis Diœceſibus ab Ordinario deputetur Deſenſor

for Professionis, cui stipendium a iudice definitum solvatur sive ab iis, quibus bona Professi obvenerunt, & eorum defectu a Monasterio, & eo impotente ex multis Tribunalis. A priori sententia pro nullitate omnino appellandum est, nec sine secunda sententia licet Religioso cucullum exuere.

Post quinquennium peti necesse est a Sede Apostolica restitutio in integram, pro qua obtinenda Defensor Professionis adsistat semper tum processibus instituendis ex vi commissionum, & superioribus Regularibus, & Ordinariis locorum, tunc etiam cum dubium utrum concedenda sit restitutio in integrum in S. Congregatione proponitur. Neque in ea concessione sufficit unica sententia favens, sed duo conformes requiruntur. Hæc novo jure sancit Pontifex; in cæteris consueta judicialis praxis retinenda est.

Cum Regularibus redituris ab Apostasia Major Pœnitentiarius dispensare, & commutare potest poenas quomodocumque incurfas, & pœnitentias regulares obeundas, sicut & absolvere a censuris, cum reincidentia tamen, nisi ad tempus præfinitum redierint (irregularitate tamen usque ad actualem reditum tum perseverante.) Potest etiam illis concedere transitum ad alium Ordinem. Nemini autem Regulari permittat ut vivere possit in veste seculari, seu Clerici secularis. Bulla PASTOR BONUS. Bull. Tom. I. n. 95. §. 33.

Transitum de una Religione ad aliam etiam laxiorem potest major Pœnitentiarius concedere; ita tamen ut restringat hanc suam facultatem transfundi ad Ordines, in quibus Regularis observantia viget, & in dubio attestatio Ordinarii requiratur. Non concedit tamen transitum ad Ordines Hospitalares, & Militares, quamvis ad Ordinem S. Joannis de Deo facilius indulgeat; sicut nec concedit transitum ad Ordinem

nem S. Benedicti antiquioris observantiæ, aut ad alias consimiles Congregationes cujuscumque Ordinis fuerint. *Ibid.* §. 34. & 35.

Si Regularis ante Professionem habituali morbo detineatur, nec interrogatus vitium suum denuntiet, nisi post Professionem, expelli non potest, nisi aliter declaretur in Constitutionibus ejusdem Ordinis, uti reipsa declaratum est in Constitutionibus PP. Capucinarum, in quibus Religio ad retinendum ejusmodi Professum minime velle se esse obligatam exprimit. An tunc vero Professus non dimissus a Religione possit sponte abire, etiam illa repugnante, quæstio est non adhuc a S. Congregatione definita. *De Synod. Dioces.* Lib. 13. Cap. 11. §. 4. nov. Edit.

Regulares pro apostatis habentur, si sese nulliter professos contententes Regularem habitum exuunt, & e claustris discedunt, nec unquam audiuntur causam suam defenduri, nisi postquam redierunt ad Monasterium. Ita ex Trident. *sess.* 25. *Cap.* 19. *de Regul.* *De Synod. Dioces.* Lib. 13. *Cap.* 11. §. 13. nov. Edit.

Insuper non licet illis, ex inaniter præsumpta necessitate recurrenti ad Superiores Ordines, exire extra claustra sine Superioris litteris, alioquin enim apostatarum pœnis per Ordinarium loci puniantur. Ex Trident. *Ibid.* *Cap.* 4. *Ibid.* §. 13. Hæc tamen intelligenda sunt, quando recurrenti causa non est vera, urgens, & gravioris momenti. *Ibid.* §. 14.

Vetitum est Superioribus Regularibus, ne subditis suis facultatem faciant transeundi ad aliam Religionem, nisi non dubiis documentis confiterit illis, alterius Religionis Superiorem paratum esse ad eum recipiendum; atque ita res constitutæ sint, ut transitus iste recta fiat ab una ad aliam Religionem. Ita ex Decreto S. Congr. Conc. ab Urbano VIII. approbato. *Ibid.* §. 14.

Transitus iste, etiamsi agatur de apostata transferendo, fieri nequaquam potest ad Religionem, in qua Regularis observantia non viget; quin nec licet, si Religio illa sit militaris, aut hospitalaris, excepto Ordine S. Joannis de Deo. Ita edixit Benedictus XIII. in sua Constitutione LICET SACRA. *Ibid.* §. 14.

Regularis in Claustris non degens, si ab illis abscessit non præobtentâ Superioris venia, vagaturque, etsi gestet Religiosa indumenta, & animum redeundi retineat, debet ab Episcopo loci, ubi moratur, in carcerem conjici, & Superioribus Regularibus configari, secundum Regulam puniendus, ut ex Decreto S. Congregationis Concilii ab Urbano VIII. confirmato. *Ibidem.* Hæc tamen vera sunt, nisi aliunde constet Regularem illum se subtraxisse ab immoderata severitate Superioris localis, ut recurat ad alium Superiorem majorem. *Ibid.*

Regulares incorrigibiles expelli possunt ab Ordine quicquid vetera S. Congregationis decreta olim in contrarium statuerint, ut ex novis Decretis ejusdem Congregationis Concilii firmatur. *Ibid.* §. 16.

Incorrigibilis vero censetur qui omnibus inustus est improbitatis characteribus in Jure Canonico ad id designatis. Debet præterea antecedere carcera- tio sex mensium in pœnitentia, & jejuniis, ac tandem sententia provincialis ejusdem Provinciæ, consultis tamen sex aliis ex eadem Provincia Religiosis, designandis in Congregatione Provinciali, confirmandisque a superiore Generali, cui reservata est facultas iterum retractandi eandem causam, & priorem sententiam revocandi. Ita ex novissimis Decretis S. Congregationis Concilii. *Ibid.* §. 19.

In consuecendis incorrigibilitatis processibus valent illi, qui ad normam regularum, & consuetudinum ejusdem Ordinum formantur. *Ibid.*

Lata contra ejectos sententia notificanda est Episcopo Ordinario loci, non ut de illa cognoscat, sed quia illius jurisdictioni subest, ejusque mandatis obsequi debet. Ita ex Decretis S. Congregationis. *Ibid.* §. 20.

Ita ejecti non possunt induere habitum Religionis, sed clericalem adhibeant necesse est. Manent insuper perpetuo suspensi ab exercitio Ordinum id Religione susceptorum, nec potest ab Ordinariis ea pœna relaxari, vel moderari. Ita ex Decretis S. Congregat. *Ibid.*

Si vero ex literis Testimonialibus Ordinarii constiterit spem evidentem inesse resipiscentiæ, tunc iterum ad Ordinem recipiendi sunt. Ita ex Decretis. *Ibidem.*

Demum ita ejectus voto castitatis omnimode obstrictus remanet, paupertatis vero, cum quadam moderatione, sicut nec obedientia proprio superiori Regulari exhibenda ab eo est. Reliqua vero vota in Professione ab eo nuncupata, remanent in suspenso. Ita ex DD. *Ibid.*

Ejectus si provocare vult ab injustitia sententiæ in se latæ, debet se constituere in carceribus formalibus Religionis, ut ex Decreto S. Congregationis Concilii lato. die 15. Novemb: 1698. constat. *Ibid.* §. 31.

Religiosi tamen Societatis JESU post tria vota simplicia ab illis emissa exacto probationis tempore ab Ordine dimissi non comprehenduntur in Decretis de apostatis, & ejectis, ut ex Responso S. Congregationis Concilii. *Ibid.* §. 21. Votum castitatis ab illis emissum, dum permanent in Ordine, dirimit Matrimonium. Isti ne celebrare possint vetantur solummodo, quia carent Patrimonio, vel Beneficio. *Ibid.* §. 23. Sunt tamen habiles ad Beneficia, & Ministeria

ria Ecclesiastica obtinenda. *Ibid.* §. 16. Valent tamen hæc omnia in dimissis ante Professionem solemnem. Post illam vero emissam censentur ac Regulares, in ordine ad ejectos. *Ibid.*

Vota castitatis &c. a Religiosis laicis Cisterciensibus emissâ solemnita sunt, non simplicia, ut ex peculiari Decreto peculiaris Congregationis habitæ coram Benedicto XIV. die 27 Martii 1747. lato constat. *Ibid.* §. 28.

Si Religiosus ob crimen aliquod damnatus sit ad triremes ad certum tempus, num ea absoluta pœna recipiendus iterum sit a Religione, nondum definitum est a S. Congregatione. quamvis fuit consulta. Hæc tamen sola sententia damnationis ad triremes, etiam si nondum remigaverint, perpetuo illos infames declarat, adeoque irregulares. *Ibid.* §. 30.

Regulares quicumque etiam exempti in Indiis Orientalibus agentes, Curam Animarum exercentes sub sunt prævio examini Ordinariorum, & approbationi, nec non vilitationi, correptioni, & jurisdictioni eorum in iis, quæ ad prædictam Curam pertinent. Constat. QUAMVIS AD CONFIRMANDUM &c. Bull. Tom. II. n. I.

Regulares sacros Ordines suscepturi non tenentur ostendere Dimissoria Ordinariorum propriæ originis, sed sufficit si illas acceperint a Superiore suo. Vicissim non possunt uti privilegio suscipiendi Ordines a quocunque, nisi illud obtinuerint post Tridentinum, & ad illos provenerit concessione directa, non vero communione privilegiorum de uno in alium Ordinem. Si hujusmodi privilegium non habuerint; ordinari debent ab Ordinario loci, in quo degunt, si illè sacras Ordinationes tempore legitimo sit habiturus. Si vero habiturus non sit possunt Dimissoriæ a Superiore Regulari illis concessæ ad alium dirigi cum authentica

tica attestatione Episcopi Diocesani, ex qua constet ipsum Ordinationem habiturum non esse. Transgressores hujus sanctionis, qui Ordinationem ab alio susceperint, suspensionis censuram incurrunt. Superiores Regulares, qui Dimissorias concesserint, voce activa, & passiva mulctantur. Ita Pontifex in Bulla IMPOSITI NOBIS. Bull: Tom: II. n. 27.

Si vero Regulares tempore Ordinationibus proximo transeant ad alterius loci Monasterium, & post receptam Ordinationem ab Episcopo illius loci, quo transferunt, redeant ad primum Monasterium, videntur hoc quidem fecisse in fraudem, nihilominus nihil potest contra hos decerni quia potuit res fieri citra fraudem. Ipsi ergo sibi consulant. *De Synod. Dioces. Lib: 7. Cap. 43. §. 4. l. 9. c. 17. §. 4. nov. Edit.*

Si Superiores Dimissorias subditis suis dederint, ut ab Ordinatione quocumque Ordines recipiant, nisi in casibus supra expressis, privantur usi vocis activæ, & passivæ, & dignitate, qua potiuntur. Ex Decreto Clementis VIII. die 15. Martii. 1596. Quod Decretum non ita legitur, ut in multis editis, pœnas incurrant sed pœnas incurrunt, quod infert pœnam latam, & non ferendam. *Institut. Eccles. 23. §. 12. Num fruantur privilegio Ordinationum extra tempora, affirmandum esse videtur ex auctoritate Concilii Romani sub Benedicto XIII. Titul: 5. Cap: 2. Ibid.*

Regulares habentes privilegium posterius Tridentino, ut exempti sint ab Interstitiis, frui illo debent, nec possunt Episcopi illos eo nomine ab Ordinatione rejicere. Ita ex Decreto S. Congregationis. die 24. Augusti 1686. *De Synodo Diocesana Lib: 7. Cap. 42. §. 6. l. 9. c. 16. §. 6. nov. Edit.*

Regulares etiam exempti nequeunt exponere Sacramentum Eucharistiæ sine velamine in suis Ecclesiis.

fuis, nisi ex causa publica ac Ordinario probata. Fas est tamen illis ex causa etiam privata Sacramentum velatum exponere in Tabernaculo aperto; dummodo tamen ab illo non extrahatur, ut ex Decreto S. Congregationis. *De Synod: Diœces: Lib. 7. Cap: 41. §. 4. l. 9. c. 15. §. 4. nov. Edit.*

Generatim vero jus est Episcopo cogere Regulares parere sibi circa ea, quæ ad majorem cultum hujus ineffabilis Mysterii & celebrationis Missæ præcipienda consueverint. Quod ex Decreto Tridentini Sess: 22. *de observandis, & evitandis in celebratione Missæ* eruitur. *Ibid: §. 5.*

Regulares tenentur parere Episcopo præcipienti, ne in eorum Ecclesiis exponatur insolita imago, aut nova reliquia ab ipso non approbata, & inobedientes possunt etiam censuris cogi, ut ex Decret: S. Cong: *die 5. Jul: 1700. De Synod Diœces. Lib: 7. Cap: 41. §. 5.*

Regulares puniri possunt ab Episcopo tamquam Apostolicæ Sedis Delegato, si quid deliquerint in iis, quæ respiciunt Clausuram Monialium etiam exemptarum, quæ intra Monasterii septa degunt. *Ibidem. §. 6.*

Regulares non possunt sæcularium confessiones excipere *sine licentia, gratia & beneplacito Episcopi*, quæ verba sunt Extrav: Bonif: VIII. in Cap: *Super Cathedram de Sepulturis*, quod & confirmavit Trid: *Sess: 23. Cap: 15. de Ref:* sed & fas est Episcopo eam facultatem limitare ad certum tempus, certasque personas, quin & ex parte revocare, contrariamque opinionem Alexander VII. die 30. Januarii 1659. damnavit. *De Synod: Diœces: Lib: 7. Cap: 42. §. 7. l. 9. c. 16. §. 7. nov. Edit.*

Possunt tamen Regulares ab Episcopo approbati acciri ad domus sæcularium ægrotantium, eorum con-

conf
tium
conf
chus

niali
caus
pius
Episc
depu
di,
15.

sibi
perio
dem
vel
habit
nesta

cipia
appro
non
audi
empt

gant,
pi fa
de R
Syno

Regi
stitut
Syno

teri

confessiones audituri non petita a Parochis ægrotantium licentia; sed de audita ægrotantium illorum confessione debent relinquere syngrapham, qua Parochus certioretur. Ita *Ibid.*: §. 8.

Regularibus Prælati non licet monasteria Monialium sibi subjectarum ingredi, nisi semel in anno causa visitationis, si autem necessitas urgeat, ut sæpius ingrediantur, non possunt nisi cum præsentia Episcopi Diæcesani, aut alterius Ecclesiastici ab ipso deputati. Ita ex Constitutione *Felici* 156. *Alexandri*, VII. *De Synod. Diæces.* L. 7. C. 41. §. 6. l. 9. c. 15. §. 3. nov: *Edit.*

Regularibus vetitum est alloqui Moniales etiam sibi subjectas sine licentia expressa non solum Superioris Regularis, sed Episcopi, ne vel semel quidem per spatium quadrantis horæ cum dimidio, ne vel pariter occasione concionis ad Moniales illas habitæ, nisi vel tandem ex causa quantumcunque honesta, & pia. *Ibid.*:

Regulares subduntur coercitioni Episcopi, si excipiant confessiones sæcularium sine prævia Episcopi approbatione, ut ex *Constit.* X. *Clementis* X. Item non possunt inconsulto, & non approbante Episcopo audire Confessiones Monialium sui Ordinis etiam exemptarum ex vi *Bullæ* XVIII. *Gregorii* XV.

Regulares; nova Monasteria, seu domus ne erigant, vetantur absque Sedis Apostolicæ, & Episcopi facultate, quamvis *Tridentium Sess.* 25. *Cap.* 3. *de Regul.* solius Episcopi facultatem exprimit. *De Synod. Diæces.* Lib. 9. *Cap.* 1. §. 9. nov: *Edit.*

Est tamen pro Monialibus in *Ditione* Hispanici Regis Breve *Urbani* VI. suspensivum ejusdem Constitutionis, sed non valet extra Hispaniam. *De Synod. Diæces.* Lib. 9. *Cap.* 15. §. 9. nov: *Edit.*

Ad statum Regularem transire possunt Presbyteri Ecclesiæ, vel Diæcesis servitio addicti invito

etiam Episcopo proprio; tenentur tamen, nisi aliquid obstat, illum consulere. Ita in Epistola ad Card: Quirinum EX QUO DILECTUS Bull: Tom: II. n. 25.

Regulares extra monasterium degentes, & Clericos Regulares quomodocunque exemptos in civilibus causis mercedum, & miserabilium personarum, nisi habeant Judicem certum a S. Apostolica in partibus deputatum, coram Ordinariis locorum conveniri posse in prima instantia decernit Pontifex in Bulla AD MILITANTIS Bull: Tom: I. n. 48. §. 41.

RESERVATI CASUS.

Ad solum Romanum Pontificem, Episcopos & Prælatos inferiores habentes Jurisdictionem quasi Episcopalem cum territorio separato pertinet casuum reservatio, ex Doctrina Concilii Tridentini, & Decisionibus S. Congregationibus. *De Synod: Dioces: Lib: 5. Cap: 4. §. 2. & nov. Edit.*

Quaquam reservatio fieri potest extra Synodum, multa tamen fiunt, ut potius in Synodo fiat; ideo præsertim, quia non desunt Theologi cum Roneaglia tenentes, leges ab Episcopo latas extra Synodum eo cessante cessare, cum ea tantummodo, quæ in Synodo sunt ab Episcopo legis plenam auctoritatem obtineat. *Ibid: §. 3. & nov: Edit.*

Actus mere internos, nec summus Pontifex, nec Episcopi reservandos sibi unquam censuerunt. *Ibid: Cap. 5. §. 5. Ibidem.*

Regulares non solum reservare prohibentur a lia crimina, quam quæ in Decreto Clementis VIII. definiuntur, sed nec possunt alia ab his diversa crimina illigare censura reservata, ut & firmat Pontifex ex Decreto quodam S. Congregationis Episcoporum, & Regularum. *Ibid. Cap. 5. §. 5: nov: Edit.*

Re-

R E S I D E N T I A.

Ad Residentiam tenentur Episcopi, & Parochi, ut ex Concilio Tridentino *Sess. 6. Cap. 1. de Ref. & Sess. 23. Cap. 1.* adeo ut quo tempore non residet, non faciant fructus suos, ut ex *Constit. 91. Pii IV.* Ex qua etiam Constitutione constat, si quo tempore illi non resident, obierint, de redditibus Ecclesiasticis disponere nequaquam posse, etiamsi testandi facultatem obtinissent. *Instit. Eccles. 17. §. 4. & 5.*

Episcopi æqua, & rationabili causa poscente, ad duos, tresve menses quotannis abesse a Diœcesi permittuntur; Parochi vero duobus Mensibus possunt quidem, sed de licentia Episcopi, & relicto idoneo Vicario ab Ordinario approbando, ut ex Trident. *Sess. 23. Cap. 1. de Ref. Ibid. §. 7.*

Nec sine licentia Episcopi abesse possunt per hebdomadam, sicut non sufficit licentia tacita. Ac demum non est satis ad evadendas pœnas, si causa sit evidens, & Episcopus non consulatur, vel si consultus neget; quinquam tunc possit fieri recursus ad legitima tribunalia. Si tamen ex improvise discedere necessarium sit, tunc post discessum scribendum est ad Ordinarium. Ita ex *Decretis S. Congr. Ibid. §. 11.*

Pro Parochis tamen agrestibus sufficit licentia Vicarii Foranei, pro absentia tamen modici temporis. Ita ex *Decr. S. Cong. §. 12.*

Si abundum sit duobus, vel tribus diebus non festivis mos singularum Diœcesum tenendus est. Ita ex *DD. Canonists. Ibid.*

Ad excusandam non residentiam non sufficit æris intemperies. Si tamen Parochus ægotaret, nec posset ibi ex defectu medicorum curari, tunc ad quatuor menses obtinere potest ab Ordinario licentiam secedendi ad loca viciniora, Vicario idoneo interim

222 *Epitome Doctrinae Moral. & Canon.*
substituto, ut ex Decretis S. Congregationis. *Ibid.* §.
16.

Nec excusantur, si absint, ex eo quod Parœcia distat tantum tribus, quatuorve milliaris a Civitate.

Nec etiam, si nocturno tempore ibi resideant, & celebrata summo mane Missa tum reliquum tempus agant in Civitate relicto tamen idoneo substituto, idque præsentent per majorem anni partem. Ita ex Dec. S. Congrega: Concilii *Ibid.* §. 18.

SACRAMENTUM.

Sententia asserens in Sacramentis conferendis non requiri in Ministro intentionem aliquam faciendi quiddid facit Ecclesia, sed tantum præstandi ritum externum nulla censura ab Episcopo exigenda est. *De Synod: Diœces. Lib. 7. Cap: 4. §. 9. nov: Edit.* Verum contraria tutior, & omnino servanda in praxi. Quare si quid ejusmodi contigerit, & necessitas urgeat, Sacramentum Baptismi sic collatum, sub conditione iterum perfici oportet. Quod si res hujusmodi sit, ut moram patiat, consulenda est Sedes Apostolica. *Ibid:*

SEMINARIUM.

Tenetur Episcopus providere sibi consilium duorum de Capitulo, quorum alter ab Episcopo, alter a Capitulo eligatur, item duorum de Clero Civitatis, quorum alterius electio ad Clerum spectat, quæ omnia sunt ex *Cap: 18. Sess: 23. Tridentini.* His omnibus deputatis uti debet in administratione rerum Seminarii; sicut etiam illi adhibendi sunt circa institutionem, & disciplinam ejusdem Seminarii; quanquam Episcopus ita debet in his omnibus eorum consilium audire, ut sequi non tendatur. *De Synod: Diœces: l. 5. c. 10.*

§. 3. & l. 9. c. 7. §. 2. nov. Edit. Ex pluribus S. Congr. Decretis.

S E P U L C H R U M.

Sepulchra in Ecclesiis Confraternitatum haberi possunt, sed de licentia Episcopi, uti sæpe decitum a S. Congregatione. *Instit. Eccles.* 105. §. 124.

Si Confrater obeat, non electa sepultura, mandari non potest sepultura in Ecclesia ejusdem Confraternitatis, ut est decitum a S. Congregatione. *Ibid.* §. 124.

S I M O N I A.

In Simonia contracta pro beneficio acquirendo major Pœnitentiarius monetur, etiam in casibus occultis, & in foro conscientia, ne titulum ejusdem Beneficii convalidet, nisi forte agatur de Simonia, ignorantia facti, vel juris comissa, & Orator quamprimum id rescivit, dispensationem petierit; quod valet & in pensionibus in quibus Simonia realis scienter contracta fuerit. Bulla PASTOR BONUS Bull. Tom. I. n. 95. §: 22.

Abstinentum est illi etiam a condonatione pretii simoniaci, quando in Ecclesiam læsam, vel pauperes debet erogari, nisi aliter suadeat paupertas delinquentium. *Ibid.* 23.

Qui simoniace intercessit pro alio ad impetrandum beneficium, tenetur in subsidium restituere Ecclesie, vel pauperibus fructus a beneficiario male perceptos, ante omnem sententiam. *Instit. Eccles.* 12. §. 11.

Si quis pœcat a S. Congregatione absolutionem a Simonia comissa in obtinendo beneficio, impetrare solet rescriptum, ut dimittat, moneat, & restituat, nempe dimittat beneficium, moneat pro restitutione pretii accepti Ecclesie, vel pauperibus restituat fructus perceptos. *Ibid.*

Si vero Simonia comissa est ab aliquo tertio, in-
scio

scio beneficiario, tunc rescribitur pro convallidatione tituli, dummodo *ante possessionem*, quod valet ac si diceretur, modo id non rescierit ante acceptam Beneficii possessionem. *Ibid.* §. 12.

Cum Parochiani habent jus nominandi Parochum ratione foundationis, tunc singuli, seu mares seu feminae, seu minores habent jus nominandi in capita, ut ex Pitone *de Controv. Patror. All. 100. n. 394.* firmatur. *Ibid.* §. 13.

Commenda, Prioratus, atque Præceptorie Ordinis Hierosolymitani a Canonistis quidem tanquam beneficia habentur, in quibus si intercedant preces, pactiones, & munera, Simonia committitur: id tamen negant communi consensu Theologi; animadvertentes non esse illis adnexum spiritualis ministerii exercitium, neque necessario conferri Clericis, quæ duo exigunt beneficia, quanquam negari non potest, gravem abusum ea in re intercedere, quem tollere admissus est Clemens XI. in suo Brevis ad magnum Magistrum ejusdem Ordinis, in quo etiam declarat collationes hæc nullas, & irritas esse, & fore. *De Synod. Dioces. Lib. 12. Cap. 5. §. 15. nov. Edit.*

SOLLICITATIO IN CONFESSIOIBUS.

Sollicitatus nulla lege prohibetur, quomitus ante denuntiationem sollicitantis, illum occulte admoneat, ut sibi provideat, sponte se offerendo Tribunali. Tenetur tamen etiam admonitus compareat, & sit ex correptione emendatus, illum denunciare, ut ex propositionibus ab Alexandro VII. damnatis eruitur. *De Synod. Dioces. Lib. 6. Cap. 11. §. 9. & 10. nov. Edit.*

Præceptum denunciandi Confessarios sollicitantes ad turpia, & pœnæ aliæ huic sollicitationi indicæ non extenduntur ad alia crimina a re veneræ diversa. *Ibid.* §. 14. *nov. Edit.*

S P E C T A C U L A.

Spectacula inverecunda, uti sunt puerorum, & adolescentium nudorum cursus, & luctæ, etiamsi longa consuetudine introductæ, ne permittantur ab Episcopis, legibusque latis prohibeantur, mandat Pontifex in Encyclica ad Episcopos Campaniæ NIHIL PROFACTO Bull. Tom. I. n. 60.

S P O N S A L I A.

Si alteruter ex Sponsis se ad alias partes transferat in scio altero, admonendus est Superior Ecclesiasticus, qui tempus aptum assignet absenti, ut redeat, quo elapso si non pareat, vinculum dissolvitur. *Institut. Eccles. 46. §. 5.*

Sponsalia de futuro inita absque præsentia Parochi, vel absque scriptura valere semper pronuntiavit S. Congregatio, cum Tridentinum tantum aboleverit Matrimonia clandestina. Priora vero sponsalia etiam non iuxta, etiam sine copula prævalent secundis sponsalibus, etiam juratis, & etiam cum copula, ut ex communi DD. *Institut. Eccles. 46. §. 8.*

Sponsalia inita invitis parentibus, quanquam judicari possint valida, illicita sunt tamen, & detecto dissensu parentum solvi possunt, etiamsi jurata sint, quod invictè probat Archi-Episcopus Rossanensis D. Luscetola in Dissertatione legenda in Tom. I. Operum Zauli ad Statuta Faventiæ. *Ibidem §. 16.*

Sponsalia absque interna voluntate exequendi promissa, dubium est an obligent: est tamen grave peccatum sic promittere. *Ibid. §. 16.*

Oscula ob delectationem carnalem, & sensualem, juxta terminos Propositionis 40. inter damnatas ab Alexandro VII. ob paritatem rationis neque inter sponsos licita sunt. *Ibid. §. 18.*

Sponsus, qui sponsam seduxit ad copulam, non potest puniri pœna stupri ob aliquod jus, quod habet

bet in corpus illius, ut ex Decretis S. Congregationis apud Fagnanum. *Ibid.* §. 20.

Promissio de presenti absque presentia Parochi, & testium, neque valet ratione matrimonii, neque sponsalium, ut ex pluribus Decretis S. Congregationis. *Ibid.* §. 24.

S Y N O D U S.

Synodus Diocesana non necessario transmittitur ad Sacram Congregationem Concilii, ut ab ea recognoscatur, emendetur, & approbetur. *De Synod. Dioces. Lib. 8. Cap. 3. §. 6.* Nam Sixtina Constitutio, quæ afferri ad id posset, nihil ea de re statuit, nisi quoad Concilia Provincialia.

Constitutiones Synodales statim ac promulgantur ligare subditos incipiunt, neque bimestre expectandum, ut de Legibus Imperialibus edicitur. *L. Leges sacratissimæ C. de Leg. & Rub. Novel. 66.* & de Legibus Pontificiis Doctores quidam asserunt, aliis magis communiter negantibus. Nihil enim circa hoc statuitur de legibus ab inferioribus latis, ut monent DD. plures. *De Synod. Dioces. Lib. 13. Cap. 4. §. 2. nov. Edit.*

Regulares etiam subjiuntur legibus Synodalibus in iis, quæ respiciunt curam animarum, & Sacramentorum administrationem, ex *Trid. Sess. 25. Cap. II. de Regularibus*; quamvis secus sit in aliis, sed ad evitandam deformitatem sese illis conforment oportet, non tamen sub gravi eas negligenter, notante Suario. Censet tamen Pontifex contra nonnullos Regulares, quamvis teneantur ad festa Diocesanos ex *Trid. Sess. 25. Cap. 12. de Regul.* non tamen teneri ad jejunia ab Episcopo indicta, nisi alia consuetudo in quibusdam Monasteriis sorte invaluisset. *De Synod. Dioces. Lib. 8. Cap. 4. §. 5. l. 13. c. 4. §. 5. & 6. nov. Edit.*

T A B A C U S.

Tabacum per nares trahere, vel ejus fumum in os inducere ante Missæ celebrationem, vel communionis perceptionem nequaquam interdicendum censet Pontifex, neque prohibendum judicat, cum ob receptam, ac pervulgatam ejusmodi consuetudinem omnis in ea re modo absit inhonestas, & indecentia. *De Synod. Diœces. Lib. 7. Cap. 63. §. 3. l. II. c. 13 §. 3. nov. Edit.*

T E R T I A R I Æ.

Mulieribus Tertiariis non collegialiter viventibus non possunt Regulares dare habitum sui Ordinis sine licentiâ Episcopi Diœcesani, cui debent rite probare habere se hoc privilegium Sedis Apostolicæ, scœminas illas esse moribus probatas, habere illas ultra annum decimum quartum, tantum possidere de annuis redditibus, ut habeant satis ad alimenta; ac denique non cum aliis eas cohabitare, quam cum necessariis in primo tantum gradu consanguinitatis, vel affinitatis sibi conjunctis, ut ex Decret. S. Congreg. in causa Mazariensi die 10. Maji 1727. *De Synod. Diœces. Lib. 7. Cap. 41. §. 8. l. 9. c. 15. §. 9. nov. Edit.*

Tertiariæ collegialiter viventes, votis tamen solemnibus, & clausura non adstrictæ, cum sint contra Bullam 8. S. Pii V. a S. Congregatione tolerantur potius, quam approbantur, sunt autem omnimode Episcopi Jurisdictioni subjectæ, ut ex pluribus S. Congregationis Decretis. *Instit. Eccles. 20. §. 13.*

Tertiariæ non collegialiter viventes non possunt habere Confessarium quemcumque etiam sui Ordinis, nisi approbatum ab Episcopo pro Confessionibus sæcularium. Item non possunt Regulares illis die Paschæ Sacramentum Eucharistiæ ministrari. Defunctarum corpora sepulturæ mandanda sunt in Ecclesia

ſia Parochiali, niſi forte in Eccleſia Regularium ſui Ordinis ſepulchrum eſſet illis deſtinatum. *Inſtit. Eccleſ. 19. §. 14.*

Benedictus XIII. multa conceſſit Tertiariis, ſive vivant in communi Monafterio, ſive domi ſuæ vitam agant privatam, quæ utique jus novum concedere videntur; ſed cum Clemens XII. in ſua Conſtitutione *Romanus* anni 1732. Jura Tertiarium revocaverit, ad terminos Concilii Tridentini, ac Decretorum Apoſtolicorum; ideo nihil novum de illis ſtatuendum eſt. *Ibid. §. 16.*

Tertiariæ non collegialiter viventes ex recepta S. Congregationis immunitatis opinione, gaudent immunitate fori. Viciffim autem Tertiariæ in domibus privatis habitantes eodem privilegio non gaudent, ex Doctoribus definitur. *Inſtit. Eccleſ. 105: §. 68.*

TESTAMENTUM.

Teſtamentum factum coram Parocho, & duobus ſaltem teſtibus idoneis valet pro toto Statu Eccleſiaſtico, niſi obſtet ſtatutum aliquod municipale, ex diſpoſitione Cap. *Cum eſſes 10.*

Teſtamenta ad cauſas pias in toto Orbe Catholico valent ſi ſiant coram duobus teſtibus, ex Cap. *Relatum 11. de Teſtamentis. Inſtit. Eccleſ. 105.*

Quoad diſpoſitionem Capitis *Cum eſſes* non ſufficit ſi ſint duo vel tres Teſtes & abſit Parochus, cum in canone ſit *Coram Presbytero ſuo*. Nec ſufficit ſi defectum Parochi ſuppleat Capellanus; ſicut neque ſi præſentiam præſtet Confefſarius ordinarius. Demum teſtes maſculi requiruntur, nec ſceminæ valent. Demum valet teſtamentum ita conditum etiam ſi teſtator non ſit in extremo vitæ periculo. *Ibid. §. 8. 9. & 10.*

Scribenda ſunt Teſtamenta a Parocho coram teſtibus, & a teſtatore ſubſcribenda, ſicut etiam a Parocho, & teſtibus. Si tamen ſcribere ignorent, ſufficit

ficit Scriptura Parochi, & signum Crucis impressum in charta a testibus. *Ibid.* §. 14.

Ita scriptum testamentum saltem intra octo dies Parochus cum testibus deferre debet tabellioni, & si adsit subscriptio Testatoris, & testium, non requiritur ut singula contenta in testamento referant Notario. Si nulla sit testatoris subscriptio, tunc Parochus, seu Sacerdos viva voce exprimere debet quidquid in eo testamento continetur, quod, & a singulis testibus seorsum præstandum est. Denique, & singuli illi subscriptionem suam agnoscant. *Ibid.* §. 10. Has vero omnes depositiones scribat tabellio, & jungat testamento.

Ad servanda vero quæ in testamento mandantur, discussio Parochi, & testium agenda est a Judice competenti, citata parte, cujus interest, excepta tamen consuetudine, ut valeant Testamenta, nulla facta publicatione, si illa reposita sint in Archivis. *Ibid.* §. 16.

V A S A S A C R A.

Vasa sacra dum actu continent Corpus, & Sanguinem Christi tangere nemo alius permittitur, nisi Sacerdos, & Diaconus.

Subdiaconis datum est in Altaris Ministerio tangere Calicem, & Patenam dum Corpus, & Sanguinem Christi non continent.

Acolythis licet tangere illa, sed extra Ministerium Altaris, quod etiam extenditur ad omnes illos, qui prima Tonsura initiati sunt. Hæc omnia ex Theologis. *Instit. Eccles.* 34. §. 18.

V E N D I T I O.

Clerici beneficiati prohibentur unico actu vendere commodum, seu utilitatem percipiendi fructus Beneficii quoad vixerint, vel per longum tempus, recepta pecunia in ea summa, de qua conventum est

est inter contrahentes, siue pecunia illa tota simul solvatur, siue per plures solutiones. Id vero vetitum sub excommunicatione & aliis pœnis contrahentes bona Ecclesiastica inflicti; & contractus omnes ita celebrandos in futurum Pontifex irritat, & annullat. Constit. UNIVERSALIS ECCLESIAE Bull. Tom. I. n. 29.

In contractu emptionis, & venditionis, si fiat pactum, quo venditor, quodcumque voluerit rem venditam redimere, obligetur in vi ejusdem pacti plus dare, quam receperit in venditione, contractus est injustus. *De Synod. Dioces. Lib. 7. Cap. 51. §. 4. l. 10. c. 8. §. 4. nov. Edit.*

Si venditio fiat cum pacto redimendi intra certum tempus, quo elapso non sit amplius locus retrovenditioni; iste contractus sapit usuram, ex eo quia videtur induere naturam pignoris. *Ibid. §. 4.*

V I A T I C U M.

Ægroto impotenti Viaticum sumere, non licet facram particulam deferre ad eam venerandam, & deosculandam, quod fieri vetuit S. Pius V. & S. Congregatio Concilii. *De Sacrif. Miss. Lib. 3. Cap. 19. §. 4.*

Morturo impotenti Eucharistiam sub specie panis deglutire, non potest Sacramentum administrari sub specie vini, neque sub specie panis intincti in vino consecrato, sed omnino relinquendus est non refectus sacra Communione, cum præceptum Viatici non obliget, nisi cum ministrari potest ritu ab Ecclesia non prohibito; iste vero ritus ab Ecclesia Latina omnino prohibetur. *Ibid. §. 6.*

Vicissim autem licite administratur sub specie panis vino vel aqua non consecrata madefacti, ut facilius deglutiatur. *Ibid.*

VICARIUS CAPITULARIS.

Ecclesia vacante tota Episcopi Jurisdictio devolvitur ad Capitulum Cathedralis Ecclesiæ per Textum in Cap. *His, quæ* & Cap: *Cum olim de Majorit. & Obed.* ac illud quidem eam per se exercere possit nisi obstaret jus novum Tridentini. *Seff: 24. Can. 16 de Ref:* quod mandat, ut intra octo dies post inductam, seu ut decidit S. Congregatio post habitam notitiam vacationis, Vicarium constituere teneatur per quem illam exerceat. Si vero negligat, vel Ecclesia vacans careat Capitulo, tunc ad Metropolitanum spectat; vel si nulli subjecta fuerit, ad viciniorum Episcopum. Si vero tunc Metropolitanus vacaverit, jus istud transit ad Capitulum Metropolitanæ. Hæc omnia ex Decisionibus S. Congregationis deducuntur in *Lib: 2. Cap. 9. §. 2. De Synod: Diæces: nov: Edit.*

Verum antiqua consuetudo quarundam Ecclesiarum, in vacantis Ecclesiæ administratio transeat in aliquem in Ecclesiastica dignitate constitutum, retinenda est, ut ex Rota. *Ibid.*

Dispensationes ab Apostolica Sede ad Episcopum, seu ejus Vicarium Generalem delegatas, & ante Episcopi obitum nondum executioni mandatas, Vicario Capitulari exequi non licet, quia nec est Episcopus, nec Vicarius Episcopi. *Ibid: §. 3.*

Semel vero electus a Capitulo Vicarius removeri non potest, nisi causa agnita a S. Congregatione, uti decisum refertur. *Ibid. §. 4.*

Utrum Vicarius Capitularis ea possit, quæ non nisi speciali mandato Vicarius Episcopi præstare potest, Doctores in utramque partem disputant. *Ibid.*

Cum Vicarius Apostolicus datur Ecclesiæ vacanti, nullam habet aliam auctoritatem præter eam, quam Vicarii Capitulares ea occasione obtinent. *De Synod: Diæces: Lib. 2. Cap. 20. nov. Edit.*

232 *Epitome Doctrinae Moral. & Canon.*
VISITATIO DIOECESANA ET SACRORUM
LIMINUM QUOAD EPISCOPOS.

Episcopo non prohibetur quidem bis quotannis Diocesim suam visitare, sed non nisi unicam tantummodo per annos singulos procuracionem exigere potest, ut ex pluribus S. Congregationis Decretis. *De Synod. Diæces: Lib. 7. Cap. 53. §. 5. l. 10. . 10. §. 6. nov. Edit.*

Vicarius Capitularis potest Diocesim visitare post peractum annum a visitatione ab Episcopo facta, ut pluribus S. Congregationis Decretis decisum est. *Ibid: Lib. 2. C. 9. §. 5. & nov. Edit.* Illi tamen non nisi dimidium procuracionis, quæ solvitur Episcopo, retribuenda est, eum debeat minori comitatu incedere, & constat ex resolutione S. Congregationis in una Ostunensi die 7. Julii 1708. *Ibid: Lib. 7. Cap: 53. §. 5. l. 10. c. 10. §. 6. nov. Edit.*

Episcopi omnes ex vi Constitutionis *Romanus Pontifex* a Sixto V. editæ, antequam consecrentur, si Romæ existant, in manibus S. Romanæ Ecclesiæ primi Diaconis Cardinalis; extra Curiam vero in manu Antistitis ad hoc delegati ex formula præscripta jurant se statis temporibus limina SS. Apostolorum visitaturos per se, si ve legitime impeditos per aliquem de suo Capitulo, vel alium in dignitate Ecclesiastica constitutum, vel beneficio præditum, & si hi defuerint per Sacerdotem aliquem Diocesanam sæcularem, vel Regularem.

Tunc autem Romano Pontifici rationem reddere tenentur de Pastoralis Officio impleto, & iis omnibus, quæ ad suam Diocesim pertinent. Sacræ autem Congregationi Concilii injunctum est munus, ut postulata Episcoporum illorum discutiat, & det illis responsa, sicuti & videndi num legitime sint impediti. *De Synod. Diæces: Lib: 16. Cap: 6. §. 11. nov. Edit.*

Tempus, intra quod obeunda est ista visitatio, aliis quidem longius definitum est, aliis brevius, sed non minus quam triennium, nec supra quadriennium. *Ibid.* §. 3. Porro si Episcopus habeat Coadjutorem ab Apostolica Sede datum, sufficit si Coadjutor nomine Episcopi adeat, sicut etiam sufficit si mittatur Administrator Episcopatus, qui debet visitare limina sua, & principalis sui nomine, ut ex Decisis a S. Congregatione. *Ibidem.* §. 5.

Id etiam præstandum est ab Episcopo titulari, ut ex Fagnano, aliisque *Ibid.* probatur. §. 5.

Denique nec eximuntur Episcopi Ecclesiarum suburbicariarum, quamvis exempti sunt a Residentia. Ita ex Decret. *Consistoriali* Alexandri VII. *Ibid.* §. 6.

Postremo Prælati minores, qui proprie territorium habent vere separatim, in quo independentem a quocunque Episcopo jurisdictionem spirituales exercent, ad eandem visitationem tenentur, ut ex Responsi: Sac: Congreg: ex Bulla QUOD SANCTA data die 27. Novembris Anni 1740. a Benedicto XIV. constat.

Econtra vero non tenentur ii Prælati inferiores, qui territorium separatim non habent, ut satis constat. *Ibid.* §. 9.

V O T U M.

Vota simplicia etiam castitatis, & Religionis, ac sacrarum Peregrinationum dispensando commutare potest Major Pœnitentiarius Romanus. Bulla PASTOR BONUS Bull: Tom: I. n. 95. §. 29.

U S U R A.

Usuræ peccatum illud est, cum aliquid lucrû exigitur ultra sortem ratione mutui. Nes hoc a vitio vacat, etiamsi moderatum sit lucrum, quod deponitur. Ratione tamen titulorum quorundam quos extrinsecos vocamus a contractu mutui, exigi potest

annuus proventus, in quo tamen cavendum est, ne
quid nimis accipiatur. Sicut etiam non semper ii-
dem tituli in contractu mutui celebrando adfunt.
Quin & accidit quandoque in nonnullis rerum cir-
cumstantiis, ut nulli alteri justo contractui locus
esse possit, & adfit obligatio, ut nudo mutuo alteri
succurramus. Hanc doctrinam ab omnibus palam do-
ceri mandat Pontifex monetque insuper, ut si quan-
do in mutuo præstando alii legitimi tituli adfint pro
annuo lucro exigendo, in celebratione Contractus
mutui explicentur. Hæc omnia latius in En-
cyclica ad Episcopos Italiae VIX PERVE-
NIT &c. Bull: Tom: I. n. 143.

F I N I S.

Ad Majorem DEI Gloriam.




um est, ne
semper ii-
ndo adfunt.
rerum cir-
actui locus
tuo alteri
s palam do-
at si quan-
adfint pro
contractus
in En-
RVE-



Biblioteka Jagiellońska



stdr0028927



EPITOME
DOCTRINAE